陳

寅

恪

集

獨立之精神自由之思

店

将代政治法 10

拼

唐代政治史際寅恪集

述論稿

· 請書 · 新知 三聯書

店

Copyright © 2015 by SDX Joint Publishing Company All Rights Reserved. 本作品版權由生活·讀書·新知三聯書店所有 未經許可,不得翻印。

圖書在版編目 (CIP) 數據

陳寅恪集. 隋唐制度淵源略論稿·唐代政治史述論稿/ 陳寅恪著. 一3 版. 一北京: 生活·讀書·新知三聯書店, 2015.7

ISBN 978-7-108-05403-6

I. ①陳··· Ⅱ. ①陳··· Ⅲ. ①陳寅恪 (1890 ~ 1969) - 文集 ②政治制度 - 研究 - 中國 - 隋唐時代 Ⅳ. ① C52 ② D691.2

中國版本圖書館 CIP 數據核字 (2015) 第 131962 號

封面所用拓片文字節自一九二九年立於清華大學內王國維紀念碑碑銘(陳寅恪撰文...林志鈞書丹)

定 字印 版 印 責任印制 封扉設計 陳寅恪集編者 版式設計 責任編輯 次 北京市東城區美術館東街二十 生 寧成春 陸智昌 孫曉林 六三五毫米×九六五毫米 新華書店 鸿博昊天科技有限公司 一四六千字 一〇〇九年九月北京第二版 一五、〇〇 一 五年七月北京第三版 ō 活 00010 乐 陳美延 一五年七月北京第七次印刷 計 一年四月北京第 書 = -印張二十二十七五 新 -Jin 三聯書店 000#



館叢稿二 陳寅恪集十三種十四 授,一九五二年後為中山大學教授。一九五五年後并為中國科學院哲學社會科學學部委員。 先後任教於西南聯合大學、香港大學、廣西大學和燕京大學。一 及故宮博物院理事等, 蘇黎世大學、法國巴黎高等政治學校和美國哈佛大學。一九二五年受聘清華學校研究院導 陳寅恪(一八九〇——一九六九),江西修水人。早年留學日本及歐美,先後就讀於德國柏林大學、瑞士 九四二年後為教育部聘任教授。一九四六年回清華大學任教。一九四八年南遷廣州,任嶺南大學教 後任清華大學中文、歷史系合聘教授,兼任中央研究院理事、歷史語言研究所研究員 聯書店 編 一九五 版社 隋唐 出版。 制度淵源略論稿、 冊 七年版重印), 内容基本不變。 其後當選為中央研究院院士。一九三七年 收入了現在所能找到的作者全部著述。 此次出版以上海古籍版為底本 唐代政治史述論稿、元白詩箋證稿 惟寒柳堂集增補了 隋唐制 其中 度淵源略論稿、 九四四年被選為英國科學院通 蘆溝橋事變」後挈全家離北 寒柳 柳如是 堂集、 2別傳七百 唐代 金明館叢 政治史述論 種 稿 八十年 初編 第一組主 師 訊院 平 回國 南 任 任

文。詩集(原名陳寅恪詩集附唐賞詩存)和讀書札記

一集(原名陳寅恪讀書札記舊唐書新唐書之部)八九十年代

寒柳

堂記夢

未定稿

補

分別由清華大學出版社和上海古籍出版社出版, 講義及雜稿四種均為新輯。 全書編輯體例如下: 此次出版均有增補。 書信集、 讀書 札記二集、 讀書札記

一、所收内容, ,已發表的均保持發表時的原貌。經作者修改過的論著, 則採用最後的修改本。 未刊稿主

要依據作者手跡錄出。

校核, 述係針對原版本而來, 二、本集所收已刊、 如二十四史、 資治通 未刊著述均予校訂, 則引文原貌酌情予以保留。 鑑等。 尚無點校本行世的史籍史料, 凡體例不一或訛脫倒衍文字皆作改正。 以上改動均不出校記。 大多依通行本校核。 引文一般依現行點校本 少量作者批語

三、凡已刊論文、 序跋、 書信等均附初次發表之刊物及時間 未刊文稿盡量注明寫作時間。

保留少數異體字。引文中凡為閱讀之便而補入被略去的內容時,補入文字加〔〕,凡屬作者說明性文 四、根據作者生前願望, 全書採用繁體字豎排。人名、 地名、 書名均不加符號注明。 一般採用通 行字,

助。 陳寅恪集的出 在此 謹 向所有關心、 版曾得到季羨林、 支持和參與了此項工作的朋友表示衷心的感謝, 周一良、李慎之先生的 指點, 並獲得海內外學術文化界人士的熱情相 並誠怨地希望廣大讀者批評

指正

字則加()。

原稿不易辨識的文字以□示之。

生活・讀書・新知三聯書店二〇〇〇年十二月

寒柳堂集

講書信集 讀書札記一集 讀書札記三集

金明館叢稿 金明館叢稿二編 唐代政治史述論稿 元白詩箋證稿



前排左起:陳三立、命方濟(新午子)、陳小香山、於白皮松前合影 一九三六年

陳寅恪

陳小從(隆恪女)、黄國巽(衡恪夫人)、陳隆恪、彭,後排左起:陳新午、喻婉芬(隆恪夫人)、



九三九年暑假

合影 会影



一九四〇年 番期間留影



全起 小生 美紅 唐賀 差水 8度 六九號樓下潔瑩幼稚園側 一位 年夏

· 智有其意為 一九 明美 之法於者日酬樂為名但放上防非於事尤面內朱亦子後腳此名、私無听改至於北衛衛腳聯議回德禁律者來漢及聽來有此應晉太學 財弟子私取用者即同同居卑幼私輒用財 當得以無即事如頭影益一華凡人得罪弟子 禁上 凡 十八條

諸国 疏過日太者大也願者遊也言皇眼神主在於關人太廟門及山陵北坡門者徒二年期語不 慶亦通言由從言高大如山如陵北城門者奉

守應入出者悉有名館不應入而入為關入各

上云論津會及式不便於時者不坐若先沒合武鐵定以應改張之減奏聞若不申尚書者職類即 卷第十二

檢

糖

律

能

Hall:

月蜡

在行者雖既戶及計口多者各從獨口法 籍脫口者家上徒三年無課役者减二等女戶又被 事附之名為婚戶住降開急以戶在婚的改為戶職職門戶屬律護相辦何承泰六篇律後加職與 疏議日率上黔進皆有籍書若一戶之内盡脫漏

で七七下十七夜官最化五 是一子不為一五K

一等徒二年若戶內並無男夫直以女人為

かったたことで 民有京海

戶婚上

凡

-|-

四條

見於 唐律

隋唐制度淵

鴻

疏議

書陳寅恪批 略論稿 語 ['4] [6] 亦 唐代改作主称明為

一九四一年

稿 一書名頁稿 一唐代政治史述論陳寅恪手寫清稿 「唐代政治史述論

風放告 東京東京東京中、此面到精禮情,在三町有一本教情事,東京東京北町紀立法教育、提供了内方屋然,不教情事,東京政司、東京教育、安京创了年本教育、東京政治、東京教育、東京政治、東京教育、東京教育、東京

唐代政治史略稿 手寫清稿正文

隋唐制度淵源墨論 稿

唐質題寫

隋唐制度淵源略論稿 總 目 次

唐代政治史述論稿 - 'セセ

下篇	中篇	上篇
外族盛衰之連環性及外患與内政之關係 三二	政治革命及黨派分野	扁 統治階級之氏族及其升降
=	= -	二



論

南暨交 確創 體 合舊籍所載 傳世將三百年, 獲之研究甚 而其文頗多重 並舉合論 趾 及新出 東 至 非 此 H 本 易事 遺文之有關 複 不待煩言而解者。 而楊隋享國為日至短, 近歲 西 0 極中 夫隋 雖有新出遺文, 隋 Œ 唐 唐 兩 兩 而迄 朝 朝 為 獨其典章制度之資料今日得以依據以 鮮 制度者, 吾國 通 論 足資補證 中 兩朝之典章制度傳授因襲幾 其 古 淵 分析其 極 源 盛 流 之世, 然其關係 、因子, 變之專書, 其文物制度流傳廣播 推論 其 則吾國史學之缺 重要者實亦至少, 故欲為詳 源流 無不同, 討 成此一書, 論 者 故可 憾也。 僅傳世 北逾大漠 聊供 視 茲綜 為 初

也。 隋唐之制 (西 其在舊史往往以「漢魏」制度目之, 魏 至 度雖 南 齊其 周。 極 所謂 間 廣博紛複 所發展變遷, 而為北魏孝文帝及其子 北 魏、 然究析其因素, (北)齊之源者 實則其流變所及, 不出三源:一曰(北)魏、 ,凡江左承襲漢 孫摹仿採用 不止限於漢魏, 魏、 西晉之禮樂政刑典章文物, 傳至北齊成一大結集者是 (北)齊, 而東晉南朝前半 一日梁、 陳, 期俱

匪敢

吉

能

補

IE

前賢之闕

失

也

朝前 此 物 隋 制 境 源 實 不 收 包 唐 度 採 隅 括 書本為供初學讀史者參考 日 可 含者 半 晉之遺 兼 用 繼 而産 不詳論者也。 在 如 影 内 承 府 凡 該 故魏孝文及 至 期之文物 北 兵 · 西 實較微末。 生之混合品。 西 陳 而 制 風 魏 制 傳之於李唐者 魏 故 史又 魏 即 取 此 若 其 北 蓋 凉 制 所謂梁陳之源者 陳之 其 周之遺 就 周 州 度 或 ① 北 例也 故在 子 皆 以 地 之 孫未)魏 繼梁 所有舊史中 域 屬 創 Ш 於 言之, 作有異於 東 易言之, 源之中 能採用, 此 (北)齊之 西文化 M É 遂不 其 節 之者 典 圍 73 能辨析名實真偽, 弱 章 遂 也。 弱 其體裁若與 Ш 此(西 ~源其 輸 制 即 凡梁代 隴之新創 加 隴 東 南 又西 則以 北 度多因 X 品 及江左之舊 、於魏 中 齊 朝後半 内)魏 乏 繼 晉 亦有 H 保存之舊時 東之 設及依託 仍 承 永嘉之 大結集 周之源 期 不改 創作陳 其 河 西之 内 後 地 入附麗 制 其 北 往往於李唐之法制誤認為(西)魏 亂 指 遠不 文物 其事 中 氏 周官諸 魏孝文、 11 漢族文化 支派 或陰 遂 大 中 齊 則 如其 [計] ·舊 制度之變遷 襲無改 原 無 於事 制 為六 史言之詳 此 魏 他二源之重要。 斯 宣 度 大 晉 凡 , 尤便, 皆 之制 素者 武 鎮 則 以 北 所適 屬 前 降 兩 齊 鮮 一發展 代所製 也。 度, 此 矣。 人所 之文 卑 承 故分別事 應 襲 類 鮮 迄楊 舊 化 所 乃上肅等輸入之所 未 野 兀 卑六 其 史 深 定 謂 轉 魏 俗 然後 措意 所 隋 移 所 西 鎮 響及 稱之 典 統 保 採 或遠)魏 世 勢力之環 存 用 序次先 周之遺 史家以 於隋唐 中 而 制 於 東 梁 承 今日 度遂 或 晉 魏 制

舊

史

類

州

吸

後, 可表見新知之創獲 約略參酌隋唐史志及通 博識通人幸勿以童牛角馬 典、 唐會要諸 書, 見責也。 而稍為增省分合, 庶幾不致盡易舊籍之規模,

亦

也。 又此 已論證者,如三源中諸人之家世地域等,則於後諸章不復詳及, 天竺著述體例固如是也,後人於此殊多誤解,以其事非本書範圍,故不詳論)。 大智度論序及大智度論記。 謹附識於叙論之末, 一書微倣天竺佛教釋經論之例 以見此書之體制 寅恪案 首章備致詳悉, 鳩摩羅什譯經雖有刪煩 馬。 後章則多所闕略(見僧祐書二藏集記拾僧叡 ,然於大智度論實未十分略 實則後章所討論仍與之有關 故於前禮儀章

九

蓋

一禮 儀附:都城建築

於少數特殊階級,似可不必討論,此意皆賢亦有論及者矣。如新唐書壹壹禮樂志云: 舊籍於禮儀特重, 記述甚繁,由今日觀之,其制度大抵僅為紙上之空文,或其影響所屆,

代已亡,遭秦變古,後之有天下者,自天子百官、名號位序、國家制度、官車服器, 以教民。」此所謂治出於二,而禮樂爲虚名。故自漢以來史官所記事物名數、 用秦。至於三代禮樂具其名物,而藏於有司,時出而用之郊廟朝廷,曰:「此爲禮也,所 由三代而上,治出於一,而禮樂達於天下,由三代而下,治出於二,而禮樂爲虚名。 降登揖讓、 及三 一切

又歐陽文忠公集附歐陽發等所述事蹟云:

拜俛伏興之節,皆有司之事爾,所謂禮之末節也。

然用之郊廟朝廷,

自播紳大夫從事其間

者皆莫能曉習,而天下之人至於老死未嘗見也。

其於唐書禮樂志發明禮樂之本,言前世治出於一,而後世禮樂爲空名;五行志不書事應, 悉壞漢儒災異附會之說,皆出前人之所未至。

寅恪案:自漢以來史官所記禮制止用於郊廟朝廷,皆有司之事,歐陽永叔謂之為空名, 誠是

也。沈垚落驅樓文集捌與張淵甫書云:

禮家精粹之言。至明士大夫皆出草野,與古絶不相似矣。古人於親親中庽貴貴之意, 六朝人禮學極精, 唐以前士大夫重門閥, 雖異於古之宗法, 然與古不相遠, 史傳中所載多 宗法

與封 建相維。 諸侯世國, 則有封建,大夫世家, 則有宗法。

切,而上大夫階級又居當日極重要地位,故治史者自不應以其僅為空名,影響不及於平民,遂 寅恪案:禮制本與封建階級相維繫, 忽視之而不加以論究也。 一子敦之説是也。 唐以前上大夫與禮制之關係既如是之密

通鑑壹柒陸陳紀至德三年條云:

隋主命禮部尚書牛弘修五禮,

勒成百卷,

[正月]戊辰韶行新禮。

隋書壹高袓紀上(北史壹壹隋本紀上同)云:

開皇五年春正月戊辰韶行新禮。

書貳高祖紀下(北史壹壹隋本紀上略同)云:

H

仁壽二年閏[十]月己丑韶曰:「尚書左僕射越國公楊素、尚書右僕射邳國公蘇威、 書奇章公牛弘、内史侍郎薛道衡、祕書丞許善心、内史舍人虞世基、著作郎王劭或任居端

博達古今, 或器推令望,學綜經史,委以裁緝,實允僉議,可並修定五禮。」

日 書陸禮志總序 略 云

梁武始命羣儒裁成大典, 高堂生所傳士禮亦謂之儀, 陳武克平建業, 泊西京以降, 多準梁舊。 用相 裁準。 [隋]高祖命牛弘、 黄初之詳定朝儀 辛彦之等採梁及北 則宋書言之備矣。

通典肆壹禮典序(參南齊書玖禮志序及魏書壹佰捌禮志序)略云:

齊儀注,以爲五禮云。

顗、 魏以王粲、 鄭沖 典禮,參考今古, 衛覬集創 朝儀, 而魚豢、王沈、陳壽、孫盛雖綴時禮,不足相變。晉初以荀

更其節文。羊祜、

篇。

後摯虞

緝舊文,

蔡謨

又踵修綴。

傅成纘續未成,屬中原覆没,今虞之決疑注是其遺文也。 宋初因循, 前史並不重述。 任愷、 齊武帝永明二年韶尚書令王儉製定五 庾峻、 應貞並加 删集, 江左刁協、 ,成百六十五 荀崧補

遺:孝文帝率由舊章,擇其令典,朝儀國範焕乎復振。隋文帝[命]牛弘、辛彦之等採梁及 禮。至梁武帝命羣儒又裁成焉。陳武帝受禪,多準梁舊。 後魏道武帝舉其大體, 事 多闕

北齊儀注 以爲五禮。

隋書叁叁經籍志史部儀 案梁明山賓撰吉儀禮注二百六卷,録六卷,嚴植之撰凶儀注四百七十九卷,録四十五卷; 注類 梁賓禮儀 注九卷賀瑒撰注 j.

陸璉撰軍儀注一百九十卷,録二卷,司馬褧撰嘉儀注一百一十二卷,録三卷,並亡。存者

唯士吉及賓合十九卷。

後齊儀注二百九十卷。

퇔丘次到坦專(比乜貳次到坦專司)各云。

隋朝儀禮一百卷, 牛弘撰。

魏書伍玖劉昶傳(北史貳玖劉昶傳同 劉昶,義隆第九子也, 義隆時封義陽王,和平六年間行來降。於時(太和初)改革朝儀,)略云:

上書玖壹術藝傳蔣少游傳(北史玖拾藝術傳蔣少游傳同)略云:

蔣少游,樂安博昌人也。慕容白曜之平東陽,見俘入於平城,充平齊户,後配雲中爲兵。

H

昶與蔣少游專主其事。

昶條上舊式, 略不遺亡。

韶

昶 故。 修船乘, 將營太廟太極殿,遣少游乘傳詣洛,量準魏晉基址。後爲散騎侍郎, 具。及華林殿沼修舊增新,改作金墉門樓,皆所措意,號爲妍美。又兼太常少卿, 及韶尚書李沖與馮誕、 二意相乖, 景明二年卒。少游又爲太極立規模,與董爾、王遇參建之,皆未成而卒。 以其多有思力,除都水使者,遷前將軍, 時致静競, 、游明根、高間等議定衣冠於禁中,少游巧思,令主其事,亦訪於劉 積六年乃成, 始班賜百官。冠服之成, 少游有效焉。後於平城 兼將作大匠, 仍領水池湖泛戲舟職之 副李彪使江 南。 高祖

同書柒高祖紀下(北史叁魏本紀同)云:

[太和]十年八月乙亥給尚書五等品爵已上朱衣玉珮大小組綬。

以前 寅恪案: 蓋肅之入北實應當日魏朝之需要故也。 即北史肆貳王肅傳所謂「其間朴略, 劉池、 蔣少游俱非深習當日南朝典制最近發展之人, 故致互相乖諍。其事在太和十年 ,未能淳」者。至太和十七年王肅北奔, 孝文帝虚襟相

魏書肆叁房法壽傳附族子景伯景先傳(北史叁玖房法壽傳附景伯景先傳同)略云:

高祖諶避地渡河,居於齊州之東清河繹幕焉。顯祖時三齊平,

随例内徙爲

半齊民。景伯性淳和, 涉獵經史。

法

壽族子景伯

常劉芳、侍中崔光當世儒宗, 景先幼狐 郎。侍中穆紹又啓景先撰世宗起居注,累遷步兵校尉, 太和中例得還鄉 無資從 師, 郡辟功曹, 其母自授毛詩曲禮。 歎其精博, 州舉秀才, 光遂奏兼著作佐郎, 值州將卒, 晝則樵蘇 領尚書郎齊州中正,所歷皆有當官 不得對策, 夜誦經史, 修國史, 解褐太學博士。 尋除司徒祭酒員外 自是精勤, 遂大通 時太

北史貳肆崔逞傳附休傳(魏書陸玖崔休傳同)略云:

景先作五經疑問百餘篇,其言該典,今行於時。

休曾祖諲仕宋, 位青冀二州刺史 祖靈和宋員外散騎侍郎,父宗伯始還魏。孝文納休妹爲

)略云:

劉芳, 釋 舅元慶爲劉子業青州刺史沈文秀建威府司馬,爲文秀所殺,母子入梁鄒城。慕容白曜南討 州長史。芳出後伯父遜之。邕同劉義宣之事,身死彭城,芳隨伯母房逃竄青州, 重 博聞强記,兼覽蒼雅,尤長音訓,辨析無疑,於是禮遇日隆。王肅之來奔也, 之姑也。芳至京師, 詣敷門, 崔恥芳流播, 拒不見之。(中略)。芳才思深敏, 青齊,梁鄒降,芳北徙爲平齊民,時年十六。 芳修正,於是朝廷吉凶大事皆就諮訪焉。 律令。芳斟酌古今,爲大議之主,其中損益多芳意也。世宗以朝儀多闕,其一切諸議悉委 高祖自襲斂暨於啓祖、 俱出,肅執芳手曰:「吾少來留意三禮,在南諸儒咸共討論,皆謂此義如吾向言, 「推禮經正文,古者男子婦人俱有笄。」高祖稱善者久之,肅亦以芳言爲然。 '頓祛平生之惑。」芳義理精通,類皆如是。高祖崩於行宫,及世宗即位,芳手加衮冕 朝野屬目,高祖宴羣臣於華林,肅語次云:「古者唯婦人有笄, 彭城人也。六世祖納晉司隸校尉, 山陵、練除始末喪事皆芳撰定。出除安東將軍青州刺史,還朝議定 祖該劉義隆征虜將軍青徐二州刺史,父邕劉駿兖 南部尚書李敷妻司徒崔浩之弟女,芳祖母浩 男子則無。 酒闌 高祖雅相器 特精經 一芳曰 會赦免。 芳與肅

同 書陸柒崔光傳(北史肆肆 崔光傳 同 略 Z.

父靈延劉駿龍驤將軍長廣太守, 東清河郁人也。 祖曠從慕容德南 與劉 渡 河, 或 冀州刺史崔道 居青州之時 水, 固 共 慕容氏 拒 或 軍。 滅 仕劉 慕容白 義 隆爲 曜 樂陵

曰:「以崔光之高才大量,若無意外咎譴,二十年後當作司空。」其見 重若是。 朝之

, 光年十七,

隨父徙代。

[後]遷中書侍郎、

給事黄門侍郎,

甚爲高祖所

知

待。

高

祖

每對

典章文物, 寅恪案: 劉芳、崔光皆南朝俘虜, 而一人適值其會,故能拔起俘囚,致身通顯也。 其所以見知於魏孝文及其嗣主者, 乃以北朝正欲摹倣南

北齊書貳玖李渾 傳附繪傳 (北史叁叁李靈傳附 繪傳 同)略云

太原王 司 徒 高邕辟 **人掌軍禮** 爲從事 中 郎 徵至洛時勅侍中西河王祕書監常景選儒學十 人緝撰 五禮, 惟繪與

洛之末年, 寅恪案:隋志 十二卷,常景撰 可謂王 不載常景撰修之五禮, 肅之所遺傳,魏收之所祖述,在一者之間承上啟下之産物也。 新唐書伍捌藝文志史部儀注類有常景後魏儀注五十卷。 惟舊唐書肆陸經籍志史部儀注類有後魏儀注 常景之書撰於元魏都 三(疑五

明隋志之淵源也。 後齊儀 注者 即南朝前期文物變相之結集,故不可不先略述北齊修五禮之始末,以

又史志所謂

北齊書無辣魏收傳(北史伍陸魏收傳同)略云:

隋書伍柒薛道衡傳(北史叁陸薜辯傳附道衡傳同)略云:除尚書右僕射,總議監五禮事,多引文士令執筆,

儒者馬敬德、

熊安生、權會實主之。

武平初, 韶與諸儒修定五禮。

寅 所修亦不過太和遺 俗案 北齊 後主時所修之五禮當即隋志之後齊儀注二百九十卷, 絡 清 已, 所可注意者, 則薛道衡先預修齊禮, 後又參定以齊禮為根 鄴都典章悉出 洛陽, 據之隋 故 武平

制,兩朝禮制因襲之證此其一也。

齊, 物也 後齊 據上 其所繼 (論之, 儀 所引舊籍綜合論之, 所謂 往。 後齊 所謂梁 承 於此 漢 先 儀 魏、 注 禮並 不涉及。 即 西晉之遺産, 北 概括 隋文帝繼承宇文氏之遺業, 魏孝文帝摹擬採用 惟北齊儀 陳代, Iffij 以陳禮幾全襲梁舊之故, 注即南朝前期文物之蜕嬗, 在江 上丘發展演變者也。 南朝前 期之文物 其制定禮 制度, 陳因 亦即 儀 其 則不依北 梁陳以 梁舊 關 易言之, 鍵 實 史志 在 洛 周之制, E 南朝 則 一肅之北 所 為自 載 後 其 期 別採梁 之典 明 東 ZZ, H 其事 迄南

北史肆貳王肅傳略云:

制度之關應更考釋

係

焉

以闡

明

隋

制

淵

源之所從出。

前己略述北齊制禮始末,

故茲專論王肅北

奔與北朝文物

Ξ

王肅, 琅邪臨沂人也。父奂及兄弟並爲(南)齊武帝所殺,太和十七年肅自建業來奔。 自晉 虚

心受委, 氏喪亂, 朝儀國典咸自肅出 禮樂崩亡,孝文雖釐革制度,變更風俗,其間朴略, 未能淳也。 肅明練故事,

魏書陸叁王肅傳略云:

肅自謂禮易爲長,亦未能通其大義也。

南齊書伍柒魏虜傳略云:

佛狸已來,

稍僭華典,

胡風國俗雜相揉亂,

王肅爲虜製官品百司、

皆如中國。

陳 貳陸徐陵傳(南史陸貳徐摛傳附陵傳同)略云:

由徐常侍來。」陵即答曰:「昔王肅至此,爲魏始製禮儀;今我來聘,使卿復知寒暑。」收 太清二年兼通直常侍使魏。魏人授館宴賓,是日甚熱,其主客魏收嘲陵曰:「今日之熱當

大製

議興禮樂,變華風,威儀文物多蕭所定。
一魏主或屏左右,與肅語至夜分不罷,自謂君臣相得之晚。通鑑壹叁玖齊紀武帝永明十一年冬十月王肅見魏主於鄴條云:

尋除輔國大將軍長史。時魏主方

隋書捌禮儀志述隋喪禮節

_ gy

學, 能供 變更 無居 及北 臣 存魏晉殘餘之文物外, 如 史肆 不獨 風俗 直接 案 開 劉昶之倫 隔 給孝文帝當日 未詳定。今休明啓運, 皇初高 禮百卷, 與 演 中心及知南朝最近發展之人物與資料 魏孝文帝之欲用 殊不尋究, 唐 劉芳 國 制 江 其 間間 就廬非 度 左 庇 祖思定 可以 悉用 傳 朴 所渴 略, 桃之遠祖者, 時 ,典禮, 略 遥相 倫輩 東齊儀注以爲準, 東階 弘風 而卒 未能淳 尚 窺自典午南遷以 盼之需 師 相 有文成帝略取青 夏變夷久矣 之位 施 - 能將 憲章 化。 太常 較 祖,故山東之人,浸以成俗。 」者是也。 求, 南 斷非 E 伊始, 卿牛 蓋別有其故也。 凶門豈重設 朝前 制 要為 江 禮作樂, 弘奏日 後江 期 左 在王肅未北 亦微採王儉 請據前 其最大原 魏孝文帝所以優禮王肅固 發 第 齊時所俘 左文物 展之文 以之禮, 流, 事歸 可以依據, 經,革茲俗弊。」韶 聖 考南齊書貳叁王儉傳云 因。 物制 禮 制 南 奔之前 元首 教陵替, 且 兩蕭累代 度。 朝人 ,修畢上之, 亦出 夫肅 度 此北 然究 士如 西魏已降, 江南王 轉 亦已有所 北 在當日 輸 或 朝當日青齊 史王 屬 崔 於北 章 舉國 儉, 依稀 光 殘 南朝 [別有 曰:「可!」弘因奏徵 圃 韶遂班 肅傳所 缺 朝以開太和時代之新文化 遵行。 革 恍忽, 劉芳、 師旅弗遑, 偏 雖 政治上之策略 隅 漢 俘 天下, 為膏腴 謂 然當 晉爲法, 虜之下 後魏 臣, 皆從間 蔣少游等及 孝文雖釐革 日 咸 及齊, 嘉賓之 北 私 (見魏書伍伍 使遵 族 接 朝 撰 隨 得來 除 ,論其 俗 用馬。 宋 但肅之 其 風牛 注 天 氏 時 多 逋 1 保

少撰古今喪服記并文集,並行於世。

又南 史演 貢 王曇首傳附儉傳(參通鑑壹叁陸齊 紀 心永明 三年條

發言吐論, 先是宋孝武好文章, 天下悉以文采相尚, 造次必於儒教 由是衣冠翕然, 莫以專經爲業。 並尚 經學, 儒教於此大興。 儉弱年便留 意三禮, 何承 天禮 論三百

以當朝理事斷決如流, 每博議引證, 先儒罕有其例, 八坐丞郎無能異者。

文選肆陸任昉王文憲集序云:

卷,儉抄爲八帙,

又别抄條目爲十三卷,

朝儀舊典晉末來施行故事撰次諳憶無遺

漏者

表記, 自宋末艱虞 素意所 不蓄, 百王澆季, 前古所未行, 禮紊舊宗, 皆取定 樂傾恆軌 人俄頃, 神無滯 自朝章 用。 國記 典彝備物, 奏議符策, 文辭

仍不能不採儉書, 歲為北魏太和十七年, 據此 遂能抱持南朝之利器, 遇北主之新知, 故掌故學乃南朝 所以弘雖由政治及地域觀點立論 王儉以熟練自晉以來江東之朝章 蓋儉之所撰集乃南朝前期制度之總和 一時風尚也。 即 南齊永明十一年, 在儉卒以後, 仲實卒年為永明七年(見南齊書、 一國故 謂「後魏及齊, 始由於此歟? 牛弘詆斥王儉,而其所修隋朝儀 著名當 時。 風牛本隔」, 然終於「遙相師祖, 故山東 其喪 既經王肅輸入北朝,蔚成太和文治之 是肅必經受其宗賢之流 服記本為少時所撰, 南史儉本傳), 風遺 王肅北 久已流 著所薰 奔之 行於

江左 浸以成俗」也。又史言弘「撰儀禮百卷,悉用東齊儀注以為準」, 可謂 數典忘祖, 無乃南北之見有所蔽耶? 或攘其實而諱其名耶? 而奇章 茲舉 反譏前人之取法 例以證之:

隋書肆玖牛弘傳(北史柒貳牛弘傳同)云:

仁壽二年獻皇后崩,王公以下不能定其儀注。楊素謂弘曰:「公舊學,時賢所仰,今日之

事決在於公。」弘了不辭讓,斯須之間儀注悉備,皆有故實。素歎曰:「衣冠禮樂盡在此

矣,非吾所及也。」

若僅據此傳, 似獻后喪禮悉定自弘, 而斯 須之間儀注悉備」,所以楊素有「禮樂盡在此矣」之

及檢北史叁捌裴佗傳附矩傳(隋書陸柒裴矩傳略同)云:

其年(仁壽二年)文獻皇后崩,太常舊無儀注,矩與牛弘、 李百藥等據齊禮參定。

始知弘之能於斯須之間决定大禮者,乃以東齊儀注為依據, 且所與共參定之人亦皆出自東齊者

實,而素又不識其底蘊耶?

也(見北史隋書裴矩傳及舊唐書柴貳、新唐書壹佰貳李百藥傳)。

楊素之讚歎,始由弘諱言其

又通鑑壹柒玖隋紀文帝仁壽二年條云:

閏[十]月甲申韶楊素、蘇威與吏部尚書牛弘修五

寅恪案:隋書、 北史載文帝詔修五禮, 在是年閏十月己丑, 連接此前之一條即「甲申韶尚書左

禮

催

僕射楊 通 補 素 Ī 與 及章鈺通鑑正文校宋記俱未之及)。 諸術者刊定陰陽 好謬」 條, 今通 鑑以修五禮之詔移置甲申, 更可注意者,則隋志明言弘等之修五禮悉以東齊 頗疑有所脱誤也(嚴 衍

隋書裴矩傳中之裴矩, 儀注為準 **壹隋本紀仁壽二年閏十** 又隋代制禮諸臣其家世所出籍貫所繫亦可加以 一)(北)魏、(北)齊 乃最 扼要之語 -月韶書中所命修定五禮諸臣及其他與制禮有關之人, 隋書柒伍北史捌貳儒林傳之劉焯、 (一)梁陳, 而溫公不採及之,似尚未能通 (三)(西)魏 推究 化) 周之三源者。 藉以闡 劉炫及兩唐書李百藥傳 解有隋一代禮制之大源, 明 鄙 意, 請據隋書貳 即前章所言 如前 高 引北史裴佗傳 祖 隋 中之李百 殊可惜也。 紀及北 唐 制 度出 史壹

以恆例言之, 隋書貳高祖紀下仁壽 傳(北史肆壹楊敷傳附 乃虚名 素傳同 一年閏十月己 非實 務也。 雖 7 然素與 H 詔書所命修撰五 威一人間仍有 禮之楊 區別

亦未可以一

概論。

隋書肆捌楊素

蘇成

俱

以宰

輔

資

位

攝

領

逐

討論於下

後與安定牛弘同志好學, 研精不倦, 多所通涉。

然隋書肆壹蘇威傳(北史陸叁蘇綽傳附威傳同)則云:

夫修撰五禮即斟酌古今之事, 祖)因謂朝臣曰: 楊素才辯無雙,至若斟酌古今, 文帝既不以此許素, 則素之得與此役,不過以尚書左僕射首輔之 助我宣化, 非威之匹也。

資位 至於蘇 監領此 威雖與 大典而 (楊素同 已。故關於楊素可置不論。 以宰輔之職監領修撰, 但事 有殊異, 可略言之。 據前引史文, 隋文帝

酌古今特獎 威 則威之與聞修撰, 匪僅虛名監領, 可以 推知。 又隋書蘇威 傳(北-史略

俄兼納言民部尚書。 初威父[綽]在西魏以國用不足,爲征稅之法, 頗稱爲重, 既 而 歎曰:

非平世法也。後之君子誰能弛乎?」威聞其言,每以爲己任,至是奏

今所爲者正如張弓,

典,律令格式多威所定,世以爲能。所修格令章程並行於當世,然頗傷苛碎, 减賦稅 ,務從輕典,上悉從之。 隋承戰争之後,憲章踳較,上令朝臣釐改舊法,爲一代通 論者以爲非

凡此 不得同論 史文其意固多指威之修定律令, 實一代典章 而威之預知修禮, 所從出。威既志在繼述父業,文帝稱其斟酌古今,必非泛美之詞, 亦非止尸空名絕無建樹者之比無疑也。考周書貳叁蘇綽傳(北史 但禮律關係至密。威本西魏蘇綽之子, 綽為宇文泰創制 故威之與 1/

陸

叁蘇綽傳同)云:

蘇綽,武功人, 有知者, 書,尤善算術。 或曰:「蘇綽博物多通,請問之。」太祖乃召綽,具以狀對,太祖大悦。 屬太祖(宇文泰)與公卿往昆明池觀魚, 魏侍中則之九世孫也,累世二千石。父協武功郡守。綽少好學,博覽羣 行至城 西漢故 倉地 顧 問 左右

學術、 弛 此 節 决非 博 為史記 宗教皆與家族 偶然。 傳 授之 蘇綽之所以遇合宇文泰之一 適值泰以少數鮮卑化之六鎮民族竄割關隴 風氣止 地域 息以後, 兩點不 學術中 可分離。綽本關中 段因緣, 心移於家族 實可藉以覘占今之變遷。 ·世家 而家 族 隅之 必習於本土掌故 復限於地域 地, 而欲與 故魏 蓋自 雄 據 其能 漢代學校制 晉、 對字 東之高歡 南 北 文泰之 朝之 度廢 及

舊

承江左之蕭氏爭霸

非

別

樹

幟

以關

中

地

域為

本位

融冶

胡

為

體,

以自

鄴或江

陵文化勢力之外

則

無

以

奉歌自

信之心

理。此綽所以

中

號召

竊取六國

陰謀之舊文緣

飾 堅其

介表

鮮卑之

胡

制

丰驢

非馬

取給 依託 漢

一時 關

雖 地

能 域

輔

霸業, 地域觀念 氏父子之事業於三源内之第三源 Mi 及魏晉家世學術附合鮮卑六鎮之武力而得成 其 創 制終為後 E 所捐棄, 即(西)魏、 或僅名存而實亡, 周源中, 岂無故哉 就者也。故考隋唐制 其事顯明 ! 質言之, 自不待論。 蘇氏之志業乃以 度淵 源者應置 武 功蘇 關 中

書肆玖牛弘傳(北史柒貳牛 弘傳略同 略 云

牛弘 氏。 開皇初 安定鶉觚 弘 人也。 遷授散騎常 競與, 本姓 侍祕 察氏 監 祖熾 弘 郡 以 中正 典籍 遺 父允 逸 魏侍 上表請 中 I 開獻 部 尚 書臨 之路 涇 其 論書之厄

劉裕平姚

收其圖籍,

五經子史纔四千卷,

皆赤軸青紙

文字古拙

僭偽之盛

寇竊

因河

跨秦帶趙。

論

其

建國立家

雖傳名

別於洛 成 以 学 賜姓 繼 文 沐 陽 氏之 成 周

注。 詞 莫過三秦。以此而論,足可明矣。故知衣冠軌物,圖畫記 練之禮 諸儒論新禮降殺輕重,弘所立議,衆咸推服之。 間篇籍稍備。三年拜禮部尚書,奉勅修撰五禮,勒成百卷,行於當世。弘請依古制修立 際學藝爲多,齊梁之間經史彌盛。」上納之,於是下韶:「獻書一卷, 並弘所定。 三年之喪祥禪具有降殺, 正定新樂 ,拜吏部尚書。時高祖又令弘與楊素、 。楊素謂弘曰:「公舊學,時賢所仰,今日之事決在於公。」弘了不辭讓,斯須之間 上以時 撰定圓 皆有故實。素歎曰:「衣冠禮樂盡在此矣,非吾所及也。」(此節之解釋見上文)弘以 自弘始也。〔大業〕三年改爲右光禄大夫,從拜恆岳,壇場、 事在音律志。 丘 事草創、未遑制作、 五帝凱樂, 春服十一月而練者無所象法,以聞於高祖,高祖納焉,下韶除 並議 是後議置 樂事,上甚善其議, 竟寢不行。六年除太常卿。九年韶改定雅樂,又作樂府歌 明堂 蘇威、 韶弘條上故事, 議其得失, 仁壽二年獻皇后崩,王公以下不能定其儀 薛道衡、 韶弘與姚察、 許善心、虞世基、 注,播遷之餘皆歸 許善心、何妥、虞世基等 珪幣、 事在禮志。 資練 匹。 崔子發等並召 江左, 晉宋之 墠時、 上甚敬重 一二年 儀注

史臣曰:「牛弘篤好墳籍,學優而仕,採百王之損益,成一代之典章,漢之叔孫不能尚

隋 書柒伍儒 一林傳辛彦之傳(北史捌貳儒林傳下辛彦之傳 同 略 Zi.

儀制 辛彦之, 無可攻之勢。」高祖大悦。彦之撰墳典一部、六官一部、 爲碩學 百度伊 水牛弘同 明武 始 除太常少卿, 志好 高祖嘗令彦之與重論議, 隴西狄道人也。 時 朝 貴多 歷 職典 出 後入關, 尋轉國子祭酒 祀太祝樂部御正 武 人, 祖世叙魏凉州刺史 修定儀注唯彦之而已。 遂家京兆。 重不能抗, 歲餘拜禮 四曹大夫開府儀同三司。 周太祖見而器之, 父靈輔周 於是避席而謝 部尚 及周 書 與祕書監牛 関帝受禪, 渭州刺史。 祝文一部、 引爲中外府禮曹。 曰:一辛君所謂 宣帝 弘撰新 即位, 彦之與少 [彦之]博涉 禮要一部、 禮。 拜少 宗 時 經史, 伯 宗伯。 吴興沈 金城湯池 國家 新禮一部 盧 辯 與天 高祖

五經異義一部,並行於世。

此 北朝擾攘之長期 史上所具之特殊性質 茲擇録牛 前路後 可不論。 弘、 實吾國文化史之一大業。昔人未曾涉及,故不揣 茲所 辛彦之兩 論者, 能不失墜, 惟此 傳事 其關於西域文明 蹟 偏隅之 卒得輾轉灌 較 詳 地, 者, 保存漢代中原之文化學術, 蓋欲以闡明 輸 中外交通 加入隋唐統一混合之文化, 等, 魏 晉以降 為世 愚陋, 人所習知 中國 西 試為考釋之於下: 北 經歷東 隅 且. 即 漢 非 河雕 蔚然為獨立之一源 未、 本書 品 西 計 域 晉之大 在 論 範 文化學術 韋

河隴

隅所以經歷東漢末、

西晉、

、北朝長久之亂世而能保存漢代中原之學術者,不外前文所言

故其本土 得藉以遺 不似前此之重要。 地域性質 人父子之世業, · 與地域之二點,易言之,即公立學校之淪廢,學術之中心移於家族, 一世家之學術既 傳不墜。 此 河隴邊隅之地所以與北朝及隋唐文化學術之全體有如是之密切關 劉石 當中原擾亂京洛丘 所謂南北朝之家學者是也。又學術之傳授既移於家族, 可以保存 紛亂之時, 外來避 中原之地悉為 虚之時, 亂之儒 苟邊隅之地尚能維持和平秩序, 則家族之學術亦 英亦得就之傳授, 戰 品 獨 西 隅自前凉張氏以 歷時 既 太學博士之傳授變為 久, 則京邑與學術之關 其文化學術遂漸 係也。 後尚 .稱 治安

一國志魏志壹叁王朗傳附子肅傳末 自 魏初徵士敦煌周生烈、

明帝時大司農弘農董遇等亦歷注經傳,頗傳於世。

Z

節下裴注 略以遇及賈洪、

邯鄲淳、

薛夏、

隗禧、

蘇林、

樂詳等七人爲儒宗,

其序

B

新主乃復始掃除 從初平之元至建 本亦避役, 有欲學者皆遺詣太學, 竟無能習學,冬來春去,歲歲如是。又雖有精者 安之末,天下分崩, 太學之灰炭, 多求詣太學。太學諸生有千數, 太學始開 補舊石碑之缺壞 人懷苟且 有弟子數百人。至太和青龍中, 備博士之員録, 紀綱 而諸博士率皆麤疎, 既衰, 儒道尤甚。 依漢甲乙以 無以 中外多事, 至黄 考課 教弟子, 初 元年之後 申告州 懷避 弟子

而臺閣舉格太高,加不念統

其大義 而問字指墨法點注之間, 百人同試 度者未十,是以志學之士遂復陵遲, 雖 而 復分 末求

布,見在京師者尚且萬人,而應書與議者略無幾人。又是時朝堂公卿以下四百餘人, 浮虚者各競逐也。 正始中有韶議圜丘,普延學士,是時郎官及司徒領吏二萬餘人,

其能

操筆者未有十人,多皆相從飽食而退。嗟夫!學業沈隕乃至於此。是以私心常區區貴乎數

公者, 各處荒亂之際而能守志彌敦者也。

賈洪 京兆新豐人也。

薛夏 天水人也。

隗禧

京兆人也。

又魏志貳伍高堂隆傳,略云:

始景初中帝以蘇林、 79 訓之道孰爲其繼? 經 三禮、主者具爲設課試之法。」數年隆等皆卒, 其科郎吏高才解經義者三十人,從光禄勳隆、 秦静等並老,恐無能傳業者,乃詔曰:「方今宿生巨儒並各年高,教 學者遂廢。 散騎常侍林、博士

據上 生烈、賈洪、薛夏、隗禧之流,俱關隴區域之人,則中原章句之儒業, 心已不在京邑公立之學校矣。二為當東漢末中原紛亂 引史文可證 .明二事:一為自漢末亂後 魏世京邑太學博士傳授學業之制徒為具文,學術中 而能保持章句之儒業, ,自此之後已逐漸向西北 講學著書, 如周

晉書捌陸張軌傳略云:

師, 凉州 徒壞女工,不任衣用,弊之甚也。今中州雖亂,此方安全,宜復五銖, 澹爲股脏謀主, 徵九郡胄子五百人, 立學校, 始置崇文祭酒, 位視別駕, 春秋行鄉射之 卑反叛 父老莫不 張軌 圖據河西,於是求爲涼州, 五銖錢, 事損益 令有 德量 祕書監繆世徵 安定鳥氏人。家世孝廉, 立制準布用錢, 相慶。 寇盗縱横, 軌到官即討破之, 遂威著西州, 化行河右。 通易不滯,泰治中河西荒廢, 司 不 甚器之。 互 可推詳 太府參軍索輔言於軌 殆其人乎?」(執)遣治中張閬送義兵五千及郡 謂安定中 立州已來清貞德素、 少府擊虞夜觀星象, 錢遂大行,人賴其利。 公卿亦舉軌才堪御 正爲蔽善抑才 以儒學顯, 日: 嘉遯遺榮 遂不用錢、裂匹以爲段數, 古以金貝皮幣爲貨 相與言曰:「天下方亂,避難之國唯凉土耳。張 與 乃美爲之談以 遠 (中略)。天錫窘逼,降於[姚]萇等, 郡 ,永寧初出爲護 高 皇甫 才碩學、 謐善。 爲二品 國秀孝貢計器甲方物歸於京 著述經 中書 之精。 息穀帛量度之耗 以宋配、 羌校尉 監張 鎌布既壞, 史等具狀 軌以 涼 華與軌 以濟通變之會。 陰充、 州 刺刺 時 史 以 方多 論經義及政 市易又難 闡 氾暖、 二漢制 於時 自軌 州中 鮮

至天錫,凡九世七十六年矣。[苻]堅大敗於淮肥,時天錫爲苻融征南司馬,

天錫少有文才, 流譽遠近, 及歸 朝甚被思遇。

書宣貳貳吕光載記略云:

吕光,略陽氏人也。[荇]堅既平山東,士馬强盛,遂有圖西域之志,乃授光使持節都督西

討諸軍事,以討西域。龜茲王帛純拒光,光入其城,大饗將士,賦詩言志。見其宫室壯

池令尹興殺之, 請 命參軍京兆段業著龜茲宫賦以譏之。 光從之。光入姑臧, 自領涼州 投諸空井。曜見夢於光, 光寤遣使覆之, 刺史、護羌校尉。張掖督郵傅曜考覈 既平龜茲,有留焉之志,大饗文武, 如夢。 光怒, 殺與 博議 著作 屬縣 進止, 而 F

馬。光覽而悦之。

以光未能揚清激濁

使賢愚殊貫,

因療疾於天梯山,

作表志詩、

九歎、

七諷

十六篇

以調

同書捌柒涼武昭王傳略云

武昭王諱暠,字玄盛,隴西成紀人,姓李氏,世爲西州右姓。高祖雍、曾祖柔任晋並歷位 祖弇仕張軌爲武衛將軍安世亭侯,父昶早卒, 吕光末京兆段業自稱涼 州牧 以敦煌太守趙郡 遺腹生玄盛。 孟敏爲沙州 少而好學 刺史, 署玄盛效穀 通涉經史

鎮西將軍領護西夷校尉。隆安四年晋昌太守唐瑶移檄六郡,推 有惠政, 推爲敦煌太守。及業僭稱 涼 主, 進 一玄蓝

持節都督凉與已西諸軍事,

敦煌

護軍馮翊郭謙等以玄盛

中州 敬, 草寮亦皆 莫不賓下。惟蒙遜鴟 玄盛爲大都督大將軍涼公領秦涼二州牧護羌校尉。[玄盛]於南門外臨水起堂,名曰 河 者數千户 當吕氏之末, 古今成敗不可不知,退朝之暇念觀典籍 諸君以 之人 圖 明爲文,刻石 乃敦勸稼穑。 羣僚以年穀頻登, 餘萬三千户分置武威 天下 郡歲月而 昔河右分崩, 有 自古聖帝明王、 爲何如?」張邈贊成其議, 馬。 及玄盛東遷, 田 全盛時 疇不 10 又立泮宫 爲草雄所奉, 頌德。 闢者亦徒七千餘户。 海内猶稱之,況復今日?」初苻堅建元之末, 既 時一城, 草豪競起, 而秃髮傉檀入 忠臣孝子、 玄盛上巳日讌於曲水,命羣僚賦詩, 皆徙之於酒泉 武興、張掖三郡, 增高門學生五 自張掖已東晉之遺黎爲戎虜所制, 遂啓霸 吾以寡德, 據姑臧 百姓樂業, 烈士貞女, 遂遷居於酒泉。手令誠其諸子曰:「寮佐邑宿盡 郭磨之寇武威, 圖 百人, 分南 ,面墻而立,不成人也。此郡世篤忠厚 兵無血 爲衆賢所推 築城於敦煌南子亭, 沮渠蒙遜基字稍廣, 人五千户置會稽郡, 請勒銘酒泉 起嘉納堂於後園 玄盛親爲序頌, 刃,坐定千里, 武威、 前遣雲 而親爲之序。玄盛以緯世之 玄盛許之。 張掖已東人西奔敦煌、 徙江漢之人萬餘户於 以明鑒戒之義; 吾將遷都酒 騎東殄不庭 以威南虜。 以 謂張氏之業指期 於是既然著述志 中州 圖讚所志。 人五 於是使儒林 千户置 泉 玄盛 軍 當時文武 之所至, 既 漸 靖恭之 賦 而成 敦煌, 看目 禮承 遷 廣 逼寇 酒 了夏

先是河右不生楸槐柏漆, 張駿之世取於秦隴而植之,終於皆死,而酒泉宫之西北隅有槐樹

作文, 感兵難繁興, 時俗諠競, 玄盛又著槐樹賦以寄情, 蓋歎僻陋遐方立功非所也。亦命主簿梁中庸及劉彦明等並 乃著大酒容賦以表恬豁之懷。 與辛景、 辛恭靖同志友善

誄。自餘詩賦數十篇。(中略)。玄盛以安帝隆安四年立,至宋少帝景平元年滅,據河右凡 景等歸晉,遇害江南,玄盛聞而弔之。玄盛前妻辛納女,貞順有婦儀, 先卒,玄盛親爲之

同書壹貳陸禿髮烏孤載記云:

又同書同卷禿髮利鹿孤載記略云

秃髮烏孤

河西

鮮卑人也。

垂不朽也。孔子曰:『不學禮,無以立。』宜建學校,選者德碩儒,以訓胄子。」利鹿孤善 諱。」祠部郎中史嵩對曰:「今取士拔才必先弓馬,文章學藝爲無用之條,非所以來遠人, 利鹿孤謂其草下曰:「自負乘在位,三載於茲,務進賢彦而下猶蓄滯,二三君子其極言無

之,於是以田玄沖、趙誕爲博士祭酒,以教胄子。

又同書同卷禿髮傉檀載 記略云:

姚興遣其尚書韋宗來觀釁, 宗還長安, 言於興曰:「涼州雖殘弊之後, 風化未頹, 未可圖

同書壹貳玖沮渠蒙遜載記略云:

中有玄石神圖、台其中書侍郎張穆賦馬、銘之於寺前、 沮集 皮立六年爲魏氏所擒, 合二十九載而滅 委以機密之任。蒙遜西祀金山 年自稱州 蒙遜 爲使持節大都督、涼州牧張掖公、以敦煌張穆博涌 牧 , 臨松盧水胡人也。博淨草史, 頗曉天文。隆安五年, 梁中 義熙八年僭立,後八年而宋氏受禪,以元嘉十年死,在僞位三十三年一子茂 卑和虜率衆迎降,遂循海而西,至鹽池, 遂如金山而歸。蒙遜以安帝隆安五 經史, 才藻 清膽 庸、 祀西王母寺。寺 握拜 房晷、 中書 田片等推

同書壹壹柒姚興載記上略云:

興徵 耳。」文祖曰:「尚在南臺禁止,不與賓客交通,散寓於楊桓,非尚明矣。」興曰 乎?」文祖曰:「與臣州里,西方之英嶲。」與曰:「有表理王尚,文義甚佳, 辱臣憂,故重繭技款,惟陛下亮之、」興覽之大悦, 桓爲措思乎?」文祖曰:「西方評敞甚重,優於楊桓,敞昔與呂超周旋,陛下試可聞之。」 州别駕宗敞 凉州刺史王尚還長安,尚既至長安,坐匿呂氏宮人,擅殺逃人薄禾等, 治中張穆, 主簿邊憲、胡威等上疏理尚曰:「臣等生自 謂其黃門侍郎姚文祖 西州 曰:「卿知 位 禁止南臺。涼 當王尚研思 乔吏端,主 一苔爾 宗敞

禮儀

興因 潘 但當問 謂超日 陸。 其文彩何如, :「宗敞文才何如, 」即以表示超 曰:「涼州小地, 不可 以 可是誰輩?」超 區宇格物。 寧有此才平? 」興悦, 日: 赦尚之罪, 敞在西土 」超曰:「臣以敞餘文比之, 一時論甚美, 以爲尚書。 方敞魏 之陳徐 未足稱

同書壹肆地理志上涼州條,略云:

帝徙居江左, 軌乃控據河西, 稱晉正朔, 是爲前涼。[張]天錫降於苻氏, 軌爲涼州刺史,鎮武威 漢置張掖 吕光都於姑臧 酒泉、 敦煌、 及吕隆降於姚興,其地三分。[涼]武 上表請合秦雍流移人於姑臧西北,置武興郡。 武威郡,其後又置金城郡,謂之河西五郡。[晉惠帝]永寧中, 昭王爲西凉, 是時中原淪没,元 建號於敦煌 其地旋爲吕光所 張

化者亦可窺見一二。 綜合上引史文, 鳥狐 爲南涼 凡河 建號於樂都; 西區 蓋張軌領涼州之後,河西秩序安定,經 |域自西晉永寧至東晉末世, 沮渠蒙遜 爲北涼, 建號於張掖 或劉宋初期 濟豐饒, 既為中州人士避難之地, 9 而分據 百有餘年間, 河西 Ti 郡。 其 有關學術文

故託 暠皆漢 命河西之土庶猶可以蘇喘息長子孫,而世族學者自得保身傳代以延其家業也。 魏晉間才性同異之學説尚得保存於此一隅,遂以流傳至今, 族世家, 其本身即以經學文藝著稱,故能設學校獎儒業, 如敦煌之劉昞即注 斯其一例也(見北平圖書館 又張軌、 魏劉劭人物 李

復是流民移徙之區

一,百餘年間紛爭擾攘固

所不免,但較之河北、山

東屢經大亂者,

略勝一籌。

之文化, 刊 宗敞之見賞 不好 義 第貳 亦得接 讀 源 卷第壹期湯用彤先生讀 書 若其 然仍能欣賞漢化 河 於姚興 西之安全, 他割據之雄, 斯又其 其能保存學術於荒亂之世, 劉劭 一例也。 段業則事功不成而文采特著 擢用士人, 故河 人物志 至於隴右即晉秦州之地 心論文, 及一九三七 西 區 區域受制 固無足異。 年清 於胡戎, 吕氏 介於雍凉間 華 學 故茲以 而文化學術 禿髮 報 拙 作 隴右 者 沮 消 渠 遙 泂 之徒 既 亦 遊 西 不 日 向 F 受 因 俱 郭 長 類 以 非 義 並 安 淪 漢

既明 期 元 即 嘉 乎此 孝文 十六年 宣武 然後 十二月魏主 此時代中 同 以 解 -原漢族、 猶以妹壻待沮渠牧犍條 釋 隴右 文化 河西之文 遞 嬗 化與北 異之 關 魏初期即太武 係 請 略引舊 時代中 上史以 證之(參考 原 漢 族之文 通 化 貢 及北 一一一 魏

後

自無不

司

也

魏書

伍

置以

但 河 懷等事 北史程 魏之「外國遠方名士」與崔 西 術藝傳之江 蹟 與 關 一般傳 趙 趙逸等十二人為一卷,北史叁肆於趙 逸等 加 式合為一 宋書 併 西 為 X 二十文 卷, 卷, 南 史杜 化 浩有 體例 寅恪以為游雅、 學 驥傳 術者 甚合。 關 於下, 故亦節取傳文, 並取 故茲節 以資 魏 高閭二人非秦凉學者, 可不列入; 至江 書、 録 逸等十二人外復加以游雅、 論證 魏書、北史趙逸等十二人傳及江 北 史 又 附於後焉)。 介所載 魏 書、北 催 浩、 史之袁式傳雖 李冲、 李韶 高間, 與 常 式其傳 又別取 泂 爽 元 西 則 無 常 又魏 魏 亦

魏書伍 貳趙逸傳(北史叁肆趙逸傳 同)略 Z.

爲屈丐所虜, 天水人也。 拜著作郎。 好學夙成, 世祖平統萬,見逸所著, 仕姚 興歷中書侍郎, 曰:「此豎無道、 爲興將齊難軍司, 征赫 屈丐,

安得爲此言乎?

作者

誰也, 其速推之。」司徒崔浩進曰:「彼之謬述, 亦猶子雲之美新, 皇王之道固宜容之。」

世祖乃止,拜中書侍郎。神靡三年三月上巳帝幸白虎殿,命百寮賦詩,逸製詩序,時爲稱 善久之。性好墳典,白首彌勤, , 年踰七十, 手不釋卷。凡所著述, 詩賦銘頌五十餘篇。

H 書同卷胡方回傳(北史叁肆胡方回 傳同 略 云

她祠碑諸文頗行於世。世祖破赫連昌, 胡方回,安定臨涇人。 方回 赫連 屈丐中 方回 書侍郎, 入國,雅有才尚,未爲時所知 涉獵史籍, 解彩 可觀, 爲屈丐統萬城 也。 後爲北鎮司

與游雅等改定律制,司徒崔浩及當時朝賢並愛重之。

爲鎮修表,有所稱慶,世祖覽之嗟美,

問誰所作。

既知方回,

召爲中書博士

遷侍

郎。

書同卷胡叟傳(北史叁肆胡叟傳同)略云:

知廣平 然自張氏以來, 安定臨涇人也。世有冠冕,爲西 程伯達, 號有華風,今則憲章無虧, 其略曰:「望衛婉 祝蛇 夏著姓。西入沮渠牧犍,遇之不重,叟乃爲詩示所 眄楚悼靈均。 曷祝鮀之有也?」叟曰:「吾之擇木,夙在大 」伯達見詩曰:「凉州雖地居戎域

爵復始男。 與子暫違, 非久闊也。」歲餘牧犍破降, 高宗時召叟及[金城宗]舒並使作檄劉駿蠕蠕文, 頗涉文流。 [高]間作宣命賦 叟爲之序。 叟既先歸國, 朝廷以其識機拜虎威將軍,賜 舒文劣於叟。[廣寧常]順陽數

同書同卷宋繇傳(北史叁肆宋繇傳同)略云:

泉, 宋繇,敦煌人也。曾祖配、祖悌世仕張軌子孫,父僚張玄靚龍驤將軍武興太守。 兵難之間講誦不廢。每聞儒士在門,常倒屣出迎,停寢政事, 時舉秀才,除郎中,後奔段業,業拜繇中散常侍。 衡之任。蒙遜之將死也,以子委託之。 [張]彦至酒泉,追師求學,閉室誦書,晝夜不倦,博通經史,諸子羣言,靡不覽綜。 於繇室得書數千卷, 歎曰:「孤不喜剋李歆, 世祖并涼州, 欣得宋繇耳。 西奔李暠, 從牧犍至京師,卒。 引談經籍。 歷位通顯。 」拜尚書吏部郎中, 雅好儒學,雖在 沮渠蒙遜平酒 委以銓

同書同卷張湛傳(北史叁肆張湛傳同)略云:

解之,遂相勸爲注,故因退朝之餘暇而爲之解焉。」其見稱如此。湛至京師,家貧不粒 平,入國,年五十餘矣。司徒崔浩識而禮之,浩注易,叙曰:「國家西平河右,敦煌張湛 張湛,敦煌人,魏執金吾恭九世孫也。湛弱冠知名涼土,好學能屬文。仕沮渠蒙遜, 金城宗欽、武威段承根三人皆儒者,並有儁才,見稱於西州,每與余論易,余以左氏傳卦

其志, 浩常給其衣食, 每常報答, 薦爲中書侍郎。湛知浩必敗, 極推崇之美(此三十八字北史文)。 固解, 每贈浩詩頌, 及浩被誅, 湛懼,悉燒之。 多箴規之言。浩亦欽敬 兄懷義

同書同卷宗欽傳(北史叁肆宗欽傳同)略云:

崔浩禮之與湛等

(此七字北史文)。

宗欽,金城人也。父燮,吕光太常卿。欽少而好學,有儒者之風,博綜章言, 與高允書贈詩, 仕沮渠蒙遜,爲中書侍郎、世子洗馬。欽上東宫侍臣箴。世祖入涼州,入國, 允答書並詩,甚相褒美(此十五字北史文)。崔浩之誅也,欽亦賜死。欽在 ,聲著河右。 拜著作郎。

同書同卷段承根傳(北史叁肆段承根傳同)略云:河西撰蒙遜記十卷,無足可稱。

世祖 位,暉父子奔吐谷渾暮璝。暮璝内附,暉與承根歸國,世祖素聞其名,頗重之,以爲上 段承根, 武威姑臧人。 後暉從世祖至長安,有人告暉欲南奔,世祖密遣視之,果如告者之言,斬之於市。承 請 爲著作郎 機辯有文思, 引與同事。世咸重其文而薄其行,甚爲敦煌公李寶所敬待。浩誅,承 父暉,乞伏熾磐以暉爲輔國大將軍涼州刺史御史大夫。磐子暮末襲 而性行疏薄,有始無終。司徒崔浩見而奇之,以爲才堪著述,言之

根與宗欽俱死。

同書同卷闡駰傳(北史叁肆闏駰傳同)略云:

中,給文吏三十人,典校經籍,刊定諸子三千餘卷。姑臧平,樂平王丕鎮凉州 誦。 脚駰 注王朗易傳,學者藉以通經,撰十三州志行於世。[沮渠]蒙遜甚重之,拜祕書考課郎 敦煌人也。 祖倞有名於西土,父玖爲一時秀士。 駰博通經傳, 三史羣言, 引爲從事 經目則

同書同卷劉昞傳(北史叁肆劉延明傳同)略云:

中郎。王薨之後還京師,卒,無後。

易、韓子、人物志、黄石公三略,並行於世。[沮渠]蒙遜平酒泉,拜祕書郎,專管注記。築 典,書史穿落者親自補治, 居酒泉,不應州郡之命,弟子受業者五百餘人。李暠徵爲儒林祭酒從事中郎。暠好 劉昞,字延明,敦煌人也。 世祖平凉州,士民東遷,夙聞其名,拜樂平王從事中郎。世祖韶諸年七十以上聽留本鄉, 拜,命官屬以下皆北面受業焉。時同郡索敞、陰興爲助教,並以文學見舉,每巾衣而入。 略記百三十篇八十四卷。凉書十卷,敦煌實録二十卷,方言三卷,靖恭堂銘一卷,注周 與卿相值,何異孔明之會玄德!」遷撫夷護軍,雖有政務,手不釋卷。昞以三史文繁, 陸沈觀於西苑, ,躬往禮焉,號玄處先生,學徒數百,月致羊酒。牧犍尊爲國師,親自致 父寶以儒學稱。昞年十四就博士郭瑀學,瑀遂以女妻之。後隱 昞時侍側,前請代屬,屬曰:「躬自執者, 欲人重此 典籍 著 吾

子 者子孫宜蒙顯異。」於是除其一子爲郢州雲陽令。 子扶養, 次仲 禮留 晒時老矣, 鄉里。 太和十四年尚 在姑臧 歲餘, 書李沖奏 思鄉 而 返, 晒河右 至凉州西四百里韭谷窟 正光三年太保崔光奏曰 一碩儒, 今子孫 沈居 遇 一故樂平王從事 未有 疾而卒。 禄 賢

隷 德冠前世, 不獲收異,儒學之士所爲竊歎, 蔚爲儒宗,太保啓陳,深合勸善 乞敕尚書推檢所屬, ,其孫等三家特可聽免!」河西人以爲榮。 甄免碎役。」四年六月韶曰:「昞

中郎敦煌劉昞著業涼城,遺文在茲,

篇籍之美頗足可觀。

維祖逮孫相去未遠,

而令久淪阜

同書同卷趙柔傳(北史叁肆趙柔傳同)略云:

趙柔, 師。高宗踐作, 金城 人也。 拜著作郎 少以德行 才學知名河 右, 沮渠牧犍時爲金部郎。世祖平凉州, 内徙京

同書同卷索敞傳(北史叁肆索敞傳同)略云:

記 尚書牧守者數十人, 索敞,敦煌人。爲劉昞助教,專心經籍, 篤勤訓授 皆授業於做。 肅而有禮。 京師大族貴遊子弟皆敬憚威嚴, 敞遂講授十餘年。 盡能傳昞之業。涼州平,入國,以儒學見拔爲中 敞以喪服散在衆篇 多所成益 遂撰比爲喪服要 前後顯達位至

同書同卷陰仲達傳(北史叁肆段承根傳附陰仲達事蹟)略云:

陰仲達,武威姑臧人,少以文學知名。世祖平涼州,内徙代都。司徒崔浩啓仲達與段承根 Z ,二人俱涼土才華。同修國史,除祕書著作郎,卒。

同書術藝傳江式傳(北史叁肆江式傳同)略云:

皇威 洗馬, 江式, 以敢藉六世之資,奉遵祖考之訓,輒求撰集古來文字,以許慎說文爲主,爰採孔氏尚 録, 叙列於儒林, 傳家學,除符節令,以書文昭太后尊號謚册特除奉朝請,仍符節令,篆體尤工, Fi 父兄應元,俱受學於衛覬,古篆之法,倉雅方言説文之誼,當時並收善譽。而祖官至太子 諸門板題皆式書也。延昌三年三月式上表曰:「臣六世祖瓊,家世陳留,往晉之初,與從 經史諸子千餘卷,由是擢拜中書博士。父紹興,高允奏爲祕書郎, 石經、字林、韻集、諸賦文字有六書之誼者,皆以次編聯,文無復重,糾爲一部。其古籍奇 孫因居涼土,世傳家業。 一經音注、籀篇、爾雅、三倉、凡將、方言、通俗文、祖文宗、埤倉、廣雅、古今字詁、三字 西被 出爲馮翊郡, 陳留濟陽人也。六世祖瓊晉馮翊太守, 牧犍内附, 官班文省, 值洛陽之亂,避地河西,數世傳習,斯業所以不墜也。 臣亡祖文威杖策歸國,奉獻五世傳掌之書,古篆八體之法,時蒙褒 祖强字文威,太延五年凉州平,内徙代京, 家號世業。 暨臣閻短, 漸漬家風 善蟲篆計訓。永嘉大亂, 多預史官, 掌國史二十餘年。 上書三十餘法, 棄官西投張軌 題篆宫禁 世祖太延中, 洛京宫殿

惑俗隷諸體,咸使班於篆下,各有區別。詁訓假借之誼,僉隨文而解。音讀楚夏之聲,並 逐字而注。其所不知者,則闕如也。」詔曰:「可如所請。 」於是撰集字書, 號曰古今文字

n]

書陸拾程駿傳(北史肆拾程駿傳略同)略云: 若斯者可謂至順矣。人若乖一,則煩僞生,爽性則沖真喪。」明曰:「卿年尚稚,言若老成 崔浩所知。文成踐阼,拜著作佐郎,未幾遷著作郎。顯祖屢引駿與論易老之義, 矣。」由是聲譽益播,沮渠牧犍擢爲東宫侍講。太延五年,世祖平涼,遷於京師,爲司徒 其言虚誕, 書。 駿少孤貧, 程験, 凡四十卷,大體依許氏説文爲本,上篆下隷, 巡狩甘雨之德焉。 :「朕與此人言, 本廣平曲安人也。 不切實要, 弗可以經世, 駿意以爲不然, 師事劉 又奏得一頌,始於固業,終於無爲十篇。太和九年卒,所製文筆自有集 意甚開暢。」拜祕書令,沙門法秀謀反伏誅,駿上慶國頌十六章, - -六世祖良, 性機敏好學, 晝夜無倦。 晉都水使者, 其書竟未能成。 坐事流於涼州; 老子著抱一之言, 駿謂 眪 曰:「今世名教之儒 祖父肇, 莊生申性本之旨、 吕光民部尚 顧謂羣臣 咸 謂老莊 並序

北史貳壹崔宏傳附崔浩傳云:

録,弟子靈虬。

浩有鑒識,以人倫爲己任。明元太武之世,徵海内賢才,起自仄陋及所得外國遠方名士,

書伍叁李沖傳(北史壹佰序傳同 而用之,皆浩之力也(寅恪案:魏書叁伍崔浩傳無此節)。至於禮樂憲章皆宗於浩。 略 Z.

侯 寵 多隱冒, 尚書 敬彌甚, 名之。文明太后崩後, 寒,衰舊淪屈由之躋叙者亦以多矣。是時循舊王公重臣皆呼其名,高祖常謂沖爲中書而不 始爲富室,而謙以自牧,積而能散 太后覽而稱善,遂立三長, 高祖雖自下筆, 委以營構之任,遷爲尚書僕射。沖機敏有巧思,北京明堂圜丘太廟及洛都初基,安處郊 ,以修整敏惠,漸見寵待, 拜廷尉卿, l沖可領將作大匠,司空長樂公[穆]亮可與大匠共監興繕。]定都洛陽以沖爲鎮南將軍 隴西人,敦煌公寶少子也。顯祖末爲中書學生, 賞賜月至數十萬, 五十三十家方爲一户, 沖以三正治民, 君臣之間, 無不訪決焉。於是天下翕然, 尋遷侍中吏部尚 情義莫二。 高祖居喪, 密致珍寶異物以充其第,外人莫得而知焉。沖家素清貧, 公私便之。遷中書令,尋轉南部尚書。 遷内祕書令南部給事中。 書。韶曰:「明堂太廟已成於昔年,將以今春營改正殿, 及改置百司, 開建五等, 引見接待有加。 , 近自姻族, 逮於鄉間, 莫不分及, 虚己接物, 垂念羈 及殊方聽望咸宗奇之。 所由來遠, 及議禮儀律令, 舊無三長, 高祖初以例遷祕書中散, 以沖參定典式 於是創 沖爲文明太后所幸, 三長之制 惟立宗主督護, 潤飾 高祖亦深 解旨, 封榮陽郡開 而上之。 相仗信 刊定 典禁中文 所 文明 於是 以民 國 思

兆, 朝之望也。 發聲悲泣, 顯貴門族 留京百官相見,皆叙沖亡没之故,言及流淚。高祖得留臺啓知沖患狀, 執我樞衡, 自鄴還洛, 新起堂寢,皆資於沖。旦理文簿,兼營匠制,几案盈積, 總釐朝務, 路經沖墓,高祖卧疾,望墳掩泣久之,韶曰:「可遣太牢之祭,以申吾懷。」與 不能自勝。韶曰:「太和之始早委機密, 務益六姻,是其親者,雖復癡孽,無不超越官次。 」贈司空公,有司奏謚曰文穆,葬於覆舟山,近杜預冢,高祖之意也。後車駕 朕委以台司之寄, 使我出境無後顧之憂, 鴻漸瀍洛, 沖卒, 剞劂在手, 升冠端右, 一朝忽有此患, 高祖爲舉哀於懸觚 謂宋弁曰:「 終不勞厭也。 可謂國之賢也 朕甚愴 僕射

同書叁玖李寶傳(北史壹佰李寶傳同)略云:

既。

其相痛惜如此。

寶有六子:承、茂、輔、佐、公業、沖。 [承]長子韶,延興中補中書學生,襲爵姑臧侯,除儀曹令。時修改車服及羽儀制度,皆令

韶典焉。高祖將創建都之計,韶引侍臣訪以古事。

韶對洛陽九鼎舊所,七百攸基,

地則土

書捌肆 中 儒林傳常爽傳 實均朝貢, 惟王建國莫尚於此, (北史肆貳常爽傳同 高祖稱善。)略云: 起兼將作大匠,敕參定朝儀。

口

河内温人,魏太常林六世孫也。 祖珍, 苻堅南安太守, 因世亂遂居涼州; 父坦, 乞 事。及世宗崩,

君焉。 美男, 稱爽之嚴教,獎勵有方。允曰:「文翁柔勝,先生剛克,立教雖殊,成人一也。」其爲通識 綜 獨守閑静, 歎服如此。 温水之右,教授門徒七百餘人, 伏世鎮遠將軍大夏鎮將顯美侯。[爽]篤志好學,博聞强識, 司馬南天水太守西翼校尉。文通子景别有傳。 州郡禮命皆不就。世祖西征涼土,爽與兄仕國歸款軍門,世祖嘉之,賜仕國爵五品顯 尚書左僕射元贊、平原太守司馬真安、著作郎程靈虬皆是爽教所就 爽爲六品,拜宣威將軍。 講肄經典二十餘年,時人號爲儒林先生,年六十三卒於家。子文通歷官至鎮西 因教授之暇,述六經略注以廣制作,甚有條貫,其略注行於世。爽不事王侯 京師學業翕然復興。 是時戎車屢駕,征伐爲事,貴游子弟,未遑學術,爽置館 爽立訓甚有勸罰之科, 明習緯候, 五經百家多所研 ,弟子事之若嚴 崔浩、 高允並

同書捌貳常景傳(北史肆貳常景傳同)略云:

先是太常劉芳與景等撰朝令,未及班行,別典儀注,多所草創, 之。後爲門下録事太常博士。正始初, 景少聰敏, 及長有才思, 雅好文章,廷尉公孫良舉爲律學博士, 韶尚書門下於金墉中書外 省考論律令, 未成, 芳卒, 高祖親得其名, 粉景參議。 景纂成 既而 其

卷。永熙二年監議事(寅恪案:徐崇補南北史藝文志魏五禮條云疑監議下脱去「五禮」二

韶景[自長安]赴京,還修儀注,又勑撰太和之後朝儀已施行者,凡五十餘

字)。

隋書叁叁經籍志史部儀注類載:

後魏儀注五十卷。

後魏儀注三(寅恪案:三疑五之誤)十二卷,舊唐書肆陸經籍志史部儀注類載:

常景撰。

新唐書伍捌藝文志儀注類載:

常景後魏儀注五十卷。

魏書肆壹源賀傳(北史貳捌源賀傳同)略云:

名,謂賀曰:「卿與朕源同, 因事分姓,今可爲源氏。」長子延,延弟思禮後賜名懷,

源賀,自署河西王秃髮傉檀之子也。傉檀爲乞伏熾盤所滅,賀自樂都來奔,世祖素聞其

書令,參議律令。

北史貳捌源賀傳附玄孫師傳(參考北齊書伍拾恩倖傳高阿那肱傳,

又隋書陸陸源師傳刪略「漢

兒」語殊失其真)略云:

尚書事, 師少知名,仕齊爲尚書左外兵郎中, 謂爲真龍出見,大驚喜,問龍所在, 又攝祠部。 云作何顏色。師整容云。「此是龍星初見 後屬孟夏, 以龍見請雩。 時高阿那肱爲録

不行。 依禮當雩祭郊壇,非謂真龍別有所降。」阿那肱忿然作色曰:「漢兒多事,强知星宿 」師出歎曰:「國家大事,在祀與戎,禮既廢也,其能久乎?齊亡無日矣。」尋周武

通 選壹柒壹陳紀太建五年夏四月載 此 事, 胡注 E.

平齊。

諸源本出於鮮卑禿髮, 高氏生長於鮮卑, 自命爲 鮮卑, 未嘗 以 爲諱, 鮮卑遂 貴種,

取 通鑑詳書之,又一嘅也。 調

華人爲漢兒,

率侮詬之。諸源世仕魏朝貴顯

習知典禮

遂有零祭之請

冀以取重

乃 率

] 書壹貳叁宋紀元嘉十六年十二月,涼州自張氏以來號為多士條,胡注 Z

故涼州號爲多

永嘉之亂,中州之人士避地河西,張氏禮而用之。子孫相承,衣冠不墜,

百

陸伍 林驥傳 (南史柒拾循吏傳杜 驥 傳 ii 略 Z

中華高族,亡曾祖晉氏喪亂播遷涼土,世業相承,不殞其舊,直以南度不早,便以荒傖賜 朝廷常以儋荒遇之,雖復人才可施,每爲清途所隔,坦以此 祖 職, 始還關中。兄坦 京兆杜陵人也。 頗涉史傳,高祖征長安席卷隨從南還, 高祖預晉征南將軍, 曾祖 耽避地河西, 太祖元嘉中任遇甚厚。 既然, 嘗與太祖言曰:「 因仕 張氏, 苻堅平 晚 凉 度北 州,父 臣本

寅恪案 杜坦 所言 亦可與晉書捌 肆 楊佺期傳多證。

魏書叁捌袁式傳(北史貳柒袁式傳同)略 <u>-</u>

泰常二 陳郡 年 陽夏人。 歸 國 父淵司 爲上客 馬昌 賜爵陽夏子。 明 侍 中。 式在 與 司 南 徒崔 歷武 陵王 浩 面便 遵諮議參 盡 國士 軍 之交。 與司 是 馬文思等 時 朝 儀 典 歸 姚

所留 作字 釋未

悉出

於浩

浩以式

博於

古事

每所草

創

恆顧訪之。

式沈靖樂道

周覽書傳

至於

計訓

宗欽 對王戎之語 斑矣。 中 答(世説 乃承 段承根俱主 原古 其個性之真實雖難確定, 曹魏 崔浩傳 程 誼 新語文學篇阮宣子有令問條, 其他史料關 駿 才性之説者, 久已失傳, 與 所謂 此浩所以喜 其説 器 外國遠方名 昞之言, 實為漢儒舊誼 於此者亦有歧 此 其 崔浩之 八與家 乃周 亦當日中 士, ,然不足致疑也。又此問題當時有實際政治及社會之關係, 學冥 孔名教與老莊自然合 解, 當即指 會, 異 州 或出其家學之僅存者 今日得尚秉和先生易林解訪 絕響之談 以為阮脩答王衍之言, 而於河 初視之似難定其是非。 河西諸學者或袁式而言。 也。 西學者所以特多薦拔之故 若非河 之論, 西保 然在河 此説 其實 晉書 存 其 為晉代清 一書,愈可證明者 其以左傳卦 西則 此 肆 説 玖 門 遺説 敷 若乃代 阮 則 ? 瞻傳 談 今 猶 İ 图 表當 亦無以 在 兩之注 則 焦 以 點 時通 也。 為 其 阮 窺見 Ŧ 地 學

世 説, 捌 其 僅 偲 宗 河 高 落為編户 西涼 然哉 其付 西家 之事 論 於玄談 車 而 乃 督 ·傳等 其 中 護 1 冲 李 最 而袁宏後 無不 高之 制 遺 以 舊 顯 理 又史言沖以過 為三 事有 壤久 著者 端 茲不 傳之舊學無 使沖參决監令者, 揆重 曾 長 詳 弱 E 漢 寅恪別有文考之, 孫 制 論 任 其餘 不 紀之議 實 聞 雖 本 亦用夏變 疑 散 魏書賀 凡製定 以 此 一於篤 胡部之遺 也。 見諸 論 得 論 幸 厚 , 多為此 納 禮儀 卷 魏 斯 親 文 夷 傳 初宗 蓋幾以待王 明 又 舊見譏 律令, 跡(參考魏書壹壹叁官氏志,及北史捌拾外 之政策, 不可悉舉)。 太后 泂 茲不詳論 高車 間 主督護之制 西 題之詳釋也(後漢 遂致貴 傳 及營建 隅之 如 皆取之北史),不僅普通豪族之兼 一肅者 為北 北 史 地尚 顯 白晉 所謂 待 都 魏 (參考魏書壹壹拾食貨志), 邑宫 冲 陸 漢 然孝文既 能 室南 將 廣 化 保 | 廟諸 則 陽 歷 無同」三語 存 渡 紀 沖之為人 程之一 Ŧ 典午 之後 貳 役 建 非 貢 附 中 延嘉 庸 以 深 重 朝 過江 、必非 闇 及 (淵 要階 之 遺 即實 九 其 主 説 名 年)傳所言 他有 庸 段 之 及貳 I 同 碌 且 之意 尚 凡 100 併已也。 蓋與道 戚 其 證 能 為 流 變 叁 傳質 事 也。 革 酷 沿 建 發 乃此 武 慕 沭 實 夷 寧 李 時 能 漢 至 西 傳 離散 李沖 年之 冲 保 摹 化 朝 間 請 玖

戍。」 深 上引劉昞 (淵 書日 傳 中 及太和在歷 李沖請 褒顯劉 丽子 僕射 孫之類而言 李沖當官任 事 但太和以後正 凉州 土人悉免厮役, 光之時, 崔 光復請 舊 免昞 門 仍 孫碎 防

四五

漢化 乎? 中 文字之學 梅 典章之宗主 曲 反 中華 原 文 韶 於 、愛慕河 為安全 所 化 亦能 又李韶 代京 言 源懷之參議 有 韶 而在文化 既 傳 為 所 關 西晉之學風 其河 洒漢 載 歷 尚 學 顯 由 故其 業之 亦無 替 世 不 河 南 定 西文化於北 其家世 相 其 西家世之學 寶之嫡 族文化所致 入北之漢族 以 興, 不可 所 傳 其事彰彰 律令尤可 謀 保 不 盡 一之學 墜諸 實由 存 出 也 沖又卒成 孫 下 者 門 牌 無疑。 亦 亦 事 題 甚 注意 朝影 其 其詳 世 沖之猶子也。 北 力, 家 無 較中 實 也 明 而 不 當 其 響之深鉅 元 與 原 足 觀 其 事 淵之所 實為論史之關要 又遷都洛陽乃北 與涼州 至 於後論 為多。 知當 高阿 江 江 見 北 氏 一式請 遷洛之役 重 那肱之 都 謂 H 於 孝文帝用夏變夷改革 相 人士絶 此 此 豐沛 學 崔 城 同 撰 隋、 不 術 亦 浩 建 古 築師 無關 由 獨 斥 舊門 中 今文字表中 高 李氏 源 例 唐之制度 此言之, 江 心 魏漢化政策中 故略 即 氏 允 在 師 證 中 涉, 述之。 家 為漢 諸 也。 父子始終參 指六 族 太和 族 附著鄙意於此 秦凉 文字 兒一事 源氏 鎮鮮卑及胡 而 所 固 常 承前啓後 之後李沖 不 述, 車 其 之 在 雖 爽 諸 服羽儀 大關 學 學校 預 小小 宜 出 出 其家 矣。 如 自涼 西 口 加 北 然則 是 證 两 鍵 化漢 久 諸制 自西晉以來 當詳 一當日 常景為 繼絶扶 涼 北 戎 州 死 隅 竟謂 即 州 朝 類 11 度, 前 之 胡 族 光之請 悉別論之。 衰 地 引 隅 漢 然其 太 北 世 鮮卑舊 和 魏遷洛與 日 而 避亂 其 五百 凉 家 以 為 其 免役 與之並 文 學 秩 人均 # 後 北 凉 年間 化上 ·者及 序較 禮樂 深染

魏

初

河

州

自

之河 3/E 綿 西 脈, 遺 然後始 但其 知北 本身性質及後來影響, 朝文化系統之中 昔賢多未措念, 其 由 江 . 左發展變遷輸入者之外, 寅恪不自揣 謭 陋, 尚別有 草此 短篇 漢 藉以 西晉 唤

起今世 一學者之注意 也

之學術 歇。 又北 備之結果以 以其舊學 魏 族 但其鄰近地域若關隴之區 之取 必 俱以其鄉 未盡淪 傳於隋唐者, 涼州, 出佐 上家世之學術助 廢 士人年老者如劉昞之流 故西 興王 甚相類也。 北 卒能 隅 長北 再 既承繼姚秦之文化,復享受北魏長期之治安,其士 偏塞之區 傳 魏之文化, 至其例證, 而成楊隋 始聽其一子留鄉里侍養,似河西文化當亦隨之而衰 值周隋 代之制 凝鑄混和, 非本章所能盡具, 兩朝開創之際, 以傳之有唐, 而成高齊一代之制度, 當於論職官、 終有蘇氏父子及牛辛 頗與 北 魏 刑律諸章 為北 两 族家世 學者 朝 更詳 及南 最 諸 相

上文已將隋唐制度三源中之(西 魏、 周 一源及南朝河西文化之影響約略述之矣。 茲於(北

(北)齊一源之中 洛陽鄴 都文化 9 除去 之影響於隋唐制度者考證 弱 沙南 朝 及河 西文化者不重複論述外,專就元魏孝文以後, 迄於高齊之

然孝文之所施為, 跋部族自道 武 實亦不過代表此歷代進行之途徑, 帝 入居中 原 逐 一漸漢 化 至孝文帝遷都洛陽後, 益加速加甚而已。 其漢化之程度雖 在孝文同時 較前 其鮮卑舊

__

禮

儀

之 化政策 守胡化 傳), 強大, 表面 族如 (見魏 爾朱榮傳及洛陽伽 虐政 大變 觀察, 穆泰等(見 誠為不得已也。 齊書 曹順順 亦愈固 略可窺 及 有意無意中之一大表示, 也 府户待遇 壹神 可謂魏 見, 北史壹玖廢太子恂傳)亦「謀召牧馬, 武 一魏書貳柒、北史貳拾穆崇傳)其對於漢化政策固 即 紀 藍 孝文遷都洛陽以後之漢化政策遭一大打擊, 不平之類 反抗洛陽之漢化腐化力因 因以愈知孝文之假辭 記壹永寧寺像)。 北史陸 故自宣武 齊 然間接促成 本紀、 以 非僅爾朱榮、費穆等 後, 隋書 洛陽之漢化 其後高歡得六鎮流民之大部 南侵, 武泰元年四 『演肆 隨之而 遂成 食貨 愈深, 遷都之計者(見魏書伍 益 (志等), 輕騎奔代」, 月十三日 強 一時之權略所致也(見魏 故魏 而腐化乃愈甚, 東西 不同 而逆轉為胡 爾朱榮河 末六鎮之亂 兩國 則 意, 賀拔岳、 鮮 户 俱以六鎮 族對 陰之大屠殺 即孝文親子如廢太子恂 叁李 其 化 同 漢化 雖有 沖傳 書柒肆 流 宇文泰得其 時之代 誠 北 民創 政 諸 朝 北 實 原 策反抗力之 業 政治 北 胡 北六鎮 史壹 天 史 族 少數 肆 社 初自 對 如 佰序 捌 漢

北 史叁貳崔挺傳 史 族 、叁壹高允傳、貳肆封 如 渤海之高 北齊書叁玖崔季舒傳, 氏、 封氏 懿傳 及清 河 北齊書貳叁崔 "博陵之崔 北史叁順崔 氏等不 俊傳, 北 海 得 挺傳 不發 史頂肆崔逞 全關 使 :北齊書叁拾高德政傳 係 (見北齊 亦因 傳 以 書 北 與 一 順 壹 齊書叁 當 高乾 一代表 一拾 北史叁壹高允 漢化 崔 封隆之 運傳, 北 之 Ш 傳,

雖

高歡

本身,

生於六鎮,

極度

胡化

其渤

世

系

即

依

託,

東

傳等)。其子澄尤為漢化, 據北齊書叁文襄紀(北史陸齊本紀同)云:

門下,以爲賓客, 人, 又沙汰尚書郎, 元象元年攝吏部尚書。 每山園游燕, 必見招携, 執射賦詩, 各盡其所長, 妙選人地以充之。至於才名之士咸被薦擢,假有未居顯位者, 魏自崔亮以後選人常以年勞爲制, 文襄乃釐改前式,銓擢 以爲娱適。 唯在得

以推 傳, 非驢非馬 宇文泰所不得不深相畏忌,而與蘇綽之徒別以關隴為文化本位,虛飾周官舊文以適鮮卑野俗 恢復熾盛於鄴都。魏孝文以來,文化之正統仍在山東,遙與江左南朝並為衣冠禮樂之所萃,故 齊書叁壹王 既 夫當時所謂「妙選人地」, 為仇讎敵國 茲節引史傳證之如下: 因才幹柄用,而邢(邵 八如裴矩 知也。 北史伍陸魏收傳)。洛陽文物人才雖經契胡之殘毀,其遺燼再由高氏父子之收掇 一
明
傳 隋書貳高祖紀下仁壽二年 之所染化(見下章論職官、 藉用欺籠一時之人心, 所以至其子(武帝)併齊之後, 成陵之鬼餒, 而開國制度已漸 劉焯、 北史貳肆王憲傳;北齊書叁陸邢邵傳, 劉炫、 即「選用漢化士族」之意義,故高氏父子既執魏政,)、魏(收)亦以文采收錄(見北齊書叁肆楊愔傳, 李百藥等, 十月己丑韶書所命修撰五禮之薛道 刑律、兵制諸書)。然則當日山東鄴都文化勢力之廣 其本身或家世皆出自北齊 北史肆叁邢巒傳 以廣義言, 衡、 北史肆壹楊播傳 楊(愔)、王(昕及晞 王劭 俱可謂之齊人也。 北齊 及與 書叁柒魏收 製禮有關 更得以 大可

隋書伍柒薛道衡傳(北史叁陸薛辯傳同)略云:

突厥 鄉里。 館,與范陽盧思道、 薛道衡, 漸見親用, 召典軍書, 高祖作相, 河東汾陰人也。 頗有附會之譏, 還除内史舍人。 從元帥梁睿擊王謙, 、安平李德林齊名友善。復以本官直中書省,尋拜中書侍郎。 [齊後主]武平初韶與諸儒修定五禮, 後與斛律孝卿參預政事。及齊亡,周武引爲御史二命士, 除吏部侍郎 攝陵州刺史。 坐黨蘇威除名, 高祖受禪, 除尚書左外兵郎。 坐事除名。 配防嶺表。 河 尋有部 間王弘北征 後主之時 待韶 後還 後歸 文林

樞要,隋文命其修定隋禮,自為適宜, 寅恪案:道衡家世本出北齊, 直内史省, 其本身於北齊又修定五禮, 而道衡依其舊習, 參預政事, 及齊亡歷周入隋, 効力新朝, 史言隋禮之修「悉用東齊

復久當

後數歲授內史侍郎。

儀注以為準」, 自所當然也。

隋書陸玖王劭傳(北史叁伍王慧龍傳 同 略 Z.

王劭 太原晉陽人也。 待韶文林館 父松年齊通直散騎侍郎。 後遷中 書舍人。 齊滅 入周, 齊尚 不得調, 書僕射魏收辟 高祖受禪, 一一一一 參開 授著作佐郎。 府軍

北史叁捌裴佗附矩傳(隋書陸柒裴矩傳略同)略云:

裴佗字元化, 河東聞喜人也。六世祖詵仕晉, 位太常卿, 因晉亂, 避地凉州 苻堅平河

論證, 注,矩與牛弘、李百藥(隋書裴矩傳不載李百藥名)等據齊禮參定(此條大部前已徵引, 啓人可汗初附 使馳召之, 參相府記室事。 西 東歸, 齊亡不得調。隋文帝爲定州總管,補記室,甚親近之,以母憂去職。及帝作相, 見上文)。 因居解縣,世以文學願(寅恪案:此亦河西文化世家也)。〔孫〕矩仕齊爲高平王 令矩撫慰之,還爲尚書左丞。其年(仁壽二年)文獻皇后崩, 受禪, 遷給事郎, 奏舍人事,除户部侍郎, 遷內史侍郎。上以 太常舊 並附

隋書柒伍儒林傳劉焯傳(北史捌貳儒林傳下劉焯傳同)略云:

博學通儒無能出其右者,焯又與諸儒修定禮律。 人稱二 一劉焉。 射策甲科, 信都昌亭人也。父洽郡功曹。少與河間劉炫結盟爲友,以儒學知名,爲州博士,舉 天下名儒後進質疑受業, 與著作郎王劭同修國史 不遠千里而至者, 兼參議律曆。 不可勝數。 劉炫聰明博學, 論者以爲數百年已來 名亞於焯,故時

同書同卷劉炫傳(北史捌貳儒林傳劉炫傳同)略云:

劉炫 與諸儒修定五禮,授旅騎尉。 州刺史宇文亢引爲户曹從事,後奉勅與著作郎王劭同修國史,又與諸術者修天文律曆,又 河間景城人也。少以聰敏見稱,與信都劉焯閉户讀書, 吏部尚書牛弘建議, 以爲禮諸侯絶旁暮,大夫降一等,今之 十年不出。周武帝平齊,瀛

上柱國雖不同古諸侯,比大夫可也,官在第二品宜降旁親一等,議者多以爲然。炫較之 :: 「古之仕者宗一人而已,庶子不得進,由是先王重適,其宗子有分禄之義, 族人與宗

醮。炫著論以爲不可,弘竟從之。諸郡置學官及流外給廩皆發於炫。 勢使然也,又以風俗陵遲,婦人無節,於是立格,州縣佐吏三年而代之,九品妻無得再 之有?」遂寢其事。煬帝即位,牛弘引炫修律令。高祖之世以刀筆吏類多小人,年久長姦, 子雖疏遠,猶服縗三月,良由受其恩也。今之仕者位以才升,不限適庶,與古 近既異, 何降

同書肆貳李德林傳(北史柴貳李德林傳同)略云:

昂訪問齊朝風俗政教人物善惡,即留内省,三宿乃歸,仍遣從駕,至長安,授內史上士, 朕本畏爾逐齊主東走,今聞猶在,大以慰懷,宜即入相見。」道和引之入内, 事。及周武帝克齊,入鄴之日勅小司馬唐道和就宅宣旨慰喻云:「平齊之利, 李德林, 以後韶皓格式及用山東人物一以委之。開皇元年勅令與太尉任國公于翼、高頌等同修 事訖奏聞,别賜九環金帶一腰、駿馬一匹,賞損益之多也。 博陵安平人也。 齊主留情文雅,召入文林館,又令與黄門侍郎顏之推同判文林館 遣内史宇文 唯在於爾

舊唐書柒貳李百藥傳(新唐書壹佰貳李百藥傳同)略

李百藥,定州安平人。隋内史令安平公德林子也。開皇初授東宫通事舍人,遷太子舍人,

云

定律令,撰陰陽書。[唐太宗]貞觀元年召拜中書舍人,賜爵安平縣男,受詔修定五禮及律 素、吏部尚書牛弘雅愛其才,奏授禮部員外郎。皇太子勇又召爲東宫學士。 兼東宫學士。或嫉其才而毀之者,乃謝病免去,十九年追赴仁壽宫令襲父爵。 韶令修五禮 左僕射楊

所命修定五禮諸臣中如許善心、虞世基,以及其名不見於此詔書中而亦預聞修定禮儀制度之明 論隋唐制度(北)魏、(北)齊之源既竟,茲略考其梁陳之源,凡隋高祖仁壽二年閏十月己丑 皇后喪議, 品官降旁親服一等之議, 寅恪案: 已於前文論之。李德林為齊代文宗,周武得之,特加獎擢。 裴政、袁朗等,俱屬於梁陳系統者也。以後略依時代先後,節録史傳之文,證之如下: 王劭、 復於唐貞觀世修定五禮, 則隋唐禮制與北齊人士有密切關係, 劉焯、 劉炫皆北齊儒學之士,而二劉尤為北朝數百年間之大儒。 則知山東禮學遠勝於關隴也。裴矩用東齊儀注以佐牛 百樂承其家學, 於此 可見也。 弘定 觀炫駁牛弘二 既參定隋文獻 獨孤 部書 后喪

隋書伍捌明克讓傳(北史捌叁文苑傳明克讓傳 明克讓, 父山賓梁侍中。 同)略云:

平原鬲人也

克讓博涉書史,所覽將萬卷,

三禮禮論

尤所研精。

釋褐湘東王法曹參軍 ,歸於長安,周明帝引爲麟趾殿學士。[隋]高祖受禪,拜太子内舍人。轉率更令, 仕歷司徒祭酒, 尚書都官郎中、散騎侍郎、 國子博士 中書侍郎。 太子

五三

常牛弘等修禮議樂,當朝典故多所裁正。開皇十四年以疾去官,卒年七十。 以師道處之,思禮甚厚。於時東宫盛徵天下才學之士,至於博物洽聞, 皆出其下。 韶與太

寅恪案: 梁書貳柒明山賓傳(南史伍拾明僧紹附山賓傳同)略云:

儀十五卷。(參上文所引隋書叁叁經籍志史部儀注類梁吉禮儀注條。

時

初置五經博士,

山賓首膺其選,

所著吉禮儀注二百二十四卷、

禮儀二十卷、

孝經喪禮服 掌治吉禮。

修隋室之新

Ш

賓年十三博通經傳。

梁臺建,

爲尚書駕部郎,

遷治書侍御史右軍記室參軍,

儀;牛弘製定五禮, 據此 山賓為梁代修定儀注之人,以禮學名世,克讓承其父學, 欲取資於蕭梁,而求共事之人,則克讓實其上選無疑也。 據梁朝之故事,

隋書捌禮儀志略云

梁書貳捌裴邃傳附之禮傳(南史伍捌裴邃傳同 開皇中, 韶太常牛弘、太子庶子裴政, 撰宣露布禮。

隋書陸陸裴政傳(北史柒柒裴政傳同)略云:

子政承聖中官至給事黄門侍郎,

江陵陷

隨例

入西魏。

裴政 之禮廷尉卿。 河東聞喜人也。高祖壽孫從宋武帝家於壽陽, 政博聞强記 ,達於時政,爲當時所稱。江陵陷,與城中朝士俱送於京師, 祖邃梁侍中左衛將軍豫州大都督, · 授

平, 多遵古禮 員外散騎侍郎, 無有冤 , 革漢魏之法, 濫 又善鐘律。 引事相府, 事並施行。 命與盧辯依周禮建六卿設公卿大夫士,並撰次朝儀車服器用 宣帝時 以忤旨 尋授刑部下大夫。 免職 高 祖 攝 政明習故事, 政 召復本官。 參定周律, 開 皇元年轉 用法寬 率 更

餘人, 凡疑滯不通, 皆取決於政。

令,

韶與蘇

威等修定律令。

政採魏晉刑典,

下至

一齊梁,

沿革輕重取其折衷

同撰著者十

有

度者 創制律令, 胎譏通識 寅恪案: 裴政為南朝將門及刑律世家, 其與盧辯之摹倣周禮, 為宇文泰文飾胡制, 與其 (在西 上採魏晉,下迄齊梁,是乃真能用南朝之文化及己身之學業, 始由亡國俘囚受命為此, 諒非其所長及本心也。故一入隋代, 魏北周時迥不相同,今以其屬於刑律範圍 俟於後刑律章論之。 以佐成北朝完善之制 乃能與蘇威等為新朝 童牛角馬

隋書伍捌許善心傳(北史捌叁文苑傳許善心傳同)略云:

許善 官直門下省。[開皇]十七年除祕書丞。 遇高 心 祖伐陳 高陽北新城人也。 禮成而不獲反命, 祖茂, 父亨。 累表請辭, [仁壽]二年加攝太常少卿, 善心家有舊書萬餘卷 上不許, 留繁賓館。 皆偏 與牛弘等議定 及陳亡, 通 涉。 貞 高 明二年聘於 祖 勅

寅恪案:梁書肆拾許懋傳(南史陸拾許懋傳同)略云:

尤曉故事, 稱爲儀注之學。天監初, 吏部尚書范雲舉懋參詳五禮。時有請封會稽禪 國山

昊天上帝亦如之,良由天神尊遠,須貴誠質,今泛祭五帝,理不容文。」改服大裘,自此 年,懋始請造大裘,至是有事於明堂,儀注猶云服衮冕。懋駮云:「禮云:大裘而冕, 因推演懋議, 高祖雅好禮,因集儒學之士草封禪儀,將欲行焉,懋以爲不可, 稱制旨以答請者,由是遂停。宋齊舊儀郊天祀帝皆用衮冕, 因建 議 至天監七 高 祖 嘉納 祀

零祭燔柴經無其文 又降勅問:「凡求陰陽,應各從其類,今雩祭燔柴以火祈水,意以爲疑。」懋答曰: 良由先儒不思故也, 請停用柴,其牲牢等物悉從坎瘞,以符周宣雲

漢之説。 」韶並從之。 凡諸禮儀多所刊正。

據此 禮,其梁陳故事,足供採擇者,乃其家世顓門之業也。 許懋尤曉故事,以儀注之學著名梁時,又參詳五禮, 凡諸禮儀多刊正, 則善心之預修隋

隋書陸柒虞世基傳(北史捌叁文苑傳虞世基傳同)略云::

奂見而歎曰:「南金之貴屬在斯人。」少傅徐陵一見而奇之,顧謂朝士曰:「當今潘陸也。」 虞世基,會稽餘姚人也。父荔,陳太子中庶子。世基博學有高才,兼善草隸。陳中書令孔

因以弟女妻焉。 仕陳釋褐建安王法曹參軍, 遷中庶子散騎常侍尚書左丞。 及陳滅歸國, 爲

[唐書壹玖拾上文苑傳袁朗傳(新唐書貳佰壹文藝傳上袁朗傳同)略云: 通直郎, 直内史省 未幾拜内史舍人。

入禁中, 在陳釋褐祕書郎, 陳尚書左僕射樞之子。其先自陳郡仕江左,世爲冠族, 使爲月賦 朗染翰立成。 甚爲尚書令江總所重。嘗製干字詩,當時以爲盛作。 後主日 觀此 賦 謝希逸不能獨美於前矣。」又使爲芝 陳亡, 徙關中。 陳後主 朗勤學好屬 聞 而 召

相似, 時者也。 寅恪案:明克讓、 冠事見隋書壹貳禮儀志大業元年詔 然則 虞世基、袁朗在陳時即有才名,因見收擢 隋修五禮, 欲採梁陳以後江東發展之新跡, 嘉蓮二頌 (史所謂隋「採梁儀注以為五禮」者, 必經由此諸人所輸入, 無疑也。(袁朗參預制 裴政 深見優賞, (俱以江陵俘虜入西魏, 遷祕書丞。 兩唐書朗本傳未載。) 陳亡, 許善心以陳末聘使值國 皆為南朝之名士,而家世以學業顯 仕隋爲 則茲數子者,亦猶北魏孝文帝之王肅、 尚書儀 曹郎 滅而不歸, 其身世 於梁陳之 與 庾信

者,仍頗 周 禪 有誤會,故不 迥然別為 其禮 制多 事, 不上襲北周 憚繁瑣 而與 後來本 重為申證,惟前文已徵引者, 而轉飯北 唐之繼楊隋者不同。 齊 或更採江左蕭梁之舊典 此本極顯著之常識 則從略焉。 與 其 政 〈權之 但近世之論史 授受 王業

今已略據史傳

以考隋制

五禮之三源,

請更舉

隋書

禮儀志之文, 以為例

證。

主旨

在闡

明隋文帝

隋書陸禮儀志略云:

憲章姬周 祭祀之式多依儀禮。 [隋]高祖受命,欲新制度,乃命國子祭酒辛彦之議定

祀典。

寅恪案:此隋祀典不襲北周之例證也。

又同書同卷略云:

寅恪案 (北)魏、 明堂在國之陽,梁初依宋齊,其祀之法,猶依齊制,禮有不通者,武帝更與學者議之。 (北)齊制,又不得不採代表南朝後期之梁制,以臻完備也。 此梁更易齊制,乃南朝後期與其前期演變不同之例證。隋制五禮既用代表南朝前期之

又同書柒禮儀志略云:

開皇四年十一月韶曰:「古稱臘者接也,取新故交接。前周歲首今之仲冬,建冬之月稱蜡 可也。後周用夏后之時,行姬氏之蜡,考諸先代,其義有違,其十月行蜡者停,可以十二 隋初因周制, 定令亦以孟冬下亥蜡百神, 臘宗廟, 祭社稷, 其方不熟, 則闕其方之蜡焉。

月爲臘。」於是始革前制。

又同書捌禮儀志略云:

寅恪案

此隋祀典不襲北周制之例證也。

後魏每攻戰剋捷, 太常卿牛弘、太子庶子裴政撰宣露布禮。及九年平陳,元帥晉王以驛上露布, 欲天下知聞, 迺書帛建於竿上, 名爲露布, 其後相因施行。 兵部奏請依 開皇中迺韶

寅恪案:此為隋代修禮,承襲北魏遺産,而更與南朝專家考定之一例證。 裴政本江陵陷後朝士

被俘之一人,而以律學顯名者也。詳上文所引史傳,茲不備述。

又同書拾禮儀志略云:

輿輦之别,蓋先王之所以列等威也。然隨時而變,代有不同。梁初尚遵齊制,其後武帝既

乃漸有變革。

象、革、木等五輅及五色副車。此後漸修,具依梁制。

陳承梁末,王琳縱火,延燒車府。至天嘉元年,勅守都官尚書寶安侯到仲舉議造玉、金、

寅恪案:此南朝後期文物發展變遷,梁創其制而陳因之之例證也。

又同書同卷略云

帝又韶侍中崔光與安豐王延明、博士崔瓚採其議,大造車服。自斯以後,條章粗備,北齊 後魏天興初韶儀曹郎董謐撰朝饗儀,始制軒冕,未知古式,多違舊章。孝文帝時,儀曹令 李韶更奏詳定,討論經籍,議改正之,唯備五輅,各依方色,猶未能具。至熙平九年,明

咸取用焉。其後因而著令,並無增損。

寅恪案:李韶、 崔光傳文前已徵引,韶之家世代表河西文化,光之家世代表南朝前期文化,據

五九

法。 此 日 故北 知 魏 齊咸取 初之制多違舊章, 用 焉 其後因而著令, 得河 西南朝前 並無增損 期之文化代表人物, 是北齊文物即河西及南朝前期之遺産 始能制定 代新 禮 足資 後 來師 得此

又同書同卷略云:

為證

,其事益明

不顧矣。

取尤異者, 及[周]平齊, 並加雕飾,分給六宫,合十餘乘, 得其輿輅, 藏於中府, 盡不施用, 皆魏 至大象初、 天興中之所制也。 遣鄭譯閱 視武庫, 得魏 周宣帝至是咸復御

韶所制五 輅, 齊天保所遵用者, 又留魏[肅宗]熙平中太常卿穆紹議皇后之輅

之。

開皇元年,

内史令李德林奏:「周魏與輦

乖制

請皆廢毀。

高祖從之,

唯留魏太和李

寅恪案 文及其後嗣 禮制典章 周襲魏天興舊制 尤所諳練(見前文所引),故請毀廢而用魏太和熙平齊天保之制度, 所採用南朝前期之文物, 雖加 雕飾,仍不合華夏文化正式系統也。李德林本北齊舊臣, 經北齊遂成為一系統結集者。此隋在文物上不繼周 而此 制 度即 m 因齊 魏孝 當時

又同書同卷略云。

之例證也

用舊物。 下旒及就數各依 至九年平陳 一一 一 又得輿輦, 雖依 舊著令者 製名 未及創 以付有司, 造 開 皇三年閏 所不載者, 十二月並 並皆毀棄, 雖從儉 韶 停造, 而

而於 禮多闕。 十四年,韶又以見所乘車輅因循近代,事非經典,於是命有司詳考故

實, 改造五輅及副。

尚書安平公宇文愷、内史侍郎虞世基、禮部侍郎許善心、太府少卿何稠、 大業元年 更製車輦, 五輅之外設副 車, 韶尚書令楚公楊素、 吏部尚 書奇章公牛弘 朝請郎間 毗 工部

奏決,於是審擇前朝故事,定其取捨云。

築節中考證之, 茲姑不涉及, 至宇文愷、何稠、閻毗三人,俱特以工巧知名,其參與此役, 之發展者增 保守主義, 大部分前已論及, 興輦之制,隋文帝受禪不襲周而因齊,即因襲南朝前期之文物,經過魏太和、 補之不可,此開皇十四年所以有更議之詔 其乘用以限於舊令所著, 而制度尚有所未備者 而虞世基、 許善心則南朝後期文物即梁陳文化之代表者, 以免枝蔓淆混 ,則南朝後期梁陳之文物末能採用故也。開皇九年平陳,初持 是以於禮多關, 也。又大業元年所命議製車輦 蓋欲求備禮, 非更以 蓋由於此, 將於下文附論都城建 南朝後期即梁陳一代 可為鄙説之例證也。 諸 臣, 齊天保 其中

又同書同卷略云:

屬車 大業初屬車備八十一乘,三年二月帝嫌其多,問起部郎閻毗。毗曰:「臣共宇文愷參 秦爲八十一 乘, 漢遵不改, 法駕三十六乘,小駕十二乘。開皇中大駕十二乘,法駕减

法令、憲章往古,大駕依秦、法駕依漢、小駕依宋。」帝曰:「大駕宜用三十六, 平王宏曰:『八十一乘無所準憑,江左五乘儉不中禮,宜設十二乘。』開皇平陳 二,小駕除之可也。」 此起於秦,遂爲後式, 又據宋孝建時有司奏議, 晉遷江左, 唯設 五乘。 尚書令建 法駕十 因 以爲

時議定與輦, 皇后屬車三十六乘。 正其數, 」制曰:「可。」 博士王燮之議謂十二乘通關爲允,宋帝從之,遂爲後式,今請依乘輿, 天子屬車十有二乘,至大明元年九月有司奏皇后副車未有定式, 初宇文愷、 閻毗奏定請减乘與之半。禮部侍郎許善心奏駁曰:「宋孝建 韶下禮官議 不須差

為隋代制度之準憑,於此可見。此隋文制禮兼採南朝文物之例證也。 平陳之故得以效法。至許善心駮皇后屬車之數不應差降,請從宋制為準,則南朝舊臣以其所習 寅恪案 屬車之數,晉遷江左為五乘,宋改十二乘,開皇平陳,因以為法令,雖曰依宋, 實因

又同書壹壹禮儀志略云。

傅清河王懌、 黄門侍郎韋廷祥等奏定五時朝服, 自晉遷江左, 中 至太和中方考故實, 正定前謬, 原禮儀多缺。 後魏天興六年, 部有司始制冠冕, 準漢故事, 更造衣冠 尚不能周治。 五郊衣幘, 各依品秩, 各如方色焉。 及至熙平二年太 以示等差,然

後周 設司服之官 掌皇帝十二服。[又]諸公侯伯子男三公三孤公卿上中下大夫士之服。

[又]皇后衣十二等。

寅恪案

周]宣帝即位,受朝於路門,初服通天冠絳紗袍,羣臣皆服漢魏衣冠。

隨 輸入之晉南遷以後江左之文物也。 順當日之趨勢, 更加以普遍化而已。 周滅齊不久, 即已採用齊之制度, 此點當於後論府兵制時 詳之, 茲即 然則 就 隋之採用 禮制 言 齊 亦最 制 不過 顯之

周宣帝即位當時已服漢魏衣冠。所謂漢魏衣冠,即自北魏太和迄北齊河清時期北

朝所

又通鑑壹柒叁陳紀, 太建十一年春正月癸巳周主受朝於露門,始與羣臣服漢魏衣冠條, 胡注

例證也

以此知後周之君臣,前此蓋胡服也。

典禮如 壹壹禮儀志文, 之衣冠 元旦 而改用 前此後周之君臣平時常服或雜胡 朝賀時 東齊 後周設司服之官下所列君臣衣冠 服 所承襲 用之。 南朝北 史載宣帝君臣服用漢 魏制度之意。 制 而 諸制 魏衣冠者 元旦 舊史論官 是也。 一朝賀, 制時往往以周官與漢語 此 乃不依後周先例服 即服用摹擬禮經古制之衣冠 種摹倣古制之衣冠 用 魏對文亦 摹 倣 當然於 禮經經 此意 隋書 古 正 制

袖

催

也。若依胡氏之説,豈後周既倣古制定衣冠,而不於正式典禮時用之,更將於何時用之乎? 磵本通人,於此尚偶有未照, 然則此書之分析系統, 追溯淵源, 其語似甚繁, 其事似甚瑣, 梅 m,

終不能不為之者,蓋有所不得已也。

又隋書壹貳禮儀志略云:

論之, 志云,立春之日京都皆著青衣,秋夏悉如其色。逮於魏晉迎氣五郊,行禮之人皆同此 行,乃有立夏衮衣以赤爲質,迎秋平冕用白成形,既越典章, 五行, 考尋故事、唯情從衣色。 今皇隋革命,憲章前代, 未載其攝太常少卿,俟考)奏曰:「竊見後周制冕,加爲十二,既與前禮數乃不同,而色應 子庶子攝太常少卿裴正(寅恪案:正疑當作政,但隋書、北史裴政傳俱言政,轉左庶子,而 〔隋〕高祖初即位,將改周制,乃下詔曰:「祭祀之服須合禮經,宜集通儒,更可詳議!」太 稱爲違古是也。 又非典故 且後魏以來制度咸闕, 周氏因襲, 今請冠及冕色並用玄,唯應著幘者任依漢晉。」制曰:「可!」於 其魏周輦輅不合制者,已勅有司盡令除廢。 將爲故事, 大象承統, 天興之歲草創繕修, 所造車服多參胡制, 咸取用之。輿輦衣冠甚多迂怪。 須革其謬。 然衣冠禮器尚且兼 謹案續漢書禮儀 故魏收

寅恪案

此隋制禮服不襲周而因齊之例證也。齊又襲魏太和以來所採用南朝前期之制,

而江左

是定令採用東齊之法。

之制源出自晉,上溯於漢,故曰漢晉,其引續漢書禮儀志以為依據,尤其明徵也。至其目北周 後之論史者往往稱羨宇文氏之制度,若聞裴氏之言,當知其誤矣。 車服為迁怪, 乃以古禮文飾胡俗所必致,大抵宇文泰之制作皆可以迂怪目之,豈僅車服而已,

又同書同卷略云:

冠, 弘、 [隋]高祖元正朝會方御通天服,郊丘宗廟盡用龍衮衣,大裘毳滿皆未能備。 自天子逮於胥卓,服章皆有等差,若先所有者,則因循取用。弘等議定乘輿服合八等 工部尚書宇文愷、兼内史侍郎虞世基、給事郎許善心、儀曹郎袁朗等憲章古制 衣冠法服始依禮具, 然皆藏御府, 弗服用焉。 及大業元年, 煬帝始韶吏部尚 至平陳, 創造衣

制禮兼資梁陳之例證也 寅恪案:史言隋高祖平陳, 制度之關係密切如此。 故梁陳舊人若虞世基、 得其器物, 衣冠法物, 許善心、袁朗等尤為制定衣冠不可少之人, 始依禮具,然則南朝後期文物之發展與隋代 此隋

又同書同卷略云

通天冠之制, 晉起居注成帝咸和五年制韶殿内曰, 在禮無文,故知天子所冠其來久矣。 平天通天冠並不能佳, 可更修理之。雖

寅恪案 同。 此 隋 雖在禮無文,而為東晉南朝所習用者, 制禮逕據江 東習俗為典據, 而不泥經典舊文以承北周制度之例證也。 即為典據, 蓋與北周制法服之泥執周 官者不

又同書同卷略云。

故?」對曰:「晉令皇太子給五時朝服遠遊冠。至宋泰始六年更議儀注,儀曹郎 云:「皇太子冬正大朝請服衮冕。」帝問給事郎許善心曰:「太子朝謁著遠 ·後周採用周禮,皇太子朝賀皆衮冕九章服。開皇初自非助祭皆冠遠遊冠。至此, 遊冠 丘仲 牛弘奏 起 有 何典

冕。』自宋以下始定此儀,至梁簡文之爲太子,嫌於上逼,還冠遠遊,下及於陳,皆依此 令臣下服於衮冕,故太子入朝因亦不著。宜遵前王之令典,革近代之陋制,皇太子朝請 丞陸澄議: 『服冕以朝, 實著經典,自秦除六冕之制, 後漢始備, 魏晉以來非祀宗 廟 不欲

「案周禮公自衮冕已下至卿大夫之玄冕皆其朝聘之服也。

謂宜式遵盛典,

服衮朝賀。」

兼左

禮爲允。」帝曰:「善」」竟用開皇舊式。

,後周之時亦言服衮入朝,至於開皇,復遵魏晉故事。臣謂皇太子著遠遊謙不逼尊,

法,

寅恪案:此節可取作例以為證明者,即隋代制 後期較近之故事為典據, 同意 然煬帝從許善心之言,依魏晉故事 可知北齊間接承襲南朝前期之文物尚有所不足, 禮實兼採梁陳之制, 不改開皇舊式, 蓋 雖北 不欲泥經典 周之制合於經典, 不得不用梁陳舊人以 舊 文 而以 牛弘 江東

佐參定也。

又同書同卷略云:

齊文宣受禪之後,警衛多循後魏之儀,及河清定令, 梁武受禪於齊,侍衛多循其制,陳氏承梁,亦無改革。 官衛之制云云。(從略)

後周警衛之制置左右宫伯, 掌侍衛之禁, 各更直於内。

隋]高祖受命, 因周齊官衛微有變革。

隋修五禮,其所據之三源已略考證之矣。 而微有變革 絕與南朝梁陳無涉, 此為論隋唐兵制之要見, 李唐承隋禮制, , 亦隋兼襲齊制之例證 亦因其舊, 此學者所共知, 也。 無待詳

形兵制,當於後兵制章詳之,茲姑置不論。但史述隋宫衛之制謂因於周齊

今惟略引一二舊文,以備佐證云爾。唐會要叁柒五禮篇目門(舊唐書貳壹禮儀志略同)云: 朝廷草創

祕書監魏徵、禮官學士備考舊禮,著吉禮六十一篇、賓禮四篇、軍禮二十篇、嘉禮四十二 國恤禮五篇, 未遑制作,郊祀享宴,悉用隋代舊制。至貞觀初, 總一百三十八篇,分爲一百卷。初玄齡與禮官建議,以爲月 韶中書令房玄齡、

餘八州則義不相及,近代通祭九州,今唯祭皇地祇及神州, 近代蜡, 五天帝、五人帝、五地祇皆非古典, 今並除之。 以正祀典。

謂日月以下,

禮

催

四孟 又皇太子入學及太常行山陵、 七年正月二十四日獻之, 月讀時令、天子上陵朝廟、 天子大射合朔、 養老於辟雍之禮, 陳五兵於太社、農隙講武、 皆周隋所闕, 凡增二十九條, 納皇 后行六禮 餘並依古

韶行用焉。

新唐書壹壹禮樂志 云:

後不同, 施敬本撰述, 宗又韶太尉長孫無忌等增之爲一百三十卷, 唐初即用隋禮, 是爲大唐開 爲吉禮六十 疏 陵朝廟 請删去禮記 宜加折衷,以爲唐禮。 養老、 一篇 元禮。 由是五禮之文始備, 歷年未就, 舊文, 至太宗時中書令房玄齡、 賓禮四 大射講 而益以今事,韶付集賢院議。 而鋭卒,蕭嵩代鋭爲學士, 篇 武 讀時 軍禮二十篇 乃韶集賢院學士右散騎常侍徐堅、左拾遺李鋭及太常博士 令、 納皇后、 而後世用之, 祕書監 是爲顯慶禮。 嘉禮四十二篇、 太子入學、 魏徵與禮 雖時小有損益, 學士張説以爲唐貞觀、 奏起居舍人王仲丘撰定一百五十 玄宗開元十 官學士等, 太常行陵、 凶禮十一篇, 不能過也。 四年, 因隋之禮, 增以天子 合朔、 是爲 顯慶 通事 陳兵 貞 禮儀 舍人王嵒 觀 太社等 注

不能 代之文物制度者, 大過」,是唐禮 不亡即隋 於上所列舉之三源, 猶存, 其 、所從 究其所出 出之三 源者, 窮其 (所變, 亦俱 託 而 後其嬗蜕演 唐 禮 愐 長 存 也。 化之跡象 然則 治 始有 李唐

附: 都城建築

可尋矣。

捌地 唐之宫城承 理志關 内道 隋之舊 所 Z 猶清之宫城承明之舊, 但其事至明顯, 無取多述,但舉一 證 如舊唐書叁

京師, 是也 秦之咸 漢之長安也。 隋開皇二年, 自漢長安故城東南移二十里, 置新

影響, 解釋 因, 即 朝之位置 紀念東洋史論叢那波利貞氏從支那首都計 已足矣,然隋創建新都大興城,其宮市之位置與前此之長安不同,世有追究其所以殊異 而推及隋代營造新都者家世之所出 無寧 此乃隋代大部分典章 所以與 就 隋 前 此之長安殊異者, 代全部 典章制度立論 制度承襲北魏太和文化之一端, 實受北魏孝文營建之洛陽 一,遂以為由於北魏胡族系之實行性者(見桑原 較易可通 畫史上考察唐之長安城)。 或竟以太和洛都新制歸 與其 都 以 城 北 及東魏 寅恪則謂 魏胡族 、北齊之鄴 功於河 系之實 隋 創 西系漢族之 行 新 性 都 都 隲 南 城之 其市 之原 點為 還

實行性 漢族 述隋代技術 系之實 之家 行性 學 似 尚 人才之家 點相 然隋代之技術 口 備 類 説 111 亦不 以資參考也。 所以補 一可置 人才則 不論 、頗與 文論隋大業元年 又隋代新 西 胡胡 故茲先 種 族 論隋 有 都其市 制定 關 唐 車 此 朝位 兩 替條之所未備言者也。 朝 別為 置之異於前 制 唐 與 事 北 魏 以其 者 太和文化 、與前 雖非 由 所論中 於北 關 占 魏 時 後附 胡 族

面朝背市。

周

信

考工

記匠人云:

南北 其 然則西漢首都宫市之位置與考工記匠人之文可謂符合,豈與是書作成之時代有關耶?至 宫則六街三市」,是與隋唐首都之大興長安城其宫位於首都之北部, 市位於宫之北 解 則無 釋雖謂官在 軍制之言(詳見前中 推知西漢首都之長安「司馬門在未央宮之南, P 疑 也。 故其 iF. 考工 中, 所依據匠 記之作 朝在其南,而市在其北。 央研究院社會科學研究所兵 人營國之材料 成 時 代 頗 晚, 其 要乃為儒家依據其所得之材料 、中必有為當時真 然僅從宫與市位置言, 制研究專號 直抵長安城 正之背 垣, 上質昌 市則位於南 口景者。 並 **拿**先 無坊市 即是宫位於市之南 生南 據古 而 部者適為相反。 北 加 m 今學人論 以理想化之 未 軍 論文 央宫長樂 唐代則 中 漢 所 初

央政治革命之成敗所以往往繋於玄武門衛軍之手者也。(此點本甚明顯,一檢史文便可證

宮城北

門之禁軍

,以其駐屯

地

關係之故,

在政變之際,

其向背最足為

重

輕,

此

李唐一

代中

知,

惟唐 軍 武 史記 九 年 六月 載 殊多 四 隱 E 諱 玄 武 今得巴黎 門之變, 圖 太宗 書館 藏 以 敦煌 能 制 寫本伯 勝 建 成 希和號 元吉者 順陸 其 肆拾李義府撰常何 關鍵 實 在守 玄武 墓 門之禁 志

供 多證 於當日 成 敗 所以然之故益瞭然可知矣。

又若 依寅 俗前 所 持 文化 淵 源之説 則太和洛陽新都之制 度必與江左、 河西及平 -城故都 皆有 關 無

疑,

南齊

書伍

魏

虜

傅

略

云

宫殿 六月 平城 之官 楷式。 雨 南有干 雪。 副 清河 議遷 水 使 出定 崔 都 洛京, 必欲 元祖啓世祖曰 襄堺, 模範 [永明]九年遣使 官 流入海 闕 . 少游臣 豈 去城 可令氈鄉 李道固、 五 之外 十里, 之 甥, 鄙 蔣少游 世號爲 取 特有 象天 公輸之思, 報使。 索干 言 都 F 少游 請 土氣 宋世 有機巧, 留 寒凝 小 陷 游, 虜 密令觀京師 風 令使 處以 砂 恆起 大匠 È 反

命。

世

祖

以非和

通意,

不許。

小

游,

樂安人,

虜宫

室制度皆從

此

殿本身。 使江 畫 寅恪案 左 是否 漕 少 真 建 自 如 其 游 與 康 有 量 乘傳 建 摹擬 臺 康 城雖 準洛陽 建 詣 有 頗 康 洛 關 言闕 魏 近 晉 量 殊難論 城 之意。 准 廟殿之例 北 魏晉 然其 幽 崔元祖之言 基 但 八宮城 址 魏書北 而 非都城全部之計 後為散 、對於其 不為 史蔣 騎 地 虚 侍郎 少游 Ш 發 111 [傳(見前引)言:「後於平城將營 形 但恐 畫。 副李彪使江 勢與 少游所 史言 北 魏洛 摹擬 房宫室 南」,故魏孝文之遣少游 都 有異, 或 比 較者 制 故洛 度 省從 都 僅 上太廟 全 此 限 於宫 出 太

則言 调 其 實 蓋北 魏洛陽 新都之全體 計 畫中 尚 有 平 城 西 大 子 H 其 規 畫 大計 亦 非 少 游

之。 然則 不 得 依 南 齊 書魏 庸 傳之文, 遽 推 斷 北 魏 洛 都 新 制 悉 倣 江 左 之 建 康 明 矣

庸 傳 略 Z : 至平

城

售

都

規

制

必

有

影

響於洛陽新

都

自

無

疑義

但

當

H

平城宫

城

規制

頗

不易考

知

南齊

書伍

什翼 黄 龍 建始 省 北燕馮氏 入都! 平 城)徙 猶 其 逐 居民, 水草, 無城 郭 邑, 木 末始 著。 佛狸破 梁 (涼?)州 (指 北 涼沮渠氏),

坊開 巷, 坊大者容 四四 Fi 百 家 小者容六七

大築

郭

截平

城

西

爲

宫城

其郭城

繞宮城南

洛陽 旬 蓋皆 寅恪案 就 平城之新 則 新 不 都 已成之現實增修 魏徙涼州 如是 建築如 遷就 之人 郭 民 城 其詳容後證述, 統官 於平 以摹擬 城 城 他處 南 建築彫 名都之制 悉築 總之史料既太略, 《為坊 刻藝 術受其 者(平 點, -城新 影響 血 後之東魏 制 魏平城新 擬 如 源 雲 州 出 鄴 都 石 都 會 制 窟 南 所受河 則 城之 M 其 鄴 例 制 都 西文化之 證 頗 南 有 城 故 近 不 魏 似 得 程 平 度 不 凉 如 擬 411

都 但 之人即 依 較 詳 李 冲 史 之 料 家 考 世 察 端 弱 於北 其 人與 魏 洛 洄 都 西 新 關 制 所受河 係 密 切 西文 不 待 化之影響, 詳 述 故 引 可 史文 得 以 言 資 論 則有 證 並 主 建洛 據

料推

測

宜

輒

加

論

斷

也

州都會姑臧宫城之規

制

若所

推測者

不誤

則是平城規制之直接影響於洛陽

新都者亦

簡

史 新

陽 略

即 河西文化之間接作用也。 魏書柒下高祖紀(北史叁魏本紀同)云:

太和 一十七年冬十月,徵司空穆亮與尚書李沖、將作大匠董爵經始洛京。

掌,故以之領護此役;董爵則官將作大匠, 年作董爾)三人。此三人中穆亮仍代北舊人具有勛貴之資望, 寅恪案:北魏孝文帝遷都洛陽,其營建之任委之穆亮、 建築是其職務, 李沖及董爵(通鑑壹叁玖齊紀 故不得不使之參預其事 且職為司空, 營國之事 永明十 其 本冬官所 實洛陽

新都之規制悉出自李沖一人。魏書李沖傳所謂:

沖機敏有巧思, 洛陽初基, 安處郊兆,

新起堂寢,皆資於沖。(前文已引。)

於河西 所附圖 異於前北國都皇居 是其明證也。北魏太和洛陽營建規制今日尚可於楊衒之洛陽伽藍記 系漢 見之,不待詳證也。 族 李沖本身求之, 在南市場在北之特點, 然則 而凉州都會之規模 北魏洛都新 亦可於吳若準洛陽伽藍 制所以 異於經典 及其家世舊聞之薰習 傳統 記集證 面 朝背 市之成 一書約略得知, 疑與 唐晏洛陽伽 此洛都 規君 似 新制不無 藍 而其 不 記 得不 鈎沉 人類

魏書李沖傳云:

弱

涉。

兹設

此

假想,

分別證述之如下:

葬於覆舟山,近杜預冢,高祖意也。(前文已引。)

晉之杜預以儒者而有巧思, 其所創制頗多, 見晉書叁肆杜預傳, 茲不具述, 惟其中請 建河橋

_

禮

僟

冢非僅有取 於富平津 於預遺令儉約之旨, 事尤與西晉首都洛陽之交通繁盛有關, 亦實以沖之巧思有類乎預, 甚為晉武帝贊賞。 故以此 二人相 魏孝文之令李沖葬 比方也。 洛陽 伽 沂 社預

叁其叙城

南略

Z

餘 販 館 宣陽門 客日 . 西夷來附者處崦 門巷修整, 奔塞下 外四里至洛水, 所謂 間監 效 盡天地之區矣。 上作浮橋, 填 館 列 賜宅慕義里。 青槐 蔭陌, 所謂永橋也。 樂中國土風 緑柳 自葱嶺 垂庭 永橋以南園丘以北伊洛之間夾御道有四 因而宅者, 以西至於大秦, 天下 難得之貨, 不可勝數, 百國千城莫不款附 咸 悉在 是以附化之民 馬。 别立 市 萬 商胡 於 有

美,京師語曰:「伊洛鯉魴,貴於牛羊。」

洛水南

號日

四

通市,

民間

謂永橋

市,

伊洛之魚多於此賣,

士庶須

膾皆詣

取之,

魚

味

同), 此 濟政策及營造 其傳文略云 北 魏洛陽城伊洛水旁乃市場繁盛之區,其所以置市於城南者,殆由伊洛水道運輸於當日 便利有關 此非全出假想也, 請更證之以魏書柒玖成淹傳(北史肆 陸 成 淹傳

成淹, 慕容白曜, 上谷居庸人也, 撫軍府中兵參軍。 赴闕授著作郎。 自言晉侍中粲之六世孫。 劉或 太和中文明太后崩, 以爲員外郎 假 龍 蕭頭遣裴昭明、 驤將 祖昇家於北海, 軍 領軍 主 謝竣等來弔, 令援 父洪名犯 東 陽 顯 歷 城 祖 欲以 廟 皇 諱,

朝服行

中降劉

流澌 納。 諫, 駒等主舟楫 昭 事 明 高祖 所言,淹以狀對, 執志不移, 」敕賜驊騮馬 苦於 人皆 勅淹日 厲涉, 將汎泗 難涉 高祖敕尚 :「朕以恆代無運漕之路,故京邑民貧,今移都伊洛, 淹遂啓求勅都 匹、 我因有此 入河, 高祖 衣冠 書李沖令選一學識者更與 一韶沖曰:「我所用得人。 诉流還洛, 軍次碻磝, 一襲。 行, 必須乘流, 水造浮航 於時 宫殿 高祖賞納之。意欲榮淹於衆 初構, 所以開百姓之心, 論 」賜淹果食。 經始 淹以黄河峻急, 執 務廣, 沖奏遣 兵民 淹。 知卿至誠 高祖幸徐州 慮有傾危, 運 既而 欲通 材 朔日 B , 而今者不 高 有 運 祖 一受朝 四方, 萬計 遣 敕 乃上 李沖 淹 與 得相 伊洛 疏 百官 間 問 而 黄 淹 龍

降 加 原 據 船 孝文帝本身, 孝文令其主 乘, 以 此 X 因 擴充 而受孝文帝之 得知 任之為都水使者 則建置新都之宫闕市場,更不能不就經濟觀 則城 舟 魏孝文遷洛原 然洛都營建, 檝 並 南伊洛二川之傍水道 知賞 知 左 右 其事 因, 固 都水事等, 李沖實 山 相類 李沖之薦 除漢化及南侵二大計畫外, 司其事, 也 運輸 可以推 (見前引魏 31 頗 故一反傳統面朝背市之制 亦因 知。 為便利 書蔣少游傳)。 蓋與 淹 本籍青州 點加以考慮。洛陽之地 蔣 設置市場, 乃最適宜之地。又成 小 游之隸籍青州 經濟政策亦為其一。夫遷都既有經濟 但 習於水道 此經 濟 運輸 政策其 而置市 (樂安 〈博昌 本西晉首都 場於城 最 觀其請 高 主 南者 建浮 淹以 動者 故孝文修 南 雖 航 當 為 朝 及

乃賜帛百疋,

知左右二都水事

就 出 北 「於李沖之規畫。 魏胡族 系之實行性以為解釋, 蓋李沖乃就地施工主持建設之人,此 無寧歸 功於河西系漢族李沖之實行性, 事非與之有關不可。此寅恪所以言與其 較易 可通 也。

也)之人物無疑也。今據一二簡略史文推測,似涼州都邑頗有宫在城北而市在城南之狀況 以論河西文化節中已言之,茲不復詳。故由史文推證,可知 至於關 李沖為西涼李暠之曾孫, 係李 沖河西家世一點, 其對於涼州之親故鄉里, 尤所篤愛, 姑就假想試為略論 聊備 説而 沖乃一保存鄉里土風國 至以此獲譏 殊不可視作 於世。 定論也。 前引李沖 粹 (西涼 傳

如國文

晉書壹貳貳吕纂載記所載

武費中郎將吕 之曰:「誰也?」衆曰:「太原公。」從曰:「國有大故,主上新立,太原公行不由道, 於是夜率壯士數百, 原公。光死, 纂,光之庶長子也。 將爲亂耶?」因抽劍直前, 開率其禁兵距戰於端門。衆素憚纂,悉皆潰散。纂入自青角門,升於謙光 紹嗣爲位。 苻堅時入太學, 及堅亂, 踰北城攻廣夏門 [日]弘密告纂曰:「欲遠追廢昌邑之義, 斫纂中額,纂左右擒之。纂曰:「義士也, 弘率東苑之衆斫洪範門。 西奔上却, 轉至姑 臧, 左衛齊從守融 以兄爲中宗, 拜武賁中郎將, 封太 勿殺! | 紹遣 明觀 何如 文?. 」纂 夜入 逆問

隱晉書(參藝文類聚陸叁及太平御覽壹玖柒所引)云:

水經注肆拾都野澤條引王

殿,

紹登紫閣

自殺

駿增築四城箱各千步。 凉州城有龍形, 故曰卧龍城。南北七里, 東城 殖園果, 命曰 東西三里, 講武場 北城殖園果, 本匈奴所築, 乃張氏之世居也。 命日 玄武 圃 皆有 官 又張

中城

作四

時官,

隨節遊幸。并舊城爲五,街衢相通二十二門。

大繕宫殿觀閣

采妝飾

擬中

通 鑑宣壹壹 晉紀隆安三年涼王光疾 (甚條, 胡 注

夏門、 洪範門皆中城門 也。 青角門, 蓋涼州中城之東門也。 Z

廣

太平 御覽壹 惠帝末 陸 張軌求爲涼州, 伍州郡部涼州 條引晉書云

後涼 於是大城此城(姑臧)爲一府會以據之,號前涼, 吕光復據之, 號

也。 張氏築宫摹擬中夏, 繹上引簡略殘缺之史料, 則前後二涼,其城門之名,必多因襲晉代洛陽之舊, 則知姑 臧之中城即張氏、 吕氏有國之宫城, 齊從所謂禁城者是 考洛陽 伽藍 記序

云

太和十七年, 西 高祖因 頭 日 一而不改。 大夏門, 後魏高 自廣莫門以西至於大夏門宫觀相連, 漢 祖 遷 夏門, 都洛陽, 魏晉曰 韶司 大夏門, 空穆亮替造宫室, 東頭 日 廣莫門, 被諸城 洛城 門 依魏 漢曰 穀門, 晉舊名。 魏晉 北 面 廣莫 有二

L

凉 晉故 涉 之洛陽 築之南 長安之都 此 州 市 城 想 位置 遂成 其增 都 故 城 或 都 故修建鄴都 魏 增 禁 則吕 洛 姑 會 遺 就 城 首 築之北 為遷 築之 城城 備 邑 姑 址 701 都 」建置 心之北 新 臧 在 即 Ŧ 加 説, 名城 一就舊 模 東 制 以 北 當 全 爺 門。 南 改 中 城 好 其 市 历 所以 之影 善 自不 部 標準之城 在 城 及 其 臧 城之高隆之為漢種 址之故 城 又依 北 南 前 東 間 直 地 殊異 響, 得 殆有 自 門之正 域 城 受 城 點言之, 甚 E 所 1 皆 不 攻之廣 邑, 能容市 遂 似 不能 為定論者也 小 隱所記 於前代 殖 魏 致 張 面 果 洛 亦如 北 氏之 與 M 木 都 殊有 中 實 舊規之故 魏 增 場之存在 張 夏門, 之影響, 洛 增 國 中 最 氏 築之南 俱無 都 築 經 夏之有洛 相 為 增 計劃大興新都之宇文愷為胡 好 典 似之處。 築 必略 P 容 人舊 反 北 臧 能 城 此 納 漢 説 蓋與 與 城 則 城 乃文化 市 若 一晉代 不 制之 者 符 陽 場之 易 又姑 合 也 經 命之日 所 積 典傳 豈其 確 大 推 洛陽之大夏門、 頗 染習 餘 李冲 襲 但 臧 測者 知 廣 地, 其 統背 為 本 圃 及師 一受命 然東 城 為 不誤 然則 自不 開隋 本 九 市之説不合。 既 承 規畫 為匈 魏 家 州 殖 -待言。 間 代之 是前 鄴 # 通 袁 政 族 題 都 遺 洛陽 奴 治 常 果, 廣莫門 文化 南 規 傳 舊 後 情 種族 與 模數? 且 復 城 新 建 勢論 所 個 及隋 其 之姑 夫姑 薰習 制 中 有宫殿 相 総殊殊 城 當 心 當 家 代 張 此 亦 臧 南 臧 姑 世 之宮 與 大 前 無 不 氏 復 臧 北 乃 性質 圃 所謂 意 能 增 經 後 市 長 是 其 性 築 即 之 不 張 來 場 既 由 中 (或別 中 質 唐 姑 就 時 氏 北 在 東 在 增 城 作 受 中 西 其 增 西 築 即 魏

但 一同為北魏洛都文化系統之繼承人及摹擬者,則無少異。總而言之,全部北朝史中凡關於胡漢 不以胡種漢種為分別,即文化之關係較重而種族之關 題 ,實一胡化漢化之問題,而非胡種漢種 之問題 ,當時之所謂胡人漢人,大抵以胡化 係較輕, 所謂有教無類者是也。 漢化

此 書所能 詳 盡 要為論北朝史事 不可不知者, 遂亦略著其意於此

北史伍肆高隆之傳(北齊書壹捌高隆之傳略同)略云:

尚書右僕射,又領營構大匠,以十萬夫撤洛陽宮殿運於鄴。構營之制皆委隆之,增築南城 周 利於時。 高隆之, 洛陽人也, 二十五里,以漳水近帝城, 隆之後有參定功,神武命爲弟,仍云勃海蓨人。後起兵於山東,累遷并州刺史 太僕卿 任集(北齊書作太府卿任集, , 爲閹人徐成養子, 少時賃升爲事 起長隄以防汎溢, 通鑑壹伍柒梁紀大同元年十一月甲午(寅)東 又鑿渠引漳水周流城郭,造水碾磑 或曰父幹爲姑壻高氏所養, 因從其 並有 入爲

北齊書叁捌辛術傳(北史伍拾辛雄傳附術傳同)略云:

置

門災條作太府卿任忻集)同知管構。

百工克濟。 少明敏有識度 釋褐司空胄曹參軍, 與僕射高隆之共典營構點都宫室。 術有思理,

魏書壹貳孝靜紀(北史伍魏本紀同)略云:

天平元年十月丙子車駕北遷於鄴。 庚寅車駕至鄴, 居北城相州之解。

四年夏四月辛未遷七帝神主入新廟,大赦天下, 二年八月甲午發衆七萬六千人營新宫,冬十有一 内外百官普進一階。 月甲寅誾闔 六月己巳幸華林園理

元象 元年六月壬辰帝幸華林都堂聽訟

壬午閶闔門災。

興和元年冬十有一月癸亥以新官成, 大赦天下。

發夫五萬人築漳濱堰, 三十五日罷。 二年正月丁丑徙御新宫, 大赦 内外百官普進 一階, **營構主匠别優一階**。三年冬十月己巳

悉, 即知東魏及高齊之鄴都之新構, 於鄴是也。 見梗概, 寅恪案:東魏鄴都之制,可略於葛邏禄迺賢河朔訪古記中及顧炎武歷代帝王宅京記壹貳所考窺 但可一 茲不備引。 言以蔽之, 其司營構之任而可考知者, 其宫市位置及門闕名稱無一不沿襲洛都之舊,質言之,即將洛陽全部移徙 北魏洛陽都邑環 乃全襲北魏太和洛陽之舊規,無復種族性質之問題, 境中所產生之人物而已。 如高隆之、 任集、 辛術諸人, 其男女系之血 觀於主持營構者高隆之一傳, 統雖 直是文化 不盡

茲請考隋造新都大興城之經過。 隋書壹高祖紀上(北史壹壹隋本紀上同)略云: 系統之關

係,

事實顯著,

不待詳

論

也。

開皇二年六月景申韶左僕射高頻、將作大匠劉龍、鉅鹿郡公賀婁子幹、太府少卿高龍叉等 創造新都,十月辛卯以營新都副監賀婁子幹爲工部尚書,十二月景子名新都曰大興城

三年正月庚子將入新都, 大赦天下。三月景辰雨, 常服入新都。

唐六典(近衛本)柒工部郎中員外郎條略云:

北十五里一百七十五步。墙高一丈八尺,皇城之南東西十坊,南北九坊,皇城之東西各一 十二坊,兩市居四坊之地,凡一百一十坊。開元十四年又取東面兩坊作興慶宫。 卿高龍叉並充檢校。至三年三月移入新都焉,名曰大興城。東西十八里一百一十五步,南 川,西次灃水。太子左庶子宇文愷創制規模,將作大匠劉龍、工部尚書賀婁子幹、 今京城隋文帝開皇二年六月韶左僕射高頌所置,南直終南山子午谷,北據渭水, 太府少 東臨渡

北史柴貳高頌傳(隋書肆壹高頌傳略同)略云:

僚佐,賜姓獨孤氏。及[隋文]帝受禪,拜尚書左僕射納言,領新都大監,制度多出於頌。 衛尉卿。祖孝安, 位兖州刺史。 自言勃海蓨人也。 其先因官北邊, 没於遼左。曾祖屬, 以太和中自遼東歸魏, 父賓,仕東魏。大統六年避讒棄官奔西魏, 獨孤信引賓爲 官至

隋書伍叁賀婁子幹傳(北史柒叁賀婁子幹傳同)略云:

賀婁子幹,本代人也。隨魏氏南遷,世居關右。 祖道成, 魏侍中太子太傅,父景賢,右衛

授營新都副監,尋拜工部尚書。其年突厥復犯塞,以行軍總管從實榮定擊之。 軍總管從上柱國元諧擊之,功最,優詔褒美。高祖慮邊塞未安,即令子幹鎮凉州。 大將軍。 子幹少以驍武知名,周武帝時釋褐司水上士, 大象 初, 領軍器監 開皇元年, 進爵鉅鹿郡公。其年吐谷渾寇 稱爲强濟, 累遷 小司水, 凉州 以勤 子幹以行 明年徵 勞封

周書壹玖宇文貴傳(北史陸拾宇文貴傳同)略云:

隋書陸捌宇文愷傳(北史陸拾宇文貴傳附愷傳及周書壹玖宇文貴傳略 宇文貴,其先昌黎大棘人,徙居夏州,父莫豆干,[子]愷)略云:

監。高類雖總其大綱,凡所規畫皆出於愷。後決渭水達河以通運漕,詔愷總督其事。兄忻 馳赦之,僅而得免。後拜營宗廟副監太子左庶子。及遷都,上以愷有巧思,詔領營新都副 愷少有器局,家世武將,並以弓馬自達。愷獨好學,博覽書記, 父公子。及[隋高祖]踐阼,誅宇文氏,愷亦在殺中,以其與周本别,兄忻有功於國, 訪可任 除名於家,久不得調, 者, 楊素言愷有巧思,上然之,於是檢校將作大匠, 會朝廷以魯班故道久絕不行,令愷修復之。既而上建 歲餘拜仁壽宮監 解屬文, 多技藝 尋爲將 號爲名 使人

揣帝心在宏侈,於是東京制度窮極壯麗,帝大悦之,拜工部尚書。

文獻皇后崩

愷與楊素營山陵事。

煬帝即

位,

遷都

洛陽

以愷爲營東都

副

監

及長城之役,韶愷規度

堂廢絶,隋有天下,將復古制,議者紛然,皆不能決。愷博考草籍,奏明堂儀,表曰: 人,離合爲之,下施輪軸,推移倏忽, 時帝北巡,欲誇戎狄,令愷爲大帳,其下坐數千人;又造觀風行殿,上容侍衛者數百 ,有若神功, 戎狄見之, 莫不驚駭。 自永嘉之亂 眀

隘卑陋, 如舊。 之後 「宋起居注曰:『孝武帝大明五年立明堂。』梁武即位之後,移宋時太極殿以爲明堂。平陳 柱下以樟木爲跗長丈餘闊四尺許, 臣得目觀,遂量步數,紀其文尺。猶見基內有焚燒殘柱, 總撰今圖,其樣以木爲之。」帝可其奏。會遼東之役事不果行。卒官。撰東都 未合規摹,祖宗之靈得崇嚴祀。 周齊二代闕而不修, 大饗之典於焉靡託。臣 兩兩相並, 瓦安數重, 宫城處所乃在郭内。 毁斫之餘入地一丈, 圖記 一研究 雖湫

同書同卷何稠傳附劉龍傳(北史玖拾藝術傳下何稠傳附劉龍傳同)云:

二十卷、明堂圖議二卷、釋疑一卷,見行於世。

度 職通 開皇時有劉龍者, 顯。及高 祖 践 "阼,大見親委,拜右衛將軍,兼將作大匠。遷都之始, 河間人也。性强明有巧思,齊後主知之,令修三爵臺,甚稱旨,因而歷 與高類參掌制

北齊書壹肆長樂太守靈山傳(北史伍壹齊宗室諸下傳上長樂太守靈山傳同)云: 乂少謹, 武平末給事黃門侍郎, 隋開皇中爲太府少卿, 坐事卒。

寅恪案 頻 高龍叉即 傳 雖 i 高义, 隋代營建大興新 新 都 制度多出 或家 世 久居 於頻 都 城即 Ш -, 東, 後 然宇文愷傳 或本為北 來唐代長安城諸人, 又謂 齊宗室及遺 高 頒 雖總 臣 除賀婁子 其 俱可 大綱 謂 幹及宇文愷外, 洛陽鄰都系文化之産 凡 所規畫皆出 高 於愷」,又唐 類 物。 劉 龍 及

任營新 無關 護 六典 致 南 為太府少 位位 城 制 以 之制 通 暴自 都 Ē 為「宇文愷 而 大興 卿 即 副 禮之比 隋 太 監 則開 書 新 和洛陽之遺 但是年 制 無 創 吾人 皇 高 彼 制 獨 龍 規 叉傳 可 年六月丙申命營新都詔書中之太府 即 丰 模」 本 不必於類本身性 其 事 必至少由 兵 H 故知高 而 似 北 擊突 齊書、 難 劉 類之於營建 解 厥 龍 釋 北史齊宗室 質 居 高义二人輸入 及 職 鄙意宇 其 甚 家世 新 暫, 都 文愷 高 多 實 靈 所 始不過以宰 無 於隋也。 少卿 Ш 推究也。 昌 足 傳 述。 毗 峝 附 龍 有 何 盈 至宇文愷 义當即 高 賀婁子 相資望領 稠三人皆 龍 义事 在 北齊 其 幹 蹟 人 雖 一人蓋與 護 本以 隋 八無疑。 謂 於 其 代之技術 開 事 其 修宫室 、於隋 皇一年 (山東地) 然則 如楊素領 開 專 稱 皇 六月 鄴 域 r

周書貳拾閻慶傳(北史陸壹閻慶傳同)略云:

已於前

論

+

業

元

年

議

制

車

辇

前已

節

録宇文愷傳文較詳

茲並

取

售

史中

- 閻毗

何稠及其

家

屬

傳

文

有

關

书

遂寫於下

綜 時

合 涉

試及

釋之。

閻 慶 車 騎大將軍 河陰人也。 燉煌鎮都 曾祖 善 大將。 仕 魏 歷 父進 龍 將 正光中拜 軍 雲州 鎮將 龍 驤將軍 因家於雲州 屬衛可 之盛樂郡。 孤作亂 攻圍盛 祖提

進率衆拒守, 城竟獲全, 以功拜盛樂郡守。 晉公[字文]護母, 慶之姑也。次子毗。

隋書陸捌閻毗傳(北史陸壹閻慶傅附毗傅同)略云:

損。長城之役,毗總其事。及帝有事恆岳 嗣位,盛修軍器,以毗性巧, 毗)能篆書, 以技藝侍東宫, 以通運漕 工草隷, 尤善畫, 數以瑪麗之物取悦於皇太子[勇]。 毗督其役。管建臨朔宫,又領將作少監。 語練舊事, 爲當時之妙, 韶典其職, , 韶毗營立壇場。將興遼東之役, 自洛口開渠, 周武帝見而悦之,命尚清都公主。 尋授朝請郎, 太子服玩之物, 毗立議輦 多 輅車與多所增 毗 所爲。 隋 煬帝 高 祖

新唐書柒叁下宰相世系表閻氏條略云:

將提 大夫 北平太守安成侯鼎 ,提生盛樂郡守進,進少子慶生毗 自馬邑又徙河南。 字玉 兹, 孫善龍驤將軍雲中鎮將, 死劉 聰之難。 子昌奔於代王猗盧, 因居雲中盛樂。 遂居馬邑。 生車騎將軍燉煌鎮都大 孫滿 後魏 諸

舊唐書柒柒閻立德傳(新唐書壹佰閻讓傳同)略公:

典式, 習 與弟立本早傳家業 立 時人稱之。 雍州萬年人, 貞觀初歷遷將作少匠, 武德中累除尚衣奉御。 隋殿内少監毗之子也。其先自 封大安縣男。 立德所造衮冕、 馬邑徙關中。毗初以工藝知名, 高祖崩,立德以營山陵功擢爲將作 大裘等六服並腰輿、 、傘扇咸依 立德

大匠。 十八年從征 太宗甚悦。 貞觀十年文德皇后崩, 管護太宗山陵, 事畢進封爲公, 顯慶元年卒。 高麗 尋受韶造翠微官及玉華宫, 及師 旅至遼 澤 又令攝司 東西二百餘里泥淖, 空, 咸稱旨, 曾昭陵, 賞賜甚厚。 坐怠慢解職。 人馬 不通, 俄遷工部尚書。 立德填道造橋 十三年復爲將作大匠。 兵無留

攝司空,

立本顯慶中累遷將作大匠。後代立德爲工部尚書,兄弟相代爲八座,時論榮之。總章元年 主爵郎中 遷右相。立本雖有應務之才,而尤善圖畫,工於寫真,秦府十八學士圖及貞觀中凌煙閣 既歷任將軍,立功塞外,立本唯善於圖畫,非宰輔之器,故時人以千字文爲語曰 圖並立本之跡也, 太宗擊賞數四, 勿習此末伎!」立本爲性所好,欲罷不能也。及爲右相,與左相姜恪對掌樞密。 幸免面墙,緣情染翰, 奔走流汗, 時人咸稱其妙。太宗嘗與侍臣學士泛舟於春苑池中, 韶坐者爲詠, 俛伏 池側, 頗及儕流, 召立本令寫焉, 手揮丹粉, 唯以丹青見知, 躬厮役之務, 瞻望坐賓, 時閣外傳呼云畫師 不勝魄報 閻 退誠其子曰 V 本。 辱莫大焉 有異 立本時已爲 鳥隨 吾少 波容 功

隋書柒伍儒 林傳 何妥傳(北史捌貳儒林傳下何妥傳 同)略云

西域人也。父細胡(北史作細脚胡)通商入蜀,

遂家郫縣

左相宣威沙漠,

右相馳譽丹青。(參考張彦遠歷代名畫記玖駮此説。) 事梁武陵王紀 主知金

左 遂致巨富, 江陵陷, 周武帝尤重之, 號爲西州大賈。 授太學博士。 妥少機警,十七以技巧事湘東王,後知其聰明,召爲誦書 高祖受禪, 除國子博士, 爲國子祭酒

同書陸捌何稠傳(北史玖拾藝術傳下何稠傳同)略云:

也。 不異。 何稠 三萬人。 連,帝善之,以稠守太府卿。後三歲兼領少府監。遼東之役攝右屯衛將軍,領御管弓弩手 等勾覈之,數年方竟,毫釐無舛。稠參會今古,多所改創。帝復令稠造戎車萬乘鈎陣八 而就 錦既成 監,歷太府丞。稠博覽古圖,多識舊物,波斯嘗獻金縣錦袍,組織殊麗,上命稠爲之。 陵陷,隨妥入長安,仕周御飾下士。及高祖爲丞相, 今天下大定 稲 造 其日拜少府卿。 送於江都。所役二十萬餘人,用金銀錢物鉅億計, 仁壽初, 橋,二日而就。 國子祭酒妥之兄子也。 時工部尚書宇文愷造遼水橋不成, 逾所獻者,上甚悦。 朕承洪業, 文獻皇后崩, 與字文愷參典山 稠於是營黃麾三萬六千人仗及車與輦輅、 初稠制行殿及六合城, 服章文物闕略猶多, 父通善断玉。 時中國久絕琉璃之作,匠人無敢厝意,稠以緑瓷爲之,與真 稠性絶巧, 師不得濟,右屯衛大將軍麥鐵杖因而遇 至是帝於遼左與賊相對, 卿可討閱 陵制。大業初, , 召補參軍, 兼掌細作署, 有智思, **B** 帝使兵部侍郎 籍 煬帝將幸 皇后 營造 用意精微。 鹵簿 與服羽 夜中施之, 其城周 明雅、 揚州 年十餘歲遇江 百官 儀 選部 謂 儀 送至江 累遷御 害 郎 服 依 日 帝 百 期 都 稠 府

明 迴 而 1 里 畢 高麗 城及女垣 望見 合高 謂若 仞, 神 功。 上布 從 幸 申 I 都 立仗 遇宇文化及作亂 建旗 四 車 闕 以 爲 面 工部 别一觀, 尚 下三 化及敗 門, 遲

法中 功。 衮冕等 疑 通 載。 興 久為華夏文化所染習,故其事業皆藉西域家世之奇技,以飾 不具通識之言者也。 為燉煌人之傳説,亦與 商及居 合隋代三大技術家宇文愷 安城之規模及隋 國 夫大興、 於)何稠家世出 之經 建德, 留之區 雖皆為華夏之古制 典 也。 長安都城宫市之規模取法太和洛陽及東魏 域 復以 於西域 事, 但其實行營建製造 爲 前賢有中 唐大輅、 西西 工部尚書。 寅恪曾別有 域及河 史己明言 學作體, 衮冕之制度出 閣毗 然能 西建築工 建 依託 所論 德敗 何稠之家世事蹟推 無待 使成 西學為用之説 經典舊文,而實 藝有關 推證 宏麗 歸於大唐, 於胡制者固 茲不復贅(見一九三五年清華學報拙著李白 精巧, 所可注意者 見段成式酉陽雜 1 論 授將作小匠 則有資於西 高齊鄴都 若取以 施 精作之, 則不藉西域之工藝亦不為 然謂 蓋其人俱含有西 中國 喻此 則蜀 其絶 南 經典之古制。 (北史作少 域 城 糾 漢之 藝 無繫於西域之工 , 猶明堂 其最適合之義歟?(續集肆 術之流傳者矣, 地當梁時 域 府 貶 胡族 如明 監 誤 車服之制度取 為西 門引 血統 卒。 藝者 氏 域 朝 故謂 魯般 胡 野 而又 愈 亦

閻

毗家世

如新唐書宰相世系表所記者,

其源當出於閻氏所自述,

但與晉書肆捌閻纘傳及陸

拾閻

種類無疑也。 族家譜冒充漢人,其關節所聯繫之通例 鼎傳不符,沈炳震新唐書宰相世系表訂訛亦已言及,故其所謂閻鼎子昌避難奔於馬邑者,乃胡 至其是何胡族 則有略可推測者,宇文護之母乃閻慶之姑, 其為依託亦不待辨,質言之,閻氏家世所出 周書壹壹晉蕩公護傳 必非華夏

(北史伍柒周宗室傳邵惠公顥傳附護傳同)略云:

年已十餘歲, 不自勝, 護曰:「天下之事屬之於汝。」護涕泣奉命,行至雲陽, 雖身居重任, 祖常云:「我得胡力」,當時莫曉其旨。至是人以護字當之。護性至孝,得[母閻姬]書,悲 時嗣子沖弱,强寇在近,人情不安,護綱紀内外, 報書曰:「受形禀氣, 字薩保, 隣曲舊事猶 職當憂責。不期今日得通家問, 太祖之兄邵惠公顥之少子也。 自記 ,皆知母子, 憶。 太祖升遐, 誰同 蒙寄薩保别時所留錦袍表 天保未定, 薩保, 護至涇州見太祖, 而太祖疾已綿篤 撫循文武,於是衆心乃定。先是太 如此不孝。當鄉里破敗之日, 而太祖崩 薩保屬當猶子之長, 護祕之, 至長安, 年歲雖久,宛然 親受顧命,

例 寅恪案:薩保即宇文護本來之胡名,其後別命漢名,乃以其原有胡名為字,此北朝胡人之通 薩甫二人,諸州薩甫一人。又同書貳捌百官志載隋雍州薩保為視從七品,諸州胡二百户已上薩 ,故護報其母閻氏書即自稱薩保,其明證也。考隋書貳柒百官志載北齊鴻臚寺典客署有京邑

猶

保為視正 九 品。 通 典肆 拾職官 一典頂 貳薩寶符祆正 條注

祆者 西域 國天神, 武 德四年置祆祠及官, 常有羣胡奉事, Z. 取火児詛

觀察, 揚隋 境, 論, 州 代吾國 都大將, 或與火祆教有 夫字文護字之薩保與隋之薩 火祆教入中國之始末亦非此文所論也。 唐都邑新制 則不 其 I 地 但此點史料缺乏, 難解 較近 藝之發展實有資於西域之文明, 敦煌為交通 釋。 西 關 歸 北 功於胡族 總而言之, m 與 西 閻 西 域要道 氏家世殆出於西域, 本極難斷定, 域交通 性保同, 若技術人才出 即東方胡族實行性之表現者, 或亦因是與 亦易發 亦即 固不敢固執鄙見, 特陳其所疑, 生開 北齊之薩甫、 而東方胡族之藝術 茲所欲論者, 即宇文護既以薩保為名 於胡 西域 又觀閻慶之祖 係, 有關 族 故其技術之養成 耶? 則必於西 唐之薩寶, 至宇 提即 似僅就表 殊 胡而 文愷 不足有所貢 宇文護母之父,其人曾為敦 此名與火祆之關係, 雖氏 不於東胡求之, 推原於家世所 面 以求通人之教正如此 次 族 出 籠統推測 獻於中國 É 東北 蓋當 出 則其母 m 無深 及 而世 故世之稱 中 地 自不待 対之 占 居 煌 閣 理 環 夏 鎮 氏 時

職 官

禮無 不能 非依其 系統, 所以 詳 隋 隋 書體裁 漏 唐制 於全體 悉考論, 唐職官之名號任 關 明悉唐代制 證實本書之主 度淵 所 而宇文氏之官制除極少數外, H 託之周 本為粉飾太平制禮作樂之一 更 ifri 源 其涉及職官者尤為易知 僅限 可 系統之所繫, 官體裁 證 度之系統淵 明 於中央文官制 旨 務 適 也。 得其 其淵 以設官分職實 其 第 源所致也。 反者。 甚為重要, 源變革 一事即宇文泰所以令蘇綽、 度 然則 記 部分。 端, 原非 故此 載 本 論者據 施 而 茲依時代先後 故其書在 章僅 所因 往往 政 較明顯, 第 事 襲。 唐六 一事 擇其 也。 為論史者所忽視 開 而與 典 唐代 觀 即 要點言之, 唐代 其 元 書竟謂 行 此 書 時 略述職官 所修六 編 政上 盧辯等摹倣周官之故及其 章有 職官乃承 修之經 唐代 遂成 或 其 關之隋唐 『淵源流變之史料 典 誤 餘 乃排 為 解 施 過 阶 口 政 從簡 北 比當時 得 即 魏 種便於徵引之類書 則 制度之三源復己 周 太和 不得 略。 知不獨唐代職官 官之 施 但有二事 不 遺 高齊 詳 行令式以合古 意者 制 為 而附以 度 考辨 楊隋之 實 於前章 **始由** 與 實 1 為

焉。

魏書壹壹叁官氏志略云:

自太祖至高祖初, 其内外百官屢有減置, 直意將軍之徒是也。 舊今亡失, 無所依據。太和中,高祖韶草寮議定百官,著於令。 或事出當時,不爲常目, 如萬騎、 飛鴻、常忠、

同書柒下高祖紀下(北史叁魏本紀同 孝莊 初初 以爾朱榮有扶翼之功,)略云: 拜柱國大將軍, 位在丞相上。

其有當局所疑而令文不載者,隨事以聞 太和十七年六月乙巳韶曰:「遠依往籍, 當更附之。 近採時宜, 作職員令二十一卷, 權可付外施行,

十九年十二月乙未朔引見羣臣於光極堂、宣示品令、爲大選之始。

北魏在孝文帝太和制定官制以前,其官職名號華夷雜糅,不易詳考,自太和改制以

寅恪案

後, 朝前期發展之文化,其事已於前論禮儀章考辨證明, 官品令一卷, 始得較詳之記載,今見於魏收書官氏志所叙列者是也。新唐書伍捌藝文志史部職官類有 其書諒與太和十九年十二月朔宣示羣臣之品令有關也。 茲不必詳及。 魏孝文之改制, 即吸 火收南 魏

隋書貳陸百官志序略云:

大夫,而以三司綜理衆務,洎於叔世,事歸臺閣,論道之官備員而已。魏晉繼及,大抵略 漢高祖職官之制因於嬴氏, 其間同異,抑亦可知。 光武中興, 聿遵前緒, 唯廢丞相與御史

制 同。 官 言 創據關 今之存録者, 爰及宋齊, 自餘庶僚頗有損益。 有可稱焉。 百有餘號。 右 B 不暇給, 高 陳氏 亦無改作。 祖踐 不能詳備焉。 繼梁, 極, 洎乎 煬帝嗣位, 克清江漢 百度伊始, 梁武受終, 不失舊物。 意在稽古, 爰議 復廢周官 多循齊舊 高齊創 憲章, 業 建官分職 然而定諸卿之位, 還依漢魏 酌酆鎬之遺文,置六官以綜務, 亦遵後魏, 率由舊章 臺省位號與江左稍 唯以中書爲 各配 大業三年, 内史, 四時, 侍中 殊。 置戎秩之 始行新 詳 爲納 其典 有周

新唐書肆陸百官志序(舊唐書肆貳職官志序略同)略云:

時考覈 唐之官制, 日 府, 由 職有常守, 而升降之,所以任辜材, 各統其屬, 其名號禄秩雖因時 而位有常員故也。 以分職定位。 增損 治百事。 其辨貴賤, 而大體皆沿隋故。 方唐之盛時, 其 八爲法 叙勞能 則 其制如此。 精而 其官司之别曰省, 密 則有品 其施於事則 有爵, 簡而 有勳 日臺 易行 有階 日 監 以 E

還依漢魏」及「唐之官制大體皆沿隋故 寅恪案:上引史文,不待解釋, 略詮論一二,以資參證 若能注意「高齊創業,亦遵後魏」,「[隋]高祖踐極, 至前所謂忽視及誤解之點 **二數語** ,則隋唐官制之系統淵源已得其要領。 則於此章之末論之,庶於叙説較便 茲更依舊史 復廢周官

廥 書頂柒百官志 略 Z.

制 官 多循後

樂諸官則與後來兵制及音樂有關 高齊職官之承襲北 俟於後音樂章及兵制章詳論之。 惟其尚書省五兵尚書之職掌及中書省所領進御之音

魏,

不待贅論

]高祖既受命, 改周之六官, 其所制名多依前代之法。

寅恪

所謂前代之法即

所

實則

和

傳授北

之制

此

齊

日

書

貳捌百官志

不承北周之一 例證 也。 杜佑 於通典寬 謂漢魏之制 伍 職官 典 柒 大抵自北魏太 心總論 諸 卿 條 子注中 論隋 之 改制 頗 隋官制承北 為 有 識 其後

唐六典 其意亦同 其言 當於下論六典時 再詳引之。 杜氏 注略

官司 後周 徒職 依周 官職 事 禮置六官 重設 禮部與太常分春官宗伯職事, 庶務煩滯, 加六尚書似周之六卿, 而年代短促, 人情相習已久,不能革其視聽, 刑部與大理分秋官司寇職事, 又更别立寺監, 故隋氏復廢六官多依北 則户部 工部與將作分冬 與太府分地

官 一 空 職 事 自餘 百司之任多 類 於斯, 欲求 理 要 實在 簡省。

寅恪案 似為隋代創制 杜君 卿 而 請 隋之 唐復因之, 職官多依 實則亦北魏末年及北齊之遺習 北 齊之制 自是 確實。 然尚 有 事 不過隋承之, 晶 於 職官之選任 又加 以普 者 遍化而 初 視之

其事悉廢漢以來州郡辟署僚佐之制, 改歸吏部銓授, 乃中國政治史上中央集權之一大變革

也。故不可不略考論之。

隋書貳捌百官志(唐六典叁拾刺史條、 通典多叁職官典鄉官條同)略云:

時事, 直謂之鄉官, [開皇三年] 舊周齊州郡縣職自州都郡縣正已下皆州郡將縣令至而調用, 别置品官 吏部除授。 理時事,

至是不知

[開皇]十五年罷州縣鄉官。

[牛]弘又問:「魏齊之時令史從容而已,同書柒伍儒林傳劉炫傳略云:

置綱紀 郡置守丞,縣唯令而已,其所具僚則長官自辟, 受韶赴任 每州不過數十, 今則

今則不遑寧舍,

其事

何由?」炫對曰:「往者

一州唯

不然,大小之官悉由吏部,纖介之跡皆屬考功。」

通典叁叁職官典總論縣佐條漢有丞尉及諸曹掾句下杜氏注云:

多以本郡人爲之,三輔則兼用他郡,及隋氏革選,盡用他郡人。

郡,均始於隋代, 寅恪案:若僅據此 然若就其他史料考之,則知殊不然也。 似中央政府之吏部奪取地方政府州郡縣令自辟之權, 如北齊書捌幼主紀(北史捌齊本紀同 ,以及縣佐之迴避本

三職官

帑藏空竭, 乃賜諸佞幸 賣官,或得郡兩三,或得縣六七,各分州郡, 下逮鄉官 亦多降中

通典壹肆選舉典略云: 粉用郡功曹。

其(漢代)州郡佐吏自别駕長史以下, 功曹者。 主失政、 多有佞倖, 自是之後 州郡辟士之權浸移於朝廷, 乃賜其賣官,分占州郡, 皆刺史太守自辟, 下及鄉官, 以故外吏不得精覈, 歷代因而不革。泊北齊武平 多降中旨, 故有 由此起也。 劫用州主簿 中, 後 郡

後周其刺史僚佐則自署,府官則命於朝廷。

魏 一牛弘爲吏部尚書, 則六品以下官咸吏部所掌, 北齊州郡僚佐已多爲吏部所授, 高構爲侍郎, 自是海内一命以上之官州郡無復辟署矣。(原注 至隋一 最爲稱 切歸在省司。 職 當時之制, 尚書舉 其大者, 侍郎舉 其小 自後

此隋代政治中央集權之特徵, 北周刺史尚能自署僚佐, 亦即其職官選任之制不因北周而承北齊之一 而後魏、 北齊州郡僚佐則已多為吏部所授, 例證也。 至隋 一切歸之省

高祖又採後周之制, 司 上儀同三司、儀同三司、大都督、 置上柱國、 柱國、 帥都督、 上大將軍、 都督,總十一等以酬勤勞。 大將軍、 上開府儀同三司、 開府儀同三

又隋書貳捌百官志略云

唐六典貳肆左右衛大將軍各一人正三品注略云:

自 本考訂云:右疑當作古)大將軍但名號同, 兩 漢至北齊大將軍位視三公,至隋十二大將軍直爲武職, 而統務别。 位左右臺省之下,

與右(近衛

北魏之末年 寅恪案:此為隋制之因於北周而不承北齊者, 而西魏北周承之, 故隋採此制, 似為變例,然考所謂柱國大將軍之號其實亦始於 可言祧北齊而承魏周。蓋楊氏王業所基 別是

F 不詳 論也。 如 周 書壹陸侯莫陳崇傳後(北史陸拾上雄傳後、通典貳捌職官典將軍總叙條及叁

茲僅節録舊籍關於此名號之源流,

以備参證,

觀者自能得之,

肆職官典勳官條俱略同)略云:

胡化系統,

當於後兵制章詳之,

禁闥而已,此外六人各督二大將軍,分掌禁旅,當爪牙禦侮之寄, 自大統十六年以前任者凡有八人。太祖位總百揆,督中外軍,魏廣陵王欣元氏懿戚, 初魏孝莊帝以 今之稱門閥者咸推八柱國家云。 魏文帝復以太祖建中興之業,始命爲之。 爾朱榮有翊戴之功, 今并十二大將軍録之於左: 拜榮柱國大將軍, 。其後功多佐命、 位在丞相上。 當時榮盛莫與爲比, 榮敗後, 望實俱 重者亦居此 此官遂廢。大 故

(上略)。

使持節柱國大將軍大都督大司馬河內郡開國公獨孤信。

(下略)。

右與太祖爲八柱國。

(上略)。

使持節大將軍大都督陳留郡開國公楊忠。

(下略)

周書貳文帝紀(北史玖周本紀同)略云: 茲請言字文泰摹倣周官之事,先略引舊史之文有關於此者,然後再討論之。

外品爲九秩, 亦以九爲上。

魏廢帝三年春正月始作九命之典,以叙内外官爵,以第一品爲九命,第九品爲一命,改流

綽、盧辯依周制改創其事,尋亦置六卿官,然爲撰次未成,衆務猶歸臺閣, 魏恭帝三年春正月丁丑初行周禮,建六官。初太祖以漢魏官繁,思革前弊,

大統中乃命蘇

至是始畢,

命行之。

北史伍魏本紀云:

大統十四年五月以安定公宇文泰爲太師,廣陵王欣爲太傅,太尉李弼爲大宗伯,前太尉趙 貴爲大司寇,以司空于謹爲大司空。

通鑑壹陸壹梁紀太清二年五月載此事,胡注云:

寅恪案:此即周書貳文帝紀、北史玖魏本紀所謂「大統中置六卿官」者也。 宇文相魏,做成周之制建官。

周書貳肆盧辯傳(北史叁拾盧同傳附辯傳略同)略云:

制宜, 修矣。 儀、 盧辯, 命行之,自茲厥後, 綽專掌其事, 車服、器用,多依古禮,革漢魏之法,事並施行。 皆合軌度。性强記默契,能斷大事,凡所創制,處之不疑。初太祖欲行周官,命蘇 辯乃注之。其兄景裕爲當時碩儒,謂辯曰:「昔侍中注小戴,今爾注大戴, 范陽涿人,累世儒學。辯少好學,博通經籍,舉秀才,爲太學博士,以大戴禮未有 」太祖以辯有儒術,甚禮之。自魏末離亂,孝武西遷,朝章禮度湮墜咸盡, 未幾而綽卒, 乃令辯成之。 世有損益,於時雖行周禮,其內外衆職又兼用秦漢等官, 於是依周禮建六官, 置公卿大夫士, 並撰次朝 辯所述六官, 太祖以魏恭帝三年始 今略舉其名 庶纂前 辯因時

右正九命。

柱國大將軍、大將軍。

驃騎車騎等大將軍開府儀同三司、雍州牧。

驃騎車騎等將軍左右光禄大夫、 户三萬以上州刺史。

右正八命。

書貳柒百官志略云:

觀 所引舊載宇文泰摹做成周 周太祖初據關內,官名未改魏號,及方隅粗定, 以爲論道之官 ;次置六卿, 創建官制之始末 以分司庶務。 制度既畢 亦可略知梗概。 命尚書盧辯遠師周之建職,置三公、三 ,太祖以魏恭帝三年始命行之。 一書,其真偽及著作年

周禮

號者則武則天,四代而已。四者之中三為後人所譏笑,獨宇文之制甚為前代史家所稱道 代問題古今説者多矣, 則無疑義也。自西漢以來,摹倣周禮建設制度,則新莽、周文帝、 大致為儒家依據舊資料加以系統理想化之偉作, 宋神宗 蓋託 1 改制 而 略傅會其名 而未嘗實 至今

禮創建制度之用心及其所以創建之制度之實質而已。 故俱置不論。茲所言

日論史者尚復如此。夫評議其事之是非成敗,本非本章之主旨及範圍,

富遠不及高歡所轄之境域, 宇文泰憑藉六鎮 僅宇文泰摹倣周 小部分之武力, 固不待言 割據關隴 以文化言 與山東、 江左鼎足而三, 然以物質

其

人力財

其確 其作 所在 改關 生關 除 典 又與 史家 人姓 郡望者 庸 北 制度, 史李 隴郡 崩 此 依 係 證之一也(見中央研究院歷史 軍 載 氏及郡 括 據 況值 頗 既 關 使 務 隴 其 证 有 其 寅恪嘗於考辨李唐氏族問題文中論之,如李唐 甚 其 能 農 望之第 忠、 後 文 梁 望之政策分為 、融合 亦豈荒 恢 傳及魏 紛歧 物質本位 則逕 飾 力 武 復 成為 之 不 要言之, 輔 圖 階段 如李弼 賜 富 時 同 徵撰李密墓 助 殘 议 其 庾子 僻 政策相關之府 之階段以 強等充實 家, 物質 胡 陋之關 如隋 姓 即 Ш 一階段 族 陽 以 所 立言 一誌銘 使繼 整軍 謂五 唐 傅 弱 物質之 隴所可相比。 皇 周 周 隴 語言研究所集刊第五本第二分)。約言之, 所致 務農 兵制 則又皆以為隴西成紀 書、 室之郡望 鮮 其先則改 禮經典 地 十年間 域 卑部落之後。 政 為本位之堅強 策 兩 政策之進行 當於後兵制章詳言之,於此 其 、制度之文, 唐 外, 江. 餘 仍 Ш 至於江左, 書弼 表無事 東郡 口 稱 必應 以 弘農 孫 類推 迨周 望為 密傳 別 二之盛 陰適 團 更 雕 有 人, 武 體。 西 關 可 及 末隋文帝 精 則自晉室南遷以後, 未能一一於此 是 周 關 以 新唐 隴 神 世乎?故宇文苟 究其 先世 此 維 也 郡 隴 E 繋其 望, 胡 種 書字 獨 所以紀述差異之故 關 恢 雜 漢 關 1/ 復 H. 隴文 開 於 考所引隋 現狀之實 有 柏 不置論。 漢 隴 北 加 世 自 詳 化 姓 周 以假託 轄 系 成 之時 悉論 本位 境以 隋 表俱 欲抗 唐 書 西魏宇文泰改造 本神州文化正統之 而 系統 列也。 内之胡 經籍 之政 己。 屬之 衡 物之郡 大抵 使之與六鎮 之文 高氏及蕭梁 策 志之文 其 遼 史料 僅 關 漢 東襄 化政 由 望 迴至 係 範 諸 氏 童 族之 口 平 史 以 所 發 漢 即 族 頗

闡發當日北朝東西分峙之情勢者,以為例證

北齊書貳肆杜弼傳(北史伍伍杜弼傳略同)略云:

已久,今督將家屬多在關 弼 盡投黑 以文武在位罕有廉潔 專事衣冠禮樂, ※ 瀬 士子悉奔蕭衍、 中原士大夫望之,以爲正朔所在。 西,黑獺常相招誘, 言之於高祖 則人物流散, (高歡)。 何以爲國?」 人情去留未定, 高祖曰:「弼來 我若急作法網, 江東復有一吴兒老翁 我語爾 不相饒借 天下濁亂

徒泥周 足, 其富 於 漢魏以來江左、山東之文化, 地方保守性之特長 高 禮 饒固 至關 制竟其業者 歡之用心, 豈可 官之 終以出於一 能 隴之地 一舊文 使武 與巨君 則 夫 則知當日分爭 實僅利用 實此之由也。否則字文出於邊裔 時之權宜 財富文化兩 有 介甫諸人儒化者相比 又假借關中之本地姬周舊土 所 留戀, 其 而上擬周官之古制。 故創制未久 名號, 俱 ,鼎立之情勢,不能 而 不如, 若勉強追隨, 鄴都典章文物悉繼太和洛陽之遺業, 以暗合 並哉 子孫已不能奉行 其 1 當 然而其 不有維繫人心之政策 現 蘇綽既以地方性之特長創其始 可以為名號,遂毅然决然捨棄摹 成敗 將愈相形見絀 狀 漢化至淺, 縱有政事之天才 故能 所以與新 逐漸改移 收摹倣之功用, 宋二代不同者, 故利 者矣。 亦可 用 還依漢魏之舊 令中 關 夫高歡 中 而少 原 一士族 寧具詩 T 滯 E 盧辯復 倣 族 格 以 不能 如 其 略 蘇 不 如周 通之 以習 及之 綽輩 並

二事於下

周書肆明帝紀(北史玖周本紀同)云:

書叁伍崔猷傳(北史叁貳崔挺傳附猷傳略同)略云: 成元年秋八月己亥改天王稱皇帝, 追尊文王爲帝,大赦改元。

合當時現實之利害也。 故不得不先改革之也。 於皇帝之尊稱 己久,忽聞天王之名, 寅恪案:周明帝世距始依周禮創建制度之時至近,即已改天王之號,遵秦漢稱皇帝,蓋民問習 亂 年號 世宗即位,徵拜御正中大夫,時依周禮稱天王,又不建年號,猷以爲世有澆淳, 朝廷既尊周禮 中年又居長,今奉遵遺旨 朝諸侯,況明公親賢莫二,若行周公之事,方爲不負顧託。」事雖不行,當時稱其守正。 故帝王以之沿革, 朝議從之。 ,無容輒違此義。」護曰:「天下事大,畢公沖幼耳。」猷曰:「昔周 又宇文護不依周 夫周禮原是文飾之具,故可不拘,字文泰已如是,更何論字文護乎? 世宗崩 聖哲因時制宜。今天子稱王, 不足以威天下, 翊戴爲主, 遺韶立高祖, 晉公護謂猷曰:「魯國公禀性寬仁, 誠如崔猷所言「不足以威天下」,即不足以維持尊嚴之意 禮立子, 而依殷禮立弟, 君以爲何如?」猷對曰:「殷道尊尊, 亦不效周公輔成王者, 所以適 請遵秦漢稱皇帝 周 道 太祖諸子之 公輔成王 親 運有治 親 建

=

職

周書貳叁蘇綽傳(北史陸叁蘇綽傳同)略云:

自有晉之季, 文章競爲浮華, 太祖欲革其弊。 因魏帝祭廟, 羣臣畢至,乃命綽爲大酷,

行之。自是之後文筆皆依此體。

通 鑑壹伍玖梁紀中 大同十一年(即西魏文帝大統十一年)六月丁巳魏主 響太廟條 胡注

宇文泰令蘇綽做周書作大誥,其文尚在,使當時文章皆依此體

亦非所以崇雅點浮也

周書貳貳柳慶傳(北史陸肆柳虬傳附慶傳同)略云:

綽謂慶日 大統]十年除尚書都兵郎中如故)柄民軌物, :「近代以來文章華靡, 君職典文房, 宜製此表, 逮於江左, 並領記室。 以革前弊。」慶操筆立成, 彌復輕薄 時北雍州獻白鹿, 洛陽後進, 羣臣欲草表陳賀, 尚書蘇 祖述不已。相公(宇文 辭兼文質, 而笑

曰:「枳橘猶自可移,況才子也。」

形似, 寅恪案: 帝紀所載武成元年前一歲九月丁未帝幸同州故宅, 饗 奉 臣, 但一檢周書肆明帝紀所載武成元年後之詔書,其體已漸同晉後之文, 可知此 蘇綽作大誥在大統十一年。周書貳文帝紀(北史玖魏本紀同 太祖(宇文泰)因柳虬之責難,令太常盧辯作誥諭公卿,其文體固 種矯枉過正之偽體 一傳之後, 周室君臣即已不復遵用也。 賦詩曰:)載魏恭帝元年 無復 若更檢周書, 則見明 無異蘇 蘇綽所做周 綽所作 夏四月帝大 之大

玉 燭 秋 金與歷 心心 還 如如 過 白水, 更似 入新豐。 霜潭 漬 晚菊 寒井落 疎 鬼 杯

令聞 歌大風

時

所及料

訓 竟 是 南 朝 後期 文士、 北周 羈旅纍臣如庾義城、王石泉之語 此豈宇文泰、 蘇 綽 創 造 大 治 文體

晶 間 又近日論文者有以唐代貞元、元和古 俗 係 體文之薰習 不合。 文(見哈佛 蓋唐代 亞細亞學報第 取古文之體 貞 元、元和古文運 以試 期 中 作 動 [文運動乃遠承北朝蘇綽摹做 略發之, 小 由 説 於天寶亂後 而卒底 以 人其與 於 居留南方之文士對於當 成 本 心功者。 書 無涉, 此意嘗 古 故不多及也 一體之 於論 遺 風者 韓 時 愈與 政 教之反 鄙意其説 八唐代 動 1 说之 及民 其 與

過渡 茲所 明 東 此 舉 意, 工具 江 左 混 而 知字文所摹 而非 已可證宇文泰摹古之制 至 其 基本霸業永久實質之所在。此 隋 氏 繼其 ·做之周 八遺業, 制其實 遂 質究為如 明 身没未久, 顯 不疑, 點固當於兵制章詳 掃 其子 而 幾 孫已不能遵 盡 去之。 蓋周 論之, 禮本其 M 復返 然就 一於漢 職 官 時 權宜文 魏 漸

飾之

與

山

亦闡

所 謂 周 禮者 乃託 附 於封 建之制 度也 其最 愛在 行 封 或 制 不 用 郡 縣 制 又 其 軍 隊 必 一略依 周

何

世

夏官 in 仍襲 大司 漢 馬之文即 魏之官職 大 或 一軍 大抵為地方政府及領兵之武 次國 軍 小國 軍之 職 制 是字文之依周官 今據 厝 書、 北 改制 史 盧 辯 大致 傳 所 亦 載 僅 不 限 改 於中 從周

央政 事則 用府兵番衛 府之文官而 集大權於中央, 其地方政府既仍 襲 其受封藩國者 用郡縣制, 封 (爵只為虛名,而不畀以土地人民政事,軍 何嘗得具周官所謂大國三軍、 次國二軍、

又周書貳叁蘇綽傳(北史陸叁蘇綽傳同)略云:

小國

軍之設置乎

之爵禄 官則命於天朝 又爲六條韶書奏施行之。 卿 百里之封, 相 伊尹、 無妨子孫之愚瞽,今之選舉者當不限資蔭, 而況公卿之胄乎?」 其州吏以下並牧守自置, 傅説是也, 其四擢賢良曰:「今刺史守令悉有僚吏,皆佐治之人也。 而況州郡之職乎?苟非其人,則丹朱、商均雖帝王之胤, 自昔以來, 唯在得人。 苟得其人, 自可起厮養而 州郡大吏但取門資。 夫門資者乃先世 刺史府

文所以雖傚周禮以建官,而地方政治仍用郡縣之制,絕無成周封建之形似也。 尚門資猶以為非, 顯宗傳),而蘇綽實亦即宇文泰不尚門資之論, 寅恪案 北朝自魏孝文以來, 則其不能亦不欲實行成周封建之制,以分散其所獲之政權 極力摹 放南 朝崇尚門第之制(見魏書 其在當時誠為政治上一大反動。 陸拾、 北 史肆 其 拾韓 夫 事 州 甚 郡僚 明, 麒 麟 此宇 傳附

又考晉書叁玖荀勖傳略云:

時又議省州郡縣半吏以赴農功, 勖議以爲省吏不如省官, 若欲省官, 私謂九寺可并於尚

蘭臺宜省付三府, 然施行歷代,世之所習, 是以久抱愚懷, 而不敢言。

符周 然則 厝 禮託體 漢 制 耳。 魏以來中 其 宇文創 高 實則 央政府職官 建周官之實質 僅實行其近代 重複 (及 其 識者改革中央政 識者雖心知其非, 限度如此, 論史者不 府官制之議 祇以世之所習 可 不正 確認識者也。 而加以擴大, m 不敢言, 宇文之改革 並改易其名, - 摹倣

以

之範 寅恪此 前 此 所 典提 既別 謂 本 庫 唐六典施 書主 甚易知 第 則 要已 但彼等所 與寅恪所持之説不合, 旨在説 事 材料 有 即 用 唐 然世仍有惑於六典之形式, E ---文詳 同, 討論者為六典 明唐代官制 確之論斷 六典之性質 不妨引 為引申, 用也 近 近日本西京 故六典一書在 施 茲略 因不得不略舉史實 承楊隋, 行 與 加 闡 否之問題, 遠祖 明。 東方文化研究所東 不明瞭其成書之原委,而生誤會 唐代施行之問題已大體解决, 開 (北)魏、(北)齊而 於此 寅恪所考辨者為唐代官制淵源系統之問 以為 書之施 證 明。 方學報第柒冊内 行問 雖 題 桃北 所舉材料 四 周者, 庫 全書柒玖史部 不必別 不 藤乾吉 與周 出 遂謂 DO 官絶無干涉, 庫 其得周官遺 更討 氏 館臣 復 於 職 所引 其所 官 題 但 類

大昌考古編 大唐 新 語 玖著述類 典 (條)云 (参新唐 書伍 |捌藝文志 史部職官 類六典三十卷注文及壹叁貳韋述 傳, 又

元十年玄宗詔書院撰六典以進, 時張説爲麗正學士,以其事委徐堅。 沈吟歲餘,

〇七

綿歷數載。其後張九齡委陸善經,李林甫委苑咸,至二十六年始奏上,百寮陳賀,迄今行 士毋嬰(煚)等檢前史職官,以今(令)式分入六司,以今朝六典象周官之制, 曰:「堅承乏已曾七度修書, 有憑准, 皆似不難, 惟六典歷年措思, 未知所從。 然用功艱難, 」説又令學

陳振孫書録解題陸職官類唐六典叁拾卷(參晁公武郡齋讀書志柒職官類唐六典條)云: 官之制 事委徐堅, 思之歷年, 未知所適; 又委毋煚、余欽、 寫白麻紙凡六條,曰:「理、教、 題御撰 今案新書百官志皆取此書, 在二十四年, 書院。(武英殿聚珍本原注案:唐書藝文志張説以其事委徐堅,經歲無規制, 考新舊唐書,九齡以二十四年罷政事,尋謫荆州, 加陸善經,李林甫代九齡,加苑咸。委苑咸者,乃李林甫也。至云二十六年冬草 咸廙、業孫、季良、韋述等參撰,及蕭嵩知院,加劉鄭蘭、蕭晟、盧若虚,張九齡 李林甫等奉勅注。 ,其沿革並入注,然用功艱難,其後張九齡又以委苑咸,二十六年奏草上,至今在 林甫注成奏進,當在二十七年, 按:韋述集賢記注,開元十年起居舍人陸堅被旨修六典,上手 即太宗貞觀六年所定官令也。周官六職視周禮六典已有邦土邦 禮、政、刑、事典,令以類相從, 故是書卷首止列林甫, 韋述, 程大昌謂書成於九齡 始以令式分入六司 撰録以進。 而不及九齡也。 爲相之日,當 ,象周禮 」張説 乃命毋煚

以其

寺, 言 日 是政 既有太尉、 出於三也。 不可考證 司徒、 唐志内外官與周制迥然不同 」(寅恪案: 司空, 此上乃范祖禹唐鑑 而 又有尚書省, 是政出於二也。 貳武德七年論文。 而强名六典, 可乎?善乎范太史祖 既 有尚書省,)本朝裕陵好 而 又有九 馬之

自

制

盡用之,

中書造命,

門下審覆,

尚書奉行

機事往往留滯,

上意頗以

爲悔

殆

強遷 以 職 數 堅之學 未嘗詳思唐代官制 證 同 角馬、 於周 旨之所在也。 明唐代現行官 制 而 術經驗 是以 唐代 唐玄宗欲依周禮太宰六典之文, 禮之序官 僅取令式 然猶用功歷年, 不今不古之書, 無從措手 實有其官 七次修書 制合於周 條文按其 近因 及尚 後來繼任之人固明知其如是,但以奉詔 儻取之以強附古經, 始得畢 北 書省六部之文摹倣周 亦有所不能顧 獨於此 職掌所關)齊隋, 事。 且轉能反證 無從措手, 遠祖漢魏 今觀六典一 分別性質 成唐六官之典, 唐制 真計 則非獨真面之迥殊 後來修書學士不得已乃取唐代令式分入六司 禮, 書並 與周 與周禮其系統及實質絕無關涉 出無聊者也。 約略歸 比 未 禮之制全不相同 較 能將唐代職官之全體 近似, 類 以文飾太平。 Iffi 修書, 由此言之, E 至於其餘部 亦彌 其書只每卷之首列 不能 感駢枝之可去。 帝王一 難強為傅會也。 依據唐六典不徒 不敷衍 分, 分而為六 時 則周 rfn. 寒責, 興到之舉, 此 徐堅 反證 叙官 禮 以 故以徐 即 原

一有見

無

此

象周

勉

不足 使

眩惑於名號所致,茲不欲詳辨,僅逐寫唐儒論武曌改制之言於此,亦可以理惑破幻矣。 又治史者若有因披覽六典尚書省六部職掌之文,而招現一種唐制實得周禮遺意之幻覺者, 蓋由

唐 會要伍柒尚書省分行次第條云:

通

月五日改爲六官,准周禮分,即今之次第乃是也。 武德令吏、禮、兵、民、刑、工等部。貞觀令吏、禮、民、兵、刑、工等部。光宅元年九

典貳叁職官典伍吏部尚書條周禮天官太宰掌建邦之六典,以佐王理邦國下注云:

制也。 今,徵考職任,則天官太宰當爲尚書令,非吏部之任,今吏部之始宜出於夏官之司士。 官,禮部爲春官,兵部爲夏官,刑部爲秋官,工部爲冬官,以承周六官之制。若參詳古 多定爲六曹, 六典之職,以佐王理邦國。漢成帝初分尚書,置四曹,蓋因事設員,以司其務,非擬於古 變冢言太者, 至光武乃分爲六曹, 迄於魏晉, 或五或六, 稍似周禮。至隋六部, 其制益明。 百官總焉,則謂之冢宰,列職於王,則謂之太宰,宰主也。周公居攝, 大唐武太后遂以吏部爲天官, 亦隨宜施制, 無有常典。 自宋齊以來 户部爲地 而作

律令性質本極近似, 不過 一偏於消極 方面 偏於積極方面而已。

太平御覽陸叁捌刑法部列杜預[晉]律序云:

律以定罪名,令以存事制。

唐六典陸刑部郎中員外郎條云:

新唐書伍陸刑法志序云: 凡律以正刑定罪,令以設範立制, 格以禁違止邪, 式以軌物程

唐之刑書有四: 之所常行之事也。 曰律、令、格、式。令者, 式者, 其所常守之法也。 尊卑貴賤之等數, 國家之制度也。 格者,

百官

員令、官品令之範圍, 固不待言也。又古代禮律關係密切, 夫漢代律令區別雖尚有問題, 統制中國, 其所製定之刑律尤為儒家化,既為南朝歷代所因襲,北魏改律, 但本書所討論之時代, 則無是糾紛之點, 而司馬氏以東漢末年之儒學大 若前 職官章所論即 復 (採用 族創 在職

四

刑

律

之, 度之三 故前 輾 源 轉 而 禮 嬗 與 儀 蜕 刑 童 律有 所考 經 由 涉者 辨者 北 齊 大抵與之有關 讀者取 隋 以至 前章之文參互 於 也。 唐, 茲特 實為 觀 華 议 之可 夏刑 禮儀 也 律 職 不 官 桃之正 刑 律 統 章 亦 先 適 後 在 聯 本 書 綴 所 凡 討 隋 論 之時 唐

始以 在凉 支, 又關 學 則 點 之故物也 亦不符 與 吸 於隋 州之 與江 收 後之 禮 rfij 止 南 限 南 儀 朝之 刑 唐 遺 朝 於 左之專守 事實之言 留及 職官 前 梁 刑 南 律 律 陳 律 期 雖 朝 之淵 諸 發 因 前 時 其 至 一晉律 代之 子在 陳 期 所 制 展 也 度 者 併 採 源 律 乏 者 其第 内 於隋 實 用 特為 演 也。 有 則 學 者 其 變 大體固 所 南 亦 諒 稍 顯 不同 但 其 朝 宋 止 事 齊之舊 異 著 謂 祀 後 於 即 省也 期之 隋 南 與 康 北 故元 及正 禮 唐 斬 朝 魏 律 曹 儀 前 刑 之初入 請 魏之 始 程 也。 律 學 期 先證 職官 定 樹 與 頗 刑 律 隋 但 德 其 中 採 律 律 明 唐 相 前 先 原 南 第 既 刑律 取 學 同 朝 生後 期 兼 精用宏 在 後 無 其 事 採 江 近 然亦有 期之發 魏 大 議 江左 東無甚 承 律 異 律之臣 北 考 轉 齊 略異者 展 序 勝 而 發 所 故 13 於江 其 遠 展 言 謂 如禮儀之比 Ш 中 祖 東士 自 省 宋齊 端 河 左承用之西 後 西之 古 晉 魏 族 其第 丰 氏 時 代之律 大 而 其 子 頗 見 以 中 後 [晉舊 傳 即 前 元 律 江. 事 魏晉文化 漢 禮 魏 分 左 學 即 代之律 儀 南 天 刑 仍 元 律 魏 北 兩 -中 IE

隋 貢 伍 刑 法志 略 云

晉氏平吴 九州寧 乃令賈充大明刑憲 内以平 章百 姓 外以 和協萬邦(寅恪案: 此句

制

隋書陸陸裴政傳(北史柒柒裴政傳同)略云:

良才, 有法 指晉律諸侯篇), 寔曰輕平, 稱爲簡易, 是以宋齊方駕轥其餘軌。梁武初即位時議定律令, 其制唯重清議禁錮之科, 如干人同議 宜悉除之,求文指歸可適變者,載一家爲本,用衆家以附,丙丁俱有, 合爲一 得齊時舊郎濟陽蔡法度家傳律學,云齊武時删定郎王植之集注張[斐]、杜[預]舊[晉]律 罪之律,復父母緣坐之刑,自餘篇目條綱輕重繁簡 第二分拙著讀洛陽伽藍記 培先生六十五歲慶祝論文集拙著支愍度學說考及前中央研究院歷史語言研究所集刊第捌 丙丁二事注釋不同,則二家兼載。

咸使百司議其可不,取其可安,以爲標例, 漢書陸拾杜周傳, 使損益植之舊本, 書,凡一千五百三十條,事未施行,其文殆滅,法度能言之。於是以爲兼尚書删定 删改科令, 昏墨有刑, ,以此爲長,則定以爲梁律(寅恪案:此爲當時流行之合本子句方法。見蔡元 於是稍求得梁時 此蓋常科, 以爲梁律。 王或當作主也), 書後)。 其獲賊帥及士人惡逆免死付治, 易爲條例,前王之律,]陳氏承梁季喪亂, 明法吏, 天監元年八月乃下韶曰:「律令不一, 因循創附, 令與尚 一治用梁法。 書删定郎范泉參定律令 良各有以。 刑典疏闊, 後王之令(寅恪案: 聽將妻入役,不爲年數, 若遊辭費句無取於實録者 及武帝即位, 則去丁以存丙, 此語見史記 實難去弊 制律三十卷。 宜云: 乃下韶搜舉 又存贖 某等 殺傷 本

韶與蘇威等修定律令, 政採魏 晉刑典, 下至齊梁, 沿革輕重取其折中, 同 撰著者十 有餘

據此, 南朝前期之宋齊二代既承用晉律, 其後期之梁律復基於王植之之集注張斐、杜預晉律, 凡疑滯不通, 皆取決於政。 (前文已引。

知。 之人, 芳之入北在劉宋之世, 俘入仕北 而陳律又幾全同於梁律,則南朝前後期刑律之變遷甚少。北魏正始制定律令,南士劉芳為主議 北魏、北齊之律輾轉傳授經隋至唐,是南支之律並不與陳亡而俱斬也。又裴政本以江陵梁 朝,史言其定隋律時下採及梁代, 則其所採自南朝者雖應在梁以前,但實與梁以後者無大差異可 然則南朝後期之變遷發展當亦可浸入其中, 恐止為

證明第一事既竟,請及第二事:

極少之限度,

不足輕重耳。

魏書貳太祖紀(北史壹魏本紀同)略云::

天興元年十有一月詔三公郎中王德定律令,申科禁,吏部尚書崔玄伯(宏)總而裁之。(參 考魏書貳肆及北史貳壹崔玄伯

同書肆上世祖紀(北史貳魏本紀同)云。

神廳四年冬十月戊寅韶司徒崔浩改定律令。

書肆下世祖紀(北史貳魏本紀同)云:

四四

伍 餘有不便於民者,依比增損。 正平元年六月韶 北史叁肆游雅傳及魏書伍貳、 日 一:「夫刑網 太密 」韶太子少傅游雅 北史叁肆胡方回傳。) 犯者更衆, 朕甚愍之, 中書侍郎 胡方回等改定律制。 有司其案律令, 務求厥中, 自 (參考魏

魏書 肆捌高允傳(北史叁壹高允傳同)略云:

[允]博通經史、天文、術數,尤好春秋公羊。[世祖]又詔允與侍郎公孫質、李虚、 胡方回

稱平。 共定律令。 允所製詩賦 初真君中以獄訟留滯,始令中 誄頌、 箴論、 表讚、 書以經義斷 左氏公羊釋、

諸

疑事。允據律評刑三十餘載

内外

毛詩拾遺、

論雜解、

議何鄭膏肓

凡百餘篇

别有集行於世。

寅恪案 述中其議 :此北魏孝文太和以前即北魏侵入中原未久時間議定刑律之極簡紀述也。 定刑律諸 人之家世、 學術 鄉里環境可以注意而略論之者,首為崔宏、 即就此 浩父子, 極簡 此 紀

人乃北魏漢人上族代表及中原學術中心也。 年五月齊太倉令淳于公有罪當刑條索隱引崔浩漢律序云: 其家世所傳留者實漢及魏晉之舊物。 史記拾文帝紀

文帝除肉刑 而宮不易。

四

刑

律

據此 則浩必深通漢律者也。 當日士族最重禮法。 禮律古代本為混通之學,而當時之學術多是

特別 律學 所謂 月壬 律 家 定 中 朝 左 序 律 不 出 考柒 之外 之專 令之勤 申 中 傳 圖 遺 重 其 法仁平知 冠冕 傳 詔 E 傳 及之, 春 以 第 徵 授 餘 家 西 州 年 秋决 始 其 用 故 則雅之家 諸 北 邦 冠 得布 以 學 涌 崔 名(俱見魏書伍 X 末 西 冕州 獄 派 儒 經義 隅 如 其 晉 氏 雖 考), 父子 帛 説 為 范 無 好 刑 邦。 世 保 即 斷 史 律 陽 尚言之, ПŢ 甚 上學術 干 直 稱 之 考, 持 獄 諦 而 盧 漢書藝文志有公羊董仲舒春秋治獄 夫所 備 其 漢 通 其 玄 必非 然據 鄙 故 尤 律 魏 漢 則其學術正 伍 特 穀 疑 説 謂 好 家之 律 晉 渤 春 庸泛。 所謂 魏 學 自 為 亦是為公羊辯 海 督 北史叁肆 干 秋 學 術 書 申 不 高 [橋之胄]者 北史 公羊 之 户 斛 地 述 術 允 雅 方 地 是 不 怪 環境 既與 魏 漢 越 域 厚 不 廣平 游 其 張 又 世 敢 儒之嫡 賜 明 催 īE 薰 撰 方 護 祖 掠 游 根 平定律之役 即 紀、 者。 著 杜之 習之第 浩 明 美 雅 之 具備 中 與 根子 也 傳無疑(此 游肇傳 等皆當 律 高 復 範 胡) 0 考漢儒多以 元角 有 一條件 鄙 學 童 方 肇既 斯 説 者 以 關 П H 义 + 有 事 所 於 徴為 漢 ・六篇 江 點程樹德先 大漢魏之時法律皆家世之學, 要當 而 謂 游 公羊 理 關 . 左之律 人 其 觀 家 雅 推 春 廷 中 從祖 世 之, 游 傳 春 有 方 秋决 尉 上 允 傳 雅 等 秋 所 11> 族 留之 學 弟 之高 既 當 者 不 出 獄 卿, 生九 領 明 知 所 篤 亦 自 参 學 袖 魏 無 好 根復又參定律令並 自 其 也 漢 西 後又徙 朝 見 矜 術 者 春 議 律 北 太 其 律 程 之第 世 誕 旗 秋 自 何 詔 考 樹 公羊 自 神 系 鄭 允 為廷 壹 及高 又游 書 德 統 中 廳 膏 在 條 稱 伍 先 盲 原 尉 之為 允之 雅 後 其 生 事 年 魏 經

九

為 與 永

爲法名家。 順帝時廷尉河南吴雄季高以明法律斷獄, 起自孤宦, 致位司徒, 及子訢、 孫恭三世廷尉,

及同 [書捌肆楊震傳附楊賜傳載賜以世非法家,固辭廷尉之職。又南齊書貳捌崔祖思傳(南史肆

柒崔祖思傳略同)略云: 弘, 漢來治律子孫並世其業,聚徒講授至數百人,故張于二氏絜譽文宣之世,陳郭兩族流稱武 明之朝,決獄無冤, 上(齊高帝)初即位, 庭缺于訓 苟官世其家,而不美其績,鮮矣。若劉累傳守其業,庖人不乏龍肝之饌, 刑之不措, 抑此之由。 慶昌枝裔,槐衮相襲, 祖思啓陳政事曰:「憲律之重由來尚矣,實宜清置廷尉,茂簡三官。 如詳擇篤厚之士,使習律令, 蟬紫傳輝。今廷尉律生乃令史門户,族非咸 試簡 有徵, 擢爲 斷可知 延尉

与

後漢書玖貳鍾皓傳略云

章懷注引海内先賢 鍾皓, 潁川長社人也。 爲郡著姓, 傳曰:「繇,主簿迪之子也。 世善刑律, 以詩律教授,門徒千餘人。皓孫繇。

一國志魏志壹叁鍾繇傳注引先賢行狀略云:

四

刑

皓博學詩律, 教授門生千有餘人, 二子: 迪、 繇則迪之孫

同書同卷鍾繇傳略云

魏國初建, 入爲御史中丞侍中廷尉。 爲大理, 遷相國",文帝即王位,復爲大理", 聽君父已没, 臣子得爲理謗, 及踐阼, 及士爲侯, 改爲廷尉。 其妻不復配嫁, 子毓。

三國志魏志貳捌鍾會傳略云

毓所創也。

由 廷尉卿,恐猶是當時中原士族承襲漢魏遺風,法律猶為家世相傳之學, 此言之(其例證詳見程著九朝律考捌漢律家考及玖魏律家考,茲不贅),游氏之議定法令,任 士族其家世多不以律學相傳授, 此又河北、 鍾會,太傅繇少子也。及會死後,於會家得書二十篇,名曰道論, 江東之互異者也。又魏書叁叁公孫表傳(北史貳 觀崔祖思之論, 而實刑名家也。 可知

柒公孫表傳同)略云:

初太祖以慕容垂諸子分據勢要,權柄推移,遂至滅亡,且國俗敦樸,嗜欲寡少,不可啓其 北史雖不載公孫質律學傳授 而導其利巧,深非之。表承指上韓非書二十卷,太祖稱善。 由來, 然即就 公孫表傳表上韓非書一端言, 第二子軌, 軌弟質。 其事固出於迎合

時主意旨,或者法家之學本公孫氏家世相承者,

亦未可知也。

/\

總之,拓跋部落入主中原,初期議定刑律諸人多為中原士族,其家世所傳之律學乃漢代之舊,

與南 朝之顓守晉律者大異也。

北魏孝文太和時改定刑律共有二次,第一次所定者恐大抵為修改舊文, 使從輕典, 其所採用之

因子似與 (前時所定者無甚不同。 第二次之所定, 則河西因子特為顯著。 至宣 武 正始 定律河西 與

江左 精用宏,宜其經由北齊,至於隋唐,成為二千年來東亞刑律之準則也。 始數次修律始末以論證之。其關於河西文化者, 一因子 俱關 重要,於是元魏之律遂匯集中原、河西、江左三大文化因子於一爐而冶之,取 可參閱前禮儀章。 茲略引史載北魏太和正

太和元年九月乙酉韶羣臣定律令於太華殿。

魏書柒高祖紀(北史叁魏本紀同)云:

書 明年(太和三年)韶允議定律令。 肆捌高允傳(北史叁壹高允傳同)略云

司

書壹壹壹刑罰志略云:

過吹毛而舉, [太和]三年下韶曰:「治因 政寬, 弊由網密,今候職千數,姦巧弄威, 重罪受財不列,

先是以律令不具, 其一切罷之。」於是更置謹直者數百人,以防諠鬬於街術, 姦吏用法致有輕重, 韶中書令高間集中祕官等修改舊文, 隨例增減, 吏民各安其職 又

粉草官參議厥衷, 經御刊定, 五年冬訖, 凡八百三十二章。

原儒士, 寅恪案: 保持漢代學術之遺風者,前已言之矣。 此太和第一次定律, 其議: 律之人如高允、 高間等(參魏書伍肆、

北史叁肆高間傳

)皆中

魏書柒下高祖紀(北史叁魏本紀同)云:

太和十五年五月己亥議改律令,於東明觀折疑獄。八月丁巳議律令事。

十六年四月丁亥朔班新律令,大赦天下。五月癸未韶羣臣於皇信堂更定律條流徒限制,帝

親臨決之。

十七年二月乙酉韶賜議律令之官各有差。

魏書、北史李沖傳云:

此 此新律孝文雖自下筆,而備咨訪取决者,實為李沖。前代史籍多以制作大典歸美君主,實則別 及議禮儀律令, 潤飾辭旨, 刊定輕重, 高祖雖自下筆, 無不訪決焉。(前文已引)

之與河西關係前已詳論,茲不復贅。又魏書、北史源賀傳附懷傳云: 有主撰之人,如清代聖祖御製諸書即其例也。 然則此太和新律總持之主人乃李沖非孝文也。沖

思禮後賜名懷, 遷尚書令, 參議律令。(前文已引)

,亦出河西,其家子孫漢化特深,至使人詈為漢兒(見前引北史源師傳)。

然則源

源氏雖非漢族

和定 懷之學亦猶李沖之學, 律 又有可注意者 江東文化因素似未能加入其中 即 皆河 太和新律已於太和十 西文化之遺 風。 恐亦由此 六年 太和第二次定 PLI 未能悉臻美備 月 頒行 (律河西因子居顯著地位) 其 時 猶 遂不得不更有正始定律之舉 在 F 一肅 北 奔前之 歲。 觀此 可知 盖 太

同 書 陸玖袁飜傳(北史肆 ·捌世宗紀(北史肆魏本紀同)云: 朱袁翻傳同

正始元年十有二月己卯韶羣臣議定律令。

) 略

7

秀入國, 陳郡項人也。 而大將軍劉 父宣有才筆 昶每提引之, 爲劉 言是其 或 青 外 祖 州刺史沈 淑 之 近 親, 文秀府主 令與其府諮 簿。 皇 議參 雕 中 軍 東陽州 袁濟 平, 随文

少以

才學擅美

八一時,

正始

初韶

尚

書門下於

金

一埔中書外省考

論律令

飜與

八門下

録事

常

孫

彭城王 林監王元龜 廷尉監張虎 一概、 司 尚書 州 牧高陽王 律博士侯堅固 郎祖瑩、宋世景, 雍 中 書監京兆王 治書侍御 員外郎李琰之, 愉、 史高綽, 前青 太樂令公孫崇等 州刺史劉芳 前軍將軍邢苗 左衛將軍元麗、兼將作 並在 奉 車都尉程 議 又部 靈 虬 太師 羽

П 大匠 李 壹刑罰志 韶 國子祭酒鄭道昭、 4 廷尉少卿王顯等入預其事。

世宗 即 位 意在 刊革令軌, 寬政, 但時 正始 屬征役 元年冬韶 未之詳究 日 議獄 定律有國攸慎, 施於時 用, 猶 致疑 輕重 外外。 一損 益世 尚 或 門 不 下可於 先朝

外省論律令, 諸有疑事 斟 酌 新 舊 更加思理, 增减上下必令周備, 随有所立 别以 甲

庶於循變協時, 永作通制。」

詳悉重 之因子當有彌 其事者劉芳、 寅恪案 出 抽繹正 但 常景二人而已。 略述最有關之語 補 始議律之韶 而太和新律中江左因子最少, 前已言及, 語 。二人魏書、 以資論證。 知於太和新律意有所不滿, 考劉芳本南朝士 北史俱 有傳 前禮儀章已將其傳文節引之矣。 族以俘虜入魏, 今正始修律議者雖多 故此次之考論必於太和新律所缺乏 其律學自屬 但前 江 後實 左系統 茲不復

自青州刺史]選朝 議定律令, 芳斟 酌古今, 爲大議之主, 其中損益多芳意也。 (前文已

马

洛陽伽藍

記壹城内永寧寺條略

云

無疑。

魏

北史芳傳

云

據此, 南 以輸入江左文化, 入北 正始議律芳實為其主持者, IE 與 劉芳同 使其益臻美備 類 其律學亦 為南學, 其所以委芳以主持之任者, 而補太和新律之缺憾耶?至此次與議之袁飜其以江左 更無待論也。 殆不僅以芳為當世儒宗, 士族由 實欲藉

[常]景字永昌,河内人也。敏學博通,知名海内。太和十九年爲高祖所器 ,拔爲律學博

士, 王元龜、 刑法疑獄多訪於景。 尚書郎祖瑩、散騎侍郎李琰之等撰集其事,又詔彭城王勰、青州刺史劉芳入預其 正始初韶刊 律令,永作通式, 勒景共治書侍 御 史高 僧裕 羽 林監

議

景討 正科條, 商推古今,甚有倫序,見行於世,今律二十篇是也。

寅恪案:

前禮儀

章引常爽、

常景祖孫傳,

知其家世本出涼州,

爽為當日大師

代表河西文化、

景之起家為律博士,尤足徵刑律為其家世之學也。 魏書、 北史常景傳又謂

先是太常劉芳與景等撰朝令,

未及班行,

别典儀注,

多所草創,

未成,

芳卒,

景纂成其

凡五

卷。永熙二年監議[五禮](依徐崇説補)事。(前文已引) 事。及世宗崩, 召景[自長安]赴京,還修儀注,又勅撰太和之後朝儀已施行者,

史上 此 涼州 事 ·固與刑律有別, 地位之重要, 元魏刑律實 駿為 西大儒劉昞之門人, 自 線 匯中 但可知景為繼劉芳之人,為當日禮儀、刑律之所從出,其在元魏末期法制 可知也。至程靈虬者, 原 士族僅傳之漢學及永嘉亂後河西流寓儒 靈虬又從學常爽, 故靈 程駿之子(魏書、 虬刑律之學亦河西之流派也。 北史程駿傳,前文已引),家世本

化, 並 大體似較漢律為進化 加 以 江左所承西晉以來之律學, ,然江左七大夫多不屑研求刑律,故其學無大發展。 此 誠 可謂集當日之大成者。 者所保持 若就 南朝承用之晉律論之, 且漢律之學自亦有精 或發展之漢魏晉文

Æ 刑 律

遺留 者亦稍 旨 為江 不 同 東所墜失者 故北 魏前 後定律能綜合 而 河西 品 一域所保存漢以 比 較 取精用宏, 來之學術, 所以成此 別自 「發展, 偉業者 與 北 實 有 魏 其 初期 庸 中 收 博 原 取 所

河

清三年

尚

書令趙

郡

Ī

叡等奏

Ê

齊

律

+

二篇,

又上

新令四

一十卷,

大抵

採

魏

故事

40

是後法

之功

並

非

偶

然所

致

也

北 刑 律 最 為 史 家 所 稱 隋書 貢 伍 刑 法 略 云

令明 科條簡 要。 又勅仕門子 弟常講習之, 齊人多曉法律 蓋由 此 也

周律]比於齊法 煩 而 不

故齊 律之善於周 推 原其故 律不待 蓋高 氏爲勃 詳論 海 滿人。 但程樹 勃海 德先 封 生九朝律 氏 世長律學 考壹柒北齊律考序云: 封隆之參定麟趾格 封繪

議定

而 齊律 實 出於封 繪 之手 祖宗 家 法 俱 有淵 源

因襲北 寅恪案 釋齊 致 H 律 並 渤 1 海 所以美備之故。 曲 程氏之説 皇室 則 刑律亦不能獨異, 偶 鄉里之特殊之原 然之事 以高 鄙意 齊 皇 實 封 室 故此乃全體文化之承繼及其自 無 與 氏 封 相 111 關 傳 氏 北齊 律 之必然性 同 學, 鄉 刑律 里 本 南 較優於 世 而 封 北 氏又世 竊 朝 南朝 謂 學 術 齊 律 長 中 律 然演進之結果, 前已言之, 之美備 心 移 學 於 似欲 家 殆 由 族 北齊之典 承 之 取 襲 家 觀於前 例 北 世 及 魏 章 鄉 刑 其 論 律 與 里 制 之 禮儀 度 畠 一端以 既 演 齊 進 帝

所 室

北周 制律, 故隋受周禪 強摹周禮,非驢非馬,與其禮儀、職官之制相同, 其刑律亦與禮儀 職官等皆不襲周而因齊,蓋周律之矯揉造作, 已於前職官章詳論之, 茲不復 經歷數十年

隋 書演 伍 刑法志略 Z. 而天然淘汰盡矣。

損益。 高 祖 既 受周 三年又勅蘇 禪, 開皇 威 元年乃韶尚書左僕射高類等更定新律奏上之, 牛弘更定新律 自是刑網簡要, 疎而 不失。 多採後齊之制, 而頗有

唐 承隋業, 其刑律又因開皇之舊本, 唐會要叁玖定格令門 (參考舊唐書伍拾刑法志

務從寬簡 武德元年六月十一日韶劉文静與當朝通識之士因隋開皇律令而損益之, 取便於時。其年十一月四日頒下,仍令尚書令左僕射裴寂、 遂制 吏部尚 爲五 十三條

Ш

瑶 大略以開皇爲準, 禮部尚書李綱、 正五 國子博士丁孝烏等同修之, 至七年三月二十九日成, 十三條, 凡律五百條, 格入於新律, 他無所改正。 韶 頒於天

司門郎中沈叔安、内史舍人崔善爲等更撰定律令,十二月十二日又加内史

寅恪案 唐律因於隋開皇舊本, 隋開皇定律又多因北齊, 而北齊更承北魏太和正始之舊 然則

下。

大理卿郎楚之、

炟

其源流演變固瞭然可考而知也。 茲就唐律中略舉其源出北齊最顯而易見之例數則, 以資參考。

唐律疏議壹名例篇云:

魏因 中分爲法例律, 隋因北齊, 漢律爲一十八篇, 宋、 更爲名例, 唐因於隋, 改漢具律爲刑名第 梁、 後魏因而不改。 相承不改。 -晉命賈充等增損魏律爲二十篇, 爰至北齊併刑名、 法例爲名例 於魏 後周復爲刑 刑名律

寅恪案:此隋唐律因北齊而不襲後周之一例證。

同書柒衛禁篇云:

衛禁律者,秦漢及魏未有此篇, 宋泊於後周此名並無所改。 至於北齊, 晉賈充酌漢 將關禁附之, 魏之律, 更名禁衛律, 随事 增損 創制 隋開皇改爲衛禁律。 此篇, 名衛宫律, 自

寅恪案:此隋唐律因北齊而不襲後周之又一例證。

書壹貳户婚篇云:

口

户婚 以婚事附之, 名婚户律; 律, 漢相蕭何承秦六篇律後加廐興户三篇,爲九章之律, 隋開皇以户在婚前, 改爲户婚律。 迄至後周,皆名户律,北齊

同書貳壹鬭訟篇云: 寅恪案:此為隋唐律承北齊而不襲後周之又一例證。

從秦漢至晉, 未有此 至後 魏太和年分緊訊律爲關 律, 至北齊以訟事附之, 名爲關訟

律,後周爲關競律,隋開皇依齊關訟名,至今不改。

同書貳捌捕亡篇云: 寅恪案:此隋唐律因北齊不襲後周之又一例證。

口

捕法第四,

至後魏名捕亡律,

北齊名捕斷律,

後

周名逃捕律,隋復名捕亡律。

捕亡律者,魏文侯之時李悝制法經六篇,

又同書貳玖斷獄篇云。

至 後 渝 周 律之名起自於魏, 復爲斷獄律。 魏分李悝囚法, 而出此篇。 至北 齊, 與捕亡律相合,

更名捕

捕亡與斷獄為一, 寅恪案:初觀此有似隋制律時此點不因北齊而轉承後周者, 為之附辨於此。 轉可證明北 魏、 北齊、 名捕斷律, 隋、 唐律為一系相承之嫡統, 隋律之復析為二,實乃復北魏之舊, 而與北周律無涉也, 但詳繹之, 非意欲承北周 則由北齊律合後魏律之 恐讀者有所疑滯 也。 然則 療此 特

五音 樂

以 者。本章所欲論者,在證述唐之胡樂多因 之胡樂及隋代鄭譯七調出於北周武帝時龜茲人蘇祇婆之類,皆已考證詳稿 承襲北魏洛陽之胡化所致。 之。至胡樂則論述較詳, 今論隋唐音樂之淵源,其雅樂多同於禮儀,故不詳及,惟有涉誤會及前所未論者乃解釋補充 為隋唐胡樂悉因 於北周也。 蓋自來中外學人考隋唐胡樂之源流者,其著撰大抵關於唐代直接輸 因推究其淵源, 於隋,隋之胡樂又多傳自 明述其系統, 好使考史者僅見鄭譯七調之例, 北齊,而北齊胡樂之盛 ,此本章所不欲重論 遂誤 實由

隋書壹肆音樂志略云:

常卿牛弘、 開皇二年齊黃門侍郎顏之推上言: 國舊事, 工人齊樹提檢校樂府 考尋古典。」高祖不從曰:「梁樂亡國之音,奈何遣我用耶?」是時尚因 國子祭酒辛彦之、國子博士何妥等議正樂,然淪謬既久,積年議不定,高祖大 改换聲律, 益不能通。 「禮崩樂壞,其來自久,今太常雅樂並用胡聲,請馮梁 俄而柱國沛公鄭譯奏上請修更正, 於是韶太 周 樂,命

怒曰:「我受天命七年,樂府猶歌前代功德耶?」

音樂志所載

四夷樂,其後帝娉皇后於北狄,得其所獲康國、龜茲等樂,更雜以高昌之舊,並於大司樂 [周]太祖輔魏之時,高昌欵附,乃得其伎,教習以備饗宴之禮。及天和六年,武帝罷掖庭 寅恪案:此條所紀有應解釋補充者數事,即顏之推所謂「今太常雅樂並用胡聲」之語指隋書壹肆

請, 節 似隋之雅樂不採江左之舊者, ,蓋周之樂官採用中央亞細亞之新樂也。 習焉,採用其聲,被於鍾石,取周官制以陳之。 則實不然。隋書壹伍音樂志略云: 。但志謂高祖以梁樂為亡國之音,不從顏之推之

開皇九年平陳,獲宋齊舊樂, 可用,請悉停之。」晉王廣又表請,帝乃許之。牛弘遂因鄭譯之舊,又請依古五聲六律旋 云太武平赫連昌所得,更無明證,後周所用者皆是新造,雜有邊裔之聲,戎音亂華, 復居其職。由是牛弘奏曰:「前克荆州,得梁家雅曲,今平蔣州,又得陳氏正樂, 弘奏下不許作旋宫之樂,但作黃鍾一宫而已。於是牛弘及祕書丞姚察、 相爲宫, 承,以爲合古,且觀其曲體,用聲有次,請修緝之,以備雅樂。其後魏洛陽之曲,據魏史 高祖猶憶 [何]妥言(寅恪案:何妥非十二律旋相爲官義, 韶於太常置清商署以管之, 求陳太樂令蔡子元、于普明等, 見隋書壹肆音樂志),注 通直散騎常侍許善 史傳相 皆不

韶, 許善心,兼內史舍人虞世基,儀同三司東宫學士饒陽伯劉臻等奏曰:「金陵建社, 年三月乙丑韶書)。 帝則皇規粲然更備,與內原(寅恪案:內原即中原,隋諱嫌名故改 詳定雅樂, 伏惟明聖膺期,會昌在運,今南征所獲梁陳樂人及晉宋旗章宛然俱至, 儀同三司劉臻、 博訪 祕書監奇章縣公牛弘, 通直郎 知音, 虞世基更共詳議。 旁求儒彦, 研校是非, 定其去就, 取爲一代正樂, 具在本 被書丞北絳郡公姚察 十四年三月樂定(參隋 通直散騎常侍 書貳高)隔絶 祖紀 臣等伏奉 三百年於茲 開 虞 朝士南 部 皇十四 侍郎 明

據此 朝舊人,其名氏事蹟前已述及者,茲從略省 則隋制雅樂,實採江東之舊, 蓋雅樂系統實由梁陳而傳之於隋也。 惟補記前文所未載者如下: 其中 議樂諸 臣多是南

書貳柒姚察傳(南史陸玖姚察傳同)略云:

陳

司。

」於是並撰歌辭三十首,

韶並令施用。

姚察,吴興武康人也。九世祖信吴太常卿,有名江左。[梁]元帝於荆州即位,授察原鄉 [陳後主世]遷吏部尚書。陳滅入隋,開皇九年韶授祕書丞。

北 齊書肆伍文苑傳顏之推傳(北史捌叁文苑傳顏之推傳同 顏之 推, 琅邪臨沂 人也。 九世祖含從晉元東度, 官至侍中右光禄西平 略

鎮西府諮議參軍。

[湘東王] 繹遣世子方諸出鎮郢州

以之推掌管記

值侯景陷郢州,

被囚

一侯;

父熙梁

湘

=

送建業, 李顯慶重之,令掌其兄陽平公遠書翰, 景平,還江陵,時繹已立,以之推爲散騎侍郎奏舍人事。後爲周軍所破, 值河水暴長, 具船將妻子來奔。 [後]除黄門侍郎

齊亡入周,隋開皇中太子召爲學士。

隋書柒陸文學傳劉臻傳(北史捌叁文苑傳劉

了臻傳同)略云:

江陵

復歸蕭詧, 沛國相人也。父顯,梁尋陽太守。臻爲邵陵王東閣祭酒,元帝時遷中書舍人。 以爲中書侍郎。 周冢宰宇文護辟爲中外府記室,後歷藍田令畿伯下大夫。

高

祖

受禪,

進位儀

同三司。

等議定隋樂,以所獲梁陳樂人備研校,此乃隋開皇時制定雅樂兼採梁陳之例證 寅恪案:姚察、顏之推 劉臻皆江左士族, 梁陳舊臣, 宜之推請依梁舊事, 以考古 典,

臻

隋書壹伍音樂志略云

伎。及大業中, 煬帝乃定清樂、 伎, 六曰龜茲伎, 七曰文康伎; 始開皇初定令,置七部樂:一曰國伎,二曰清商伎,三曰高麗伎, 西凉 又雜 有疎勒、 龜茲、 天竺、康國、疎勒、安國、 扶南、 康國、 百濟、突厥、 四日天竺伎, 五日安國 高麗 新羅、 禮畢,以 俀國等

爲九部樂, 器工依創 造, 既成, 大備於茲矣。

其始即清商三調是也。 並漢來舊曲, 樂器形制並歌章古辭與魏三祖所作者皆被於史

始於涼 屬晉朝 州得之。 遷 播 夷羯 宋武 竊據,其音分散。 平關 中, 因 而 X 苻永固(寅恪案: 南, 不復存於内地, 苻堅字 及平 永固 陳後 獲 此 之。 避 隋 高 諱 祖 改)平張

節 奏, 日 此 華夏正 聲 也。 」其樂器 有 鐘、 磬、 琴、 瑟、 擊琴、 琵琶、 箜篌、

節鼓、 笙、 笛、 簫、 篪、 損等 十五種爲一部,工二十五人。

寅恪案:此隋定樂兼採梁陳之又一例證也, 此部樂器中 ·既有琵琶、箜篌,是亦有胡中樂器,然

耳。 同書同卷音樂志略云

則亦不得謂之純粹華夏正

聲,

蓋不過胡樂之混雜輸入較先者,往往使人不能覺知其為輸入品

西 河口 凉 西得之, 者起苻氏之末, 謂之 西涼樂 吕光、 至魏周之際遂謂之國伎。 沮渠 蒙遜等據 有 凉州,變龜 今曲項琵琶、 聲爲之, 號爲 豎頭箜篌之徒 秦 《漢伎; 並出 魏太 武 自 西

寅恪案:此河 .西文化影響北魏遂傳至隋之一例證,其系統淵源,史志之文尤明顯矣。至云魏周

域

非

華夏舊器。

也, 之際遂謂之國伎, 以非本書範圍 則流傳既久, 故不置論 渾亡其外來之性質, 凡今日所謂國粹者頗多類此,

如國醫者是

隋書壹伍音樂志 略 云:

龜茲者 起自吕光滅龜茲 因得其聲。 吕氏亡, 其樂分散,後魏平 中原, 復獲之。 其聲後

復正聲, 此不祥之大也。公等對親賓宴飲, 宜奏正聲, 聲不正, 何可使兒女聞也。」帝雖 多變易, 有此物, 而竟不能救焉。 因語明達云:「齊氏偏隅、 估衒公王之間,舉時争相慕尚。高祖病之,謂羣臣曰:「聞公等皆好新變,所奏無 至隋有西國龜茲、 王長通、李士衡、 煬帝大製艷篇,辭極淫綺,令樂正白明達造新聲,帝悦之無已, 曹妙達猶自封王,我今天下大同,欲貴汝,宜自修謹! 郭金樂、安進貴等,皆妙絶弦管, 齊朝龜茲、土龜茲等,凡三部。開皇中其器大盛於間 新聲奇變, 朝改暮易 閈 持其

寅恪案:隋代上自宫廷,下至民衆, 如曹妙達者, 固是齊人也。 隋書壹叁音樂志略云: 實際上最流行之音樂,即此龜茲樂是也。考龜茲樂多傳自

煬帝矜奢,頗玩淫曲,御史大夫裴蘊揣知帝情,奏括周、齊、梁、陳樂工子弟及人間善聲 調者凡三百餘人,並付太樂,倡優獲雜咸來萃止。其哀管新聲淫絃巧奏,皆出鄴城之下,

觀此, 始齊武平中有魚龍爛漫、 則知隋世之音樂實齊樂也。又其所謂「倡優優雜」者即隋書壹伍音樂志之 俳優朱儒、 山車巨象、拔井種瓜、殺馬剥驢等奇怪異端百

高齊之舊曲云。

開 皇初並放遣之。及大業二年突厥染干來朝, 名爲 百 戲。 周時鄭譯 有寵於宣帝, 奏徵齊散樂人並會京師爲之, 煬帝欲誇之,總追四方散樂大集東都 蓋秦角抵之流者也,

亦受齊樂工之影響。 節所言之散樂, 亦即齊之百戲也。又隋代不僅俗樂即實際流行之音樂出於北齊, 如隋書壹伍音樂志云: 即廟堂雅奏

高祖遣内史侍郎李元操、 直內史省盧思道等列清廟歌辭十二曲,令齊樂人曹妙達於太常教

可證也, 考北齊盛行之樂皆是胡樂, 隋書壹肆音樂志述齊代音樂略云:

以代周歌。

雜樂有西涼、鼙舞、清樂、 至河清以後傳習尤盛。後主唯賞胡戎樂,耽愛無已,於是繁手淫聲争新哀怨,故曹妙 龜茲等,然吹笛 彈琵琶、 五弦歌舞之伎自文襄以來皆所愛

達、安未弱、安馬駒之徒至有封王開府者。

寅恪案: **公置** 不論。 曹、 安等皆西胡氏族 即觀 北齊書伍拾恩倖傳(北史玖貳恩幸傳同 也,北齊之宮廷尤其末年最為西域胡化,)所載關於音樂歌舞者 其關 於政治及其他伎術 可知皆出於

西胡之族類也,如傳序略云:

西域醜胡龜茲雜伎封王者接武, 開府者比肩。胡人樂工叨竊貴幸,今亦出焉。

傳末略云

險, 又有史醜多之徒胡小兒等數十,咸能舞工歌,亦至儀同開府封王。至於胡小兒等眼鼻深 一無可用。

然則北齊宮廷胡化音樂勢力之廣大有. 如是者, 更可 '注意者, 即恩倖傳 韓 鳳 傳云:

戍曰 壽陽陷没 急時且守此作龜茲國子, 鳳與穆提婆聞告敗, 握槊不 更可憐人生如寄, 輟 日 一他家物, 唯當行樂, 從他去。 何因愁爲?」君臣 」後帝使於黎陽 臨 應和若 河 築城

知, 實為承襲北魏洛陽之遺風, 夫握製西胡戲也, Z, 何怪西胡音樂之大盛於當時, 龜茲西域國也,齊室君臣於存亡危急之秋猶應和若此,則其西胡化之程度可 洛陽伽 ,而傳流於隋代也。鄙意北齊鄴都所以如此之西胡化者 藍 記叁城南永橋以南圜丘以北伊洛之間夾御道有四 [夷館 其故

家,門巷修整, H 西夷來附者處崦嵫館, 奔塞下, 所謂盡天地之區矣。 書 填列, 賜宅慕義里。 青槐蔭陌,緑柳垂庭,天下難得之貨,咸悉在焉。 樂中國土風因而宅者, 自葱嶺以西至於大秦, 不可勝數, 百國千城莫不欸附 是以附化之民萬有餘 商胡 販客

又同書同卷菩提寺條

菩提寺

西域胡人所立也,

在慕義里。

Zi.

蓋北 都西 魏洛陽 域 胡化尤其胡樂之盛必與 既 有萬餘 家之歸化西 此有關。 域 胡人居住, 否則齊周 其後 東西隔絶 東 魏 遷 若以與 此 類 胡 西 人 域交通論 亦 隨之移徙, 北周 故北齊 領 上更

五

業

之盛

遂至隋代

猶承

其

遺

風 也。

為便利 不應北 齊宫 ,廷胡小兒如是之多,為政治 E 大勢力, 而西 域文化如音樂之類北齊 如如 是

故隋之胡樂大半受之北齊, 而北

齊鄴都之胡人胡樂又從北

魏

陽轉徙而來, 此為隋代胡樂大部分之系統淵源, 前人尚未論及, 因為備述之如 此。

初音樂之多承隋舊,

志、 新唐書貳壹 禮樂志等):

至唐

其事甚

顯

故不多述,

僅節

録唐會要之文如下(參考舊唐書貳捌音樂

唐會要叁貳雅樂條略云:

H 書经会讌樂條 高 祖受禪, 略 軍國多務, 云

改創

樂府尚用隋代舊文。

武德初未暇 六龜茲, 改作, 七安國 每讌享因 八疏勒 隋舊制 九 康 國。 奏九部 一讌樂, 二清商, 三西凉, 四 一扶南

五高

從西域輸入者則事在本章主旨範圍之外,故置不論。 寅恪案: 唐之初期其樂之承 隋亦猶 禮之因 隋 其系統淵源, 蓋無不同也。若其後之改創及直接

研究所集刊第柒本第叁分, 茲略增訂, 此章本題爲府兵制前期史料試釋,載中央研究院歷史語言 以爲此書之一章。)

實,是執一貫不變之觀念,以說此前後大異之制度也,故於此中古史最要關鍵不獨迄無發明 追述前事,亦未可盡信。茲擇取此制前期最要之史料,試為考釋,其間疑滯之義不能通解者殊 復更多所誤會。夫唐代府兵之制,吾國史料本較完備,又得日本養老令之宫衛軍防諸令條,可 史者於時代之先後往往忽略,遂依據此制度後期即唐代之材料, 府兵之制起於西魏大統,廢於唐之天寶,前後凡二百年,其間變易增損者頗亦多矣。後世之考 以推比補充, 又所據史籍、 其制度概略今尚不甚難知。惟隋以前府兵之制,則史文缺略,不易明悉,而唐人 皆通行坊刻 未能與傳世善本一一詳校,尤不敢自謂有所創獲及論斷也。 以推説其前期即隋以前之事

 \Rightarrow

兵

餇

北史陸拾(周書壹陸同, 總叙條及叁肆職官典壹陸勳官條略同 但無「每一團儀同二人」至「並資官給」一節, 又通典貳捌職官 典拾將軍

戚 職 統三年,魏文帝復以周文帝建中興之業,始命爲之。其後功參佐命、望實俱重者亦居此 魏孝莊帝以爾朱榮有翊戴之功,拜榮柱國大將軍,位在丞相上。榮敗後,此官遂廢。大 從容禁圍 自大統十六年已前任者凡有八人。周帝位總百揆,都督中外軍事, 而已, 此外六人各督二大將軍。 分掌禁旅,當爪牙禦侮之寄, 魏廣陵王於元氏懿 當時榮盛莫與

爲比, 故今之稱門閥者咸推八柱國家。 今並十二大將軍録之於左:

使持節太尉柱國大將軍大都督尚書左僕射隴右行臺少師隴西郡開國公李虎(略)與周文帝爲

使持節大將軍大都督少保廣平王元贊。 (略)

八柱國。

是爲十二大將軍。每大將軍督二開府, 日下 同二人, 自相督率, 則教旗習戰 無他賦役, 不編户貫, 每兵唯辦弓刀一具, 都十二大將軍。 凡爲二十四員,分團 十五 月簡閱之,甲槊戈弩並資官給。 日上,則門欄陛戟 統領,是二十四軍。 警畫巡 夜; 每一 團儀

統十六年以前十二大將軍外,念賢及王思政亦拜大將軍,然賢作牧隴右,思政出鎮河南、 典俱作「咸是散秩」),無所統御。 不在領兵之限。 此後功臣位至柱國及大將軍者衆矣,不限此秩(「不限此秩」,周書及通 六柱國十二大將軍之後有以位次嗣掌其事者, 而德望素

在諸公之下,並不得預於此例。

|海壹叁捌兵制叁引鄴侯家傳云:

玉

兵, 衣、馱牛驢及糗糧六家共備, 師隴右行臺僕射隴西公,與臣五代祖弼、太保大司徒趙郡公及大宗伯趙貴、大司馬獨孤 初置府不滿百,每府有郎將主之,而分屬二十四軍,每府一人將焉。每二開府屬一大將 ,二大將軍屬一柱國大將軍,仍加號持節大都督以統之。時皇家太祖景皇帝(李虎)爲少 大司寇于謹、大司空侯莫陳崇等六家主之,是爲六柱國,其有衆不滿五 皆於六户中等已上家有三丁者,選材力一人,免其身租庸調, 撫養訓導, 有如子弟, 故能以寡克衆。 郡守農隙教 自初屬六柱國家, 萬。 試 閱 初置府 兵仗 及

先生胡刻通鑑正文校宋記壹柒)。蓋溫公讀[共]為[供],僅此一事殊可注意而已。夫關於府兵 寅恪案:通鑑壹陸叁梁簡文帝大寶元年即西魏文帝大統十六年紀府兵之緣起,即約略綜合上引 二條之文,別無其他材料。惟「六家共備」今所見諸善本俱作「六家供之」,當非誤刊(參考章鈺

分隸十二衛,皆選勳德信臣爲將軍。

之材料 制 度 起 源之史料 以相 比 君實當日 試作 較新 所見者既是止此 之解釋於下 故今日 惟有依 此二條之記 載, 旁摭 其 他

甚明 文比 北魏 之下 飾之具耳。八柱 卑舊俗為依 都 晚 附 年六鎮之亂 其 及 所憑藉之人材地利遠在高歡之下,若欲與 別採取一系統之漢族文化 無待贅論。高歡、 (蕭氏 鮮 卑 歸 部 治 过國者, 其有異 落 下 建康 舊 制 乃塞上鮮卑族對 摹擬 江 於鮮卑之制而 資其 陵 宇文泰俱承此反對漢化保存鮮卑國 鮮卑舊時 承襲之漢魏晉之二系統, 野 心利 以籠絡其部下之漢族, 八國 於魏孝文帝所代表拓跋氏歷代漢化政策之一大反動 用之理 適符於周官之文者, 即八部之制者也。 由 也。 八高氏 荀明 此宇文泰所以使蘇 '抗爭,則惟有 乎此 乃黑獺 而 魏書壹壹叁官氏志云: 是種漢化又須有以異於高 粹之大潮 則知宇文泰最 別有 於隨順此 利 流 綽 用之處 而興起之梟傑也。 鮮卑反 初之 盧辯之徒以周官之 特取 創 制 動 周官為緣 氏治 潮流 實 史實 以

車氏。 族之興, 初安帝統國,諸部有九十九姓。 凡與帝室爲十 自此始也。 姓。 又命叔父之胤曰乙族氏, 凡此 諸 部 至獻帝時, 其渠長皆自統 七分國人, 後改爲叔孫氏 使諸兄弟各攝領之, 乃分其氏。七 又命疏屬曰車焜氏,

天興 介元年 十二月置 1 部大夫散騎常侍待韶等官, 其八部大夫於皇城四方四維面置一人,以

擬八座

謂之八國

天 賜元年十一月以 Á 國姓族難分, 故國立大師、 小師, 令辯其宗黨,品舉人才。自八國以

外 郡各自立 師, 職分如 八國,比今之中正也。 宗室立宗師, 亦如州郡八國之儀。

書壹佰拾食貨志云: 神瑞元年春置八大人官,大人下置三屬官,總理萬機, 故世號八公云。

天輿初制定京邑,東至代郡,西及善無,南極陰館,北盡參合,爲畿内之田,其外四方四

維置八部帥以監之。

周書貳文帝紀下魏恭帝元年(通鑑壹陸伍梁元帝承聖三年春同)云:

者爲 魏氏之初,統國三十六,大姓九十九,後多絶滅,至是以諸將功高者爲三十六國後, 九十九姓後, 所統軍人亦改從其姓。

紀下、北史玖周本紀上西魏恭帝元年及通鑑壹陸伍梁元帝承聖三年所載西魏諸將賜胡姓之例 陵王元欣列入其中之一,即擬拓跋鄰即所謂獻帝本支自領一部之意,蓋可知也。 寅恪案:拓跋族在塞外時,其宗主為一部,其餘分屬七部,共為八部。字文泰八柱國之制 所統軍人亦改從其姓」,明是以一軍事單位為一部落,而以軍將為其部之酋長。據魏書官氏志 有直接隸屬即類似君臣之關係與名分義務, 此又可以推繹得知者。宇文泰初起時, 諸部, 其渠長皆自統衆」, 則凡一 部落即一軍事單位内之分子對於其部落之酋長 據周書貳文帝 本非當 即 以 軍

六

H 關 隴諸軍之主帥, 實與其他柱國若趙貴輩處於同等地位, 適以機會為貴等所推耳。 如周書壹

文帝紀上(北史玖周本紀上略同)略云:

材。 所依。竊觀宇文夏州遠通歸心, 乃謂諸將曰:「洛智能 三軍未有所屬,諸將以都督寇洛年最長,相與推洛,以總兵事。洛素無雄略,威令不行 [賀拔]岳果爲[侯莫陳]悦所害,其士衆散還平凉,惟大都督趙貴率部曲收岳屍還營。於是 」於是趙貴言於衆曰:「元帥(賀拔岳 本闕,不宜統御, 士卒用命,)勳業未就 近者迫於群議, 今若告喪, 必來赴難, 奄罹凶酷, 推相攝領, 豈唯國喪良宰, 因而奉之, 今請避位, 則大事集 更擇賢 亦衆無

矣。」諸將皆稱善。

又同 [書壹陸趙貴傳(北史伍玖趙貴傳、通鑑壹陸柒陳武帝永定元年同)云:: 初貴與獨孤信等皆與太祖(宇文泰)等夷。

及周 (書壹伍于謹傳(北史貳叁于謹傳及通鑑壹陸陸梁敬帝太平元年同)云::

謹 既 太祖等夷。

其柱 周官六軍之制。此則雜糅鮮卑部落制與漢族周官制,以供其利用,讀史者不可不知者也。 是 其證。 國相等, 但八柱國之設, 又不欲元魏宗室實握兵權,故雖存八柱國之名, 雖為摹倣鮮卑昔日八部之制,而宇文泰既思提高 而以六柱國分統府兵, 一己之地位 以比 附於 不與

利用之, 又宇文泰分其境内之兵,以屬趙貴諸人,本當日事勢有以致之,殊非其本意也。故遇 以漸收其他柱 國之兵權, 而擴大己身之實力, 此又為情理之當 I然者。 但 此 事 跡象 機會, 史籍 必

之制始 斷限者 統十六年以前 不甚顯著, ,以其為李虎卒前之一年也。 蓋八柱國中虎最先卒, 故易為考史者所忽視。 ,故通鑑即繫此事於梁簡文帝大寶元年即西魏文帝大統十六年。其所以取此年為 茲請略發其覆 據周 書、 北史、 自虎卒後, 而八柱國中六柱國 通典之紀八 柱 國 皆斷 統兵 自大

通 壹陸肆梁簡文帝大寶二年即西魏文帝大統十七年云: 五月魏隴西襄公李虎卒。

變。

國:一為柱 通 鑑此 而為柱國 條所出, 必有確實之依據, 自不待言。 或 明是繼李虎之位。 大將軍太傅大司徒廣陵王元欣,一即柱 魏書壹玖、 北史壹柒俱載子孝事蹟, 周書叁捌元偉傳附録魏宗室王公名位中有二柱 國大將軍少師義陽王 但北史較詳。 元子孝。 北史云 元子孝以少

後例降爲公, 復姓拓拔氏, 未幾卒。

不及從駕,後赴長安,封義陽王,後歷尚書令柱國大將軍。

子孝以國運漸移,

入關

亦未載子孝為柱 少師(柱國)[李]虎卒。 深自貶晦, 國年月, 日夜縱酒 萬斯同西魏將相大臣年表恭帝元年甲戌條云:

六

兵

餇

萬表以義陽王子孝繼李虎之職,

可據。 自屬正確。但列李虎卒於恭帝元年, 顯與通鑑衝突,

(謝啓崐西魏書壹捌李虎傳載虎卒於恭帝元年五月, 亦誤。

又周書壹玖達奚武傳(北史陸伍達奚武傳及通鑑壹陸肆梁簡文帝大寶一年元帝承聖元年俱略同 [大統]十七年(北史脱] 振旅還京師, 朝議初欲以武爲柱國, t 一字)韶 武率兵三萬 經略漢 武謂人曰 川。 : 我作柱國不應在 自劍 以 悉平。 明 年 元子孝 即 西 魏 廢帝 固

軍士, 之旁證。 插 伍梁元帝承聖二年同)云: H 元 知西魏廢帝 南鄭 孝也。 以隸屬於己。元子孝 虚 武之讓 於梁 此亦李虎卒於大統十七年, 位 元帝承聖元年即 元年即李虎卒後之次年,達奚武以攻取漢中之功應繼虎之後任為柱國,而武讓 柱國 黑獺遂得增 於子孝, 加一己之實力以制其餘之五柱國矣。 與 西 元欣同 非僅以謙德自鳴, 魏廢帝 為魏朗宗 而其次年即 元 年五 一月,故武之還長安尚在其後),其遺 室, 始窺見宇文泰之野心, 廢帝元年達奚武班師還 從容禁闥 無將兵 故周書貳文帝紀下(通鑑壹陸 之實, 欲併取 長安時 若以之繼柱 李虎 (通鑑繁達奚 缺尚 所領之 未 國之 補 部 於

廢 一年春, 魏帝 韶 太祖去丞相大行 臺, 爲都 督中外 諸 軍

後, 此為宇文泰權力 其非 偶 周書貳 然 擴 抑 拾閻慶傳(北史陸壹閻慶傳同 미 張 知也。 壓 倒 同 又元子孝為虚位柱國 輩名實 俱符之表現, m 既 適 不 在 統軍 李 虎 既卒、 而實領李 達 奚 虎舊部者當為宇文泰親 武 讓 柱 國 於元 子孝之

賜姓大野氏。晉公護母,慶之姑也。

慶 而以己之親信資位較 依西魏賜姓之制 則慶當是 虎之部下 統軍之將帥與所統軍 卑若閻慶者代領其軍 , , 慶與宇文氏又有 人同受一 敷 戚 ? 誼 此 無確 姓。 或者虎卒之後, 證 慶與 姑 (李虎同姓大野氏) 虎之年位俱高於 備 說 黑獺即以柱國虛位畀元子孝, 而 E

帥。 總而 制 部外具獨立之勢。 移此部屬之觀念, 但在宇文氏創業之時, 而以六柱國分統諸兵。 言之, 府兵之制 宇文泰與 及變革此獨立之制度,乃字文泰所未竟之業,而有待於後繼者之完成者 其 初 依當時 後因 (趙貴 起時實摹擬鮮卑 (等並 |李虎先死之故, "鮮卑舊日觀念, 其兵士尚分屬於各軍將, 肩 同 起, 部 落舊 偶為所 併取 制 推, 其兵, 得擴張實力, m 部 遂居 落西 其 Ę <u>+</u>, 對 於部 自不 内 以懾 得 有 而 不用 直轄之權 不直隸於君主。 服 八柱國 其 起之首 之虚 對於

秦之建國 兼採鮮卑部落之制及漢族城郭之制 其府兵與農民 迥然不同, 而在境内為一特

六

兵

舳

也。

殊集團及階級。北史陸拾所謂「自相督率,不編户貫」,及周書叁孝閔帝紀(北史玖周本紀上同

元年八月甲午詔曰:

今二十四軍宜舉賢良堪治民者,軍列九人。

皆足證也。

鄴侯家傳所謂「六户中等已上」者,此「六户」與傳文之「六家」不同, 蓋指九等之户即自中 下至上

上凡六等之户而言,文獻通考壹伍壹兵考作「六等之民」,當得其義。魏書壹佰拾食貨志云:

顯祖(今本通典伍食貨典作莊帝,不合)因民貧富,爲租輸三等九品之制。

宇文泰殆即依此類舊制分等也。又周書貳文帝紀下魏大統九年(通鑑壹伍捌梁武帝大同九年同

於是廣募關隴 豪右,以增軍旅。

間, 者固應視為貴族 然則府兵之性質, 與後來設置府兵地域內其兵役之比較普遍化者, 即在 其初元是特殊階級。其鮮卑及六鎮之胡漢混合種類及山東漢族武人之從入關 關 魔所增收編募,亦止限於中等以上豪富之家,絕無下級平民參加 迥不相 同也。 於其

解 又鄴侯家傳「六家共之」之語,「共」若依通鑑作「供給」之「供」, 日本岡崎文夫教授於其所著關於唐衛府制與均田租庸調法之一私見(東北帝國大學十周年 自易 別明瞭。 惟一六家」之語最

難通

有何解釋。 鄙意 通鑑採用鄴侯家傳已作「六家」,故「六」字不得視為傳寫之誤。 集)中, 雖致疑 於何故不採周禮以來傳統之五家組合,而取六家組合,但亦未 然細繹李書, 如

如子弟」之語,尤足證其意實目六柱國家。至其詞涉誇大,不盡可信, 故以「六家供備」代「並資官給」,觀其於「六家共(依通鑑通作供)備」下, 家」疑亦同指六柱國家而言也。北史云:「甲槊戈弩並資官給」,李書既以府兵 六家主之」及「自初屬六柱國家」等語, 其「六家」之語俱指李弼等六家 則與傳文之解釋又別是 故其「六家共備」之「六 即連接「撫養 自初屬六柱國家 訓 導,有

又玉海壹叁捌兵制叁注云

事

·,不可牽混並論也。

或曰:「宇文周制府衛法,七家共出一兵。」

生。伯厚置諸卷末子注或説中,是亦不信其為史實也。 傳中「六家共備」之「共」,南宋人已有誤讀為「共同」之「共」者, 寅恪案:七家共出一兵,為數太少,决不能與周代情勢符合, 無待詳辨。 七家共出一兵之臆説殆因此 但可 據此 推知 人鄴侯家 悄

能限於每隔十五日之定期,且當日兵士之數至少,而戰守之役甚繁,欲以一人兼兵農 據北史陸拾 「自相督率,不編户貫」及「十五日上,則門欄陛戟,警畫巡夜;十五日下, 則鄴侯家傳 所謂「郡守農隙教試閱」者, 絕非西魏當日府兵制之真相, 蓋農隙必不 則教旗

六

近 唐代府兵之制 真。溫公作通鑑 易 世 又北史謂 以為當西魏 ,其叙府 軍人「自相督率 初創 兵最初之制 府兵時亦應如是, 不編户 , 不採北史之文, 貫」, 其 則更 誤明 與 和守 而襲家傳之誤 矣。 李延 無關 一壽生值 此則鄴 殊可惜 唐 侯家 初, 也。 所 傳 紀 作 者 史 事 李繁依 猶 為

今日 可以 依據北 史所載 解决府兵之兵農分合問題。 新唐書伍拾兵志 云

葉適 學記言 冬玖唐書表 志條 駁兵農 合 之説 略云

蓋

古

者

兵

法

起於井田

自周衰

王制壞

而

不復。

至於府兵

始一寓之於農。

然則 宇文蘇綽 當其 豈必高 患其 時 祖太宗所以盛哉 無歲不征 《然也 無戰不克, 始令兵農各籍, 1 乃遵其舊法行之耳。 兵農已分, 法久而壞, 而財貨充溢, 不相 牽綴, 民無失業之怨者, 奮其 至弱, 卒以 滅齊。 徒以 兵農判 隋因 不必既 之, 爲 二故 慕府兵 平一字

誤離爲合,徇空談而忘實用矣。

誤用家傳以 寅恪案 蓄 史料缺略 同 兵 農 歐 無 陽 唐 合 誤認 永叔 根 制釋西 本之變遷, 則 以 府兵之制 唐之府兵為兵農合 魏府兵 已謬矣。 致認 一百年間前後 葉水心以宇文蘇 歐陽、 語高祖 葉氏 太宗之府兵仍是 是也。 貫 復 於綽之府 兩 但概 失之, 無根本變遷之故耳。 兵為兵農分離, 括府兵二百年之全部, 兵農 宋賢史學, 分離之制 今古罕匹 是也。 (通鑑質壹資唐玄宗開 則 更謬矣。 但 認其初期 亦以 所以 為 一口 致 其制 亦與唐制 馬 疏 君 失者, 實 經 元 既

以唐代府

隋書貳高祖紀下(北史壹壹隋本紀上、通鑑壹柒柒隋文帝開皇十年同)云:

開皇十年五月乙未韶曰:「魏末喪亂,字縣瓜分,役車歲動,未遑休息,兵士軍人權置坊

,墾田籍帳一與民同,軍府統領宜依舊式,罷山東、河南及北方緣邊之地新置軍府。」

府,南征北伐,居處無定,恆爲流寓之人,竟無鄉里之號,朕甚愍之。

凡是軍人可悉屬州

同書貳肆食貨志(通典貳及叁及伍及柒食貨典,又周書伍武帝紀上、北史十周本紀下俱同)云: 至[齊武成帝]河清三年定令,乃命人居十家爲比鄰,五十家爲間里,

百家爲族黨。男子十

十八受田,輸租調,二十充兵,六十免力役,六十六退田,免租調。

八已上六十五已下爲丁,十六已上十七已下爲中,六十六已上爲老,十五已下爲小。率以

之,除其縣籍,是後夏人半爲兵矣。 [周武帝]保定元年改八丁兵爲十二丁兵,率歲一月役。建德二年改軍士爲侍官,募百姓充

及[隋高祖]受禪,又遷都,發山東丁,毀造宫室,仍依周制役丁爲十二番,匠則六番。頒

六

兵

鮰

新令:男女三歲已下爲黄,十歲已下爲小,十七已下爲中,十八已上爲丁。丁從課役, 六

十爲老, 乃免。

其丁男、中男、永業、露田皆遵後齊之制。

通鑑壹柒伍陳長城公至德元年三月俱無軍字)以二十一成丁,减十二番每歲爲二十日役, 開皇三年正月[隋文]帝入新宫,初令軍人(人即民也,北史壹壹隋本紀上通典柒食貨典及

减調絹一疋爲二丈。

通鑑壹柒伍陳長城公至德元年三月胡注云:

後周之制民年十八成丁,今增三歲,每歲十二番則三十日役,今减爲二十日役,及調絹減

通典貳捌職官典拾將軍總叙條

隋凡十二衛,各置大將軍一人, 將軍一人,以總府事,蓋魏周十二大將軍之遺制。

唐六典貳肆左右衛大將軍條注云:

隋左右衛, 十二衛大將軍也。 左右武衛, 左右候, 左右武候, 左右領軍, 左右率府,各有大將軍一人, 所謂

上章已論宇文泰欲漸改移鮮卑部屬之觀念及制度,而及身未竟其業,須俟其後繼者始完成之。

茲所引史料,足證明此點,亦即西魏府兵制轉為唐代府兵制過渡之關鍵所在也。 鄴侯家傳(新

唐書伍拾兵志、 通鑑貳壹陸唐玄宗天寶八載同)云:

自置府以其番宿衛, 禮之謂之侍官,言侍衛天子也。至是衛佐悉以借姻戚之家爲僮僕執

京師 人相詆皆者, ,即呼爲侍官。

寅恪案 周武帝改軍 - 士為侍官, 即變更府兵之部屬觀念, 使其直隸於君主。 此湔洗鮮卑部

想最有意 義之措施 不可以為僅改易空名而忽視之也。

即同胡人。

周武帝募百姓充之, 改其民籍為兵籍,

乃第一步

又最

初府兵制下之將卒皆是胡姓

府兵之擴大化即平民化。此時以前之府兵既皆是胡姓, 則胡人也, 百姓, 則夏人也,故云:

據耶? 岡崎教授於其所著論文之第陸頁第柒行引隋書食貨志及通典此條俱少一「夏」字,豈別有善本依 「是後夏人半為兵矣。」此條「夏」字隋書通典俱同有之,必非誤衍,若不依鄙意解釋恐不易通。 抑以其為不可解之故, 遂認為衍文而刪之耶? 寅恪所見諸本皆是通行坊刻, 若其他善

本果有異文, 尚希博雅君子不吝教誨 也。

保定元年改八丁兵為十二丁兵者, 據 通鑑壹陸捌陳文帝天嘉二年胡注

凡境内民丁分爲八番, 遞上就役。 十二丁兵者,分爲十二番, 月上就役 周而復

始。

六

兵

鮰

寅恪案 隋書食貨志言: 「隋高祖受禪, 仍依周制, 役丁為十二番」,是周制分民丁為十二番之

證。 胡説固 確 但保定元年為宇文周開國之第五年, 距創設府兵之時代至近, 又在建德二年募

文既明言兵丁, 百姓充侍官之前者尚十二年,此年之令文,周書、隋書、北史、通典所載悉同 而胡氏僅以「境内民丁」釋之,絶不一及兵字,其意殆以為其時兵民全無區別, 當無為 脱。

與後來不異, 則疑有未妥也

然高齊文化制度影響於戰勝之周及繼周之隋者至深且鉅,府兵制之由西魏制而變為唐代制即在 周 此時期漸次完成者也。 武帝既施行府兵擴大化政策之第 步, 經四年而周滅齊, 又四年而隋代周, 其間時間甚短

陳 傅良歷代兵制伍云

魏周齊之世已行租調之法,而府兵之法由是而始基(通鑑陳紀齊顯(寅恪案:顯當作世)祖 令民十八受田,輸租調,二十充兵,六十免力役,六十六還田,免租調), 加以宇文泰之

於隋,彰於唐,以此知先王之制其廢既久,則復之必以 漸敷? 而其效則漸見

當時兵制增損尤詳,然亦未易遽成也。故其制雖始於周齊,

賢,專意法古,

寅恪案: 則殊有識。 陳氏語意有 蓋後期府兵之制全部兵農合 未諦者,不足深論 但其注引齊制「十八受田, 輸租 實於齊制始見諸明文, 此實府兵制之關鍵也。但當 調,二十充兵」之文,

時法令之文與實施之事不必悉相符合,今日考史者無以知其詳, 故不能確 言也。

又隋書貳柒百官志尚書省五兵尚書條略云:

五兵統右中兵

(掌畿內丁帳、事力、蕃兵等事。)

右外兵

左外兵

(掌河南及潼關已東諸州丁帳及發召征兵等事。)

オタチ

(掌河北及潼關已西諸州, 所典與左外同。)

等事,疑北齊當日實已施行兵民合一之制,此可與隋書食貨志所載齊河清三年令規定民丁 年限及其與受田關係者可以參證也。 充兵

寅恪案:北齊五兵尚書所統之右中兵、左外兵、右外兵等曹,既掌畿内及諸州丁帳及發召征兵

隋文帝開皇十年詔書中

有一墾田籍帳悉與民同

」之語,與北史所載府兵初起之制兵士絕對無暇業

農者 步之君主直轄化即禁衛軍化,及徵調擴大化即兵農合 或指 自有 不同。 邊地屯墾之 此韶所言或是周武帝改革以後之情狀,或目府兵役屬者所墾, 軍而言,史文簡略, 不能詳也。隋代府兵制變革之趨向 一化而已。隋之十二衛即 在較周 而非 承 魏周 府兵自耕 武 帝更

縣 不屬州縣, 文「八兵丁」及「十二丁兵」顯有關係。 旨 題 今以史文不詳, 露田 則 軍之舊 以上大反 皆 法令形式言 在形式上尚須與人民 遵後齊之制 以其 杜君 西 魏 、時兵民在事 初創 卿以言之, 姑從闕疑。但依通鑑至德元年之胡注 即此簡略之記述或已隱 及 府兵時「自相督 發使四 實 本為 Ê 有別,故此令文中仍以軍民 已無可別, 山 極 而開皇二年令文隋書所載有 顯 率 均 著之事, 天下之田」(隋書貳 不編 故得略去「軍」字, 括北齊清 À 質」即 不俟贅 兵民 説。 河三年 則隋開皇三年令文與 並 肆 分立之 所 列, 食貨志 規定受田 同 並非 軍」字者 論 至北史、 制, 者 李延壽、 其令「丁 隋文 與兵役 雖實 以開 通典以及通 帝 施 杜君卿及司 使軍 周 關 男、 皇十年前 如 保定 係 何 中 人悉屬 鑑 令之主 男、 元年令 古 馬 所載 軍兵 有 州 問

馬、 皇二年境内 是言之, 胡之意旨 教授論文之結論云: 軍民 開皇 豈可不謂唐代府兵之基本條件, 三年令文卻應取前此保定元年令文胡注中境内兵民合一之義以為 在 事實上已無 一 別, 則 開 皇十 年 即兵民合 以 後, 抑更 者, 口 實已完成於隋文之世耶? 知, 故依 據 唐 宋 解釋也。 諸 夫開

隋以 實行如何 軍兵同於編户云者 尚有問題, 綜合兩方面實施者, 僅古 制之 /復舊 而已。 唐之兵制也。 北 雖 於法令上規定受田與兵役之關係,

其

岡崎

實任意或偶

爾有

所略

漏明

矣。

妄見 之, 史料 又以 遽取以實施 寅恪案 其他法制 附識 賦之大政 簡 似可推 於此 耶? 缺 齊法令之實施與否, 諸 品端論 誠難 知隋代先已實施兵民合一之基本條件,不必待李唐開國以後, 此 轉有鉅大之創設, 以供他日 北亦與唐 確 ,唐初開國之時大抵承襲隋代之舊 知 初 岡崎 修正時覆視之便利 通常情勢恐有未合也。 於此 教授之結論 且遠法北齊之空文, 可不論。 兹所欲言者, 要不失為學人審慎之態度。 二公爾, 然則府兵制後期之紀元當斷自隋 殊不敢自 而又為楊隋盛時所未曾規定行用者 即間有變革, 即據上引開皇三年令文及唐宋諸賢 謂有所論斷 亦所關較細者 也。 寅恪姑取 方始期 始敷? 時 行之也。 豈獨於 未定之

總合上引史料及其解釋,試作一結論如下:

代。 府兵制之前期為鮮卑兵制 周文帝 而唐之高祖 為大體兵農合 蘇綽則 太宗在此制度創建 府 制, 兵制 創 為大體兵農分離制, 為君主直 建之人 轄制 變革 周武 帝、 為比較平民制。 廢止之三階段中, 為部酋分屬制, 隋文帝其變革 其前後兩期分畫之界限 之人 恐俱 為特殊貴族制; 無特殊地位 唐 玄宗、 者也。 張説 其後期為 其 廢 則在隋 JE. 華 夏

附記:本文中所引通 典諸條, 後查得宋本與通行本並無差異, 特附識於此。

財 政

化, 所在不可也 社會之變革亦俱在 沂 章主 H 及前 系統淵 中外史家 旨 唯在 時 源之範 西 闡 論吾 北 述 __ 隅之地 繼南 此時者相同。 韋 國 也。 南 北 北 朝正 考此二 朝隋唐 方制度轉變為中 一統之唐代, 事轉變之樞紐 經濟財 但欲説明其本末, 政制度者頗多,其言有得有失, 央政 其中 在 央財政制度之漸次江南地 府之制 武 則天及唐玄宗二代, 非先略知南北 度,易言之, 朝之經濟財政其差異 即河西地方化二事, 與兵 方化,易言之, 非此章範圍所能涉及。 八制選 學及其 最 要之點 他 蓋 即 政治 南 此 朝

開政府保有廣大之國有之土 不能詳 三之制 故僅略舉其文 而其 而 南朝 國 家 財 無之也 地。 政 制 度 此蓋承 至北魏以後者亦須稍附及之, 亦因 南朝 永嘉以後 與 民 北 所經喪亂之慘酷不及北朝之甚,故社 朝 有 所 屢經變亂 不 同 即較 ,人民死亡流散所致。 以見其因襲所自, 為進 步是也。 北 會經濟 並可 魏均 故 與南北 田 北 情形 之問 朝

今日所保存之南北朝經濟財政史料,

北朝較詳, 南朝尤略。然約略觀之,

其最大不同之點

則

題 比 以 北

此章所

一較北

朝為

進 田

步

有均給民

互較, 而後隋唐財政制度之淵源系統及其演進之先後次序始得而明也。

魏書壹壹拾食貨志略

云

所足。 受無還 初受田者,男夫一人給田二十畝,課時,餘種桑五十樹、棗五株、榆三根;非桑之土,夫 牛一頭受田 太和九年下韶均給天下民田,諸男夫十五以上受露田四十畝,婦人二十畝,奴婢依良,丁 給一畝, 諸民年及課則受田,老免,及身没則還田,奴婢、牛隨有無以還受,諸桑田不在還 諸麻布之土男夫及課別給麻田十畝,婦人五畝, 但通入倍田分,於分雖盈,没則還田,不得以充露田之數,不足者以露田 依法課時榆、棗,奴各依良。諸桑田皆爲世業,身終不還,恆從見口,有盈者無 不足者受種如法",盈者得賣其盈, 三十畝, 限四牛。 所授之田率倍之, 三易之田再倍之, 不足者得買所不足,不得賣其分,亦不得買過 奴婢依良,皆從還受之法。 以供耕作及還受之盈 充倍。 諸 受

隋書貳肆食貨志云

之官各隨地給公田

更代相付,

賣者坐如律。

晉自過江,凡貨賣奴婢、馬、牛、田宅有文券,率錢一萬輸估四百入官,賣者三百, 無文券者隨物所堪,亦百分收四,名爲散估,歷宋、齊、梁、陳如此以爲常。 不爲田業,故使均輸欲爲懲勵, 雖以此爲辭,其實利在侵削。 又都西有石 以此 頭

炭、魚、薪之類過津者並十分稅一,以入官。其東路無禁貨,故方山津檢察甚簡。淮水北 東有方山津,各置津主一人,賊曹一人,直水五人,以檢察禁物及亡叛者,其茲、

有大市百(寅恪案:通典壹壹食貨典雜税門百字作自)餘,小市十餘所,大市備置官司,稅

斂既重, 時甚苦之。

[北周] 閔帝元年初除市門稅,及宣帝即位,復興人市之稅。

出錢。而給事黄門侍郎顏之推奏請立關市邸店之稅,開府鄧長顋贊成之,後主大悦。於是 [北齊]武平之後,權幸並進,賜與無限,加之旱蝗,國用轉屈,乃料境內六等富人,

以其所入以供御府聲色之費,軍國之用不豫焉,未幾而亡。

北齊給授田令,仍依魏朝。每年十月普令轉授,成丁而授,丁老而退,不聽賣易。

書貳肆食貨志略云:

遷户執事官一品已下逮於羽林、武賁各有差,其外畿郡華人官第一品已下羽林、武賁已上 退田,免租調(此節前兵制章已引)。京城四面諸坊之外三十里爲公田,受公田者,三縣代 十六已上爲老,十五已下爲小。率以十八受田,輸租調,二十充兵,六十免力役,六十六 至[北齊]河清三年定令,乃命男子十八已上六十五已下爲丁,十六已上十七已下爲中,六

庶人限止六十人,奴婢限外不給田者皆不輸。其方百里外及州人一夫受露田八十畝, 各有差。職事及百姓請墾田者名爲受田,奴婢受田者親王止三百人。(中略)。八品已下至 二十畝爲桑田,其中種桑五十根、榆三根、棗五根,不在還受之限,非此田者悉入還受之 奴婢依良人限數,與在京百官同,丁牛一頭受田六十畝,限止四牛。又每丁給永業 婦四

又同書同卷略云

分。土不宜桑者給麻田,如桑田法。

田 頃,少者至四十畝。其丁男、中男、永業、露田皆遵後齊之制,並課樹以桑、榆及棗。其 園宅率三口給一畝,奴婢則五口給一畝。京官又給職分田,外官亦各有職分田,又給公廨 丁,丁從課役,六十爲老,乃免。自諸王已下至於都督皆給永業田各有差,多者至一百 [隋高祖]頒新令,制人男女三歲已下爲黄,十歲已下爲小,十七已下爲中,十八已上爲 以供公用。

唐會要捌叁租稅上(參考通典貳田制下及舊唐書肆捌食貨志、新唐書伍壹食貨志等)略云:: 之,口分則收入官,更以給人。 妾三十畝,若爲户者加二十畝。所授之田十分之二爲世業,餘爲口分田,身死則承户者授 [武德]七年三月二十九日始定均田賦税,凡天下丁男給田一頃,篤疾廢疾給四十畝,寡妻

回書玖貳內外官職田(參考前條有關諸書)略云:

武德元年十二月制内外職官各給職分田。

均 有 據 出 H 琛傳同)所云 不 三之制 同 簡 略之徵引 然則 其國 南 朝 用 即 注 可見北 民 重 經濟 於 關 國家財 朝俱有均 市 之稅 政較北朝為進 田之 北 朝 雖 制 晚 魏、 期 步, 亦征 齊、 歸 抑又 隋、 市之稅 可知也。 唐之 然與 田 制 魏書 南朝 實 同 陸捌甄 此 稅之地 系統 琛 体傳(北 位 而 其 南 史肆 輕 朝則無 重 頗

南 北社會經濟國 [於世宗時]上表曰 家財 政之差異要點, 一 今 傷弊相承, 動 琛此數語足以盡之矣。 仍崇關壓之稅, 大魏恢博, 唯受穀帛之輸。

以演 也。 但 朝雖為北朝所併滅 濟之發展 則天之世 展之程度幾達 隋 進。 夫唐 雖 統 唐代之新財 漸 代之國 超 南北 生養休息約經半世紀之久,社會經濟逐 越 最 1 家財 高 朝舊 度, 而為時 政 其遺制當仍保存於地方之一 政制度 制度本為北朝之系統, 日之限度, 而達到南 而 甚短 舊 H , 又經隋 初視之似為當時政府一二人所特創 北朝之 區域 末之擾亂 自西晉永嘉亂後 朝當時之歷程時, 而北 隅, 迨經過長久之期間, 漸 社會經濟之進步亦為之停頓 朝之社會經濟較 進 展, 其社會經 約再 則其 歷半 實則本為南 南 、國家財 濟之發達未 世紀, 朝為落後 唐代所統治之北朝舊 政 制 至玄宗之時 朝之 度亦不能 有盛 直 至 至唐高 養制 唐代 於此 不 社 時 蓋南 隨之 宗武 會 則 經

政 唐 在 内 江 南 玄 繼 吾 南 地 府 隅歷代 本 域 宗 策 方化 制 承 或 地 宇文 方者 度之需 既 文 其 對 西 經 者 為邊防 而 濟發 两 對 泰關 1 其 而 北 於 高 间 要 隅 施 造 要地 西 行之, 展 邊 中 品 與 既 納 此 疆 北 本 域 位 西 朗 布 採 前 其 之政 南 則 北 其 前 軍 影 歸 \$ 地 取 諸 所 朝相等, 心方 謂 積 積 策 響於隋 於 謂 外 族 唐代 加 唐 極 傳統之財 極 代 進 刑 政 西 鄰 則承 地 制 策 11 接 唐 制 展之政策 方化者 度之 邊 制 度之江 繼北 疆 歷來 則 政 度之全部 河 本 此 經 西 加 重 不 南 朝系統之中央政府遂取用 濟 獨為文 其 和 地 淖 於 地方化者 制 糴 方 地方傳統有 弱 東 者 度經長久之演進, 化 北 涉政治史者本章可不置論 化交通 前 此 也 章 至於玄宗之世, 端 即 請 Ė 之涉及 就 效之制 之孔道 詳 指 言 此 马宁 者各舉 之。 政 度實 也。 頗能 亦為 此 治 但 又河 舊日 重 有 對 除 適合 事 例 擴大 於 國 文 者 以 東 防 化 隴 南 或 推 茲所 證 北 朝 軍 品 不 明之, 廣 更 事 端 域 舊 能 要 而改為中 論者 外 詳 在 制 、地之環 要 沭 消 之 北 關 極 其 朝 保 品 茲僅 於江 維 存於 西 地 央 持 唐 域 域

地 隋 優勝 當國 建 家 長 沦陽 積 安 在 北 極 洛陽 周 進 東京 以前 行 西北 東 四 軍 隋唐 一兩京 政 開 範 拓 [承之, 政 庫 俱為政治文化之中 策之時 限. 於 故長安、 弱 隴 尤能 巴蜀 洛陽天子往來行幸 得 形勢近 規 心 模 狹 而 小 便之利 長安為 其 經 西 然其 魏、 濟 誠如 尚 北 能 地 之經 李 Á 周 林 給 以 甫 濟 來 自 關中 所 渾 詣 周 輸 滅 東 則 本位之 北 两 遠 兩官者 齊 後 及 根 據

論

其

淵

源

所

從

出

於

農産豐收, 若值天災, 宫衛百官俸食之需 本章所欲論者, 長安遷居洛陽, 也(參新唐書貳 農產品不足以供給長安帝王宫衛及百官俸食之需時 然後復還長安。茲就隋唐二代各舉 貳叁上姦臣傳李林甫傳及通鑑貳壹肆唐紀叁拾開元二十四年條等)。 夫帝王之由 除別有政治及娛樂等原因, 即經濟供給之原因是也。蓋關中之地農產物雖號豐饒, 而其地水陸交通不甚 便利 如隋煬帝、 一例如下: 運轉米穀亦頗 、武則天等茲不論外,其中尚有一主因 木 難, 則帝王往往移幸洛陽 故自隋 其實 唐以 不能充分供 降 關 中 給帝 俟關 之地 中 E 為

隋書貳高祖紀下(北史壹壹隋本紀上略同)云:

開皇十四年八月辛未關中大旱,人饑,上率户口就食於洛陽。十五年三月己未至自東巡

行

通鑑貳佰玖唐紀貳伍景龍三年末云:

是年關中饑, 后家本杜陵, 不樂東遷, 米斗百錢, 乃使巫覡彭君卿等説上(中宗)云:「今歲不利東行。 運山東、 江淮穀輸京師, 牛死什八九。 羣臣多請車駕 幸東 」後復有言

者,上怒曰:「豈有逐糧天子耶?」乃止。

可知隋唐時關中長安之經濟供給情勢矣。

觀此二例

至唐玄宗之世,為唐代最盛之時,且為積極施行西北開拓政策之際, 當日關中經濟供給之問題

尤較前代為嚴重,觀舊唐書玖捌裴耀卿傳(通典拾食貨典漕運門同,其他有關材料不備列)所

憚劬勞, 居。今國用漸廣,漕運數倍於前,支猶不給,陛下數幸東都,以就貯積,爲國家大計,不 乏。往者貞觀永徽之際禄廪數少,每年轉運不過一二十萬石,所用便足,以此車駕久得安 業本在京師, 支一二年。從東都更廣漕運,以實關輔,待稍充實,車駕西還,即事無不濟。臣以國家帝 對曰:「今既大駕東巡」百司扈從,太倉及三輔先所積貯且隨見在發重臣分道 險,既用陸脚, 即無憂水旱。今天下輸丁約有四百萬人,每丁支出錢百文,五十文充營窖等用, 明年(開元二十一年)秋霖雨害稼, 七百萬石,省脚錢三十萬貫。 倉。」上深然其言。尋拜黄門侍郎同中書門下平章事, 充轉運使, 語在食貨志。凡三年運 船候水始進,吴人不便河漕,由是所在停留,日月既淹,遂生隱盗,臣望沿 及河南府陝州 祇爲憂人而行, 豈是故欲來往。 萬國朝宗,百代不易之所,但爲秦中地狹,收粟不多,儻遇水旱,便即匱 無由廣致。若能開通河漕,變陸爲水,則所支有餘,動盈萬計。 以充其費。 租米則各隨遠近,任自出脚, 京城穀貴,上將幸東都,獨召耀卿, 若能更廣陝運, 支粟入京, 倉廪常有三二年糧, 送納東都。從都至陝,河路艱 問救人之術。 賑給 流相次置 E 貯納司農 河 南租 計

七

財

政

及舊唐書肆玖食貨志下(參考通典拾食貨典漕運門等)所云:

無征 元]十八年宣州刺史裴耀卿上便宜事條曰 防。 緣水陸遥遠, 轉運艱辛, 功力雖勞, 二江南户口 倉儲不益。 一稍廣, 今若且置武牢、 倉庫所資, 洛口 惟出 等倉 租 庸, 江 南 更

船至

河

口

即却還

本州,

更得其船充運,

並取

所減脚錢,

更運江淮變造義倉

每年

剩

若無

船可

運

兩年色 得

一百萬

石,

即給貸費散,公私無益。」疏奏不省(至二十一年始施用其言)。

即望數年之外倉廪轉加。其江淮義倉下濕不堪久貯,

則 步之政策 即沿流相次置倉 一句如玄宗時關中經濟不能自足情形及其救濟之政策。裴耀卿之方略,第一在改良運輸方法 更進一步之政策則為就關中之地收買農産物, 第二在增加運輸數量,即運汇准變造義倉。斯二者皆施行 即所謂和糴 而改運江淮之粟為運 有效, 然此尚為初

布 即 所謂 迴造 納布是也。

新

唐

書伍叁食貨志(參通鑑貳壹肆

唐紀開

元二十五年條)云:

羡, 自是玄宗不復幸東都。天寶中歲以錢六十萬緡賦諸 及地租不足以供軍,於是初有和糴。牛仙客爲相,有彭果者獻策廣關輔之糴, 倉者百餘萬斛, 開元後西舉高昌、 米賤則少府加估而羅, 龜茲、 焉耆、 小勃律, 貴則賤價而糶。 北抵薛延陀故地, 道和糴, 斗增三錢, 緣邊數十州戍重兵, 每歲短遞輸京 京師糧禀益

客之關 究所集刊 弱 於 和 耀在 第伍 當 至彭果與此政策之內容究有何聯繫, 本第壹分讀高 H 政 治 上之重要, 力士外傳 表弟 俞 論 變造 大綱君曾詳論之, 和 糴之法)。 難以考知, 今所欲論 茲不復贅(見中 故置 一不論。 者, 舊唐 乃 和糴 央研究院歷 書意 之起 百叁牛 源 史 及 仙客傳 與 品 牛仙 吉

新

唐書壹叁叁牛仙客傳略同

)略

Z.

客

少卿 牛仙客, 庫盈滿 代信安王禕爲朔方行軍 度時省用所積鉅 、其事, 仍知門下事。 可也」, 乃加實封二百户,其年十一月九齡等罷知政事,遂以仙客爲工部尚 蕭嵩代君奧爲 判涼 器械精勁,皆如希逸之狀。上大悦,以仙客爲尚書,中書令張九齡 涇州鶉觚人也。 州别駕事 遂以軍功累轉洮州司馬。 不敢 萬 措手裁決。 仙客既居相位 河西 希逸以其事奏聞。 節 仍知節度留後事, 大總管, "度使, 初爲縣小吏, 右散騎常侍崔希逸代仙 又以軍政委於仙客。 獨善其身, 開元初王君奧爲河西節 上令刑部員外郎張利貞馳傳往覆視之, 縣令傅文静甚重之。文静後爲隴右營田使, 竟代嵩爲河 唯諾而已。 西節 及嵩入知政事 客知 度使 百司有所豁決, 河西 度使, 節 判 度事。 凉 以仙客爲判官, 甚委信 數稱 州 事。 書同 薦之。 初仙 仙客曰 開 中書門 執奏以 客在 仙 元廿 客所 稍遷 引仙 河 四年秋 但依 下三 爲 西節 太僕 積

寅恪案:仙客以河湟一典史,躋至宰相,其與張九齡一 段因緣為玄宗朝政治之一大公案, 但與

和 糴 端 事 無 直 質言之, 接關 係, 即 故此 以 九 北 可不論。 邊隅之土著, 松可 '注意者,為仙客出生及歷官之地 致力於其地 方之足食足兵之政 略, 域並 Ifij 其在官所職 大顯 成 效 遂特 及功

事 弱 放 受獎擢 中 主 也 其 史雖 議 以 仙 俾執中央政權是也。 言其 曲 客之 此 議 推 庸 謹 發 論 於彭果, 則以 乃敢 和 Ė 一之者 然實 史傳言其 糴 政策 因 其事 為足食足 仙客主持之力, 在 相位 其 法 「庸碌 兵之法 必其 Y 不敢有所裁决, 自是實 乃能 4 其淵源 所 素 施 習, 行。 所在 且 夫關 念 疑捨西 知 中用 其 北邊 能 和 羅法 録 收 隅 效 但 莫屬 者 乃特創之大 施 否則 行 也 和 耀於 隋 未 必

芳、 州異於 一月 令百 E [開皇]五年五月工部尚 若時 姓就食 其所得 部 餘 日 旭、洮、 或不熟, 處 本置 從官 勸課 雲、 義倉 岷、 並 當社有饑饉者 出粟及麥,於當社造倉窖貯之, 准 見 書襄陽縣公長孫平奏令諸州 渭、紀、河、廓、豳、雕、 先給雜種及遠年粟。 長、 J. 口 防 1 賑給, 靈 水旱, 鹽、 不 即以此穀賑給。 百姓 以官 蘭、 之徒 位 豐、 爲 一十六年正 不思久計 限, 鄯 是時 百姓及軍人 十四年關中大旱, 涇、寧、原、敷、丹、延、綏、銀、扶 凉、 即委社司執帳檢校,每年收積 義 月又韶秦、 甘、 車型 倉 爾費 貯在 瓜 勸課當社共立義倉,收穫之 等 損 人間, 州 所 於後 人饑,上幸洛 有義 多有 成、 乏絶。 倉雜 費損 康、 種 又北 並 陽 勿使損 境諸 納 H 本 年 因

等州社倉並於當縣安置。 二月又韶社倉准上、中、下三等税; 上户不過一石, 中户不過七

下户不過四 斗。

唐會要捌捌倉及常平倉(參通典壹貳食貨典及兩唐書食貨志等)略云:

以

煩, 貞觀 宜令率户出粟,上下户五石 貯之州 年四月尚書左丞戴胄上言,請立義倉。 深是可嘉,宜下有司,議立條制。」户部尚書韓仲良奏:「王公以下墾田 縣 以備 M 1年。」制可之。永徽二年閏九月六日勅:「義倉據地收稅 ,餘各有差。 上曰:「既爲百姓先作儲貯, 官爲舉掌, 畝納二 實是勞

依據 演變之跡象與隋 卒令率户出粟,變為 户之等第納粟, 於西北諸州邊防要地者, 隋志 紀述, 實已變開皇初立義倉時之勸導性質為強迫徵收矣。唐初之義倉似 西北 知隋 邊諸州相同 初社倉本為民 種賦稅,中唐以後遂為兩稅之一之重要收入,其詳本章所不能論 以其處軍 食為國防所關, 不得如 間自理, 則殊無疑, 後以多有費 豈其間亦有因襲摹倣之關係耶?未敢確言之也。 損 他處之便可任 實 虚 設 人民 乃改為官家收 自由 即做 處 理 也。 隋 制 然其 又依 但限 然

又觀唐會要政拾 和羅門所載 如

及白氏長慶集肆 [貞元] 四 [年八月韶京兆府於時價外加估和釋, 壹 論和羅 狀所云

百姓苦之。

財 政

七

曾爲 凡曰 户人, 若有司 和羅 和耀之户, 出錢 促立 則官出錢, 一程限, 親被迫蹙 開場自糴, 比於時價, 人出穀 嚴加徵催, 實不堪命 兩 和商量, 苟有稽遲, 臣近爲畿尉, 稍有優饒, 然後交易也。 則 被 追捉 利之誘人,人必情願。 曾領和糴之司,親自鞭撻, 比來和 甚於稅賦 耀, 事 號 則 爲 不 然 和 臣久處村間 糴, 但令府 所不忍 其 實害 縣

者, 則 和 即和 其何 糴 至 以 耀之制本為軍食而 少在德宗、 由 和 買 而 憲宗之世, 變為 設, 強徴 如 實 唐會要捌捌 際 殊可 L 為「散 深思。 倉及常平倉云: 配户人, 其在玄宗時 嚴 加徵催 如 何 情形固 」之強迫 不能確 收 取 知 人民農産品之方 但 有 可決言

及同書玖拾和糴云:

長慶元年二月物:「 無效 徒擾邊 民 其京北、 故罷 之。 京西和羅使宜勒停,先是度支以近儲無備 請置和羅使

制 間 即 F 納粟於軍 瞭然隋代以 江南尚且實施, 鎮 全國 其後改為依 西北更應 社 倉 人民處理 户等納粟, 一律遵行, 不 善善 而西北自貞觀至開元其間皆有軍事關係, 特在西北邊州 亦是「配户徵 催 重 之制 防之地改 也。 唐 官 貞 辨 之制, 觀 義 倉之制 即是 為全 令人民 為屯駐重 或 普 直 兵 遍 接

之地, 觀通典壹貳食貨典輕重門義倉條(參舊唐書玖叁及新唐書壹壹壹薛訥傳) 云:

高宗武太后數十年間義倉不許雜用, ,其後公私窘迫,貸義倉支用,自中宗神龍之後,

則 《知西北邊州軍需之廣,義倉亦必貸盡而有所不足也。但欲足軍食, 捨和糴莫由, 故通 鑑貳壹

唐紀叁拾開元二十五年九月條 先是西北數十州多宿重 一兵, 地租營田皆不能膽, 始用和糴之法。 (參前引新唐書食貨志 有彭果者, 因牛仙

粟各數百萬斛。 自是 關中蓄積羡益 車駕不復幸東都矣。 癸巳, 敕河南、 北租應輸含嘉

[九月]戊子敕:「以歲稔穀賤傷農,

命增時價什二三,

和糴

東

西畿 客獻

太原倉者皆留輸本州。

策

請行羅法於關中。

者, 是西北邊州本行和糴之法, 以能足食足兵顯名,致位宰相,則西北和糴之法仙客必早已行之而有效。而其所以能著效 除有充足之財貨足以為和買之資外,尚須具備有一條件:一為其地農民人口 而牛仙客、彭果因以推行於關中。牛仙客本由河湟典史歷官西北甚

「繁殖

一足以

加農産品 數量,一 為其地已習用此類帶有強迫性收買之方法。 請略言之:

隋季西北諸州雖罹戰禍 就地收購農產物之謂 然休養生息至唐玄宗之晚年, 故 必須 其 地農民人口 [繁殖, 必已恢復繁盛, 加以政府施行充實西北 有充分之生産, 始得行收購之實。

七 財 政

河 邊州之政策 西 節度使條述當 故其 地遂為當日全國最富饒之區 河西之盛況 (寅恪案: 此採自 域。 明皇 通鑑 貳壹陸唐紀叁貳天寶十二載以哥 和李校 翰 新

西 凉伎 詩亦 可参考)云: 一雜録, 又元氏長慶集貳肆

當 B 西北 也 邊州 富庶若此 和糴 政策第 條件 既 **以備具** 則就其 地以 推 行 此 政策 自 示 木 難

右。時

中

或

盛

自安遠門西盡唐境萬二

一千里,

間間

相望,

桑麻

翳野,

天下稱富庶者無

如

FI

同。 自 又和糴之法若官所出價 甚多 動 已行 與 是以 西 胥 按户 則不易支久; 在 北 吏交易。 西北 邊州 必帶有 納粟 邊州 施 蓋農 於官倉 習慣性及強 行貞觀義倉之制 諒 亦 民大抵畏吏胥如 如官方所出價與 [或軍 逾於地方時估者甚高 不過依隋代 迫性 倉之制 已變為 按户納粟於軍倉之制 和耀之法 其性 虎 、地方時 狼 質 種 即 始 避之惟恐不及, 估相差 賦 與 能 雖可以利 白 税, 施 無幾 香 行 有效, 加 Ш 誘民, 史言西北宿 一所謂 但 則 略 此 品 「散配户人, m 給價 不致 然政府所費過鉅 則無古今之異, 品 微利之引誘 重兵, 病民。 以資 嚴加 考西 其 利 誘 地 微催 早行 不俟煩 北 必不能 邊州 其 如 收 基 和 本 實 自 言 糴 使農民 購之數 無 隋 而 即

方法似無大異

以上下相習

為日已久,

遂能成效卓著也。

至元和時關中和糴之法所以變為

時 民之政者 政府 既 能 配給價 蓋 和羅之法 人民 本帶 亦易負 強 迫 性 質 故當時 以 尚不 非 如 視為 是, 病 無以 民之政耳。 成 事 不過 此 和糴之法所應具備之 值 國 庫 優裕, 人民 富 庶之

煌掇 尚 地方制度 總而言之, 二十五年以前其 口 領中 據 以 輯 推 陸陸 知 變而成中央政府制度,所謂唐代制度之河西地方化者是也。至和糴之法在西 西北邊州早行和糴之法, 其 〈詳雖 大 號 概 也 寅恪曾考論其中 不可考, 但今敦煌所出寫本中猶存天寶四 史已明言。 - 升斗兩字, 牛仙客推行引用於關輔, 載一九三六年十月清華學報讀秦婦吟文中), 載豆盧軍和羅計 此和耀之法乃 帳殘 本(刊 北 由 西北 載 開 敦 元

京師 必要。 玄宗 要捌叁租稅下所載開元二十五年三月三日敕文)云: 既 用牛 藉之 但江 充實關中財富力量也。故舊唐書玖玄宗本紀下(参考前引通鑑開元二十 淮之農産 仙 客 和糴之法, 品雖不需 酮中 而其代替 經濟可以自給, 農産品 可作財貨以供 則裴 耀 卿 轉 運 和糴收購之 江 准 變 造 等農産 (麻)布 品 之政 五年條及唐 則 仍 策 須 成 為 輸

開元二十五年二月戊午罷江淮運,停河北運。

典陸食貨典賦稅下略云:

通

[開元二十五年定令],其江南諸州租並迴造納布

此中外史家所共知者也。 唐代自開國以來其人民所繳納之租本應為粟,今忽改而為布, 嘗就閱讀所及,凡論此改革之文雖頗不少,似尚未有深探此變制之所 乃國家財政制度上之一大變革

從來者,不揣鄙陋,試略證論之:

之慣例 竊以為此 代之制度矣。 至武 制 乃南朝舊制 則天時此制 據 Sir M.A.Stein 著 Innermost Asia, Vol. III, Plates CXXVII 南朝雖併於北朝, 乃漸推廣 施 行, 至玄宗開 此納布代租之制仍遺存於江南 元二十五年中央政府以之編入令典 B諸州, 載其在 Astana Ceme-殆為地方一隅 遂成為

婺州信安縣顯德鄉梅山里祝伯亮租布一端。tery 所發見之布二端,其一端之文為:

光宅元年十一月日。

寅恪案:此乃代租之布, 故謂之租布。考婺州在唐代為江南道轄地, 此即開元二十五年新令所

謂

其江南諸州租並迴造納布

之明證。 撰行狀(參全唐文伍壹肆)略云 不過其事已於武后時即有之矣。武則天世東北邊疆屢有戰事,顔魯公文集附載殷亮所

時清河郡寄客李華(寅恪案:通鑑考異依舊傳作萼)爲郡人來乞師於公曰:「國家舊制江淮

郡租布貯於清河, 河北 租調 絹七十餘萬, 以備北 軍, 當郡綵綾十餘萬, 爲日久矣。 相傳〔謂〕之天下北庫, 累年税錢三十餘萬, 今所貯者有江東布三 倉糧三十萬, 討 默啜 一百餘

甲仗藏於庫内, 五十餘萬。」

亮之租 疑即 租布及殷亮所述之言 寅恪案: 武 布 后 一時事。 李萼所謂 叩當日 蓋中央亞細亞發見之光宅元年婺州租布, 江 國家舊制為日已久, 未能確定其時代, 然其言江淮租布與討默啜甲仗聯文, 東租布遺傳於今日者耳。 俱可證知, M 通鑑貳壹柒唐紀叁叁至德元載三月條司馬君實紀此 又租布成一 名詞 其地域時代俱與萼言符合,故此 , 乃代租之布之義, 觀於祝伯亮之 事, 祝伯 其

殊為含混,失其本意,轉不如極喜更易舊文之宋子京,其於新唐書壹伍叁顏真卿傳仍依殷亮原 文作「江淮租布」,為得其真也。 今有布三百餘萬匹云云。

國家平日聚江淮河南錢帛於彼,以贍北軍,謂之天下北庫,

或問: 以知 其 為 今日租布實物之發現即迴造 南 朝之遺 制耶? 應之曰: 納布之制已行於武 南朝財政制度史籍所載雖甚簡略, 則天時江 南諸州之明 不易詳考, 證 是固 但亦有可 回然矣, 然何

如 南 齊書叁武 帝紀 云

七

財

政

永明四年五月癸巳韶揚、 南徐二州今年户租三分二取見布,一分取錢, 來歲以後遠 近諸州

輸錢處並減布直,匹准四百,依舊折半,以爲永制。

同書肆拾竟陵王子良傳云。

韶折租布二分取錢。

皆不欲解釋, 此 一卷所紀同是事 亦可折納布。 即南朝化者是也。 以免枝蔓。 租若折納布 絶無 但武 可 疑。而其所言錢布之比例似有矛盾,又納錢一事亦別成問題, 帝紀明 即是租布, 言户 租, 亦即迴造納布, 蕭子良傳則謂之折租布, 此所謂唐代制度之江南地方化 由此 推斷 租可折納 本章

附記: 此章作於一 後於此, 仁井田陞氏吐魯番發見之唐代庸調布及租布一文,與此章所論略同。 春季著者始於桂林廣西大學圖書館得見一 以免誤會。 九四〇年春季,其年夏季付商務印書館印刷,久未出版,至一九四三年 九四〇年出版之東方學報第壹壹卷第壹冊 特附記歲月先

附 論

皇轉徙, 象明顯, 總而言之, 本書所論, 強於憂患疾病之中, 定本及不得已而著書之意云爾。一九四〇年四月陳寅恪書於昆明青園學舍, 往日讀史筆記及鳩集之資料等悉已散失,然今以隨順世緣故 多可推尋, 二代之制度因時間與地域參錯綜合之關係, 遂得演進, 極為簡略,僅稍舉例,以闡説隋唐二代制度之全體因革要點與局部發展歷程而已。 姑就 决非偶然或突然所致者也。 一時理解記憶之所及,草率寫成此 寅恪自惟學識本至淺陋, 書。 命之曰稿者 臻於美備, 徵諸史籍, 不能不 年來復遭際艱危, 時大病初愈也。 有所撰述, 所以見不敢視為 ,其跡 乃勉

倉



唐代政治史述論 稿

自

例, 中也。儻承 欲令初學之讀通鑑者得此參考, 於政治史類 壬午七夕陳寅恪書於桂林良豐雁山別墅。 寅恪嘗草隋唐制度淵源略論稿, 未能涉及。 通識君子不誤會創草茲稿之本旨 而資治通鑑 茲稿所言則以唐代之政治史為範圍 書, 於李唐 尤為空前傑作。 或可有所啟發, 一代法制諸端, 而糾 原不敢謂有唐 今草茲稿 正其為謬, 蓋所以 妄有 可謂 補前稿之未備也。 所論述。 何幸如之! 代政治史之綱要, 不自量之至 至於政治史事, 然區 夫吾國 悉在此 一區之意 舊史多屬 以限於體

三篇

僅



下篇	中篇	上篇
外族盛衰之連環性及外患與内政之關係	政治革命及黨派分野 ************************************	統治階級之氏族及其升降 一八



朱子語類壹叁陸歷代類叁云:

唐源流出於夷狄, 故閨門失禮之事不以爲異。

朱子之語 唐一 代史事關鍵之所在 頗為簡略, 其意未能詳知。 治唐史者不可忽視者也。茲請先論唐代三百年統治階級中心皇室 然即此簡略之語句亦含有種族及文化了 問題, 而此

間

題

氏 知,不待闡述,茲所論者專以男系父統之氏族為範圍也。 若以女系母統言之, 之氏族問 高宗之母為長孫氏,皆是胡種,而非漢族。故李唐皇室之女系母統雜有胡族血 題, 然後再推及其 唐代創業及初期君主, 他統治階級之種 如高 族及文化問 祖之母為獨 題 孤氏, 太宗之母為竇氏

胤

世所共 豆陵

即紇

出自李 類唐 唐之皇室本有自撰之譜牒, 室自叙其家世之著述, 唐皇室自 撰之譜牒, 復取其他史料互相參證, 原書今不可見。然如册府元龜及兩唐書等唐皇室先世淵源之記載固 即唐太宗御撰之晉書亦唐皇室自述其氏族淵源之要籍。 以討論此問題焉。 故茲依據此

壹佰序傳及晉書捌柒涼武昭王傳等書者,皆不及新唐書柒拾上宗室世系表所載之詳備,今即依 李唐世系之紀述,其見於册府元龜壹帝王部帝系門、舊唐書壹高祖紀、新唐書壹高祖紀、北史

此表與其他史料討論之。表云:

德真。三子:長曰起頭,長安侯。生達摩,後周羽林監太子洗馬長安縣伯。次曰太祖 字景順, 高祖紀云:「率豪傑鎮武川,因家焉。」新唐書壹高祖紀同)。生懿祖光皇帝,諱天賜,字 都所陷。後魏安南將軍豫州刺史,生獻祖宣皇帝諱熙,字孟良,後魏金門鎮將(舊唐書壹 [李] 歆字士業,西涼後主。八子:勗、紹、重耳、弘之、崇明、 以國亡奔宋,爲汝南太守。後魏克豫州,以地歸之,拜恒農太守, 崇産、崇庸、 復爲宋將薛安 崇祐。 重耳

(虎),次曰乞豆。

其為西涼李暠之正支後裔 表所載必出唐室自述其宗系之舊文。茲就其所紀李重耳、 一事以外,尚有七事, 條列於下: 李熙父子事實,分析其内容, 除去

一)其氏爲李。

(二)父爲宋汝南太守。

(三)後魏克豫州,父以地歸之。

(四)父爲後魏恒農太守。

(五)父爲宋將薛安都所陷,即所擒。

(六)父爲後魏安南將軍豫州刺史。

(七)子爲後魏金門鎮將。

考宋書伍文帝紀云:

[元嘉]二十七年二月辛巳索虜寇汝南諸郡,陳、南頓二郡太守鄭琨, 郭道隱委守走。索虜攻懸瓠城,行汝南郡事陳憲拒之。 汝陽、

類川二郡太守

又同書柒貳南平穆王鑠傳云。

索虜大帥拓拔燾南侵陳類, 遂圍懸瓠城,太守陳憲保城自固。

又同書柒柒柳元景傳略云:

古拔嬰城自固,法起、安都、方平諸軍鼓譟以陵城。(中略)。安都軍副譚金、薛係孝率衆 法起諸軍進次方伯自,去弘農城五里。(中略)。諸軍造攻具, 先登,生禽李初古拔父子二人。(中略)。殿中將軍鄧盛、幢主劉驂亂使人入荒田,招宜陽 [元嘉]二十七年八月[隨王]誕遣振威將軍尹顯祖出貲谷,奮武將軍魯方平、建武將軍薛安 入劉寬糾,率合義徒二千餘人,共攻金門隖,屠之。殺戍主李買得,古拔子也,爲虜永昌 、略陽太守龐法起入盧氏。(中略)。 [閏]十月法起、 安都、 ,進兵城下。僞弘農太守李初 方平諸軍入盧氏。 (中略)。

王長史, 勇冠戎類。永昌聞其死, 若失左右手。

書玖伍 索虜傳略

多。攻圍懸瓠城,城内戰士不滿千人。先是,汝南、新蔡二郡太守徐遵之去郡,南平王遣 帝紀作琨),綏遠將軍汝南、 [元嘉]二十七年,燾自率步騎十萬寇汝南。(中略)。 云 穎川二郡太守郭道隱并棄城奔走。 虜掠抄淮西六郡, 宣威將軍陳、 南頓二郡 太守鄭紀(文 殺戮甚

郡口北屯汝陽。(中略)。 盡力捍衛, 全城摧寇, 忠敢之效宜加顯擢, 太祖嘉憲固守, 韶曰:「右軍行參軍行汝南、 可龍驤將軍汝南、新蔡二郡太守!」 新蔡二郡軍事陳憲

左軍行參軍陳憲行郡事,憲嬰城固守。(中略)。燾遣從弟永昌王庫仁真步騎萬餘將所略六

又魏書陸壹薛安都傳云

遁。及世祖(拓拔燾)臨江,拔乃得還。 後自盧氏入寇弘農, 執太守李拔等,遂逼陝城。時秦州刺史杜道生討安都, 仍執拔等南

魏書薛安都傳言: 合。李初古拔為宋將薛安都所擒, 是與 列第一條適合。李初古拔為弘農太守,弘農即恆農,後魏以避諱故改稱恆農,是與第 ·引史實,則父稱李初古拔,子稱李買得,名雖類胡名,姓則為漢姓,其氏既為李,是與上 執李拔等, 仍執拔等南遁。及世祖臨江,拔乃得還」,則李初占拔當不止一 第五條適合。 宋書柳元景傳言:「生擒李初占拔 四條適 父子」,

祖紀 至於 殆買 等書 李 一熙為金 11 李 得 魏 熙 死 諸 率 鎮 FE 設置之時代及其 以弟 鎮 傑 鎮 將 加 或 李買 兄 III 代 因 領 得 ifu 其職, 亦為 留 地望等問 居之記 金門陽 今不 載 能 題則別 戍 確 乃後 主 知。 為 來宇文泰所 地 事, 但 理專 册 府元龜壹帝 名如 非茲所討論者也。 改造 是 巧 同 E 並 部帝系門 非 亦 事 口 實, 認 又 第 為 及兩 俟後詳 與 一條 第 李 七 書 論之。 條 重 耳

為宋汝南

太守

事,

徴諸

上引史實

絶不

可能。蓋既言:「為宋將薛安都所陷」,其時

必在

元

嘉

事於 永昌王 先行 餘 曲 屯 地 分為汝陽郡者 七年。 可不 之汝 元 兵豫州之境 郡 部 關 事 據 帝 南 係 宋 討 十七 論矣。 密 後以 當時前後宋之汝南太守其姓名皆可考知, 太守 書 系門之文, 切 柳 所修改 年 可 守 元 故以時 三月, 城功權 魏書薛 因有汝南太守之授。 以 景 《傳言 推 豫州 而 知 補 安都傳言 成者也。 日先後 繫李初古拔被擒事 李買 宋書索虜傳又言 實 刺 官。 史之上 得為永昌王 地理 第六條之安南 故依據時 〔安都 有 然則此 一接近 贈 字, 及 於元嘉 目)仍執 :「永昌 長史, 先後 人事關 唐 將軍 室譜牒所言 是 [李]拔等南遁。 一十七年閏 豫 永昌 E 豫州 係論 排比 郭道隱則 北屯 州 刺史 聞 推計, 刺 汝陽」, 其 史當 之汝南 李初 死, 乃後來追 + 棄城走,徐遵之則去 即與 古拔 月, 實無李重耳可為宋 若失左 及世祖臨江 考資 太守 īfij 第 殆 贈 治通 實非 於未 汝陽 右手」, 之官 條 有 被 縣 鑑 宋之汝南 擒以 繋永 關 本 拔乃得還 故 則 屬 於 昌王 李氏 汝南 檢册 前 郡 汝 此 太 南 不 府 守 隨 屯 父 郡 陳憲則 太 八守之 子 成 永昌 汝陽 元 是 間 與 後

以 李初古拔原有自北 、發其 耳之由北 奔南 至 又由南歸北耶?幸賴其與他種記載符合及矛盾,留一罅隙, 一南復自南還北 段因緣, 李唐自述先世 一故實, 竟或因此加以修改 千載而 後遂 以 傅會

復次 侯景傳),天下後世傳為笑談。豈知李唐皇室先世之名字亦有與此略相類似者乎?又據魏 貳薛辯傳附長子初古拔傳(北史叁陸薛辯傳同)云: 魏書薛安都傳之李拔即宋書柳元景傳李初古拔之渻稱及雅名。 後代史官屬文, 南史捌拾侯景傳作羽乙周 因施刪略。 正與 夫侯景稱帝, 此 同 例。 七世 蓋胡人名字原是對音 |廟諱父祖之外皆王偉追造(見梁書 梁書伍陸侯景傳 故成 繁鄙 異於華夏 載 景之祖 一南史 書肆

初古拔,一曰車輅拔(北史輅作數),本名洪祚,

世祖

賜名。

口 日 時 書叁價 薛洪祚之例 高湖傳亦附載高各拔之名。然則初古拔或車輅拔乃當日通常胡名, 亦本有漢名 特以胡名著稱於史耳 頗疑李 初古 拔 如其

父子事實適合。 於南, 第五 言之, |條既言:「為宋將薛安都所陷」,則元嘉二十七年南北交兵之際李氏父子必屬 否則何得謂為宋將所擒?故今易原文之劉宋為後魏,則第二、第三條之事實不獨不 前所列之七條,第一、第四、第五 第六條乃第二條之附屬, 無獨 、第七四 立性質,可不別論。第二條、第三 條之中, 李重耳父子事實皆與 條實 李初 於北 互 古拔 相

rfij 開

之事。故今假定李唐為李初古拔之後裔,或不至甚穿鑿武斷也。 與其他諸條相反,而且與之相成。 」之姓名專名、「弘農」「金門」之地理專名, 況其他諸條中涵有「元嘉二十七年」一定之時間、「李氏」「薛 而竟能兩相符應, 天地之間似無如此 偶然巧值

抑更有可論者, 據唐會要壹帝號條上云:

獻祖宣皇帝諱熙(凉武昭王暠曾孫,嗣涼王歆孫,弘農太守重耳之子也)。武德元年六月二十二

儀鳳二年五〔?〕月一日追封爲建昌陵,開元二十八年七月十八日韶改爲建初陵)。

懿祖光皇帝諱天賜(宣皇帝長子)。武德元年六月十二日追尊懿王,咸亨五年八月十五

日追尊爲宣簡公,咸亨五年八月十五日追尊宣皇帝,廟號獻祖,葬建初陵(在趙州昭慶縣界,

尊光皇帝, 廟號懿祖, 葬啓運陵(在趙州昭慶縣界,

儀鳳二年三 [?] 月一日追封爲延光

日追

陵, 開元二十八年七月十八日韶改爲啓運陵)。

元和郡縣圖志壹柒(參閱舊唐書叁玖地理志,及新唐書叁玖地理志趙州昭慶縣條):

昭慶縣 本漢廣阿縣, 屬鉅 鹿郡。

皇十三代祖宣皇帝建 初陵。 高四丈, 週迴八十丈。

皇十二代祖光皇帝啓運陵。 高四丈, 週迴六十步。 二陵共坐, 週迴一百五十六步。 在縣西

南二十里。

册府元龜壹帝王部帝系門略云:

隴西 生天 史。 唐高祖神堯皇帝姓李氏,隴西狄道人。其先出自李暠,是爲涼武昭王,薨, 沮渠蒙遜所滅。 生 公 録佐命功, 賜 !! 周、受禪、 仕魏爲 起家金門鎮將。 幢主, 居第 散子重耳奔於 襲封 大統 唐國公 追封唐國公。 時 後以良家子鎮於武 江南, 贈司空。 高祖即元皇帝之世子, 仕宋爲汝南郡 生世祖元皇帝昞, 生太祖景皇帝虎 川, 守, 都督軍戎百姓之務, 復歸 母曰元貞皇后, 在位十七年, 封趙郡公, 於魏, 拜弘農太守, 徒封隴西公 封 終於位, 七歲襲封唐國公 汝陽縣伯 子歆嗣位 贈豫 因家焉。 周受魏 州 刺 爲

義寧二年受隋禪。

文相參校 院歷史語言 今河北省隆平縣尚存唐光業寺碑, 而節 研究所藏 録其最 有拓 有關之 本, 製語 頗殘闕 於下: 碑文為 不可讀。 開元十二年宣義郎前 茲取與黃彭年等修畿輔通志壹柒肆古蹟略所載碑 行象城縣尉楊晉所撰, 中 央研究

皇后。 略)。詞曰: 皇祖 皇祖 懿王謹追上 維王桑梓 漏 州 刺史宣 一尊號, 本際城池。(下略)。 簡 公謹追上尊號, 諡光皇帝, 皇祖 諡宣皇帝, 姚妃賈氏謹追上尊號, 皇祖 姚夫人張氏追上尊號 諡光懿皇后。 宣莊

代所葬之地 李熙、天賜父子共塋而葬, 即其家世居住之地, ,即族葬之一證。光業寺碑頌詞復有「維王桑梓」之語, 絶無疑義, 而唐皇室自稱其祖留居武川之説可不攻自破矣。 則李氏累 又

載 州 據魏書壹佰陸 李虎之封 南趙郡 昭慶縣條等, 廣阿 趙郡公當即 上地形志 縣即李氏父子葬地復有 知李氏父子葬地舊屬鉅 由 於此 南趙郡廣阿縣條 也。 又漢書貳捌地 完毫。 鹿郡 隋書叁拾地理志趙郡大陸縣條及元和郡縣圖志壹柒趙 李虎 理志載中 與 死後 山 東著姓趙郡李氏居住之舊常山 追封唐 Ш 國唐縣有堯山 國 公 蓋止 取義 魏書壹 於中 佰陸 一郡壤地鄰接 Щ 鉅 地 鹿等

地 所流傳之放勳遺 初, 帝奉韶爲太原道安撫大使, 頭, 並非如通常廣義兼該太原而言也。 至大唐創業起居 注所云:

帝以太原黎庶陶唐舊民

奉使安撫不踰本封,

因私喜

此行

以爲天意。

也。 則為後來依附通 元 和郡縣圖 然則李 志 唐豈真出於趙郡耶?若果為趙郡李氏, 壹 常 伍 Z 廣義之解釋, 殊與周 初追封李虎為唐國公時暗 是亦華夏名家, 又何必假稱出於隴西 示其與趙郡相關之本旨 耶? 不同 考

堯山 本曰柏人, 春秋時晉邑, 戰國時屬趙, 秦滅趙, 屬鉅鹿郡,後魏改「人」爲「仁」,

天寶元年改爲堯山縣。

上篇

統治階級之氏族及其升降

又同書壹柒云

趙州。 平棘縣, 本春秋時晉棘蒲邑, 漢初爲棘蒲,後改爲平棘也,屬常山郡。

李左車墓在縣西南 E七里。

東, 元氏縣 南祖居巷之南, 本趙公子元之封邑, ,西祖居巷之西,亦曰三祖宅巷也。三祖李氏亦有地屬高邑縣。 郡,

趙郡李氏舊宅在縣南二十里,即後魏以來山東舊族也,亦謂之三巷李家云。東祖居巷之

開業寺, 在縣西北十五里,即後魏車騎大將軍陝定二州刺史尚書令司徒公趙郡李徽伯之舊 漢於此置元氏縣,屬常山 西漢常山太守皆理於元氏。

柏鄉縣, 本春秋時晉鄗邑之地,漢以爲縣,屬常山郡,後漢改曰高邑,屬常山國,齊天保

七年移高邑縣於漢房子縣東北界,今高邑縣是也。

高邑縣故城在縣北二十一里,本漢鄗縣地也。

高邑縣,

本六國時趙房子之地,

漢以爲縣,

屬常山郡。

贊皇縣 本漢鄗邑縣之地 屬 常山

在縣東十里,即趙郡李氏之别業於此崗下也,

崗上亦有李氏坐冢甚多。

百陵崗

中慶縣,本漢廣阿縣,屬鉅鹿郡。

皇十三代祖宣皇帝建初陵。

元 和郡縣圖志著者李吉 説起見, 特重出 祖光皇帝啓運 其概略於此。 ~陵, 二陵共坐, 在縣 西 南二十 -里。((昭慶 縣條前已引及, 爲便於解

顯著支派當 傳末附 地域核之, 載 趙郡李氏世系一節(新唐書柒貳宰相世系表趙郡李氏條及鄧名世古今姓氏書辨證 則趙郡 時之居 地 李氏其顯著支派 可 以 :甫出於趙郡李氏,故關於其宗族之先塋舊宅皆詳載之,若一 推 知也。 但其 所遺留之故蹟 良 微支 派 亦有居 俱不出舊常山郡之範圍。 舊鉅 鹿 郡故疆者, 考北 據此 史叁冬李孝伯 取 則 趙 其 郡 分布之 頂壹 李氏

趙王倫之難, 徙居常山。楷子輯, 輯子 慎、 敦, 居柏仁, 子孫 甚微

支之子孫, 宋齊之世 支, 其徙居柏仁之時代 則李慎 廣阿二 或者 故以 李敦徙居 地 一縣,後魏時俱屬南趙郡,土壤鄰接,實可 雖不與趙郡 域 料 接及時 柏仁, 雖 未 李 能確定,然李楷避西晉趙王倫之難,下數至其 代先後 約在江 氏之居柏仁 一者之關係綜合 . 左東晉之時。李熙父子俱葬於廣阿, 者同族 但 推論 以 同姓一 視為一地域。 頗疑李唐先世本為趙 姓 居 一地之故 趙 計其生 郡李氏 孫慎 及敦, 僅 郡李氏柏仁 時亦約當 子孫甚微之一 遂因緣 南朝

自託於趙郡之高門, 代之官書,其紀述皇室淵源間亦保存原來真實之事蹟, 依常識 之判斷, 李唐先世若非趙郡李氏之「破落户」, 衡以南北朝庶姓冒稱士族之慣例,殊為可能之事。總而言之, 即是 但其大部盡屬後人諱飾誇誕之語,治 趙郡李氏之「假冒牌」。 據 至於有唐 日 信之材

史者白不應漫無辨別

遽爾全部信從也。

又魏書玖玖私署涼王李暠傳本不載重 今敦煌本之十六國春秋殘卷惜未得見, 而湯球之十六國春秋輯補轉取唐修晉書之涼 不知與此有關否?至於偽本十六國春秋載重耳事採自唐 南奔始末,傳世之十六國春秋纂 武 昭 土傳 添 此 一段蛇足(見湯書 録 陸西凉 叙例 録亦無其事。 殊 為

修晉書更不足辨論矣。

復次, 周書肆 明帝紀(北史玖明帝紀同)云:

宜改稱京兆人。」 二年三月庚申詔曰:「三十六國九十九姓, 自魏氏南徙,咸稱河南之民。今周室既都關中,

隋書叁叁經籍志史部譜序篇序云:

姓;及周太祖入關,諸姓子孫有功者, 爲部落大人者, 遷洛, 有八氏 並爲河 十姓, 南洛陽人。 咸出帝族 其中國士 又有三十 並令爲其宗長, 人 一六族, 則第其門閥 則諸 仍撰譜録 國之從 有四 魏者 海大姓、 紀其所承, 九十二(九?)姓世 郡姓、州姓、縣 又以關内諸

據上引史文, 嚴格 其本末見於魏書壹壹叁官氏志等即魏孝文帝改胡姓為漢姓之事也。 解 釋 則隋志之文自「後魏遷洛」至「並為河 南洛陽人」止一節,專指 周書、北史周 明帝二年 胡人而

玖周本紀上)後亦四年, 公元五五八年)三月庚申詔書亦指胡 一四年, 在西魏恭帝元年(公元五五四年)改有功諸將姓為胡姓 故從入關之遷洛諸胡族其改京兆郡望當在有功諸漢將改關內郡望之後 人而言 明帝二年在魏孝武帝入關之年(公元五三四 (事見周書貳文帝紀下、 [年)後 北 史

稱西涼嫡 又隋志之文自「其中國士人」至「又以關内諸州為其本望」止一節,實專指漢人而言。 謂又以關 裔 内 諸州為其本望」,豈非寅恪之假說得此史文而益證實耶 即所謂「並令為其宗長, 仍撰譜 牒, 紀其所承」, 其改趙 ?所不解者 郡郡望為隴西 告人於此 郡 然則李唐之 望, 何以 即所

未嘗留意? 抑別有其他較勝之說耶? 此則深願求教於博識 通人也。

(開元十三年光業寺碑文及巴黎圖書館藏敦煌寫本伯希和號第貳仟伍佰

宣皇帝(熙)皇后張氏。肆唐代祖宗忌日表等均同)云:

唐會要尽皇后條

光皇帝(天賜)皇后賈氏。

景皇帝(虎)皇后梁氏。

元皇帝(昞)皇后 獨 孤氏。

據此

張賈皆是漢姓

其為漢族

當

無

可

疑。

梁氏

如梁禦之例,

雖有 出

自 胡

族之嫌疑

(見周書

壹玖、 本是華夏, 故李虎妻梁氏 大部分皆是 北史伍 漢 其 與 在未能確 族 玖梁禦傳, 、胡夷混 未可 切證明 以其中有 雜,乃一較晚之事 又魏 其氏族所出 書 極少數出 一壹壹 全官 實也。 以前 自胡族之故 氏 志 云:「拔列氏後改為梁 仍目之為漢族, 遽概 括推定凡以梁為氏者 ,似較妥慎。 氏 然則 但 一梁氏 李 皆 唐 屬 本 血統其初 胡 為 漢 族 也。

茲依據上

述資料 作一 李唐皇室血 統世系表,起自李熙,

迄於世民,以備參考。至李重耳則疑

者

確知為胡族 標以 3 符號; 雖有胡族嫌疑, 、以示闕疑之意。凡女統確知為漢族 但在未發見確 證 仍可認為漢族者。 標以

則 標以……符號 本無其人,

或是李初占拔之化身,故不列入

張 李 氏 天 買 賜 氏 梁 虎 氏 獨孤氏 跃 寶 淵 氏 長孫氏 世 民

44 依 杯 據 F 引 實 資 料 不 限 及 其 於 李唐皇 解 釋 室 再 將 族 李唐 凡多 世 系先後改易之歷 數 北 朝 隋唐 統治 程及胡 階 級之家 漢 文化 問 亦莫不如是 題 加 以 説 明。 斯實 此 世 中 系 威 改

史

Ê

大問

題

亦

史學

中

Ť

載

待

發

ITIJ

未

發之

一覆也

宣 北 武 史 鮮 捌 卑 著之例 孝明之世 拾 拓 魏 拔 也。 部 捌 落 此 叁上外 侵 漢化 則已達頂 X 中 政策 戚 國 傳 統 點 其 賀 治 f 訥 北 孫遵行不替 愐 傳 部 之後 逐 漸 北 腐化矣。 史 玖 及魏孝文帝遷都洛 捌魏書 開 始 然同 施 壹 行 時 佰 漢 邊塞六鎮之鮮卑及胡 化 女 高 政 策 車 傳 陽 及 如 解 魏 其漢 書 散 壹 部 化 壹 落 化 程 去 司 之漢 度更 官 於 E 編 族 為 À 志等), 增 之類 則 高

仍保

至 其 見

分時 胡 E 期之重 民 1 年 族 四四 對於漢 要事 月十三日 變 化 也。 之反 不為洛都漢化之所浸染。 河陰之大屠殺 六鎮 動亦 愈甚, 鮮卑及胡 卒 懷 化 遂為胡 漢 成六鎮之叛 族 既 人及胡 故中央政權所在之洛陽 保 持 胡部 蜀 化 民族反 特 爾朱部 性 對漢化之公開 而 落乘 不 漸 機而 染漢 其漢化 起。 化 表示 愈深 至 則 武 為 泰元年(公元 亦中古 則邊塞六鎮 善 戰 史劃 民

留

其

本來之

胡

化

ITI

下(見北齊書壹 神武紀上、 此 民 族以 饑饉及虐政之故激 北史陸齊本紀上、 成 隋唐貳 叛 亂 肆食貨志)。 南 遷 徙, 故 其 歡之武 大部 分 力遂 輾 轉 無 移 敵 於 高 中 歡 統 原

计 以成 北 其 霸 部之地, 其他之小部分 成 北 朝東西並 由質拔岳、 峙之局, 宇文泰率領 此治史者所習知也。 西徙 割據 然宇文氏 關 隴 只分有少數之六鎮 亦 能 抗 衡 高 氏

上篇 統治階級之氏族及其升降

帝

酦

周

亦

兩

朝

勝

敗

興

亡决

定之

主

口

以

幽

E

世

自 民 族 非 僅 由 復 高 促 君 於 主 關 之 隴 賢 愚 隅之 及 諸 地 臣 終能 材 不 材之所 併吞分有多 致 蓋 數 六 必 別 鎮 有 民 族 全部 及 雄 系統 據 Ш 東富 之政策 饒 品 域之高 為此 東 西 齊 並 立之 其故

朔所 宇文 制之府 苻 故 唐 離之集 之薰習 必 制 別 泰 及宇 此 別 度 在 撰譜 魏孝 Ż 兵 淵 新 取 專 貿 埊 文泰之 制 塗 得 始 江 領 源 文皆 略論 能 及 神 11> 牒 HE 塗 左 屬 即 州 内 獨 蕭 數 徹底 安反 於官 稿 就 文 知 物 氏 紀其所承(見前 兀 質 化 融合 共 此 遷 其 茲不贅 意者 成 側 之 制之周官皆 割 IE 1 故仍 胡 據 統 應 其 處 Ž 外禦強 所 鼎 所 人 (論。 不忘 峙 及 割 土 但 同 在 秦 --據 之 胡 之 依 引隋書 鄰 此宇文 是 南 魏 利 關 局 化 阶 江 其 侵 俱 害之環 隴 漢 東而 古 事。 也), 欲以 而 族 而 昔 [叁叁經籍志譜序篇序), 秦之新 精神 割 域 其 代之不 其 魏晉以 境 内之 物 據 稱 不 改易隨 文化 關 質 為漢 復 塗 即 鮮 隴 及 可 以 徑 方 精 卑 來之漢 精 化 Ш 賀 今姑假 六 面 神 隅 神 發 其 東江 拔 **元**為 E 鎮 之 源 事 岳等西 亦必 化 民 地 者 之 既 左 融合 名之為 籠 族 力 地 為漢 不 真 罩 欲 量 能 與 遷 魏 全 複 及 又以諸將功高者繼塞 同 之憑 化之中 成 有 部 雜 出 其 財 孝 掘 功漢 複 民 他 富 文之遷 藉 中 僅 雑 族 淵 胡 兵 本位 餘 心 將之山 、強之山 民 之要道。 源之信 漢 俱 也 族 土著之人 都 遠 政 宇文泰 洛 不 策 東郡 其 故 仰 東 陽 如 詳 不 在 其 外 之 望 具 得 為一不 即 此 同 意 東 新 為 於 受 A 不 以 及 亦 南 卑部 暴 前 屬 拙 塗 项 神 如 著隋 文 内 於 徑 於 可分 州 此 化 兵 南 郡 IE

(見周 善貳文帝紀下及北史玖周本紀上西 魏恭帝 元年條等), 亦是施行 「關中本位政策」之例

如欲 解 决李唐氏 族 H 題 當於 此中 求之也

隴西 制度 趙郡 郡望 概括 氏第 會其 之兵卒亦從 年(公元 淵 市 家世 言之, 郡望及冒 居 郡望為龍 關 階段 源 則 内 年 即 恐尚 郡 略 丘丘四 之所改 其 宇文 於大 論 望 鎮 計 Ŧ 以 西 在 稿 有 其 以、斷 秦改 西凉 象二年(公元五八〇年)十二 Ęċ 將之胡 諸將之有 年)復魏 偽託 制 弱 後 而多數氏族仍停留於第 嫡 前 絶 易 泛氏族 姓 見前 商 刊 即 其 功者 凉李 也 弦不 孝文帝 李 鄉 之舉 、風、留 13 七之思(粉 繼 厝 ·暠之嫡裔 職是之故 所改鮮 書 論 鮮卑部落之 承鮮卑三十六大部 家 III. 可分先後 0 肆 初止 明 李唐之得 及 之 卑人之胡 帝紀 改易 北 稱家 例 朝 制 及北史玖周 月癸亥 階段: 漢 階段之中 於武 以 賜姓 人之山 隋 姓及 翠 治 唐 落及九十九小部 一迴改 川等,均是 事. 大 史 賜 第 其 野, 東 料 諸 六 胡 此 本紀 郡 此 鎮 階段 中 姓 漢 即 望, 將 諸 李 傳 復 府 在此 唐 此 有 則 人之籍貫 為 兵制 體之情 明 其 階段 功者以 改 所 漢 帝二年三月 改 階 姓 落之後 易 初 易 雖 中 感。 期之主 往往 去大 中 胡人 所為 胡 遷 其 所 、結果 It 嗣 姓之前 八之河 紛 野 為 凡 階段 隴漢 也。第 庚 岐 改胡 也 口洋 申 南郡 當 胡 作 人中之山 姓 階 在 如 姓 到 至 凡 書 即 計 望為 周 拙 李 迴 復 李 但 末 岩 將 段 魏 唐 宇文 隋 恭帝 唐 隋 即 京 東郡 改 11/ 稱 先 文 統 其 附 兆

上篇 列八大柱 統治階級之氏族及其升降 國之李 弼 族, 周 書壹伍 李弼傳 舊唐 書伍叁李密傳(密為弼之曾孫 壹叁拾

孫密 沙 傳 傳、 (泌 為弼之六代孫),及新唐書柒貳 文苑英華玖肆捌魏徵撰李密墓 誌銘則以為隴西成紀人。蓋公私著述叙及籍貫 上宰相世系表俱以為遼東襄平人, 而北 史陸拾李 或 僅 弼 據 及 曾 迴

今日, 唐書 潰 復至 為弘農楊震長子牧之後。 壹 第 仍舊 治史者竟無 佰 肆 階段立言 張 施 行關 行 成傳)。 一不為其所欺 中 或逕依 本位政 故隋 此即 本來未改者為説 策一, 唐皇 隋 書經籍志所謂「令為其宗長,仍撰譜 室亦依 其統 誠 可歎也(據新唐書柒壹 治 舊自 階級自 稱弘農楊震 斯其所以彼此差異也。 不改其 歧 視 隴 宰相世系表楊氏條 西 東人之觀 李 暠之嫡 牒 但隋 念(見舊 裔 紀其所承 唐 啉 偽 朝 唐 繼 相 書 隋皇室自 承宇文氏之 又以關 傳 柒 捌 迄於 新 稱 内

諸州 [為其本望]者。以非本篇範圍 漢人與胡人之分別, 在北朝時代文化較 ,故不詳論 血 讀者可以依據有關史料類 統尤為重要。凡漢化之人即目為漢人, 推也)。 胡化之

北齊書貳肆杜弼傳(北史伍伍杜弼傳同)云:

人即

為

胡

人,

其血統如

河何

在所

不論。

茲舉

例以證明之:

顯 祖 (高洋) 曹 問弼云 治國當用 何人?」對曰:「鮮卑車馬客, 會須用中國人。 顯 祖

機己

夏之高門也。 夫高齊無論 其 至於其所漸染者則為胡化,而非漢化。 日 系血統屬於何 種 但其自 稱及同 一時之人均以為其家世出自渤 杜弼斥鮮卑, 而高洋以為譏己 海 脩縣. 是漢人之 固當 華

又北史貳捌源賀傳(參考魏書肆壹源賀傳、北齊書伍拾恩倖傳高阿那肱傳, 至隋書陸陸

源師傳

删去「漢兒」一字,殊失當時語意矣)略云:

拓拔部 太武素聞 西平樂都人,私署河西王秃髮傉檀之子也。 其名, 謂曰 卿與朕同源, 因事分姓, 俸檀爲乞伏熾盤所滅, 今可爲源氏。」(寅恪案: 賀自樂都 鮮卑禿髮部 奔魏

〕師任齊爲尚書左外兵郎中, 又攝祠部。 後屬孟夏, ,以龍見請雩。時高 阿那肱爲録

語異譯 故拓拔 燾謂之同源也。

謂爲真龍出見,

大驚喜,

問龍所在, 云作何顏色。

師整容云:「此是龍星初

見

依

不行。 禮當等祭郊壇, 非謂真龍別有所降。」阿那肱忿然作色曰:「漢兒多事, 强知星宿。」祭事

乃鮮卑禿髮氏之後裔 其血統,只視其所受之教化為漢抑為胡而定之確證 明是胡人無疑,而高阿那肱竟目之為漢兒,此為北朝漢人、 誠可謂

有教無類」矣。

胡人

夫源師

之分別,不論

五 又此 點為治 亦紀此 吾國中古史最要關 事, 胡注 鍵, 若不明乎此, 必致無謂之糾紛。 資治通鑑壹柒壹陳宣帝太建

上篇

統治階級之氏族及其升降

源本出於鮮卑秃髮,

高氏生長於鮮卑,

自命爲鮮卑,未嘗以爲諱,

鮮卑遂自謂貴種

華人爲漢兒 率侮詬之。 諸源世仕 魏朝 貴顯, 習知 典禮, 遂有雩祭之請, 冀以 取

以取 詬 通鑑詳 書之, 又一 晚也。

李唐 主持 大抵 梅 隋 不 科雖創於隋代, 然當日人民致身通顯之塗徑並不必由此 政 策 預 磵 及 變遷 唐 中 承 皇室者 之説固是 關 於是進士之科為全國干 」最主要之府兵制 央 两 初 中團體之故 將 魏 政權之後 相舊家 實 唐 北周 亦社 代三百年 又其言別有 會之革 之政權尊位 及隋以來之世 致遭 逐 漸破壞傳統之「關中本位政策」,以遂其 統治之中 即於此 屏 命。 -進者競 所感 抑 者 遂不得不為此 若依此 時開始崩潰 業, 心也, 亦因 趨之鵠的。 然於北 即字文泰「關中本位政策」下 義言, 自高 此 朝漢胡 政 ,而社會階級亦在此際起一升降之變動。 治 祖 新興階級所攘奪 則武 當時 變革之際會 太宗創業至高 種族文化之問題似 周之代李唐較李 Ш 東、 及武 江左人民之中 替代。 得以上 宗統 后 創業垂統之野 柄政, 大崇文章之選, 破 所結集團 唐之代楊隋 故武 猶不免未達 御之前 升 朝 周 列 之代 有雖 體之後 期 M ·Ľ, 其 李唐 I 其 九 間 關 將 魏 於為文, 故關 裔 也。 係 也 相 蓋進 人 不僅 文 北 羣 中 自 武 周 為政 公格用 本位 大臣 但以 迅

周 統治時 遂完全破壞無遺。而天寶安史亂後又別產生一新世局, 期不久, 旋復為唐, 然其 開 始改變「關中本位政 策」之趨勢, 與前此迥異矣。夫「關中本位 仍繼續進行。 迄至 唐

尤為重

大也

上篇 統治階級之氏族及其升降

須有此空間之區別者, 政策」既不能 將及所統之民衆依舊保持其勢力, 成為互不關涉之集團 與一部分之地方藩鎮 維持, 朝, 實成為二國。史家述此,不得不分之為二,其理由甚 則統治之社會階級亦必有變遷。 其統治階級氏族之不同類更無待言矣。 已截然劃為二不同之區域, 因唐代自安史亂後, 與中央政府相抗, 名義上雖或保持其一統之外貌 非僅政治軍事不能統 此變遷可分中央及藩鎮 以迄於唐室之滅亡, 蓋安史之霸業雖俱失敗 , 約經一百五十年之 即社會文化 實際上 兩方叙述。 前中 其所以 而其部 亦完全 央政府

又舊 [唐書壹肆憲宗紀上(參考通鑑貳叁柒元和二年此條胡注及唐會要陸叁修撰條

明

也

涇

雖號

稱

道, 州 八十三萬餘人, 十五,縣一千四百五十三,户二百四十四萬二百五十四,其鳳翔、 元和二年十二月己卯, 又在常役之外。 銀夏、 合四十九州, 不申户口 靈鹽、 0 吉甫 比量 每歲賦入倚辦止於浙江東西、 河東、易定、魏博 天寶 百四 都纂其事, 史官李吉甫撰元和國計簿, 士馬, 十四萬户 成書十卷。 則三分加一, C 比量天寶供稅之戶則四 鎮冀 率以兩户資一兵, 宣歙、 范陽、 總計天下方鎮凡四十八, 淮南、 滄景、 一分有 江西、 淮西、 其他水旱所損, 徵科發斂 , 鄜坊、 鄂岳、 淄青十五道凡七十一 天下兵戎仰給縣官者 福建、 邠寧、 管州府二百九 湖南等八 振武、

書壹玖下僖宗紀略云

徐泗 陽、 [光啓元年三月] 丁卯車駕[自蜀]至京師 洛陽, 朱瑄 據 孟方立據邢洛 鄆 齊、 曹濮, 李克用據太原、 王敬武據淄青, 時李昌符據鳳翔, 上黨,朱全忠據汴 高駢 據淮南 州 滑, 王重 秦 彦據 秦宗 榮據蒲 宜歙 權據 陝 許 劉 蔡 諸 漢 葛 宏 時 爽 據 溥 據 浙 河

東, 奉 一而已。 皆自擅 藩侯廢置 國命 兵 賦 所 不自朝廷, 能 洪 相 制 吞噬 者 王業於是蕩 西 朝廷不能制。 Ш 南、 劍 南 江淮 領南 轉運 路絶, 道 數 + 兩 州 河、 大約 江 淮 郡 賦 將 不 自 擅 供 常

歲

時

賦

府財 運 寅恪案 之交通 賦取辦之地域 僅恃 東 李吉甫所 南 八道財 而奉長安文化為中 大致 撰元和國 賦之供給。 無甚殊異。唐代自安史亂 計總簿雖在元和初年, 至黄 心 仰 巢之亂既 東 南財賦以存立之政治集團, 將此 後, 然自安史亂後起, 迄於唐亡, 其所列中 東 南 長安政權之得以繼續維持 品 一域之經濟 幾全加 遂不得不土 破 壞 崩 復 除文化勢力 瓦解。 斷 絕汴路 央政

在此 奉長安文化為中 心 特東南財賦 以存立集團之中, 其統治階級為此 集團 所占 I據地域

帝

國

之形式

及實質

均於是告終矣。

夫,大抵以文詞科舉進身者也;一為受漢化不深之蠻夷,或蠻夷化之漢人,故其 種人:一為受高深文化之漢族 域。 凡自玄宗朝迄唐亡, 一百五十年間身居內廷,實握政治及禁軍之權者皆屬此族 ,且多為武 則天專政以後所提拔之新興階級 所謂 人多出自 外廷之士大 即閹寺 内之二 邊荒

進用。 議柒請許臺省長官舉薦狀及李相國論事集等)。 世,其名臣大抵為武后所獎用者(參考舊唐書壹叁玖陸贄傳、新唐書壹伍貳李絳傳、 ,則天專政破格用人後,外廷之顯貴多為以文學特見拔擢之人。而玄宗御宇, 自德宗以後, 其宰相大抵皆由當日文章之士由翰林學士升任者也。 及代宗大曆時常袞當國, 非以辭賦登科者莫得 請舉史實以證之。 開元為極盛之 陸宣公奏

通典壹

伍選舉典叁載沈既濟之言略

Z.

桀姦無良者或有焉, 小者任郡縣,資身奉家,各得其足,五尺童子耻不言文墨焉。其以進士爲士林華選, 辟無不以文章達, 史,好雕蟲之藝, 觀聽希其風采, 初國家自顯慶以來, 以取禄位, 每歲得第之人不浹辰而周聞天下,故忠賢雋彦、韞才毓行者咸出於是。而 此行己立身之美者也。父教其子,兄教其弟,無所易業,大者登臺閣 永隆中始以文章選士。及永淳之後太后君臨天下二十餘年, 因循日久寝以成風。 至於開元、天寶之中, 高宗聖躬多不康, 而武太后任事, 參決大政, 太平君子唯門調戶選, 與天子並。 當時 太后頗涉文 公卿百

據此 可知進士之科雖設於隋代, 而其特見尊重, 以為全國人民出仕之唯一 正途, 實始於唐高

動天下,

或鈎摭隱匿,

嘲爲篇詠

以列於道路, 毀稱相騰,

無所不至焉。 私爲盟歃

故是非相陵,

或扇結鈎黨, 迭爲談訾,

以取科第,

而聲名

四方

重與府兵制之破壞俱起於武后,成於玄宗。其時代之符合,決非偶然也。 進士條),則稽之史實, 為進士之科「甲於貞觀」(唐摭言壹述進士上篇),及「進士科盛於貞觀永徽之際」(同書同卷散序 茲不具論(見拙著隋唐制度淵源略論稿兵制章及玉海壹叁捌兵制叁所引鄴侯家傳)。 即武曌專政之時。及至玄宗,其局勢遂成凝定,迄於後代, 有所未合。其言不及沈氏之可信, 無待論也。 因而不改。 但以 事關府兵制度 故科舉 至王定保以 制之崇

舊唐書壹壹玖常袞傳云

尤排擯非辭賦登科者。

書同卷崔祐甫傳云

常衮當國,非以辭賦登科者莫得進用。

.書肆叁職官志翰林院條略云:

玄宗即位, 張説、 用兵 中書舍人例置學士六人, 宸翰所揮, 軍國多務, 張九齡等召入禁中, 深謀密韶皆從中出, 亦資其檢討, 内擇年深德重者 謂之視草。 允擇名士爲翰林學士, 謂之翰林待詔。四方進奏, 中外表疏批答, 或韶從 一人爲承旨, 故嘗簡當代士人, 所以獨承密命故也。 得充選者, 以備顧問。 至德已後, 天下 文士爲榮。 德宗好文, 尤 亦如

難其選,

貞元已後爲學士承旨者,

多至宰相焉。

憲宗章武皇帝以永貞元年即大位, 始命鄭 公(鄭絪)爲承旨學士, 位在諸學士上。 十七年間

由鄭至杜(杜元穎)十一人,而九參大政。

齋續筆貳 長慶集伍玖李留守相公(李絳)見過池上汎舟舉酒話及翰林舊事因成四韻以獻之詩 元和六學士條)云:

同時六學士,五相一漁翁。

據此 廢興轉移之大勢尤易明瞭也。 表及宰相世系表與 七八 可知唐代自安史亂後,其宰相大抵為以文學進身之人。此新興階級之崛起,乃武則天至 1-年 間 逐漸轉移消 列傳所載其 至此 人之家世籍貫及出身等互 滅宇文泰以來胡漢六鎮民族舊統治階級之結果。若取 由文學科舉進身之新興階級與魏晉 相參證, 於此三百 北朝以來傳統 年間 外廷 1 新唐書宰 舊士 大夫階: 族之 相

關係 之宰相, 俱供其指揮, 由之進退, 唐代自玄宗後 則於論黨派時詳述之, , 政柄及君權漸轉入閹寺之手, 茲不涉及馬。 更無論矣。 其詳當於中篇論政治革命及黨派分野時述之,茲 終至皇位之繼承權歸其決定,而內朝之禁軍外廷

售唐書貳拾下哀帝紀云:

僅略言

其氏族

所從出之一

端於下:

天祐二年六月丙申勑。福建每年進橄欖子,此因閹豎出自閩中, 雖嘉忠蓋,伏恐煩勞。今後只供進蠟面茶, 其進橄欖子宜停! 牽於嗜好之間, 逐成貢奉

新唐書貳佰柒宦者傳吐突承璀傳云:

顧況古詩(據全唐詩第拾函)云: 是時諸道歲進閹兒 爲觀察使, 每歲時遣吏致祭其先, ,號私白,閩嶺最多,後皆任事,當時謂閩爲中官區藪。咸通中杜宣猷 時號「敕使墓户」。宣猷卒用羣宦力,徙宣歙觀察使。

王

团哀閩也。(原注: 田音蹇。閩俗呼子爲团, 父爲郎罷。

知,我罹其毒。神道無知,彼受其福。郎罷别囝,吾悔生汝。及汝既生,人勸不舉。不從 囝生閩方。閩吏得之, 乃絶其陽。爲臧爲獲, 致金滿屋。 爲髡爲鉗,視如草木。天道無

宦寺多冒養父之姓, 其籍貫史籍往往不載, 人言,果獲是苦。囝别郎罷,心摧血下。隔地及天,及至黄泉,不得在郎罷前。

然即就兩唐書宦官及宦者傳中涉及其出生地域或姓

氏稀異者觀之, 亦可知其梗概也。

舊唐書壹捌肆宦官傳 云

楊思勗本姓蘇, 羅州石城人,爲内官楊氏所養, 以閹從事内侍省。

高力士, 潘州人, 本姓馮, 少閹, 與同類金剛二人聖曆元年嶺南討擊使李千里進入宫。則

家,力士遂往來三思第, 歲餘則天復召入禁中。

天嘉其點慧,

令給事左右。

後因

一小過,

撻而

逐之。

内官高延福收爲假子,

延福出自武三思

新唐書貳佰柒宦者傳上云:

魚朝思,瀘州瀘川人也, 天寶末以品官給事黄門。

,名文珍,冒所養宦父姓,故改焉。

劉貞亮本俱氏,

吐突承璀, 閩人也, 以黄門值東宫。

仇士良, 循州興寧人, 順宗時得侍東宫。

楊復光 閩人也, 本喬氏, 少養於内侍楊玄价家。

同書貳佰捌宦者傳下云:

田令孜,蜀人也,本陳氏,咸通時歷小馬坊使。

唐代中國疆土之內,自安史亂後,除擁護李氏皇室之區域, 受漢化自甚淺薄, 可知唐代閹寺多出自今之四川、廣東、福建等省,在當時皆邊徼蠻夷區域。其地下級人民所 而宦官之姓氏又有不類漢姓者,故唐代閹寺中疑多是蠻族或蠻夷化之漢人也。 即以東南財富及漢化文化維持長安

為中心之集團外, 尚別有一河北藩鎮獨立之團體, 其政治 軍事、 財政等與長安中央政府實際

統治階級之氏族及其升降

所在 也。 進為其 茲先舉二三顯著之例 安身立命之歸 係, 其民間社會亦未深受漢族文化之影響, 宿。 故論 以見當時 唐代河 大唐帝國版圖以內實有截然不同之二分域 北 藩 鎮 問題 必於民族及文化二端 即不以長安、 注意 洛陽之周 方能 fl 名教 然後再 得 其 真 及 推 科 相

論其種族與統治階級之關係焉。

杜牧樊川集陸唐故范陽盧秀才墓誌云:

秀才

盧生名霈

字子

中,

自天寶後三代

或

仕

或仕

趙,

兩地

皆多良

田

畜

馬

生年二十

前 典 红 有人 日 周 公、 孔夫子 者, 擊毬 飲 酒 馬射走 免 語言習尚 無非 攻守戰 門之事。

今田 肆 拾職官典 悦之徒 末載 並是庸璅 杜佑建中 繁刑暴賦 時所 上省用議 "唯恤軍戎, (参新 衣冠仕(士)人遇如奴 唐書壹陸陸杜佑傳) 略 Z.

内 時 此 有 漢化之中心在長安 可以代表河北 野心 DI 誦之文 佐 溢 I 鄙 不得意之人 説 弦為闡 社會 至韓 明 通常 以詩賦 長安集 退之不以 情態 至不得已時惟有北 團 舉 董召 進 與 其尚攻戰而 + 加 南 北 致身卿 集團 河北 政治 走河 之行為然之意 相為社會心理羣趨之鵠的。 不崇文教。質言之,即 . 朔之 文化 對 途。 立之形勢起 固 極 昌黎集 顯 見 貳拾 漸染胡化 不 待 送董 仍 故當日在長安文化 解 多 説 寫 召 深而漢化 南 之於下 遊 其 淺也。 北 並 序 略 乃世 品 詮 域

超古稱多感慨悲歌之士。董生舉進士,

連不得志於有司

懷抱

利器

鬱鬱

適茲上,

吾知

其必有合也。董生勉乎哉!

據此, 外,則不易覓其他之途徑也。 可知在長安文化統治下之士人,若舉進士不中,而欲致身功名之會者,舍北走河朔之

其文又云:

夫以子之不遇時, 苟慕義强仁者皆愛惜焉, 矧燕趙之士出乎其性者哉! 然吾嘗聞風俗與化

據前引杜牧之范陽盧秀才墓誌「語言習尚無非攻守戰鬥」之句及此序「風俗與化移易」之語,可知 移易,吾惡知其今不異於古所云邪?聊以吾子之行卜之也,董生勉乎哉!

當日河北社會全是胡化,非復東漢、魏晉、北朝之舊。若究其所以然之故,恐不於民族遷移一

事求之不得也,請俟後論之。

其文又云:

吾因子有所感矣,爲我弔望諸君之墓! 天子在上,可以出而仕矣!」 而觀於其市,復有昔時屠狗者乎? 爲我謝曰:

明

然則長安天子與河北鎮將為對立不同之一集團首領,觀此數語,即可知矣。

唐詩話貳、辛文房唐才子傳李益傳等)云: 又全唐詩第伍函李益小傳(參舊唐書壹叁柒新唐書貳佰叁文藝傳下李益傳、唐詩紀事叁拾、全

州劉 李益字君虞, 濟辟 **於事。** 姑臧人, 嘗與 八濟詩, 大曆四年登進士第 有怨望語。 憲宗時 召爲秘 久不調 書少監集賢殿學士, 益 不得意。 自 北 負 游 河 才 朔

考益之獻劉濟詩云:

草緑

热州

鶯聲引

獨遊。

雁

歸

天北畔,

春盡

海

西

頭

向

E

花

偏落

馳年

水自流。

知

所凌忽, 爲衆不容。 諫官舉幽州詩句, 降居散秩。

有地,不上望京樓。

是當日 此 團體之統治階級 又可 社會之常情 知 雖已登進士第之李益以不得意之故猶去京洛, 而非 其種族文化亦宜有不同之 變態。 然於此 益見大唐帝國之後半 點在也。 期其 而北 中 走范陽; 含有兩獨立 則董召 敵 南之遊 視之團 河

染胡 檢新 化 點 與 為其 唐書之藩鎮 胡胡 人 不異。 人之氏 傳 前者 並取 族本是胡 屬 於種 其他有關 族 類 後者 諸傳之人其活動 而 非 屬 漢 於文化。 族 , 為其 範 質言之, 唐 人之氏 圍 在 河 族 朔 代 雖為 或 安史亂 泂 漢 朔以 族 外 後 者以相參 而 世 久 局 居 河 考, 凡河 朔 朔 則

及其 時 固 他 為文 藩 鎮 化 與 市 甚 高 央政 品 域 府 之間 雖 經 題 胡族之亂 其核 心 宣質屬 然北 種 族 魏至隋其 文化 之關 地之漢化 係也。 夫河 仍未見甚衰 北 之地 **減之相** 東漢 曹 何 以 魏 至玄 西

宗文治燦爛之世

轉變為一胡化地域?

其故殊不易解。茲就安史叛亂發源之地域及其時代先後

係綜合推計, 設一假説 以俟更詳確之證明。即使此假説一時難以確定成立,但安史叛亂

及其後果即河朔藩鎮之本質,至少亦可因此明瞭也。

割據 當玄宗文治 河 朔 武 與中央政府 功極盛之世, 抗 衡 漁陽 唐室亦從此 鼙鼓 鳴, 不振, 而兩京 以至覆亡。 不守。 安禄山之霸 古今論此役者 業雖 不成, 止歸咎於天寶 然其部將始終 (政治

為敵者也。 廷之腐敗 考安禄山之種族在其同時人之著述及專紀其事之書中 是固 回然矣; 獨未注意安史之徒乃自成 一系統最 善戰之民族, 均稱為柘羯或羯 在當 H 軍 事 胡 j-本 如 : 來無與

唐書拾肅宗紀

是日(天寶十五載七月甲子)御靈武南門,下制曰:「乃者羯胡亂常, 壹貳拾郭子儀傳載建中二年德宗 褒卹之韶 有「羯胡作禍」,新唐書壹玖貳忠義傳張巡 京闕失守。」(舊唐書 傳 亦有

至杜甫喜官軍已臨賊境二十韻詩所謂「拓羯渡臨洮」之拓羯,

雖非指安禄

山,但亦可爲旁證參考也。)

拓羯千騎」之語,

又同書壹佰肆封常清傳略云:

古蹟之詩其「羯胡事主終無賴」之句 又顏魯公集陸康金吾碑目安禄 至葵園 常清使驍騎與柘羯逆戰, Ш 「為羯胡,姚汝能安禄山 則不僅用梁侯景之古典(如梁書伍伍武陵王紀傳云: 殺賊數十百人。臨終時表曰:「昨者與羯胡接 事跡一書亦多羯胡之語, I 部 羯胡 詠

叛渙」, 即是一例), 實兼取今事入之於詩也。

考玄奘西域記壹楓秣建國(即康國)條

新唐書貳貳壹下西域傳康國傳云: 兵馬强盛 , 多是赭羯之人, 其性勇烈, 視死如歸。

本月氏人,始居祁連北昭武城,

爲突厥(寅恪案:突厥應作

匈奴,

唐會要玖玖康國

除云:

尋, 曰戊地, 曰史, 世謂九姓, 皆氏昭武。 誤也)所破, 其人土著役屬於突厥, 先居祁連之北昭武城, 稍南依葱嶺, 即有其地,枝庶分王: 爲匈奴所破。 日安, 曰曹, 」宋子京蓋涉上文突厥之語致 曰石, 曰米, 曰何, 日火

又同書同卷安國傳云:

募勇健者爲柘羯, 則赭羯乃種族之名, 柘羯猶中國言戰士也(寅恪案:上引西域記之文有「赭羯之人」一語,然 此云「猶中國言戰士」,若非宋景文誤會,即後來由專名引申爲公名

耳)。

又同 書同卷石國傳云:

石或曰柘支,

日柘折,

日赭時。

據此, 可知赭羯即柘羯之異譯,凡康安石等中亞月氏種人,皆以勇健善戰著聞者也。舊唐書貳

佰上安禄山傳云:

安禄山,管州柳城雜種胡人也。

舊書所謂雜種胡之確切界説尚待詳考, 但新唐書貳貳伍上逆臣傳安禄山傳

語,爲互市郎。安禄山,營州柳城胡也,本姓康,母阿史德,少孤有官戶前祭和古父孫专界訪尚代詩老。任弟唐書賈賈任一

随母嫁安延偃,乃冒姓安,

通六蕃

卷天寶四載丁籍),故安禄山父系之為羯胡, 安、石等姓以羯為稱者(見歷史與地理雜誌第叁叁編第肆卷天寶十載丁籍及同書第肆壹編第肆 寅恪案:安禄山事跡上引郭子儀雪安思順疏, 書貳貳伍上逆臣傳史思明傳云: 即中亞月氏種可無疑矣。至史思明之種族則新唐 謂安禄山本姓康。 今敦煌寫本天寶丁籍亦有康

史思明, 寧夷州突厥種, 與安禄山共鄉里, 通六蕃譯, 亦爲互市郎。

疑史思明非出中亞胡種者。然舊唐書貳佰安禄山傳云:

日 書同卷史思明傳云: 史思明, 安禄山, 寧夷州突厥雜種胡人也。 營州柳城雜種胡人也。 (前已引 兹爲論述便利起見, 特重及之。

又舊唐書壹佰肆哥舒翰傳(新唐書壹叁伍哥舒翰傳同)略云:

上篇

統治階級之氏族及其升降

哥舒翰, 突騎施首領哥舒部落之裔也。 翰母尉遲氏, 于闐之族也。[安禄山]謂翰曰:

父是胡, 母是突厥,公父是突厥,母是胡,與公族類同,何不相親乎?」

初視之,似當時所謂雜種胡人者即指混合血統胡族

頂 貳陸建 中元年八月甲午張光晟殺突董條)云:

則知當時雜種胡人之稱實逕指

, 昭武

九姓月支種而言,

如新唐書貳壹柒上回鶻傅(參通

如哥舒翰等之例。

但更詳考

史傳, 據此

類史料,

始回紇至中國, 常參以九姓胡 往往留京師, 至千人, 居貲殖産甚厚。 酋長突董翳蜜施

大小梅録等還國 裝橐 係道。

所言與舊唐書壹貳柒張光晟傳云:

者同是一事,而舊傳之所謂雜種胡即九姓胡, 建中元年迴紇突董、梅録領衆並雜種胡等自京師還國,輿載金帛相屬於道。 可為確證。 然則舊唐書之稱安禄 山為雜種胡人

胡, 者, 血統之特徵。 故曰 實指其九姓胡而言, 又其目史思明為突厥雜種胡人者, 「突厥雜種胡 至其以史為姓者, 人」也。觀於史思明與安禄山俱以 蓋從父系突厥姓阿史德或阿史那之渻稱, 通六蕃語為互市郎, 殆以其父系為突厥 不必為母系昭 正是具 而母 有中 系為羯 亞 武九姓 胡 種

之史也。

又考安史生長之地即營州,在開元之初已多中亞賈胡, 如舊唐書壹捌伍下良吏傳宋慶禮傳(新

城, 初營州都督府置在柳城,控帶奚、契丹,則天時都督趙文翽政理乖方,兩蕃反叛, ,其後移於幽州東二百里漁陽城安置。開元五年奚、契丹各款塞歸附,玄宗欲復營州於 攻陷州

乃詔慶禮等更於柳城築管州城,俄拜慶禮御史中丞兼檢校管州都督,

開屯田八十餘

所, 追拔幽州及漁陽、淄青等户, 招輯商胡, 爲立店肆。

此必其時營州區域之內或其近傍頗有西域買胡,慶禮始能招輯之也。故營州一地在開元以前

更試 多中亞胡人, 檢新唐書安禄山傳(參考安禄山事跡),如言: 可知之矣。

潛遣賈胡行諸道,歲輸百萬。

及

凡降蕃夷皆接以恩,禄山通夷語,躬自尉撫,皆釋俘囚爲戰士, 故其下樂輸死, 所戰無

前。

等,則安禄山利用其中亞胡種商業語言特長之例證也。 又如言: 養同羅降契丹曳落河八千人爲假子。

上篇 統治階級之氏族及其升降

及

禄山 已得[阿]布思之衆,則兵雄天下。

則安禄山利用其混合血統胡人之資格, 籠絡諸不同之善戰胡族, 以增強其武力之例證也。

故據新唐書壹壹捌韋湊傳附見素傳云:

明年(天寶十四載),禄山表請蕃將三十二人代漢將,

帝許之。

見素不悦,

請 楊

一姦臣

禄山反狀暴天下, 今又以蕃代漢, 難將作矣。」未幾, 禄山反。 國忠曰:

傳李林甫傳同,又大唐新語壹壹懲戒篇及諛佞篇尤可參校)云:: 可知禄山之舉兵與胡漢種族武力問題有關也。至舊唐書壹佰陸李林甫傳(新唐書貳貳叁上

戰有勇 國家武德、 之任故也。 南固位 仙芝、哥舒翰皆專任大將, 以重臣領使以制之。 寒族即無黨援。 志欲杜出將入相之源, 貞觀已來, 開元中, 蕃將如阿史那社爾、契苾何力忠孝有才略,亦不專委大將之任, 」帝(玄宗)以爲然,乃用[安]思順代林甫領 林甫利其不識文字,無入相由。然而禄山竟爲亂階 張嘉貞 嘗奏曰:「文士爲將怯當矢石、 王晙、 張説、 蕭嵩、 杜暹皆以節度使入知政事。林 不如用寒族蕃人。蕃人善 [朔方節度]使。 由專得大將 自是高 多

其寒族蕃人一語涉及唐代統治階級全部, 俟後論之。然安史叛亂之關鍵, 實在將領之種族,

則

又舊唐書壹玖玖上 東夷傳 高麗 傳 (新唐書壹 佰拾泉男生傳 附獻 誠 同

薛土摩支,摩支又讓獻誠。 衙文武官內擇善射者五人共賭之。 泉]獻誠授右衛大將軍,兼令羽林衛上下。 既而獻誠奏曰:「陛下令簡能射者五人, 内史張光輔先讓獻誠 天授中, 則 天嘗 爲第一, 内出金銀 獻誠復讓 所得者多非 寶 物 右 玉鈴 令宰 漢 衛 相 及南 官。

臣軍北

恐自此已後,

無漢官工射之名。伏望停寢此射。」則天嘉而從之。

東隅 至泉獻 武曌時 家傳言府兵制之破壞實始於則天時, 寅恪案:泉獻誠、 小國 誠為蓋蘇文之孫 L開始崩潰 能 屢抗隋唐全盛之日傾國之師, 薛土摩支皆蕃將也。武則天時, 不待玄宗 男生之子, 朝, 而漢將即 此亦 亡國敗降之餘 豈無故哉! 旁證。 此 混合集團之首領, 蕃將之武藝已遠勝於漢人,於此 蓋宇文泰所鳩合之六鎮關隴 裔 豈無故哉 其武伎精妙 其不如 猶 稱當時第 蕃將之善戰已如此矣。 胡漢 ---可見。 則高 合集 麗之以 鄴

新唐書壹貳柒張嘉貞傳附弘靖傳(舊唐書壹貳玖張延賞傳附弘靖傳同, 但無「俗謂禄山、

思明為二聖」之語)略云:

充盧龍節度使 衆滋 幽薊初效順 始入 幽 州, 俗謂 不能因俗制變 禄山 思明 故范陽復亂。 聖。 弘靖懲始亂 欲變其俗 乃發墓毁

上篇

寅恪案 聖人者唐俗稱天子之語。 如通鑑貳貳重上元二年三月條(舊唐書貳佰上、 新唐書貳貳

伍上史思明傳附朝義傳略同)略云:

(史)朝義泣曰:「諸君善爲之,勿驚聖人!」(寅恪案:此聖人指思明言。

胡注云:

當時臣子謂其君父爲聖人。

雖各有不同,但非此篇 其他藩鎮 rfij 史稱帝時代已六七十年 蓋安史俱 致變叛 胡化事跡於下, 稱帝, 故在其統治之下者率 則安史勢力在河朔之深 所論範 其種族、 河朔之地, 重 故不置言也。 文化二者之關 且久,於此可見。 禄山、 以聖人稱之,自無足 思明 係不待解釋 猶 存此 茲節録兩 尊號, 異。 自然明瞭。至其人前後逆順賢否 唐 中 所可注意者,穆宗 書所載安史同 央 、政府官吏以不能遵循舊俗 時 並 長慶初上 後來 河 . 朔及 距 安

其血統確有胡族分子者,如

舊唐書貳佰上安禄山傳附孫孝 哲傳(新唐書貳貳伍上 主逆臣傳同

孫孝哲, 契丹人也。

新 唐書貳佰 拾 其先奚也, 藩鎮 魏 博史憲誠傳(舊 内徙靈武 唐書壹捌壹史憲誠 爲建康人,三世署魏博將。

同書貳壹壹藩鎮鎮冀李寶臣傳(舊唐書壹肆貳李寶臣傳同)云:

李寶臣本范陽内屬奚也,善騎射,范陽將張鎖高畜爲假子,故冒其姓,名忠志,爲盧龍府

「りきョニリングニニュレー・マンドー・ショー・ファー・コン・マン・コート

同書同卷王武俊傳(舊唐書壹肆貳王武俊傳同)云:

入居薊。

年十五, 王武俊本出契丹怒皆部, 父路俱, 善騎射,與張孝忠齊名,隷李寶臣帳下爲裨將。 開元中與饒樂府都督李詩等五千帳求襲冠帶。

同書同卷王廷湊傳(舊唐書壹肆捌王廷湊傳同)云:

王廷凑本迴紇阿布思之族,隷安東都護府,曾祖五哥之,爲李寶臣帳下,驍果善門,王武 俊養爲子,故冒姓王,世爲裨將。

同書貳壹貳藩鎮盧龍李懷仙傳(舊唐書壹肆叁李懷仙傳同)云:

·書同卷李茂勳傳(舊唐書壹捌拾李可舉傳同)云: 李懷仙, 柳城胡也, 世事契丹,守管州,善騎射, 智數敏給, 禄山之反,以爲裨將。

李茂勳本迴紇阿布思之裔,張仲武時與其侯王皆降,

資沈勇善馳射,

仲武器之,

任以將

兵, 常乘邊, 積功賜姓及名。

同書貳壹叁藩鎮淄青李正己傳(舊唐書壹貳肆李正己傳同)云:

李正己, 高麗人,爲營州副將,從侯希逸入青州, 希逸母即其姑。

侯希逸

書壹肆肆侯希逸傳(舊唐書壹貳肆侯希逸傳同)云:

, 營州人, 天寶末爲州裨將, 守保定城。禄山反, 以徐歸道爲節度使, 希逸率兵與

安東都護王玄志斬之,韶拜玄志平盧節度使。玄志卒,共推希逸, 數有功, 然孤軍無援,又爲奚侵略,乃拔其軍二萬, 浮海入青州, 有韶就拜節度使。 據之,平盧遂陷

上引李 肅宗因以希逸爲平盧、 ,正己傳, 知侯希逸至少其母系出自高麗, 淄青節度使。 自是淄青常以平盧冠使。 雖其初不從安禄 山之命, 然其種族固含有胡

唐代中央政府之鉅患。推求其故,實由其統治者本從河朔胡化集團中分出者也。 人血脈 , 其部下兵眾亦是胡化集團。是以自李正己襲奪其業後, 淄青 一鎮亦與 泂 朔 同 風 遂為

唐書壹肆捌張孝忠傳(舊唐書壹肆壹張孝忠傳同)云:

間共推張阿勞、 張孝忠本奚種, 王没諾干二人齊名。 世爲乙失活酋長。父證,開元中提衆納款。孝忠始名阿勞, 没諾干, 王武俊也。 天寶末以善射供奉仗内, 以勇聞。

百 害頂頂 肆上叛臣傳李懷光傳(舊唐書壹貳壹李懷光傳同)云: 渤海靺鞨人, 本姓茹, 父常, 徙幽州, 爲朔方部將,

奏爲偏將。禄山、史思明陷河洛,

常爲賊前鋒

朝義敗

乃自歸。

以戰多賜姓,更名嘉慶。

光在軍以積勞爲 都虞候 節度使郭子儀以紀綱委懷光。

寅恪案 李懷光乃朔方軍將, 屬於別一系統 不在 河朔範 重 然以其先嘗 居 幽州, 故亦附及之。

至唐室中興元勛李光弼, 則新唐書壹叁陸其本傳(舊唐書壹壹拾李光弼傳略同)云:

營州柳城人, 父楷洛以武后時入朝。

是 亦出於東北胡族 且與安禄山 同鄉里, 不過政治上適立於相反之地位耳。

故亦與胡人無異者也。 以上諸人皆確為胡族無復疑義。 列之於下。 其要點在無論實為漢人或有胡族之嫌疑, 如新唐書貳壹拾藩鎮魏博傳田 又有實為漢人, 或雖號漢族, 承嗣 其人 傳 心家世或本身居 (舊唐 而帶胡種嫌疑 書壹 肆 壹田 住 未能決定者, 承嗣傳 河朔, 同)云: 久已胡化 兹並

田 承嗣 平州盧龍人也, 世事盧龍軍, 以豪俠聞 隷安禄山 麾下。

·唐書壹肆壹田弘正傳(新唐書壹肆捌田弘正傳同)略云:·

舊

E H 弘正祖延惲, 「臣家本邊塞, 魏博節度使承嗣之季父也。弘正善騎射 累代唐人,驅馳戎馬之鄉, 不睹朝廷之禮, 爲衙内兵馬使, , 伏自天寶已還, 幽陵肇亂 既受節鉞, 上表

東奥壤, 悉化戎墟, 官封代襲, 刑賞自專。

唐書貳壹拾藩鎮魏 進 滔 靈武人 博 世爲本軍校 何進 酒傳(舊唐書壹捌壹何進滔傳同)云: 少客魏, 委質軍中。

新

胡,其本身又居魏 前引新唐書西域傳, 而當時魏地亦胡化區 昭武九姓中有何姓, 域 也。 何進滔又從靈武徙居於魏, 故疑其先世是羯

舊唐書壹捌壹韓允忠傳(新唐書貳壹拾藩鎮魏博韓君雄傳同)云:

E 一書同卷樂彦禎傳(新唐書貳壹拾藩鎮魏博樂彦禎傳 韓允忠, 魏州人也, 父國昌,歷本州右職。

樂彦禎 魏州人也, 父少寂, 歷宣、 博、 貝三州刺史。

書同卷羅弘信傳(新唐書貳壹拾藩鎮 魏博羅弘信傳同

日

羅弘信 魏州貴鄉人, 曾祖秀, 祖珍, 父讓, 皆爲 本州

夢瑣言伍中書蕃人事條, 羅亦胡姓, 然則羅弘信不獨世居胡化之地, 且有本出胡族之嫌疑

朱泚 幽州昌平人, 父懷珪事安史二賊

|貳伍中逆臣傳朱泚傳(舊唐書貳

佰下朱泚

傳同)云:

新唐書貳

朱滔 賊泚之弟也。 舊唐

書壹肆

叁朱滔傳(新

唐書貳壹貳藩鎮盧龍朱滔

傳

同

新 唐書貳壹貳藩鎮盧龍朱克融傳(舊唐書壹捌拾朱克融傳同)云:

舊唐書壹肆叁劉怦傳(新唐書貳壹貳藩鎮盧龍劉怦傳同)云:

幽州昌平人也,父貢嘗爲廣邊大斗軍使, 怦即朱滔姑之子。

新唐書貳壹貳藩鎮盧龍李載義傳(舊唐書壹捌拾李載義傳同)云:

李載義自稱恒山愍王之後,

性矜蕩,

,好與豪傑遊,

力挽强搏鬥,

劉濟在幽州高其能

引補

人也。 李載義之稱承乾後裔, 固出依託, 即使其真出自承乾,亦與河朔諸漢將同為胡化之漢

新唐書貳壹貳藩鎮盧龍楊志誠傳(舊唐書壹捌拾楊志誠傳同)云:

楊」志誠者事 [李]載義爲牙將, 載義走, 因自爲都兵馬使, [大和]八年爲下所逐, 推部將

唐書史憲誠傳),故史元忠殊有源出胡族之嫌疑也 史那氏、 寅恪案:楊志誠、史元忠之氏族史傳不詳, 阿史德氏皆消作史氏, 中亞昭武九姓中有史氏, 無以確言,但俱為胡化之人,則無可疑者。 史憲誠本奚族, 亦姓史氏(見前引兩 突厥阿

新唐書貳壹貳藩鎮盧龍張仲武傳(舊唐書壹捌拾張仲武傳同)云:

皆遊客,人心不附;仲武舊將張光朝子,年五十餘,通書習戎事,性忠義,願歸款朝廷舊 吴仲舒入朝,請以本軍擊回鶻。 張仲武,范陽人,通左氏春秋,會昌初爲雄武軍使。 [李]德裕因問北方事,仲舒曰:「行泰(及殺行泰之張)絳 [陳]行泰殺[史]元忠, 而仲武遣其屬

」德裕入白帝, 擢兵馬留後, 絳爲軍中所逐。

李文饒之策略 以得軍心者,以本為范陽土著,且家世舊將, 寅恪案 陳行泰、張絳始末不詳, 仲武亦未必遽得為鎮將也。 可不置論。 張仲武受漢化較深, 而陳行泰、張絳俱是遊客, 在河朔頗為例外, 故不能與之爭, 然跡其所 然非

新唐書貳壹貳藩鎮盧龍張允伸傳(舊唐書壹捌拾張公素傳同)云: 張允伸,范陽人,世爲軍校。

同書同卷張公素傳(舊唐書壹捌拾張公素傳同)云: 公素,范陽人, 以列將事[張]允伸。

書同卷李全忠傳(舊唐書壹捌拾李全忠傳同

日

書同卷劉仁恭傳云

李全忠

范陽人

仕爲棣州司馬,

罷歸,

事[李]可舉爲牙將,

可舉死,

衆推爲留後。

劉仁恭,深州人,父晟客范陽,爲李可舉新興鎮將,故仁恭事軍中。

舊唐書壹捌拾朱克融等傳末略云:

有時命帥, 曰:彼幽州者, 而士人多務逐君,習苦忘非,尾大不掉,非一朝一夕之故也。 ,其民剛强,近則染禄山、思明之風,二(?)百餘年自相崇樹,

雖朝廷

新 唐書貳壹叁藩鎮橫海程日華傳(舊唐書壹肆叁程日華傳同)云:

程日華,定州安喜人,父元皓爲安禄山帳下,僞署定州刺史,故日華籍本軍,爲張孝忠牙

同書貳壹肆藩鎮彰義吳少誠傳(舊唐書壹肆伍吳少誠傳同)云: 司 書同卷李全略傳(舊唐書壹肆叁李全略傳同)云: 李全略事[鎮州]王武俊爲偏裨。

吴少誠 , 幽州潞人(父爲魏博節度都虞候

百 ·書同卷吳少陽傳(舊唐書壹肆伍吳少陽傳同)云·

職 少陽者,與[吴]少誠同在魏博軍,相友善,少誠得淮西,多出金帛邀之,養以爲弟,署右 親近無間。

書同卷藩鎮澤潞劉悟傳 (舊唐書壹陸壹劉悟傳同)云:

百

劉悟其祖正臣, 平盧軍節度使,襲范陽,不克,死。

上篇

統治階級之氏族及其升降

寅恪案: 舊唐書壹肆伍劉全諒傳(新唐書壹伍壹董晉傳附陸長源傳同)略云:

使, 仍賜名正臣, 襲范陽, 父客奴由征行家於幽州之昌平,少有武藝,從平盧軍, ,爲逆賊將史思明等大敗之, 正臣奔歸, (天寶)十五載 爲王玄志所鴆而卒。 四 月授客奴平盧軍

據此,知劉氏亦家於幽州昌平,漸染胡化者也。

舊唐書壹貳貳張獻誠傳(新唐書壹叁叁張守珪傳附獻誠傳同)云:

張獻誠 陝州平陸人, 幽州大都督府長史守珪之子也, , 天寶末陷逆賊安禄山, 受僞官,

連

書壹貳肆薛嵩傳(新唐書壹壹壹薛仁貴傳附嵩傳同)云:

口

陷史思明,

爲思明守汴州,統逆兵數萬。

薛嵩,絳州萬泉人,祖仁貴,高宗朝名將,封平陽郡公,父楚玉,爲范陽平盧節度使。嵩 有膂力,善騎射,不知書,自天下兵起,束身戎伍,委質逆徒。

胡化, 寅恪案:張獻誠、薛嵩雖俱大臣子孫,又非河朔土著,然以其父官范陽之故,少居其地,漸染 竟與田 [承嗣之徒無別。甚哉風俗之移人若是,而河朔當日社會文化情狀,亦可想見矣。

舊唐書壹貳肆令狐彰傳(新唐書壹肆捌令狐彰傳同)云:

令狐彰, 彰遂少長范陽, 京兆富平人也 善弓矢,乃策名從軍。 父濞, 初任范陽 縣尉, 事安禄山 通幽州人女,生彰,及秩滿, 留彰於母

口 一書同卷田神功傳(新唐書壹肆捌田 一神功傳同)云:

田 神功 冀州人也, 家本微賤,天寶末爲縣里胥,會河朔兵興,從事幽薊。

新唐書壹肆捌康日

寅恪案:以康日知姓氏及籍貫言之,當亦中亞胡種也。 康日 知, 靈州人,祖植, 知傳云 當開元時縛康待賓,平六胡州, 日知少事李惟岳, 累擢趙州刺史。

牛元翼,

新唐書壹肆捌牛元翼傳云:

趙州人, 王承宗時, 與傅良弼冠諸將。

良弼清河人, 以射冠軍中。

舊

唐 書壹肆伍李忠臣傳(新唐書貳貳肆下叛臣傳李忠臣傳同)云:

李忠臣本姓董 名秦, 平盧人也,世家於幽州薊縣。 忠臣少從軍, 事幽州節度使薛楚玉

張守珪 安禄山等。

司 書同卷李希烈傳(新唐書貳貳伍中逆臣傳李希烈傳同)云: 李希烈,遼西人,少從平盧軍,後從李忠臣浮海至河南。

政府 上所引諸人氏族或確是漢人,或有胡種嫌疑,或為唐室大臣子孫,或出微賤之族,其於中央 或忠或叛, 復有先後順逆等之互異。要而言之,家世或本身曾留居河朔及長於騎射二事則

上篇 統治階級之氏族及其升降

大抵相類 斯實河朔地域之胡化演變所致者也。 新唐書壹肆捌史孝章傳載其諫父憲誠之言

天下指河朔若 夷狄然

又同 書貳壹拾藩鎮傳序 **云**:

遂使其 人由羌狄然, 乾唐亡百餘年率不爲王二。

在李唐最盛之時即

玄宗之世,

東漢 隅如

魏晉、 弘正

北朝文化最高之河朔

地域

其胡化

亦

江開

始

此

故不待五代之亂

神州

東北

田

所謂「悉化戎墟」矣(見上引田

弘正

傳

0

尤

П

異者

即

自昔史家勘有解 釋, 茲試作 假説, 以待將來之確證, 然私心殊未敢自信也。

北突厥 地必有胡族之遷徙無疑。 依據上 列史料 蓋舊 稱 如此)、 知神州東北 迴紇、 凡居東北與河朔有關之胡族如 隅河朔地域之内, 奚、 契丹之類移居於與其部落鄰近之地, 其人民血統屬於漢種者 高 麗、 東突厥(唐會要、 如河 既若是之胡化 朔 舊唐書俱 域 自有可 、謂之 則其

能, 遠自 因 而於事 西北萬里之外短期之内忽然遷移至東北端濱 其遠因 理亦易可通 為隋季之喪 者也。 亂 獨中 其中 或 東北 因為東突厥之敗亡, 隅河朔之地而有多數之中亞胡人, 海之區 其近 恐不可能。 因 或主 姑就 因為東突厥之復興。 舊 甚為 史所載者考之, 難 解。 若彼輩 似

所謂

季之喪亂者 即舊唐書玖叁唐休璟 傳(新唐書壹壹壹唐休璟傳略)略云:

授管州户曹。 調露中單于突厥背叛 誘扇奚 契丹侵略州縣 後奚、 羯胡又與桑乾突厥同

反, 都督周 道務遣休璟將兵擊破之, 超拜 豐州司馬。永淳中朝議欲罷豐州 休璟上 疏

交侵, 乃以靈夏爲 邊界。 貞觀之末始募人以實之, 西 北 乃遷徙百姓就寧慶 隅方得寧 滥

豐州自秦漢已來,

列爲

郡縣

隋季喪亂

不能堅守,

州

致使戎羯

隋季侵 太子注), 佰叁弘道元年五月條改「戎羯」為「胡虜」, 固以「戎羯」為泛稱(見後漢書肆 十月條俱 之良機會 寅恪案:中 篇 略 入西北, Z. ,兩唐書唐休璟傳或可於此事略露消息也。 無一奚、 然於此恐不免疏 -亞羯胡必經 輾轉 羯胡與桑乾突厥同反」之語, 又新 移來, 由中國 誤也。 此於事實頗為合理者也。所謂東突厥之敗亡者, 西北, 然則調露前後中國 而漸 至東北。 在隋 唐書唐休璟傳雖亦作「戏羯交侵」, 東北部已有 惟新唐書唐休璟傳及通鑑貳 末中 -國擾 不少羯 亂之世最 胡 捌吳蓋陳臧 為中亞 而羯胡之遷徙實由 即戈本貞觀 佰 胡 貢 人逐 而通 傳論章 調露 漸 鑑貳 轉徙 元年 懷

徒 朝士相半。唯拓拔不至,又遣使招慰之,使者相望於道。 一突厥 中國 頡 利破後, 上疏云云, 太宗不 諸部落首領來降者皆拜將軍中郎將, 納 布 涼州都督李大亮以爲於事無益 列朝廷, 五品已上百餘 殆與

是杜 寅恪案 氏略去。 通 典意玖柒邊防典 又拓拔 」作「柘羯」, 突厥傳上 尚未經後 與此 同, 人誤改。 蓋皆源 出太宗 舊唐書陸貳及新唐書玖玖李大亮傳紀此 演録 也。 惟無「太宗不納」之句,當

事 非 國之 有 或歸 此 關 大局 所能 領部置於其管制下 鄙意吳 降 俱只舉酋長之名, 必有 蓋柘羯 中 於詳及 省 國之時代 八書似 少數 莫過於東突厥之復興 茲惟 得其 種原 柘羯因之東徙 大抵在武 實 就 在 兩唐 之事 而通鑑壹玖叁貞觀四年秋九月條則不 西突厥範 而 實 兩 書所載東突厥復興 則天及唐 也。 心者矣。 唐書大亮傳 圍 開 内 所謂 即骨 也。 於 玄宗開 東 又兩 突厥 咄禄 東突厥之復 乃後來修飾 元之世。 (與 自 唐書大亮傳俱言太宗從大亮之請 西突厥 默啜 頡 利 風光者 之詞 兄弟武 而此 於 關係之史料略引一二, 貞 二十年間 觀 故君卿於此闕疑耶? 力之開 即綜考上引史料 著酋長之名, 時 破 滅 拓遠 中 後 或 至 東 及 骨 中 北 而以 咄 亞 方胡 禄 諸 M. 西突厥」 供推證焉 族之活 然則 與 竟 胡人入居 復興之始末 取 貞 觀 西突厥帝 東突厥之 動其 政 泂 要 語 朔 概 最

舊 唐 書壹玖肆 骨咄禄, Ė 頡利之疏屬 北 突厥傳(新唐書貳壹伍 自立爲可汗,以其弟默啜爲殺 上突厥傳同)略 云 骨咄禄天授中病卒。

以

禄死 時 其子尚幼, 默啜遂篡其位 自立 爲 可汗。

默啜立

其弟

悉匐

爲 部仍令一人統 五 小 一咄陸 可汗, 其右厢號爲五弩失畢。 仍主 咄 之, 處木昆 爲左 號爲十 等 厢 察, 設 姓(寅恪案 骨咄禄子 每設 賜以 五咄陸部落居於碎葉已東 默矩爲 舊唐 箭 書壹 故稱 右 厢察, 政肆 一箭馬。 T 各主 ·西突厥傳 又分十箭爲 兵馬二 五弩失畢部落居於碎 云: 萬餘人, 其 左 國 右 又立 厢 分 爲 其子匐 其 左 厢 號 每

西,自是都號爲十姓部落。其咄陸有五啜,一曰處木昆啜云云。」)兵馬四萬餘人,又號爲

拓西可汗。

里, 初默啜景雲中率兵西擊娑葛,破滅之。契丹及奚自神功之後常受其徵役,其地東西萬餘 控弦四十萬, 自頡利之後最爲强盛, 自恃兵威, 虐用其衆, ,默啜既老, 部落漸多逃

散。 開 元]四年默啜又北討九姓拔曳固,戰於獨樂河, 拔曳固大敗, 默啜負勝輕歸,

而不設

備 遇拔曳固进卒頡質略於柳林中, 突出擊默啜, 斬之。

同書同卷下西突厥阿史那彌射傳附孫獻傳 (新唐書貳壹伍下西突厥傳略同)云:

長安元年充安撫招慰十姓大使,獻本蕃漸爲默啜及鳥質勒所侵,遂不敢還國。

書同卷阿史那步真傳(新唐書貳壹伍下西突厥傳略同)云:

百

西突厥阿史那氏遂絶。 自垂拱已後十姓部落頻被突厥默啜侵掠, (寅恪案: 通鑑貳 「佰肆紀此事删去「默啜」二字, 蓋與上文「垂拱」 死散殆盡。 及隨斛瑟羅纔六七萬人, 徙居内地、

字衝突之故,於此足徵温公讀書之精密。)

同書同卷突騎施烏質勒傳(新唐書貳壹伍下突騎施烏質勒傳同)云:

突騎施烏質勒者, 西突厥之别種也。 烏質勒卒,其長子娑葛代統其衆, 景龍三年娑葛弟遮

其 弩恨所分部落少於其兄, 左 右來討娑葛, 擒之而還。 遂叛入突厥, 請爲鄉導以討娑葛。默啜乃留遮弩, 遣兵二萬人與

史所 宗以 蹂躪 此 複 又包括東北及西北之諸胡種,唐代中央政府若欲羈縻統治而求一武 史言 載 東北 遂與 雜胡族方隅之主將 引諸 即在 往 諸鎮付之禄 一默啜 出於李林 日之河朔 其殘敗 既 可知 老 良 甫固 Ш 迥然不同, 微之後 東突厥 部落漸 位之 雖尚 則柘羯與突厥合種之安禄山者, 亦仍吸收 復興後之帝國 多逃散」, 私謀 有他故 而成為 Iffi 其 然則中國 而禄 耶 混 逃亡離散之諸 ? 其 山之種性與河朔之情勢要必為其主因, 雜之胡化區 勢力實遠 河 朔之地不獨當東突 胡部 泛及中 域矣。 實為適應當時 落 亞 夫此 故民 此時 區 族受其 必有 |厥復 力與權術兼具之人才,為 域之民 環境之唯一上選也。 中 與 Ē 影 盛 族 響 胡 強之 既 族 已脱離漢化 豈得僅如舊 自 風 時 俗 遭 東北遷徙 為之轉 其 (侵 軼 艺

位政 之系統及階級, 更總括以 大柱國家即其代 策 而隋 」所鳩合集團之興 唐繼其遺産 所述者論之, 故李氏據帝位, 表也。 又擴充之。其皇室及佐命功臣大都 衰及其分化。 當李唐初期此集團之力量猶未衰 則知有唐一 主其軸心, 代三百年 蓋宇文泰當 其他諸族入則為相, 間 其 H 統治階級之變遷 融 冶 關 損 雕胡 西 皇室與 魏以來 漢 出則為將 民族之有武 升降, 此 其將相 關 隴 即 大臣 集團 是宇文泰「關 自無文武分途之 力 幾 中 才 全出 智者 人物 於 所謂 同 以 中 創

至其

介所以

則非好學深思通識古今之君子,

不能詳切言之也。

崇尚 隅, 為 復合。 李氏 級 既 在 由 破 故文武 統治 塚後 則其 此 其 翰 進 年之久 詩之 事 舉凡 西魏 林 至玄宗尤稱李唐 士文詞之科 階級 俱 間 相大臣與皇室亦為同類之人, 學士中選出 徴象。 成 不殊途 皇室 進士 固 以 無閹 來 於玄宗之世。 自身本已逐 擁蔽 科 始 晶 是以論 舉之崇 寺階級 與 破格用人及漸毀府兵之制等皆是也。 雕 皇 外朝之將 而將相 集團之内 邊鎮大帥之職捨蕃將莫能勝任,而將相文武 室 盛 唐史者必以 統 世, 漸 重 可兼任 斯實字文泰所創 良 治國 而 然其 腐 與 相 府 外朝之將相大臣相 大臣 因欲消滅 兵之廢除 政之餘地也。 祖 武 今既別產生一以科舉文詞進用之士大夫階級 即 13 氏 玄宗之朝為時代畫 士大夫 開 其間更不容別 更加以 始 唐室之勢力 建之 破 以及宦官之專擅 及將 坡關 破 抑 壞, 開 更可注 對抗 隴 隴 帥 遂致分崩墮落不 集團完全崩 屬 集團之工 此關 遂開 統治 於不 分界綫 意者 假使 隴 始 同 階級之存在 朝 之階 施 皇室與 事竟及其 集團自西魏迄 政, 關 潰 行 其 隴 蕃漢進用之途, 破 級 事 蕃將即 集團本融 外 可 壞此 及唐代 雖 廷 (身而 救止 也。 百 為治國 將 傳 時 胡化武 統 武 至於 相 告完 閣 統 合胡 其後 、嬰歷 治階 寺 集 大 | 史者 黨 成 團 武 遂分歧 皇位 矣。 級 人之割 則率 漢文武 時 曌, 類 所得略知 轉 鷹 亦 既 移 相 於 此 雖 其 因 經 作 升降 據方 不能 集團 復歸 不 為 氏 是 一百 階 變 口 如 族

中篇 政治革命及黨派分野

黨派若牛李等黨究如何發生?其分野之界綫何在? 斯皆前人所未顯言而今此篇所 唐代皇位之繼承常不固定,當新舊君主接續之交往往有宮廷革命, 史之亂以前地方政治革命均不能成功,且無多影響?而中央政治革命亦何以有成 唐代政治革命依其發源根據地之性質為區別, 壹論關中事宜狀 上篇言字文泰以「關中本位政策」創建霸業, (參新唐書壹伍柒陸贄傳、 通鑑貳貳捌建中四 隋唐因之, 則有中央政治革命與地方政治革命二類。 遂混一中國,為極盛之世。 年八月條 其原因為何?及外廷士 功與 欲討論者也。 陸宣公奏議 失 何以安 敗

餘所,而在關中者殆五百焉,舉天下不敵關中, 太宗文皇帝既定大業, 萬方底义, 猶務戎備, 不忘慮危 則居重馭輕之意明矣。 列置府兵 分置禁衛, 承平既久,武備寝微 大凡諸府八百

雖府衛具存, 而卒乘罕習, 故禄山竊倒持之柄, 乘外重之資, 一舉滔天, 兩京不守。

寅恪案: 此不獨臣下立言之體宜然, 陸敬興所言唐代內外輕重之形勢與政治之關係固甚確切, 實亦由於府兵制度之起原及其發展頗有誤會所致。 但唐人論事多追頌其祖宗創 蓋府兵

中篇 政治革命及黨派分野

方革 制為字文泰當日「關中本位政策」中最要之一端, 破 則 制 如 天 壞 度 李繁之鄴侯 淵 世「關中本位政策」完全改變,所以 所 前 以 則 源 略論 成 無論 凡 操持 功 如 稿兵制章詳言之, 家傳為唐 與 何 關 夫隋 名 中 Ī È 煬帝遠 言 人論府兵制主 權之政 順 遊江 終歸 府 茲可不論。 即 左 失 F 敗 要之書, 以 、地方政 所以 幸 此 制 卒 然可由宣公之言推定 全國 點 喪邦 其間多所未 治革命始 Ħ 以 此 故政 家 解 政策之實情自唐 釋 能 唐高 尉 治革命只 成 諦 遲 功, 祖 迥、 速 他 而 徐 其 更 據 有 在 無 唐 開 敬 中 初以降已不復為世人所 開 論 室之衰亡實 中 業 央政治 矣, 所 中本位 以 所 以 此 失 革 獨 敗 命可 事已於拙著 政 由 成 策」猶未 於地 帝 隋 以 業 文 成 方 功 完全 政 迨 知 之 地

以 實 或 成成 禁軍之手 功 ·附論 唐代在 但中 明 都 央政 關中 城 而 建 北 治革 築 門之重 本位政策」即 前 一命有 要則 O 成 茲僅 由 功, 於 内 略述大意, 唐代都城 亦有失敗 重外輕之情形未變易以 建置之形勢使然, 附載唐代 其故又安在? 歷次中 前 應之日 央政治革命 其 其政治 詳 見 . 其關 拙 革命惟有在 著 與 廥 鍵 言 唐 實繫於守 城 制 北門 度 中 淵 央發 有 衛自 源 關 略 動 之史 者 論 城 ik 미

革命之安、史、

龐勛

黃巢等之叛

亂

及黄巢部將朱溫

之复奪也

権捌 玖南 貢 陸 衙北司 李揆傳 條)云: (参新 唐 書伍拾兵志及壹伍拾李揆傳、 通鑑貳貳壹乾元二年三月條、

時京師多盗賊,有通衢殺人寘溝中者。李輔國方恣橫, 上請選羽林騎士五百人以備巡檢。

揆上疏曰:「昔西漢以南北軍相統攝,故周勃因南軍入北軍(寅恪案:新傳亦與舊傳同 因南軍入北軍」,其實應作「因北軍入南軍」,此揆元疏之誤,非傳寫之譌也。 通鑑此條胡 作

以 相信察。今以羽林代金吾警夜,忽有非常之變,將何以制之?」遂制罷羽林之請。

注明知其誤,猶只云:「恐不如此」,亦太謙慎矣),遂安劉氏。

皇朝置南北衙, 文武區分,

又同 [書壹陸捌馮宿傳附弟定傳(新唐書壹柒柒馮宿傳附弟定傳同)云::

改元[開成],御[宣政]殿,中尉仇士良請用神策仗衛右殿,定抗疏論罷。

通鑑貳肆伍開成元年正月載此事, 胡注云:

南衙十六衛之兵至此雖名存實亡。然以北軍衛南衙,則外朝亦將聽命於北司,既紊太宗之 紀綱, 又增宦官之勢焰,故馮定言其不可。

據此 城 適相反。 建置 可知唐代之北軍即衛宫之軍,權力遠在南軍即衛城之軍之上。其情勢與西漢南北軍所處者 與中央政治革命之關係 舅 於西漢南 北軍制, 自宋迄今, 一端而己。 論者多矣, 可以不贅。茲所欲論者, 即唐代北軍及都

面朝背市。

周官考工記匠人云:

據通 引有 成 記之文適 與太宗各領 武 北軍 敗 德九年六月四 其宫近 往 似 常之 器 其 唐代之長安 宮之北 亦為才智之人。 與西 以 悉決 無 史事於下 成 和符 央宫 疑 解 漢之南 城之北 敗論人 於玄武 所居之處 義 也。 軍。 南 H 考工 之司 然則 玄武 世與 門 其 北 官 及為太子 端 711 言 所言 記 至於元吉者 即 乃 馬門直 事 在城 其名 而市 此 Ė 政 國史復經勝利者之修改 門事變為唐代中央政治革 作 H 治 城北門 書作成之 厅 成 劇變時 則在 北 1雖同 其 抵 X 之時 一營國 城 南 其 故北 軍 所用官僚如 城之南方, 垣 為 代 而實 尤以 事之勝 成 時 朝 雖 軍為 敗之 其宫 代有 並無坊 晚 (勇武 際之輕 其 負 衛宫之武 所 北 市之位置 關 但 繋。 著聞 Ŧ 其宫市位置適與以 市 為 耶?至隋代所營建之大興城 必 市。 珪 重 而 為 命之第 則 故不易見當時 北 西 而未央宫長樂宫之北 儒 魏 力。 漢 相 故 軍 必有當 家 統制 之長 殊異 太宗 徵之流即 依據 苟明 一次,而太宗 也。 官與 之 安 日真實之背景者。 當日 其 乎 權 所得之資 其宫在 夫中 後 真 實 此 前之西漢長安城 市 相與競爭之人決非 來佐 相。 即 之位置 中 則 央政府之命令出於君主一人 成 然高 央政 唐 城 則有六街 料, 生最 貞觀 代 南 柄 祖 歷 即後 加 今知 次 起兵太原, 故 則 之治之名臣 艱危之苦 之所寄託 紅相反 以 中 南 官 一市 理 來唐代之長 在 央 軍 西 庸懦 政 想 為衛宫之武 漢 तें

故唐代之

之南

化

是 首

與

考

I

都 編

之長

無

能

F

也

建成

미

知 即 也 治

茲略

車

敗亡,似此二人曾絶無計慮及準備者,頗為不近情理,疑其間必有未發之覆,而相傳之史料復 又況建成以嫡長之名位,而內得高祖宮蘭之助乎? 太宗終能於玄武門一擊,而建成、元吉倉卒

多隱諱之處也

舊唐書陸捌尉遲敬德傳(新唐書捌玖尉遲敬德傳略同 隱太子、 巢刺王元吉將謀害太宗, 密致書以招敬德,)略云: 物一車,

仍贈以金銀器

敬德

中

事勢已就,

王何得辭?

」(中略)。

敬德曰:「在外勇士八百餘人今悉入宫,控弦被甲,

建成、元吉首以示之,宫府兵遂散。 [東]宫[齊王]府諸將薛萬澈、謝叔方、馮立等率兵大至, 屯玄武門,殺屯營將軍。敬德持

日 書同卷張公謹傳(新唐書捌玖張公謹傳同) 云:

來攻玄武門,兵鋒甚盛。 [武德九年]六月四日, 公謹與長孫無忌等九人伏於玄武門以俟變。及斬建成、 公謹有勇力, 獨閉關以拒之。 元吉, 其黨

.書壹捌柒上忠義傳上敬君弘傳(新唐書壹玖壹忠義傳敬君弘傳同)略云:

武德中爲驃騎將軍, 掌屯管兵於玄武門, 弘左屯衛大將軍, 立、謝叔方率兵犯玄武門, 世衡右驍衛將軍。 君弘挺身出戰 加授雲塵將軍。 與中郎將吕世衡並遇害。 隱太子建成之誅也, 太宗甚嗟賞之, 其餘

君弘 隱太子建成引爲翊 解兵遁 於野, 衛車騎將軍, 俄而來請罪。 建成 太宗數之曰:「昨日出兵來戰, 被誅 [立]率兵犯玄武門, 苦戰久之, 殺傷我將, 殺屯營將軍敬 何以逃死?」

日 日 卷謝 叔 方傳 略 Z.

太宗誅隱太子 及元吉於 玄武門, 叔方率 · 齊 王]府兵與馮立合軍拒 戰於北 闕下, 殺敬君

據此 太宗之所以得勝, 建成、元吉之所以致敗,俱由 一得以兵據玄武門即宮城之北門,一不

首

出世

貨

太宗兵不振,

秦府

護軍尉遲敬德傳元吉首以示之,

叔方下馬號哭而

遁。

明日

出

黨得先隱伏奪據 有 得以兵入玄武門故也。 發之覆 即玄武門 此要害之地平? 然則玄武門為武德九年六月四日事變成 地勢之重 要, 今得見巴黎圖書館 建成、元吉豈有不知,必應早有所防衛 藏敦煌 [寫本伯] 敗之關 希 和 鍵 號 貳陸肆 至為明 何能令太宗之死 拾李義府撰 顯 但此 中實 常 何

殺其兄弟之後 然後 至於敬君弘、 徳九年六 知 太宗與 月四 常何遂總率 (建成、 吕世衡則觀太宗數馬立罪 日常何實任屯守玄武門之職, 元吉兩方皆誘致對 北門之屯軍矣。 派所言 此亦新史料之發見, 敵之勇將。 故建成 殆與常何同為太宗之黨數? 常何 不以致疑, 舊 曾隷! 足資 愐 屬 建成 補釋舊 太宗 因 Ž 史 m **介所不能** 為太宗 竊 史料缺乏

迨太 所利

誘。

當武

端也。

未敢遽定,俟更詳考之。

舊唐書玖壹桓彦範傳(新唐書壹貳拾桓彦範傳同, 並參舊唐書壹捌柒上新唐書壹玖壹忠義傳王

口 一一皎傳)略

起居, [張]東之遽引彦範及[敬]暉並爲左右羽林將軍, ,張)易之、昌宗於宫中。令李湛、李多祚就東宫迎太子。兵至玄武門,彦範等奉太子 彦範與暉因得謁見, 李多祚, 右羽林將軍楊元琰,左威衛將軍薛思行等率左右羽林兵及千騎五 密陳其計, 太子從之。神龍 委以禁兵, 共圖其事。 元年正月彦範與敬暉 時皇太子每於北門 及左 百餘人討 羽林將軍

口 [書壹佰玖李多祚傳(新唐書壹壹拾李多祚傳同)略云:

而入。時則天在迎仙宫之集仙殿,斬易之、昌宗於廊下,

明日太子即位。

斬關

少以軍功歷位右羽林大將軍, 張易之兄弟擅權, 豈非大帝之恩乎?」曰:「然。」又曰:「既感大帝殊澤, 引多祚籌其事, 朝夕危逼,誠能報恩,正屬今日。」多祚曰:「苟緣王室,唯相公所 謂曰:「將軍在北門幾年?」曰:「三十年矣。 前後掌禁兵北門宿衛二十餘年。 能有報乎?大帝之子見 神龍初, 」東之日 張東之將誅張易之 將軍位極 在東

武則天雖居洛陽,然東都宮城之玄武門亦與長安宮城之玄武門同一位置,俱為形勢要

使。

」遂與柬之等定謀誅易之兄弟。

害之地。 中宗復辟之成功,實在溝通北門禁軍之故。 張柬之既得羽林軍統將李多祚之同意, 大

局 即定 雖以武曌之梟傑, 亦無抵禦之能力矣。

舊 唐書捌陸節 愍太子重俊傳 (新唐書捌壹節愍太子重 俊傳 同 略

神龍 武]三思及[武]崇訓於其第 召左 一三年七月 而入,求韋庶人及安樂公主所在。韋庶人及[安樂]公主遽擁帝(中 羽林將軍劉仁景等令率留軍飛騎及百餘人於樓下列守。 [重俊]率左羽林大將軍李多祚等矯 又令左金吾大將軍成王千里分兵守宫城諸門 制 發左右羽林兵及千騎三百餘人, Z. 俄而多祚等兵至 宗)馳赴玄武 自 率 兵趨 欲突玄

殺

門

散。 故作逆? 武門樓, 宿衛者拒之, 若能歸順, 斬多祚等, 不得進。 帝據檻呼多祚等所將千騎,謂曰:「汝等並是我爪牙, 與汝富貴。」於是千騎王歡喜等倒戈斬多祚等, 餘黨遂潰 何

然則中央政治革命之成敗與玄武門之地勢及守衛北門禁軍之關係如是重大,治唐史者誠不宜忽 故能據守玄武門樓之要地,及中宗親行宣諭 神龍 寅恪案 三年七月辛丑之役韋后、 李多祚以一人之身,一次躬率禁軍預聞中央政治革命之役, 舊唐書捌玄宗紀上(新唐書伍玄宗紀及通鑑貳佰玖景龍四年六月條同)略云: 安樂公主等猶得擁護中宗, 而多祚等所率之禁軍遂倒戈自殺,一 及保有劉 仁景等一部分之北門衛兵 然而前 後成敗互異 敗 塗地矣。 者,以

從,分遣萬騎往玄武門,殺羽林將軍韋播、高嵩,持首而至,衆皆歡叫大集。 [唐隆元年六月] 庚子夜[上] 率[劉] 幽求等數十人自苑南入,總監鍾紹京又率丁匠百餘以 攻白

官萬騎, 聞誤聲,皆披甲應之,韋庶人惶惑走入飛騎管,爲亂兵所害。

德等門,斬關而進。左萬騎自左入,右萬騎自右入,合於凌煙閣前。時太極殿前有宿衛梓

口 .書伍壹后妃傳上中宗韋庶人傳(新唐書柒陸后妃傳中宗韋庶人傳同,並參考舊唐書壹捌叁新 書貳佰陸外戚傳章溫傳)略云:

,后懼,秘不發喪。定策立温王重茂爲皇太子,召諸府兵五萬人屯京

(中宗)遇毒暴崩,

守援宫掖。駙馬韋捷、韋濯分掌左右屯營。武延秀及温從子播、族弟璿、外甥高嵩典左右 羽林軍及飛騎。播、璿欲先樹威嚴,拜官日先鞭萬騎數人,衆皆怨,不爲之用。臨淄王率 高嵩於寢帳, , 分爲左右營, 然後發喪。少帝即位, 尊后爲皇太后, 臨朝攝政。章温總知内外兵馬, 鍾紹京、 遂斬關 劉幽求等領萬騎入自玄武門, 而入,至太極殿, 后惶駭遁入殿前飛騎管, 至左羽林軍,斬將軍章璿、章播及中郎將

爲亂兵所殺。

百 書壹佰陸王 毛仲傳(新唐書壹貳壹王毛仲 傳同) 云

初太宗貞觀中擇官户蕃口中少年驍勇者百人,每出遊獵,令持弓矢於御馬前 著畫獸文衫,謂之百騎。至則天時漸加其人,謂之千騎,分隷左右羽林營。 孝和謂

千騎馬 制 宗訴冤。 玄宗舉火視之。又召鍾紹京領總監丁匠刀鋸百人至, 各取富貴, 決死從命。及二十日夜玄宗入苑中, 毛仲亦悟玄宗之旨 令章 萬 播、 騎矣, 亦置使以領之。 會玄宗已與劉 在於俄頃, 高嵩爲 温公之精密有如 , 待之甚謹, 玄宗益憐其敏慧。 羽林將軍, 幽求、 何以取信?」福順等請號而行, 玄宗在藩邸時,常接其豪俊者,或賜飲食財帛, 麻嗣宗、 是者), 令押千騎營(寅恪案: 乙夜福順等至, 薛崇簡等謀舉 榜錘以 取威。 及[景龍]四年六月中宗遇弑 大計 因斬關而入,后及安樂公主等皆爲亂 玄宗曰:「與公等除大逆, 其營長葛福順、 斯須斬 通鑑一千」作「萬」,是,蓋中宗已改 相顧 幸播、 益歡 幸審、 令幽 陳玄禮等 以此盡歸心焉。 求諷 高 嵩等頭 相與 安社稷 章后稱 皆 見 願 艺

韋后 又以 之玄武 寅恪案 上所述自高祖、太宗至中宗、玄宗,中央政治革命凡四次,俱以玄武 死黨守衛玄武門之羽 門事變 玄宗景龍四年六月二十日夜之舉 正復相似 林禁軍諸統將如韋播、 而成 敗不同者, 兵, 以玄宗能預結羽林 與三年前 韋璿、 高嵩等, 即神 連 龍三年七月六日節愍太子 騎諸營長葛 皆為其部下所殺故 門之得失及屯 福 順 陳玄 也 禮等 重俊 衛北 一發動 FF

其轉變不出闡闥之間, 兵不血刃,而全國莫之能抗, 則以「關中本位政策」施行 以來,

禁軍之向背為成敗之關鍵。然此皆訴諸武力,公開決戰者。至於武曌之改唐為周,

韋氏之潜移

内

重 外輕之勢所 致 也。 然自玄宗末年安史叛亂之後 内外輕 重之形勢既 與以前不同 中 央 政 變除

推之可知也), 構 極 成 少破例 戰 爵 及 極 其 事應列入統治階級之升降及黨派分野 小限制外,大抵不決之於公開 而在宫廷之内以爭取皇位繼承之形式出之。 戰爭(唐末強藩與中央政 範 屋 論之, 於是皇位 故凡 本 繼承之無固 府權臣及屬寺 書所 未 能 詳 定性 述者 離合之關 及 新 以義 類 係

唐 接續 開闡 之交, 時 建成即號為皇太子,太宗以功業聲望卓 輒有政變發生, 遂為唐代政 治史之一大問 越之故, 題 也 實有奪嫡之圖謀, 卒釀成

被 廢棄, 而諸子爭立,太宗心中之苦悶及其舉 止之失態, 觀 兩 唐書長孫無忌傳所載可知矣。

其他諸子又無太宗之功業聲望可以啟

其窺何之心者,

然承乾終

承乾

乃長

武德九年

且其事為世所習知者也。太宗立承乾為皇太子,

唇書陸伍長孫無忌傳(新唐書壹佰伍長孫無忌傳同)云:

舊

孫皇后之長子,

既居長嫡之位,

六月四

日玄武門之事變, 已詳前述,

抽佩刀欲 太子承乾得罪 及司空房玄齡、 自刺。 兵部尚書李勣 太宗欲立晉王, 無忌等 驚懼, 争前 而限以 謂曰:「我三子一弟所爲 扶抱 非次 取佩 迴惑不決。 刀以授晉王。 如 御 此 兩 無忌等請太宗所欲 儀 殿, 草官 盡 出 自 獨留 投於林 報曰:

宣拜謝。」因下拜。 立晉王。」無忌曰 太宗謂無忌等曰:「公等既符我意, 謹奉韶 有異 議者 臣請斬之。 未知物論何如?」無忌曰:「晉王仁 」太宗謂晉王曰 :「汝舅許汝

天下屬心久矣, 伏乞召問百寮, 必無異辭, 若不舞蹈同音, 臣負陛下 萬死。

i 定 因 加授無忌太子太師。 尋而 太宗又欲立吴王恪, 無忌密争之, 其事 遂輟

因此 定, 從得居 御前會議 為失態 則朝臣黨派之活動必不能止息,太宗之苦悶不堪,實職此之由也。又觀於其經此戲劇式之 太子之嗣位亦不得不別有擁戴扶立之元勛。若皇儲之繼承權本極固定者,則此輩元勛何 擁立之功 藉以籠制 太宗蓋世英雄,果於決斷, 建立晉王為太子之後,復欲改立吳王恪,可知當日皇位繼 郭? 諸腹心大臣,然其内心之煩惱迴惑已臻極點 而至皇位繼 承問題乃作如此可笑之狀 則無可疑。 承終是搖動不固定之事 蓋皇 雖或 位 施 用 承 權 既不 術 故

乃屬於別一範圍, 殺其親生之子孫, 至於高宗本庸懦之主, 茲不討論, 僅略引有關高宗武曌廢立其子之史文於下: 何況區 受制於武后, 區廢立之事?故其皇位繼承之不定乃更意中事也。 其皇儲之不固定夫何足怪?而武曌則為曠 若立子立姪之問題 # 怪 既 屢屠

舊唐書捌陸燕王忠傳(新唐書捌壹燕王忠傳同)云:

高宗長子也, [永徽]三年立忠爲皇太子, 顯慶元年廢忠爲梁王。

同書柒中宗紀略云

中篇

政治革命及黨派分野

永隆元年章懷太子廢,其年立爲皇太子。 弘道元年高宗崩, 即帝位, 嗣聖元年二月皇太后

元年正月張柬之等率羽林兵誅[張]易之、昌宗, 廢帝爲廬陵王,其年五月遷於均州,尋徙居房陵。聖曆元年召還東都,立爲皇太子。 迎皇太子監國。 乙巳則天傳位於皇太子,

丙午即皇帝位。

同書同卷睿宗紀略云:

宗爲皇太子, 嗣, 嗣聖元年則天臨朝, 徙居東宫, 其具儀 封帝爲相王。 廢中宗爲廬陵王,立[帝]爲皇帝。及革 一比皇太子。 聖曆元年中宗自房陵還, 景龍四年夏六月中宗崩 臨淄王諱[隆基]等率兵入北軍, 命,改國號爲周, 請讓位於中宗。 則天遂立中 降帝爲皇 誅韋

温等。甲辰少帝遜於别宫, 是日即皇帝位。

書壹壹陸承天皇帝倓傳(新唐書捌貳承天皇帝倓傳同,又參舊唐書捌陸新唐書捌壹孝敬皇帝

[李] 泌因奏[肅宗] 曰:「臣幼稚時念黄臺瓜辭,陛下嘗聞其説乎?高宗大帝有八子,

傳

章懷太子傳)云:

日

明孝悌, 弟同侍於父母之側 最幼,[與]天后所生三子自爲行第,故睿宗第四。長曰孝敬皇帝(弘), 辭云: 『種瓜黄臺下。 天后方圖臨朝 無由 取言, 乃鴆殺孝敬,立雍王賢爲太子。 瓜熟子離離。一摘使瓜好。再摘令瓜稀。 乃作黄臺瓜醉, 令樂工歌之, 冀天后 賢每日憂惕, 三摘猶尚可。 聞之省悟 爲太子監國, 知必不保全, 即 四摘抱 而仁

其本末今不能詳述,所欲論者,即中宗雖復立為皇太子,其皇位繼承權實非固定, 龍元年五月甲午以侍中齊公敬暉為平陽王條考異所引,而為司馬君實所不取之統紀原文,以佐 然最可注意者, 為必能終繼武曌之位 唐為中興復辟 (凡唐代之太子實皆是已指定而不牢固之皇位繼承者,故有待於擁立之功臣也)。此役之是非及 自武則天方面言之,則不過貪功之徒擁立既已指定而未甚牢固之繼承儲君 實神龍元年正月癸卯(二十日)玄武門之事變, 其事自唐室諸臣言之, 則易周為 1,無有可疑者,則五王等更將何所依藉,以為號召之口實耶?茲録 若全國 通 鑑神 俱認 而

太后善自粉飾, 形容羸悴。 雖子孫在側, 上(中宗)入見, 不覺衰老(其實此語通鑑上文已採用之矣)。 大驚。 太后泣曰:「我自房陵迎汝來, 固以天下授汝矣

説

馬,

其文ム

此節史料實可解釋中宗朝武氏權勢不因則天失位而消滅之故, 而五賊貪功,驚我至此。」上悲泣不自勝, 伏地拜謝死罪。 溫公轉不之信,無乃過於審慎 由是[武]三思等得入其謀。

舊唐書捌陸殤皇帝重茂傳云

歟?

中篇

政治革命及黨派分野

四年中宗崩, 章庶人立重茂爲帝, 而自臨朝稱制。 及韋氏敗, 重茂遂遜位, 讓叔父相

同書同卷節愍太子重俊傳(新唐書捌壹節愍太子重俊傳同)云: [神龍] 二年秋立爲皇太子,時武三思得幸中宫,深忌重俊。三思子崇訓尚安樂公主,常教

公主陵忽重俊, 以其非韋氏所生, 常呼之爲奴。 或勸公主請廢重俊爲王,自立爲皇太女、

後不勝忿恨。

成器 其皇位繼承之不固定,無待言矣。至玄宗雖非長嫡,然以誅滅韋氏戴立睿宗之大功得越其嫡兄 睿宗嫡長子成器雖曾居皇太子之位,終以其庶弟隆基(玄宗)功業顯著之故,而讓皇儲之位。是 實以既受武三思父子及安樂公主等之陵忌,明知其皇位繼承權至不固定,遂出此冒險之舉耳。 寅恪案 何況其非韋氏所生者乎?重俊起兵失敗,已於前言之,茲不復論,但究其所以舉兵之由 立為皇太子, : 殤帝重茂以韋氏敗見廢,假使韋氏不敗, 此蓋有懲於建成太宗之故事, 宜其皇位繼承權之固定, 及考諸記載, 而做武曌之前例行事,則重茂亦未必能久

唐書玖伍讓皇帝憲傳(新唐書捌壹讓皇帝憲傳同)云:

不然,

茲略引史文以證明之。

爲皇孫,唐隆元年進封宋王。睿宗踐阼,將建儲貳, 讓皇帝憲本名成器,睿宗長子也。文明元年立爲皇太子,及睿宗降爲皇嗣, 以成器嫡長 而玄宗有討平韋氏之 則天 册授成器

·· 書捌玄宗紀上(新唐書伍玄宗紀略同)略云:

武德殿視事,三品以下除授及徒罪皆自決之。先天二年七月三日左羽林大將軍常元楷、右 矣。」睿宗曰:「傳德避災,吾意決矣。」七月壬午制曰:「皇太子可令即皇帝位!」上(玄 月兇黨因術人聞睿宗曰:「據玄象,帝座及前星有災,皇太子合作天子,不合更居東宫 羽林將軍李慈等與太平公主同謀,期以其月四日以羽林軍作亂, 宗)叩頭請所以傳位之旨。 曰:「皇太子[隆]基宜令監國!其六品以下除授及徒罪以下並取[隆]基處分!」延和元年六 入虔化門,梟常元楷、李慈於北闕。睿宗明日下韶曰:「朕將高居無爲,自今軍國政刑一 [唐隆元年]七月丙午[睿宗]制曰:「第三子[隆]基可立爲皇太子!」[景雲]二年二月又制 睿宗曰:「吾因汝功業得宗社,易位於汝,吾知晚矣。」上始居 上密知之, 因出武德殿,

事已上並取皇帝處分!」

同 書玖陸姚崇傳(新唐書壹貳肆姚崇傳同)云:

寅恪案。通鑑貳壹拾開元元年七月乙丑上皇徙居百福殿。

以爲不便, 元之(崇本名元崇, 因惡與突厥叛人同名, 改爲元之)同侍中宋璟密奏, 請令公 時玄宗在東宫,太平公主干預朝政, 宋王成器爲閑廐使,岐王範、薛王業皆掌禁兵,外議

之、璟等離間兄弟,請加罪,乃貶元之爲申州刺史。 ·東都, 出成器等諸王爲刺史以息人心。睿宗以告公主, 公主大怒。玄宗乃上疏以元

同書同卷宋璟傳(新唐書壹貳肆宋璟傳同)云:

時太平公主謀不利於玄宗,嘗於光範門内乘輦,

何執政以諷之, 衆皆失色。

璟昌言日

東宫有大功於天下,真宗廟社稷之主,安得有異議?」乃與姚崇同奏請令公主就東都。玄 抗表請加罪於璟等, 乃貶璟爲楚州刺史。

書玖柒張説傳(新唐書壹貳伍張説傳同 云云

即帝位。 臣分定,自然窺観路絶,災難不生。」睿宗大悦,即日下制皇太子監國。明年又制皇太子 左右相顧,莫能對。說進曰:「此是讒人設計,擬揺動東宫耳,陛下若使太子監國, 是歲(景雲二年)二月睿宗謂侍臣曰:「有術者上言。五日内有急兵入宫,卿等爲朕備之! 俄而太平公主引蕭至忠、崔湜爲宰相。 以說爲不附已,轉爲尚書左丞, 罷知政

仍令往東都留司。説既知太平陰懷異計,乃使獻佩刀於玄宗,請先事討之,玄宗嘉納

寅恪案:玄宗既以有大功故得立為皇太子,而其皇位繼承權仍不固定,其後雖己監國,並受内 即皇帝位矣,而其皇位之不安定也如故,必至誅夷太平公主黨徒之後,睿宗迫不得已,放

蜀, 棄全部政權, 幸玄宗早知其謀,先發制人, 退居百福殿,於是其皇位始能安定,此誠可注意者也。至太平公主欲以羽 得斬禁軍統將常元楷、 李慈等, 唐代中央政治革命之成敗繫 林 軍作

於北門衛兵之手,斯又一例證矣。

舊唐書壹佰柒廢太子瑛傳(新唐書捌貳太子瑛傳同)略云: 廢太子瑛,玄宗第二子也,開元三年正月立爲皇太子。及武惠妃寵幸, [瑛母趙]麗妃恩乃 太子妃兄薛鏽搆異謀。玄宗遽召宰相籌之。林甫曰:「此蓋陛下家事, 開元]二十五年[惠妃女咸宜公主夫]楊洄又搆於惠妃,言瑛兄弟(鄂王瑶、 事且寢。李林甫代張九齡爲中書令,希惠妃之旨, 惠妃之子壽王瑁鍾愛, [惠]妃泣訴於玄宗, 以太子結黨, 將害於妾母子, 亦指斥於 玄宗震怒, 謀於宰相,意將廢黜。中書令張九齡奏曰:「今太子既長,無過。」玄宗 託意於中貴人, 臣不合參知。 揚壽王瑁之美。 光王琚)三人與

寅恪案: 瑛乃玄宗初立之太子, 其皇位繼承既已不能固定矣, 至於此後所立之太子即後來繼位 意乃決矣。使中官宣韶於宫中,並廢爲庶人,鏽配流,俄賜死於城東驛。

與否, 殊未 其皇位繼承權亦屢經動搖, 可知也。 若非乘安禄山叛亂之際擁兵自立為帝, 則其果能終嗣皇位

新 唐書貳佰柒宦者傳 上高力士傳(參考通鑑貳壹肆開元二十六年條考異)云:

忽不食。力士曰:「大家不食,亦膳羞不具耶?」帝曰:「爾我家老,揣我何爲而然?」力士 曰:「嗣君未定耶?推長而立,孰敢争?」帝曰:「爾言是也。」儲位遂定。 初,太子瑛廢,武惠妃方嬖,李林甫等皆屬壽王[瑁],帝(玄宗)以肅宗長,意未決,居忽

舊唐書拾肅宗紀略云:

行。明年六月關門不守,國忠諷玄宗幸蜀,車駕將發[馬嵬頓],留上在後宣諭百姓,上迴 仍遣上親總諸軍進討。時禄山以誅楊國忠爲名,國忠懼,乃與[楊]貴妃謀間其事,上遂不 潜謀不利,爲患久之。[天寶]十四載十一月[安]禄山稱兵詣闕,十二月辛丑制太子監國 不利己,乃起韋堅、柳勣之獄,上幾危者數四。後楊國忠依妃家,恣爲褻穢,懼上英武 立儲貳,時壽王瑁母武惠妃方承恩寵,林甫希旨,以瑁對,及立上(肅宗)爲太子,林甫懼 玄宗第三子,開元二十六年六月庚子立爲皇太子。初太子瑛得罪,上召李林甫,議

同書壹捌肆宦官傳李輔國傳(新唐書貳佰捌宦者傳下李輔國傳 同)云

乃從,是月甲子即皇帝位於靈武。

軍[欲收復長安]。七月辛酉上至靈武,[裴]冕[杜鴻漸]等凡六上牋[請即皇帝位]。上不獲

請分玄宗麾下兵,北趨朔方,以圖興復,輔國從至靈武,勸肅宗即帝位,以繫人心。 [安]禄山之亂,玄宗幸蜀,輔國侍太子(肅宗),扈從至馬嵬, 誅楊國忠 輔國獻計太子,

取帝位 寅恪案:玄宗何以捨壽王瑁而立肅宗為皇太子,此為別一問題,非茲篇所能論及也。惟肅宗既 立為皇太子之後, ,不僅別開唐代内禪之又一新局 其皇位繼承權甚不固定, 而李輔國因是為擁戴之元勛,遂特創後來閣寺擁戴或 故乘安禄山叛亂玄宗倉卒幸蜀之際, 分兵北走 自

廢黜儲君之先例 此甚可注意也。

舊唐書壹壹代宗紀略云

代宗,肅宗長子,[乾元元年]四月庚寅立爲皇太子。寶應元年四月肅宗大漸,所幸張皇后 等始迎上於九仙門,見羣臣,行監國之禮,已巳即皇帝位於柩前。 宫李輔國、程元振素知之,乃勒兵於凌霄門,俟太子至, 無子,后懼上(代宗)功高難制,陰引越王係於宮中,將圖廢立。乙丑皇后矯韶召太子,中 收捕越王係及内官朱光輝、馬英俊等, 禁錮之, 幽皇后於别殿。 即衛太子至飛龍廐。是夕勒兵於 丁卯肅宗崩,

日 書伍貳后妃傳下肅宗張皇后傳(新唐書柒柒后妃傳下肅宗張皇后傳同)略云:

甫等謀立越王係,矯韶召太子入侍疾。中官程元振、李輔國知其謀,及太子入,二人以難 先在靈武時,太子(代宗)弟建寧王倓爲后誣譖而死,自是太子憂懼, 建寧之隙,常欲危之。寶應元年四月肅宗大漸,后與內官朱輝光、馬英俊、啖庭瑶、陳仙 請太子在飛龍廐。元振率禁軍收越王係、 朱輝光等。俄而肅宗崩,太子監國, 常恐后之構禍。 遂移后 后以

於别殿,幽崩,誅馬英俊[等]。

同書壹壹陸承天皇帝倓傳(新唐書捌貳承天皇帝倓傳同)略云:

時廣平王(代宗)立大功,亦爲張皇后所忌,譖搆流言。

同書壹捌肆宦官傳李輔國傳(新唐書貳佰捌宦者傳下李輔國傳同)云:

ī ·書同卷宦官傳程元振傳(新唐書貳佰柒宦者傳上程元振傳同)云:

輔國判元帥行軍司馬,專掌禁軍,代宗即位,輔國與程元振有定策功。

寶應末肅宗晏駕, 知其謀 密告李輔國,乃挾太子誅越王並其黨與。 張皇后與太子(代宗)有隙, 恐不附己 , 引越王係入宫, 欲令監國。元振

寅恪案:代宗雖有收復兩京之功,而其皇位繼承權不固定如此。最可注意者, 承之决定,乃歸於閹寺之手矣。但閹寺之中又分黨派,互有勝敗,如程元振等與朱輝光等之 四月乙丑(十六日)事變張皇后失敗後,唐代宫禁中武曌以降女后之政柄, ,遂告終結。而皇位繼 則為自寶應元年

爭,即是其例。至於李氏子孫無論其得或不得繼承帝位如代宗與越王係之流,則皆閹寺之傀儡 工具而已。

舊唐書壹壹捌楊炎傳(新唐書壹肆伍楊炎傳同)略云:

李正己上表請殺[劉]晏之罪。 炎懼 乃遣腹心分往諸道,言晏之得罪以昔年附會姦邪,

同書同卷黎幹傳(新唐書壹肆伍黎幹傳同)云:

大曆中德宗居東宫, 幹及[宦官劉]清潭嘗有姦謀動摇。

同書意貳叁劉晏傳(新唐書壹肆玖劉晏傳同)略云:

時人風言:代宗寵獨孤妃,而又愛其子韓王迥,晏密啓請立獨孤爲皇后。

[楊]炎奏言:

賴祖宗福佑,先皇(代宗)與陛下(德宗)不爲賊臣所間,不然,劉晏、黎幹之輩揺動社稷

凶謀果矣。」

日 書壹叁柒趙涓傳(新唐書壹陸壹趙涓傳同)云:

永泰初,涓爲監察御史。時禁中失火燒屋室數十間,火發處與東宮稍近,代宗深疑之。涓 爲巡使,俾令即訊。涓周歷壖囿,按據跡狀,乃上直中官遺火所致也。推鞫明審, 頗盡事

情,既奏,代宗稱賞焉。德宗時在東宫,常感涓之究理詳細。

寅恪案:此德宗為太子時,其皇位繼承權亦不固定之證也。

新唐書柒順宗紀略云

廢者屢矣,賴李泌保護,乃免。 大曆十四年十二月乙卯立爲皇太子,郜國公主以蠱事得罪,太子妃其女也。德宗疑之,幾

舊唐書壹叁拾李泌傳(新唐書壹叁玖李泌傳同)云:

順宗在春宫 妃蕭氏母郜國公主交通外人,上(德宗)疑其有他, 連坐貶點者數人,

危, 泌百端奏説, 上意方解。

同書壹伍玖衛次公傳(新唐書壹陸肆 衛次公傳同,並參考舊唐書壹伍玖鄭絪傳)公:

嫡, 人或云:「内中商量所立未定。」衆人未對,次公遽言曰:「皇太子(順宗)雖有疾 貞元]二十一年正月德宗昇遐, , 内外繫心, , 必不得已, 當立廣陵王(憲宗), 若有異圖, 禍難未已。」 烟等隨 時東宫(順宗)疾恙方甚,倉卒召學士鄭絪等至金鑾殿。中 地居冢 而唱之,

衆議方定。

寅恪案:通鑑貳叁貳貞元二年六月條及貳冬至貞元二年八月條載順宗為皇太子時幾被廢黜事甚 蓋與新唐書李泌傳同採自鄴侯家傳,李繁述其父事雖多溢美,然順宗當日皇位繼承權之動

摇則為事實也。

本篇 係與皇位繼承二端合併論證,而在論證此二端之前,先一言唐代士大夫黨派分野之界綫焉。 點 依時代之次序, 係之一最著事 中專論 唐代皇位繼 例 此下當論述憲宗之事蹟。但永貞內禪尤為唐代內廷屬寺黨派競爭與外朝士大夫 且唐代外廷士大夫之牛 承不固定之事實, 則至德宗順宗之交為止。 李黨爭即 起於憲宗元和之世。 此後以内廷及外朝之黨派關 茲為叙述便利之故

山用族

盧 高 玄緒 冠 業著聞 蓋德業儒 首應旌 素有過 命 人者 子孫 繼 跡, 爲世盛門。 其文武功業殆無足紀, 而見重於時,

即

承用伯起元文)云:

北朝 高門 其人之政治及社 江 左 伯起此 通 婚 事 族 晉之際雖 間 以為例 言 題之全部, 非若後來士族之婚宦 不獨限於北 會地位即 般社 證 其餘 茲篇 會 與鉅 有鉅 魏時 殊難詳 不能 族 族之子弟無所 之范陽盧氏, 多及 二事專以祖 悉考 小族之分 辨。 但 日 以 宗官 故除上引魏書盧玄傳論之關於河 品 凡 別 苟小族之男子以 類 兩 推 職高下 晉、 也 小族之女子苟能以禮法特 南北 為惟 朝之土 之標準者也。 才器 族 著聞 盛門, 考其 得 北 此 見 稱 點關 者外 尊 為 原 重 名 始, 係 土者 更舉 兩 則 幾 無 亦 不如 FF 南 與 於 則

唐 書壹玖拾 上文苑傳 F 袁 朗傳 新 唐 [書演] 佰壹文藝傳 長 朗 傳 司 略

其先自陳郡 仕 江 左, 世爲 冠族。 朗自以中 外人物爲 海 内冠族 雖 琅 邪 王 氏繼 有臺

司馬清河張沛通謁, 而歷朝首爲佐命, 鄙之不以爲伍。 沛即侍中文瓘之子。 誼揖之曰: 「司馬何事?」沛曰: 「此 朗孫誼又虞世南外孫, 神功中爲蘇州刺史, 州 嘗 得 因視

顧瞻, 長史,是隴西李亶,天下甲門。」誼曰:「司馬何言之失?門户須歷代人賢名節風教爲衣冠 始可稱舉, 老夫是也。 夫山東人尚於婚媾, 求於利禄, 作時柱石, 見危致命,

何可說之, 以爲門户?」沛懷慚而退, 時人以爲口實。

寅恪案 隋唐時代門第演化通義,其分別如是而已,然於此亦可觀古今世變矣。 袁誼 張沛之言皆是也,不過袁説代表六朝初期門第原始本義, 又袁誼「山 張説代表六 東人尚於婚 朝後期及

山東之人尚婚婭,江左之人尚人物,關中之人尚冠冕,代北之人尚貴戚。

可取與新唐書意致玖儒學傳中柳沖傳附載柳芳論氏族文中

諸語參證。其實袁張之異同亦涉及地域及種族問題, 匪僅古今時間之關係, 但此非本篇所能具

相傳之學 夫上族之特點既 勵名行為仕宦之途徑,而致身通顯也。 茲不復贅。 業乃與當時之政治社會有極 在 其門風之優美, 但東漢學術之重心在京師之太學, 不同於凡庶, 重要之影響, 自東漢末年中原喪亂以後, m 此事寅恪嘗於拙 優美之門風實基於學業之因襲。 學術與政治 之關 著隋 學術重心自京師之太學 鎖則 唐制 為 度 經學 淵 源 故 略 蓋 論 族家世 以 稿 禮儀 通經

史實 染混 土出 移轉 舊唐 習氣 主 黨之如 類李太尉德裕 浮華放浪著 致 示 書壹 從 於 經 臣 猶 身 П 信)云 政之 何 以證 學為正 地 以文詞 不 構 能 捌 而 rfm 方之豪 放浪 L 成 改 稱者 但 新 貫 武 宗 未 易 為清流仕 兩者分野之界畫要必於其 興 宗 以 階 世 軌 族 出 才 不合言進 (及其 薄進 級 多為高 學院 華之人或為公卿高門之子弟者 紀 轍 會昌 總之, 學術 雖 Ŧ 條 與 進 此 宗、 之唯 内 取 點 士之非。 為浮冶者 本身雖 得統 年 廷閹寺之黨派 在 謂德裕父吉甫勸 兩 武 種新 末 河 載宰 后以來君主所提拔之新 治 途徑者大有 北 亦有 舊 地位 即 然臣 大抵出 所 變遷, 不 相李德裕之言 社 同之七大夫階 謂 祖 會 耳 仍未具 Ш 李 相鈎 歷史背景求 於北 不同 然其 勉德裕應舉及玉 東 栖 地 舊 朝以 筠)天寶末以仕 結利用 也。 域 與 尤 政 則 級 Ш 因舊日之士 來 由 治 為 考新 空間 Ž, 東舊 之關 之隱微 Ш 此 顯 興統治階 東 著 μJ 唐書 然後 設一 泉子李德裕以己 時 族 鎖 之禮 本 間 族之舊家也。 實 仍 進 假 肆 級也。 末 唐代士 既 族 與 循 無 肆 非 法門 既 定 唐 其 他歧, E 之說: 選 東漢 始 絶 自 舉 一淪替 其 口 大 對 風 宗 志, 夫最 間 以 帰 以 勉 非 豁 其子 其 離 武 來 Ш 即 强 又唐 科第 唐代 乃與 由 然 東 則 大 通 贿 二黨 舊 通 弟 自 准 天 經 計 條所 語 解 派 示 遅 新 族 後之 義 + 興階 能 亦有 林 才 出 大 如

4

李諸

無

傳 浪 級 由

染

請

略

壹

F

恐 計 放

漸 進 以 其 准

身 夫 車 勵

中

名

舉登

二六二

第,自後不於私家置文選,蓋惡其祖尚浮華,不根藝寶。然朝廷顯官須是公卿子弟,何 者?自小便習舉業,目熟朝廷間事,臺閣儀範班行準則不教而自成,寒士縱有出人之才,

登第之後始得一班一級,固不能熟習也。

新唐書肆肆選舉志(參考舊唐書壹柒叁鄭覃傳、王定保摭言壹散序進士條等)略云:

文宗好學嗜古,

初舉人既及第, 綴行通名, 色有之。進士科取人二百年矣,不可遽廢。」因得不罷。武宗即位,宰相李德裕尤惡進士。 鄭覃以經術位宰相,深嫉進士浮薄,屢請罷之。文宗曰:「敦厚浮薄, , 詣主司第謝, 又有曲江會題名席。至是德裕奏:「國家設科取

色

士, 而附黨背公, 自爲門生, 自今一見有司而止, 其期集參謁曲江題名皆罷。

舊唐書壹柒肆李德裕傳(新唐書壹捌拾李德裕傳同,又參考玉泉子李衛公以己非科第條

趙郡人,祖栖筠御史大夫,父吉甫趙國公。元和初宰相,德裕苦心力學,尤精西

漢書、左氏春秋,耻與諸生同鄉賦, 不喜科試。

新唐書壹陸叁柳公綽傳附仲郢傳云:

李德裕,

知吏部銓, [李]德裕頗抑進士科, 仲野無所徇, 是時以進士選, 無受惡官者。

舊唐書壹柒叁鄭覃傳(新唐書壹陸伍鄭珣瑜傳附覃傳同)。 略云:

鄭覃(滎陽人),故相珣瑜之子,以父蔭補弘文校理。覃長於經學,稽古守正,帝(文宗)尤

華。 漢故 延英論古今詩句工拙。覃曰:「近代陳後主、隋煬帝皆能章句,不知王者大端,終有季年 之,未必獨在進士。此科置已二百年,亦不可遽改。」覃曰:「亦不可過有崇樹。 李紳。二人貶黜,覃亦左授秘書監。九年六月楊虞卿、李宗閔得罪長流,復以覃爲刑部尚 嫉人朋黨,爲宗閔所薄故也。」八年德裕罷相,宗閔復知政,與李訓、鄭注同排斥李德裕 侑通經學,頗似鄭覃。」宗閔曰:「覃侑誠有經學,於議論不足聽覽。 月復召爲侍講學士。 宗閔以覃與 重之。覃從容奏曰:「經籍訛謬,博士相沿,難爲改正,請召宿儒奧學,校定六籍,準後 相 奏署,即可之, 開成 固 遷尚書右僕 章句小道,願陛下不取也。」[開成]四年罷相。武宗即位, 所以不治。士以才堪即用, [以足疾不任朝謁[辭]。會昌二年致仕,卒。覃位至相國, 勒 初奏 、李德裕相 石於太學,永代作則, 餘即否。」覃曰:「此科率多輕薄, 禮部貢院宜罷進士科。 射。 七年春李德裕作相,以覃爲御史大夫。文宗嘗於延英謂宰相 訓、注伏誅,以本官同平章事。覃雖精經義,不能爲文,嫉進士浮 善,薄之,奏罷[覃翰林]侍講學士。文宗好經義,心頗思之,六年二 何必文辭?」帝曰:「進士及第人已曾爲州縣官者, 以正其闕。」從之。[大和]五年李宗閔、牛僧孺輔政 初紫宸對上(文宗)語及選士,覃曰:「南北朝多用 不必盡用。」帝曰:「輕薄敦厚, 李德裕用事,欲援爲宰 所居纔庇風雨 」李德裕對曰:「覃嘗 上當於 曰:「殷 家無媵 色色有 方鎮

人皆仰其素風。 女孫 崔皋, 官纔九品衛佐, 帝重其 不婚權家。 (此十八字新傳之文)

唐語林貳文學類云:

文宗皇帝曾製詩以示鄭覃。覃奏曰:「乞留聖慮於萬幾, 示李宗閔。嘆伏不已,一句一拜,受而出之。 上笑謂之曰:「勿令適來阿父子見之!」 天下仰望。」文宗不悦。覃出,

高下 族以經術禮法為其家學門風者逈然殊異,不能相容耶?南北 其故 七之科也。 寅恪案 人之偶然好 派者。而德裕及覃父子又世為宰相 豊不以 唐代猶承其風習而不改, 此治史者所共知。 趙郡李氏、滎陽鄭氏俱是北朝數百年來顯著之士族 一惡為解釋。否則李文饒固 文選為李氏所鄙視 「熟精文選理」乃進士詞科之人即高宗、武后以後新興階級之所致力, 石經為鄭覃所建刊,其 有唐 其社會歷史之背景既 一代不屬於復古派之文 茲更舉關於鄭覃之一事, 學 術 朝社 趣向 無 ,實可以代表唐代士大夫中主 不相同 雄, 會以婚官 殆有關 何以亦薄文選之書? 家世 宜其共結一 二端判 造遺傳, 以補證新唐書所紀 別 實與 不可 黨,深惡進 人物 僅 流 Ш 東舊 品之 以 推究

臨真 及崔盧耶?韶宗正卿取世家子以聞! 廣記 二公主降 蒯肆 族 氏 族 謂宰 類莊 相 恪太子妃條(新唐書 日二一民 間修婚姻 」寅恪案 壹柒 中立固 不計官品 八 杜 出名家, 兼 **海附中** 而尚 但尚主 展 立傳云: 閱。 與納妃微有不同 我 家 開 一百年天子, 成 初文宗以

其不婚當世

權門而重舊日士族之一節如下:

記於此,以供參證)云:

唐語

林肆企羨類亦引盧氏雜説此條,

但作「打朕家事羅訶去」。)

也 文宗爲莊恪太子選妃, E 朕是數百年衣冠, 一朕欲爲太子婚娶, 無何神堯打家何羅去。 朝臣家□子女者, 本求汝鄭門衣冠子女爲 悉被進名, 」因罷其 新婚。 選。 士庶爲之不安。帝知之, 聞 在外朝臣 (原注: 皆不願共朕作 出盧氏雜説。 情親 謂辛臣 寅 何 者

JU 陸叁宰相表(舊唐書壹叁新唐書捌文宗紀及兩唐書鄭覃傳 失禮之事不以為異」者(上篇之首已引),固應與山東士族之以禮法為門風者大有不同。及漢化 矣。又唐代皇室本出自宇文泰所創建之關隴胡漢集團, 之家尚不及山 中覃之外 貳莊恪太子永傳同),魯王永以文宗大和六年十月册為皇太子, 程度極深之後,與舊日士族比較,自覺相形見絀 年五 Ш 東舊族之九品衛佐 月之時 : 此條所載文宗語末句頗不易解, 別 無鄭 東舊門九品衛佐之崔氏 間任宰相之職, 姓者。故知文宗「汝鄭門」之語專對覃而言 於此可見當日山東舊族之高自標置 而自大和六年 然則 姑從闕疑。 居代山東士族心目中社會價值之高 十月至開 ,益動企羨攀仰之念。然貴為天子,終不能競 成 據舊唐書壹柒伍莊恪太子永傳(新唐書捌 三年十月即魯王 即朱元晦 俱同),鄭覃以大和九年十一月至開 者也。 並非 開成三年十月薨,又據新唐 所謂 無因 依覃之意 也。 源流 永為皇太子 出於夷 下估 李唐 狄, 數 計 期 亦 百 間 故閨 可 年 想見 夫子 宰相 成

至李唐皇室與山東土族之關係亦有可略言者。考唐室累代其初對於山東舊族本持壓抑政策, 新唐書玖伍 高儉傳(參考舊唐書陸伍高士廉傳、唐會要叁陸氏族條、貞觀政要柒禮樂篇貞 (觀六 如

年謂房玄齡條、舊唐書柒捌新唐書壹佰肆張行成傳、舊唐書捌貳新唐書貳貳叁姦臣傳上李義府 傳, 通鑑壹玖伍 武后世,李羲府耻其家無名,更刊定之,裁廣類例。帝(高宗)自叙所以然,各以品 冕爲等級高下。 帝曰:「我於崔、 初太宗嘗以山東士人尚閥 檢正真傷, 「貞觀十二年正月條、 合二百九十三姓千六百五十一家爲九等, 」遂以崔幹爲第三姓(姓舊傳作等), 班其書天下。高宗時, 盧、李、 閲 鄭無嫌, 後雖 太平廣記壹捌肆氏族類七姓條等 衰 顧其世衰, 子孫猶負世望, 猶恃舊 由是韶士廉責天下譜牒, 不解人間何爲貴之?朕以今日冠 號曰氏族志)略云: 而崔幹仍居第 許敬宗以 參考史

不 叙

地, 凡九等,改爲姓氏録。當時軍功入五品者,皆升譜限, 故氏族志一切降之。 悉索氏族志, 燒之。 先是, 王妃主婿皆取當世勳貴名臣家, 後魏太和中定四海望族, 未嘗尚山 以[李]寶等 縉紳耻馬, 東舊族(寅恪案 爲冠。 目爲「勳格」。 其後矜 此爲 位叙 尚 義府

又國 [史補上(參考太平廣記壹捌肆氏族類 ()略

唐初

情狀

後來不如是也)。

後房玄齡、

魏徵、

李勣復與昏,

故望不减。

李積,酒泉公義倓姪孫,門户第一,而有清名,官至司封郎中懷州刺史。嘗以爲爵位不如

族望,與人書札唯稱「隴西李積」而不衡。

又通鑑貳肆捌大中二年十一月萬壽公主適鄭顥條云: 顥弟顗嘗得危疾,上遣使視之。

主懼, 曰:「我怪士大夫家不欲與我爲昏,良有以也。」亟命召公主入宫,立之階下,不之視,公 涕泣謝罪。 上責之曰:「豈有小郎病,不往省視,乃觀戲乎?」遣歸鄭氏。由是終上 還,問[萬壽]公主何在?曰在慈思寺戲場。上(宣宗)怒嘆

貴戚皆兢兢守禮法, 如山東衣冠之族。

)略云:

又東觀奏記上(參唐語林柒補遺萬壽公主宣宗之女條、 新唐書壹壹玖白居易傳附敏中傳

相),首科及第,聲名籍甚,待昏盧氏。宰臣白敏中奏選尚,顥深銜之。大中五年敏中免 相爲邠寧行營都統,行有日,奏曰:「顯不樂國姻,衡臣入骨,臣在中書,顥無如臣何 萬壽公主,上(宣宗)之女,將嫁,命擇良婿,鄭顥相門子(寅恪案: 顥之祖絪憲宗朝宰

··前言山東士族之所以興起,實用儒素德業以自矜異,而不因官禄高厚見重於人。降及

去玉

必媒蘖臣短,

死無日矣。」

氏第二房鬱後之崔幹為第二等(見新唐書柒貳下宰相世系表崔氏條及舊唐書陸拾、 歷年雖久,而其家風禮法尚有未盡淪替者。故貞觀天子欽定氏族志, 雖 可以降 新唐書柒捌

抑

博 沙陵崔

淮安王神通傳),而開成皇帝不能禁其宰相之寧以女孫適九品衛佐之崔皋(皋之家世未及詳考

然其 氏 其後君臣翁婿卒皆以此為深恨, 為「七姓」之一, 則無可疑也), 而不願其家人為皇太子妃 又何足怪哉 帝王之大權不及社會之潜力, 0 至大中朝藉皇室之勢, 此 類之事即 奪 婚 其 盧

例, 然非求之數百年往日背景, 不易解釋也。

既 明 平此 則牛 李 (德裕)黨派分野界畫之所在 終可 得而言。

唐 語 林叁 一識鑑 類 (参 考南部 新書丁)云

鄭覃 但寄之頰舌而已。 請 經 術孤立者進 用, 李 珏 與楊嗣復論地胄 詞彩 者居先, 每延英 政多

新 如楊 虞卿傳及南部 唐 稱 陳 於陵 興 社會之地 武后之後崛興階級之新工 鄭為李(德裕)黨, 士 階 族 級 叁楊於陵傳、 無 即 嗣復及楊 異。 使俱 新書己大和中人指楊虞卿宅南亭子為行中書條等),轉成世家名族 位 逐 非 漸 迨 虞卿、 是其拔起 依託 擴大, 李楊為牛黨, 舊唐書壹柒陸 汝士等,一 寒微之後, 但 馴 具。 舊習門 致舊日山 至孤立地胄之分別 風 經術乃兩晉、 淪 新唐書壹柒肆 門父子兄弟俱 東士族如崔皋之家 用科舉 替始 盡 座主 北朝以來山東士族傳統之舊家學 論其實質, 門 楊嗣復傳、 ,乃因唐代自進士 生及 以 進 士起 同 轉成 門等關 亦與 家 舊唐 孤 高宗 寒之族。 致身 係, 書壹柒陸新 科新興階級成 通 勾 武后· 顯 結 若李(珏)楊之流 見 朋黨 由 舊 進 唐書壹柒伍楊 遂不得不崇 唐 互 書意 詞彩則 詞 立 相 科 援 陸肆 進身 助 其

年間之一大世變也,請略徵舊籍,證明於下: 尚地胄,以鞏固其新貴黨類之門閥, 玉泉子云: 摭言叁慈恩寺題名遊賞賦詠雜記條(略見上引新唐書選舉志)略云:: 言柒好放 進士題名, 司,向後不得聚集參謁,及於有司宅置宴。其曲江大會,朝官及題名局席並望勒停。」奉 申於朝廷,必爲國器,豈可懷賞拔之私惠,忘教化之根源,自謂門生,遂成 局席等條疏進來者。伏以國家設文學之科,求貞正之士,所宜行敦風俗 相 李相德裕抑退浮薄, 於是向之題名各盡削去。蓋贊皇公不由科第,故設法以排之,洎公失意,悉復舊態。 風漫薄,臣節何施 ,其年十二月中書覆奏。「奉宣旨, (孤寒門李太尉德裕頗為寒畯開路條及唐語林柒補遺李衛公頗升寒素條等), 斯亦數百 自神龍之後, 樹黨背公,靡不由此。臣等商量今日已後,進士及第,任一度參見有 獎拔孤寒。於時朝貴朋黨, 過關宴後皆集會於慈恩塔下題名。會昌三年贊皇公(李德裕)爲上 而拔引孤寒之美德高名翻讓與山東舊族之李德裕矣(見摭 不欲令及第進士呼有司爲座主,趨附 德裕破之, 由是結怨, 而絶於附會, 義本君親

其門,兼題

膠固。所以時

然後

舊唐書壹捌下宣宗紀大中三年九月貶李德裕為崖州司户參軍制云:

貞良 造明黨之名

黨也。 據此 李德裕所謂朋黨 即指新興階級浮薄之士藉進士科舉制度座主門生同門等關係締結之牛

或疑通 為鄜坊觀察使事 一鑑貳叁捌元和七年春正月辛未條 略 云 (新唐書壹陸貳許孟容傳附季同傳同), 載京兆尹元 義方

則 似 科舉制 年固有情乎?」對曰: 方入謝,因言李絳私其同年許季同,除京兆少尹,出臣鄜坊。明日上以詰絳曰:「人於 度與 結 無關者。 「同年乃九州四海之人偶同科第,或登科然後相識 但詳考之, 知通鑑此 條及新 唐書許孟容傳俱採自李相國論事 情於何有?」

唐代科舉制 專 紙 李 度下 吉甫 座主門生及同 固出 於牛黨之手, 年 或同 門關係之密切原為顯著之事, 其所言同 年 無情 乃牛黨強自辯護之詞, 可不詳論 殊非實狀也。夫 茲僅舉三數例於

亦足以為證 明也。

其

書

舊唐 書意柒柒草保衡傳 (新唐書壹捌肆路巖傳附韋保衡傳同

斥之。 保衡恃思權, 素所不悦者,必加排斥。 王鐸貢舉之師 蕭遘同門生 以素薄其爲人,皆擯

寅恪案:史所書保衡之惡,依當時習慣言, 乃一破例。此正可以反證當日座主門生以及同 年或

同門之間互相援助之常態也。

白氏長慶集壹陸重題[草堂東壁]七律四首之四云:

宦途自此心長别,世事從今口不言。豈止形骸同土木,兼將壽夭任乾坤。胸中壯氣猶須

遣, 身外浮榮何足論! 還有一條遺恨事, 高家門館未酬思。

上一人之篤於思舊者為然, 關係密切之一例證也。 寅恪案 白樂天此詩自言已外形骸 凡苟非韋保衡之薄行寡情者, 了生死, 而猶惓惓於座主高郢之深恩未報,斯不獨香山 莫不如是。 此實可為唐代門生對座主 居

獨異志(參唐語林肆賢媛類、南部新書己)云:

崔羣爲相,清名甚重,元和[中]自中書舍人知貢舉,既罷,夫人李氏嘗勸其樹莊田,以爲 乎?然往年君掌文柄, 子孫之業。笑答曰:「余有三十所美莊良田,遍在天下,夫人何憂?」夫人曰:「不聞君有 業。」章曰:「吾前年放春榜三十人,豈非美田耶?」夫人曰:「若然者,君非陸贄相門生 使人約其子簡禮, 不令就春闈之試。 如以爲良田 則陸氏 莊荒

軍慚而退, 累日不食。

寅恪案:座主以門生為莊 田,則其施恩望報之意顯然可知。此唐代座主對於門生關係密切之一

政治革命及黨派分野

例證 也

舊 書壹柒陸李宗 唐書壹 柒陸 楊嗣復 関傳可與 傳 (新唐書 EZ. 壹柒肆 楊嗣復傳不載同門結黨之由 不及舊傳之得其實, 又舊

一多證

寅恪案:史言牛派鉅子以同門之故, 復與牛僧孺 李宗閔皆權德與貢舉門生, 遂結為死黨。 情誼 此唐代科舉同門關 相得, 進退取捨多與之同 係之一例證

唐代貢舉名目雖多,大要可分為進士及明經二科。進士科主文詞,

高宗、

武后以後之新

復次

學也; 高宗、 武后以後朝廷及民 明經科專經術 兩晉 間 重進士而輕明經之記載, 北朝以來之舊學也。 究其所學之殊, 則知代表此二科之不同社會階級在此三百 實由門族之異。 故觀 唐代自

康 年間升沈轉變之概狀矣。 野劇談録 (参唐語林陸 補遺) 其記載略 Z 録於下:

元和中, 常交結於賀, 」類慚恨而退。 李賀善爲歌篇 日執贄造門, 其後[稹]以制策登科, 爲韓愈深所知, 賀覽刺 及爲禮部郎中, 重於縉紳。 不答遽入。僕者謂曰:「 時元稹年少, 大 [議賀祖(祖當作父)諱晉 明經及第 以明 經 播第, 何 事 亦攻篇 ·看李

寅恪案 劇談録所紀多所疏誤, 賀遂致轗軻。 自不待論。 但據此故事之造成,可推見當時社會重進士輕明經

韓愈惜其才,

爲著諱

辩明之,

竟不成名。

不合應[進士]舉,

之情狀,故以通性之真實言之,仍不失為珍貴之社會史料也。

東觀奏記上(參新唐書壹捌貳李珏傳及唐語林叁識鑑類)略云:

非常人也,當掇進士科。明經碌碌, 李珏,趙郡贊皇人,早孤,居淮陰, 舉明經。李絳爲華州刺史,一 非子發跡之路。」一舉不第, 應進士[舉], 見謂之曰:「 日角珠庭, 許孟容爲

宗伯, 擢居進士。

新唐書壹捌叁崔彦昭傳云:

[彦昭]與王凝外昆弟也,凝大中初先顯,而彦昭未仕,嘗見凝,

凝倨不冠帶,

慢言曰

氏妹必與子皆逐, 吾將共行。 不若從明經舉。 」彦昭爲憾。 至是凝爲兵部侍郎, 母聞彦昭相,敕婢多製履襪,曰 而凝竟免。(寅恪案:此採

」 彦昭聞之, 泣且拜, 不敢爲怨,

摭言散序進士門云:

自尉遲偓中朝故事。

其艱難謂之三十老明經, 五十少進士。

據上諸條, 進士、 明經一科在唐代社會其價值之高下, 可以推知,不待廣引也。

影響也。 又唐代社會於此 如唐語林肆企羨類略云 二科之評價, 有高下之殊, 亦由當時政治之關係所致, 蓋朝廷與民衆二者互相

元超謂所親曰:「吾不才, 富貴過人,平生有三恨:始不以進士擢第。

寅恪案:上篇引通典壹伍選舉典叁所載沈既濟之言, 謂進士科之特見尊重, 實始於高宗、 武后

薛元超為高宗朝晚年宰相,是與沈氏之語適合也。

新唐書肆 肆選舉志(摭言叁慈恩寺題名遊賞賦詠雜志條同, 又新志此條前已徵引,

今為解釋便

利之故,復節録數語於此)略云:

武宗即位,李德裕爲宰相,尤惡進士。至是德裕奏:「國家設科取士,而附黨背公, 門生,自今一見有司而止,其期集參謁曲江題名皆罷。」

舊唐書壹捌下宣宗紀大中元年二月丁 酉禮部侍郎魏扶奏臣今年所放進七三十三人條略云::

帝(宣宗)雅好儒士 留心貢舉, 有時微行人間, 採聽輿論,以觀選士之得失。又勅:「自

今進士放榜後 杏園任依舊宴集, 有司不得禁制

樂辱之表徵也。請更取證於下列史料 寅恪案:宣宗朝政事事與武宗朝相反, 進七科之好惡崇抑乃其一端, 而此點亦即牛李二黨進退

唐語林肆企羨類(參說郛柒叁引盧氏雜説)云:

宣宗愛羨進士,每對朝臣, 或有人物優而不中者, 問登第否?有以科名對者,必有 义歎息久之。嘗於禁中題「鄉貢士李道龍」(寅恪案: 便問 所試詩 賦 題並主 可參同書 司

又同 ·書同類(參東觀奏記上)略云:

宣宗尚文學,尤重科名。大中十年鄭顥知舉,宣宗索登科記,敕翰林:「今後放榜,仰寫

及第人姓名及所試詩 賦 題目 , 仰所司逐年編次!

夫大 中一 朝為純粹牛黨當政李黨在野之時期, 宣宗之愛羨進士科至於此極, 必非偶然也。

又張爾田先生玉溪生年譜會箋冬大中二年下引沈曾植先生之言曰:

唐時牛李兩黨以科第而分, 牛黨重科舉, 其所謂「牛黨重科舉者」自指重進士科而言也。 李黨重門第。

問曰:「牛黨中以進士科出身者如李珏,則系出趙郡李氏(見前引東觀奏記上,並參唐語林叁識 寅恪案:乙盦先生近世通儒,宜有此卓識,

唐書壹柒陸新唐書壹柒肆李宗閱傳及新唐書柒拾下宗室世系表小鄭元王房條等), 鑒類及舊唐書壹柒叁新唐書壹捌貳李珏傳等),李宗閔則為唐宗室,而鄭王元懿之四世孫(見舊 至黨魁牛僧

孺更是隋代 新唐書壹柒肆牛僧孺傳及唐文粹陸伍李珏撰牛僧 然則牛黨鉅子俱是北朝以來之舊門及當代之宗室, 達官兼名儒牛弘之八世孫,且承其賜田賜書之遺業。並以進士擢第者 孺神道碑、 而李黨之健者如陳夷行 杜牧樊川 集柒牛 僧儒 (見舊唐 墓 李回 誌銘

李讓夷之流復皆以進士擢第(見舊唐書壹柒冬新唐書壹捌壹陳夷行傳、舊唐書壹柒叁新唐書壹

李 紳 傳、 舊 唐 書 壹 柒 叁 新 唐 書壹叁壹 李 傳、 舊 唐 書意 柒 陸 新唐書壹捌壹 讓 夷 傳

是李黨 亦 重 進 士之科 前 所謂牛李黨派之分野 在科 舉與門第者, 毋 乃不能 成立耶 ? 應之日

容, 本 非 李 族 在 原 兩黨 則之大 朗 内 至於 新 既 李 産 圃 階 唐皇 北 概 牛 於 級 朝 也 室. 闪 生 同 死 故互 在 來 時 競 開 Ш 一受影 争之 間 或 東 初 1 期 響 族 丽 以 與 __ 地 事 遠支之宗室 屬 域 唐 於 可 又 高 開 以 和 宗、 隴 不 錯 集 論, 雜 武 其 團 則 之故 政治社會之地 所可 則 天之後由 其 論者約 互 雖 一受影響, 血 進 Ш 有 東 位 三端 詞 舊 實 自不 科 Ē 族 進 無 頗 能免, 用之 日牛 大 無 別 好 新 李兩 於 感 但 興 此 階 般 及 黨之對 為少數之特 中 級 + 葉以 兩 族 者 文 後 互 如 Ш 新 不 其 根 唐 東 相

上宗室 11 系表 所 Z

遂與 天 下三 異 一百年, 姓之 臣 子孫 雜 而 仕 蕃 宦 衍 至或 可 謂 流 盛 落於 矣。 民 其 間 初 皆 甚可 有 封 歎 爵, 也 至 其 世 遠 親盡 則各 隨 其 人賢

復可 故對 也 Ш 人之家族 茲更舉 金 於此 李 目目 尚 此 新 數 愐 李 能 舊 保 例以為證 兩 持 之所以 統 廢 舊 治 有 階 明 之特 為李 級 之門 家 學 而 長 黨 世。 爭 良 解 疑惑馬 落 如 前 傳 處 則 所 言 於 此 中 破 BE 凡 落户 風 111 1/ 家 東 地 之與新 學 舊 位 族 類 挺 既 圃 自 身 僧 若 而 口 級 鄭 牛 出 覃 不獨無所 者 與 此 新 李 即 興 宗 分別 其 階 関 之所 級 作 例 H 以 也 殊 更宜 為牛 死 門者 亦 與之同 黨 有 雖 也 必其 號

化 為 亦

殯,不言展墓,不議遷祔,姊爲尼,没於近寺, 薦之於德宗, [貞元]十二年以本官(右諫議大夫)同中書門下平章事。 崔損,博陵人,高祖行功已後名位卑替,大曆末進士擢第。户部尚書裴延齡素與損善, ,終喪不臨,士君子罪之。 [損]身居宰相 乃

同書同卷盧邁傳(新唐書壹伍拾盧邁傳同)略云:

盧邁 范陽人,少以孝友謹厚稱, 深爲叔舅崔祐甫所親重,兩經及第, 遷尚書右丞,

歸葬於洛陽,路由京師,邁奏請至城東,哭於其柩,許之。近代宰臣多自以爲崇重,五服 元]九年以本官同中書門下平章事。[邁]友愛恭儉,從父弟记爲劍南西川判官 卒於成都

之親或不過從弔臨,而邁獨振薄俗,請臨弟喪,士君子是之。

同書壹捌捌孝友傳崔沔傳(新唐書壹貳玖崔沔傳同,參顏魯公文集壹肆博陵崔孝公宅陋室銘記

略云:

崔沔, 詞,母卒,哀毀逾禮。沔善禮經, 京兆長安人,自博陵徙關中, 朝廷每有疑義, 世爲著姓。 沔淳謹, 皆取決焉。 事親至孝, 博學有文

同書壹壹玖崔祐甫傳(新唐書壹肆貳崔祐甫傳同)略云

中篇

政治革命及黨派分野

崔祐甫,父沔黄門侍郎, 諡曰孝公。家以清儉禮法爲士流之則。安禄山陷洛陽,

用(此語前已引),及祐甫代衮, 祐甫獨崎危於矢石之間,潜入私廟,負木主以竄。 薦延推舉, 無復疑滯, 常衮當國,非以辭賦登科者莫得進 日除十數人,作相未逾年凡除吏八

王氏繒帛菽粟, 百人,多稱允當。 王氏受而緘封之。及德宗還京, 朱泚之亂, 祐甫妻王氏陷賊中, 具陳其狀以獻, 泚以嘗與祐甫同 士君子益重祐甫家法 列 雅重其爲人, 乃遺

其 享令名也

邁既 據此 邁之流 是祐甫之甥,其以孝友恭儉著稱,必受其父母兩系門風之薰習無疑。然則 乃真 知 佳 損雖 山 與沔、 東舊族之代表,可與新興階級對壘相抗者也。 祐甫 同屬博陵崔氏, 而 為當世所鄙薄之「破落户」, 又舊唐書壹壹玖常袞傳(新唐 為禮 催沔、 法 祐甫、 廬 廬

壹伍拾常袞傳 同

天寶末

舉

华進士,

[作相]尤排擯非解科登第者

Im 祐甫代袞 用人不拘於進士, 豈其 意旨與 李德裕、 鄭覃所持之説亦有合數? 是前日

門閥 同 唐文粹伍陸李珏撰牛僧孺神道碑、新唐書伍柒上宰相世系表牛氏條等)云: 多不可信也, 即後來牛李之爭執 如杜牧樊川集柒牛僧孺墓誌銘 讀史者不可不知其一貫之聯繫也。一曰: (参考舊唐書壹柒 頂 凡牛 新 黨或 唐書壹柒肆 新 興 僧 一級所自 牛僧孺傳及 常崔之異 一稱之

八代祖弘以德行儒行相隋氏, 封奇章郡公,贈文安侯。文安後四世諱鳳及, 仕唐爲中書門

生太常博士贈太尉紹。 下侍郎監修國史,於公爲高祖。 太尉生華州鄭縣尉贈太保諱幼聞。 文安後五世集州刺史贈給事中諱休克, 太保生公, 孤始七歲, 於公爲 曾祖。 長安下杜 集州

樊鄉東文安有隋氏賜田數頃,書千卷尚存。

碑雖 隋 不能 宰之誤。然此等俱無關宏旨, 可不深論。 隋 嘗 寅恪案 鑿可信, 」,蓋承昔人之誤也。 為宰相(見隋書肆 不 亦言賜田等事 考舊史弘傳止載弘卒後贈開 使人致疑於新興階級之多所依託 但一 新唐書柒伍上宰相世系表牛氏條與牧之文微有出入。牛弘仕隋, 官至吏部尚書, 取與此相類之事即僧孺同黨白居易、 但 玖北史柒貳牛 無牛 可詳考通典貳壹職官典叁宰相條 弘相隋之語 府 儀 -弘傳, 同三司 也。 獨家有牛弘隋代賜出一事, 通鑑 但 光禄大夫, 兩唐書牛 貮叁柒元 敏中兄弟家所謂前代先祖賜田者考之, ·僧孺傳皆 和三年 並未言贈僕射。 茲不備論), 夏四 調 弘為僕射, 似僧孺與 月條 殆以吏部尚書當天官 又李 胡 注 弘之血 珏撰牛僧儒 似因 則 云:「牛弘相 此 統關 口 稱相 則又 迄未 神道 係確 家

白氏長慶集貳玖襄州別駕府君事狀云:

IH 所 謂有功於北齊之司空即白建也。 白 初 建字彦舉, 高 祖 贈司空有 武平七年卒, 功於北 贈司空。 韶賜莊宅各 據北齊書肆拾白建傳(北史伍 一盟, 在 百 小 韓城縣, 伍白建傳略同 至今存焉。

略

Z

臣, 下宰相世系表白 其所賜 建卒於北齊未亡以前。 莊宅 何得越在 氏條列白 同 州韓城 居 其生存 易、 敏中之先世云 诗期, 即仇讎敵國之內乎?其為依託,不待辨説也。 周齊二 一國東西並峙, 互相 爭競。 建為齊朝主兵之大 又新唐書柒

白建字彦舉,後周弘農郡守邵陵縣男。

也。 其所賜莊宅能在後周境 敏中之先世賜田本屬於 IH. 今雖難確 則為北周弘農郡守, 源不無關 「東舊族 建既字彦舉, 係 氏 定 所鄙薄。又白香山之違犯當時名教,坐不孝貶官 親舅甥之婚配 此 但非茲篇所能旁及者矣。 一重公案, 與北齊主兵大臣之姓氏名字俱無差異,是即白香山所自承之祖先也。 與北齊贈司空之事絕不能相容, 其間必有竄改附會, 内,後來子孫遠攀異國之貴顯, 後周姓白名某字某之弘農郡守,而其人卻是樂天兄弟真正之祖宗,故 而新興階級所謂前代賜田之不能作絕對可信之物證 (見近刊羅貞松先生遺 稿), 乃新興階級之陋習, 遂致前代祖宗橫遭「李樹代桃」之阨耶? 雖有政治性質 宜其 白無可疑。 亦由是得以推知 終亦與其門族淵 為尊尚禮法 豈居 但其官 門風

舊唐書壹柒貳令狐楚傳(新唐書壹陸陸令狐楚傳略同)云:

令狐楚自言國初十八學士德棻之後。

新唐書令狐楚傳雖删去「自言」一字,據其書柒伍下宰相世系表令狐氏條, 楚實非出自德棻。 然

舊 [傳[自言]之語固不應删也。夫楚綯父子繼世宰相 亦與白 [敏中 相 同。 是牛 黨 或新興階級所自 , 尤為牛黨之中堅, 而 其 (家世 譜牒之有 所

又就牛李黨派之分畫以進士科及舊門族為標識 一點尚有須注意者 一稱之門閥不足信賴 即李 觀此 栖筠 印 在天寶 知 末年已以仕

如楊收 進無 他塗 而翰 所以多由 門者 林 學上 不得不舉進士(見前引舊唐書武宗紀中李德裕語 可謂 進 I. 復出 唐 末五代間 身, É 進士詞 與 新 興階 之世家也 科之高選, 級 化 Ш 觀舊 東舊族荷 TI 唐書壹柒柒楊收傳所 新 雕 八階級 欲致身通 復 已累代貴仕),則貞 顯, 自宜 元以 趨赴進士之科, 後宰相多以翰 轉成 喬 木世臣之家矣。 此 林學士 山東 為

楊收自言隋越公素之後。

論日

門非世胄,位以

藝升。」

拾哀 FI 又 唐代新 為 帝紀 族 例。 或 天祐 新 興之進 門, 然唐末黃巢失敗後,朱全忠遂執統治之大權。凡藉進士詞科仕進之士大夫,不論 年四 1 俱月 前 科階 月癸巳勅 為清 級 流 異於 文、 而使 Ш 壹壹叁表遵慶傳 東之禮法舊 罹 ń 馬之禍 門者, 附 斯又中 尤在 福傳 其 及新唐書壹肆拾裴遵慶傳 古政治 放浪 不羈之 社會之一大變也(見舊 風 習。故唐 一之進 附樞傳等)。 唐 1 書順 科

政治革命及黨派 淫艷之詞 亦大抵應進士舉時所作(寅恪案:此集冬郎白序中「大盗入關」之語實指 分野

位文學.

有密

切關

係

孫榮北

里志所載即是一證。

又如

韓

偓以

忠節著聞

其

平

牛

著述

中

香盒

黄巢陷

信也 長安而言 以不在此篇範 震釣即唐晏作韓承旨年譜乃誤以大盗屬之朱全忠,遂解釋詩旨,多所附會, 圍 故不 詳辨)。然則進上之科其中固多浮薄之士,李德裕 鄭覃之言殊 殊不可

例。 未 其家世風習 才名頗縱 如牛黨之才人杜牧, 口 或疑其祖佑既為宰相 厚非, 酒色條 而數百 則知佑之父希望實以邊將進用(見新唐書壹陸陸杜佑傳及唐文粹陸 年 及其樊川集中遣懷七絶「十年一 實以放 社 會階級之背景實與有關 而兼 心浪著 通儒 稱。 唐語林柒補 是其人乃名家之子弟, 涉 遺 覺揚州夢,贏得青樓薄倖名」之句 所載杜牧少登第恃才喜酒色條, 抑又可知矣。 似不可列之新興階

佑)在淮南時, 妻梁氏亡後, 昇嬖妾李氏爲 正室, 封密國夫人, 親族子弟言之, 不從, 時

佑墓誌銘),

雖亦號為舊家,

並非上大夫之勝流門族。舊唐書壹肆柒杜佑傳(新唐書壹陸陸

捌權 級

德 興 但

撰 詳 其

杜 考

杜佑

中

等皆是

杜舍人牧恃

同

又同書壹濵與 論非之。 李正 (寅恪案: 己傳附師古傳(新唐書貳壹叁藩鎮淄青李正己 權文公銘佑之墓, 而不載李氏 者, 殆爲之諱 傳附師 耶? 古傳同

三云

貞元]十五年正月,師古、杜佑、 李樂妾媵並爲國夫人。

又同 書壹叁伍李齊運傳(新唐書壹陸柒李齊運傳同)云。 末以妾衛氏爲正室, 身爲禮部尚書冕服以行其禮

人士嗤消。

二八二

B 知]卒後 少子伊衡以妾爲妻, 家風替矣。

興階 亦好 其家 夫杜 級中 色事 世 論 氏 苗 風 既 品 百 也 習 以 號 至少亦有如李伊衡之「以妾為妻,](可取 相參 別矣。 與 稱舊門 新興階級符合所致 證 兩唐書杜佑傳附牧傳與唐語林柴補遺杜牧少登第恃 然則牧之以進 見新唐書柒貳 知其家 風 固習於浮薄 上宰相世系表 上擢第, 實可與 前述博陵 浮華放浪 家風替矣」之歎。 不同 杜 Ш 氏 催 東禮法舊門也 條 投身牛 一損事 , 並 而 若取 論 黨 君 卿 不獨 較 蓋 所 雖 為 Ш 才喜 俱 其 東 乃 稱 本 -與 酒色條 人性 舊 族 胡 門, 仍 族 質 保 武 附 仍 近 持 人 載 同 不 似 其 牧 使 閨 科, 妨列之新 然 BE 在當 晦

亦

隱傳)。 至 E 於 復經 李 愐 以 商 百 出 圖 隱之出 任. 年 李牛 進。 社 會之壓迫 É 之黨 不僅 新 興階 4 而終於 ·黨目 級 氣流尤為可畏者也 以 本應始終屬 放利背恩, 錦 瑟 年 華 於牛黨 悃 恐李黨 (参舊唐書壹玖拾下 然夢覺者歟?此 亦鄙 方合當時社會階級 其 輕 溥 五 無 一十載 文苑傳、 、操。 詞 心之道 斯 人之凄凉 義 新 德, Ш 唐 所以 「書順 乃忽結 身 雖 世 佰 秉 叁下 舌 負 婚 絶代之 極 李黨之 李 印 商 哀

若柳仲郢 附仲 處牛 郢 傳 李一黨之間 同 則與 義 山不同, 舊唐 書壹陸伍柳公綽傳附仲郢傳(新唐書 壹陸叁柳

香, 亩。 令以 嘗感李德裕之知。 期太尉恩獎及此 法。僧孺歎曰:「非積習名教, 公綽]子仲郢,元和十三年進士擢第,牛僧孺鎮江夏, 仲郢 退公布卷 禄利贍南宅。 以禮法自持, 不捨晝夜。 大中朝, 李氏無禄仕者, 仲郢領鹽鐵時, 令狐綯爲宰相, 仰報厚德 私居未嘗不拱手, 子班嘗著書誡其子弟。 敢不如奇章門館。」德裕不以爲嫌。仲郢嚴禮法, 安能及此?」〔後李〕德裕奏爲京兆尹,謝日言曰: 頗不悦。 内齋未嘗不束帶。 仲郢 與綯 初公綽理家甚嚴, 書自 辟爲從事。 明, 三爲大鎮 取德裕兄子從質知蘇州院事 綯深感歎, 仲郢 子弟克禀誠 廐無名馬, 有父風 尋與從質正 訓 重氣義 下官不 動修禮 衣不薰 言家 員

尚門風 直 唐書柒叁上宰相世系表柳氏條), 考柳氏雖是舊門, 退 維谷者 極諫 雖外來之世 家學之山東舊族李德裕, 科 ٠, 誠相 受牛僧孺之知獎, 然非 變縱極紛歧, 懸遠矣。 山東冠族七姓之一,公綽、仲郢父子所出, 君子 而内行之修謹 讀史見玉溪生與其東川府主升沈榮悴之所由判, 故能置身牛李恩怨之外, 自可謂之牛黨, 然終用家門及本身之儒素德業, 獨家風修整, 行誼敦篤,雖以進士詞科仕進(公綽舉賢良方正 不可或闕 致位通顯, 亦非柳氏顯著之房望(見新 較李商隱之見棄於兩黨 深有感於士之 得見諒

法者世稱柳氏

李黨派之社會背景及其分野界畫既略闡明,

益

也。

其朝政競爭勝敗進退之史實始易於解釋。前論唐

二八四

代中央政變皇位繼承不固定之事跡至德順之間而止, 「永貞內禪為內廷閹寺 與外朝士大夫黨派勾結之一顯著事例, 茲請續述順憲間永貞内禪隱秘之内容。 而牛李黨派實又起於憲宗元和 但 時

之故, 此後即取內外朝之黨派與皇位繼承一事合併言之。 所以然者,不僅為紀述便利計 亦因

此二事原有內在之關聯性,不得分隔論之也。

文甲編)。 關 於永貞內禪之隱秘 故茲於順宗實録避免繁冗,僅録其條目,而略其原文, 寅恪已於拙著順宗實録與續玄怪録專論之(載北京大學四十 別更節寫其他關於此事者於 週年紀念論

韓愈順宗實録壹之韓書之後,以供參證焉。

[王] 伾以[王] 叔文意入言於宦者李忠言,稱詔宣下條。

書叁之

口

叔文欲帶翰林學士, 宦者俱文珍等惡其 八專權, 削去翰林之職條。

同書肆之

文珍、 天下事皆專斷於叔文,而王伾、李忠言爲之内主,[章]執誼執行於外, 薛盈珍、 尚解玉者皆先朝任使舊人同心猜怨條。 而中官劉光琦、

俱

同書伍之

叔文入至翰林,任入至柿林院、見李忠言、牛昭容條

新 唐書貳佰柒宦者傳 上劉貞亮即俱文珍傳(舊唐書壹捌肆宦官傳俱文珍傳略同

神策 論 玉、 貞元末宦人領兵 人以苦旨付忠言, 忠言授王叔文, 叔文與柳宗兀等裁定, 事 兵以 吕如全 無敢 自强 等同勸 異 即用范希朝爲京西 哈貞 附順者益衆。會順宗立, 淹痼弗 帝立廣陵王爲太子監國, 亮乃與之争, 北禁軍 又惡明黨熾結, 部 將, 帝納其奏、 收宣者權、 能朝, 與中 九和八年卒, 然後下中書, 然未得縱, 欲遂 惟[宦者]李忠言、牛美人侍一美 而忠言素懦謹 人劉光琦 憲宗思其 神 文珍 每見 刺戴 叔文, 尚行、 與

贈開府儀司三司一(此十五字舊傳之文)

雪壹伍玖路隨傳(新唐書壹肆貳路隨傳同)略云:

之修定。 隨進憲宗實録,文宗復令改正永貞時事。 」韶曰:「其實録中所書德宗、 順宗朝禁中事, 宜令史官詳正刊去, 隨奏曰:「伏望條示舊記最錯誤 者, 宣付史官 其他不

初韓於撰順宗實録,說禁中事頗切直,內官惡之、往往於上前言其不實,累朝

有韶改修

及

修!

黨競勝, **E**伾、 E 叔文固不待論, 而外廷之士大夫韋執誼、劉禹錫、 憲宗之得立為帝,實由宦者俱文珍等之力。文珍與其同類李忠言異趣, 柳宗元等遂亦不得不退敗 故 内廷文珍之

信賴。 文珍等。其公允之程度雖有可議,而其紀內廷宦官之非屬一黨及壓迫順宗擁立憲宗之隱秘 韓退之本與文珍有連(見昌黎外集叁送俱文珍序及王鳴盛蛾術編伍柒), 其述永貞内禪事, 惟其如此, 後來閹寺深不欲外人窺知, 所以屢圖毀滅此禁中政變之史料也。 劉禹 錫 轉可 頗和.

外集玖子劉子自傳述永貞內禪 事 云 è

當時俱文珍一黨把持宫掖脅迫病君擁立皇子之實録, 猜」之句, 夢得在當時政治上與退之處於反對地位者(觀昌黎集壹赴江陵途中 劉,或慮言語洩,傳之落冤讎」等語。又叁永貞行及憶昨行詩「伾文未揃崖州 時 太上(順宗)久寢疾, 宰臣用事者都不得召對, 可以為證,其詳不能於此言之也),而所言禁中事亦與退之相同。然則韓劉之述作皆 宫掖事私, 而永貞內禪乃唐代皇位繼承之不固定及內 而建桓立順, 詩同官 熾 盡才俊, 功歸 雖得赦 偏 宥 善 恒愁 柳

與

又舊唐書壹伍玖崔羣傳 (新唐書壹陸 伍崔羣傳) 云:

一等黨派影響於外朝士大夫之顯著事例也。

廷閹

草臣議上尊號 憲宗不樂, 出爲湖南觀察都團練使。 皇甫鋳欲加一孝德」二字。 草曰: 有「睿聖」, 則「孝德」在其中矣。 竟爲餺所

皇甫鎛以靳惜「孝德」一字搆崔羣,憲宗竟信其語,因之不樂而出羣。據此, 憲宗之於

中篇 政治革命及黨派分野

似 A 有 慚德也。 然則 永真內禪一役必有隱秘不能吕言 從可 知

有關 得以 與外 黨 4 省之注尤可 僧儒 擁立 維 朝之李黨互 反對 黨派之爭起於憲宗之世 不僅由 持 神 畄 而即 不改。 用 用 注 碑 武 兵之上大 帝位 意 力 僧孺之嫉功 及内 相 削平 也 杜牧樊川 呼 廷閹 八夫則 -藩鎮 於是「銷兵」之議 應 也。 集柒牛 寺黨派 自不待言。 多為李吉甫之政 重振 憲宗為唐 可參考舊 -僧孺墓誌銘, 競爭 中 央政府之威 是以 既 行 定 烈, 前朝 T 書意集 元 敵 和 興 憲宗為別 (英主, 即後 M 局 望。當時 真 通鑑貞 朝此 大變矣(後來牛 新 來 唐 其為政宗 所 主 建司芸 反對 用兵 謂 肆柴會昌三年三月條司 主張用 牛 黨。 柒 派之閹 派之閹 基 兵之七大夫大 旨在矯 李一黨魁維 4: 而主 僧儒 寺所 宇 始 持用 11-傳及 終 大曆、 紅 柄權 兵之内 唐 州之異 穆宗 抵 貞元 义 屬 馬光之論 粹 於後 用 廷 兵之政 屬寺 此 站息荷安之 伍 陸 與 畫 來所謂李 及胡 李 此 弒 點 逆徒 派又 珏 策 撰 大 亦

唐 書意 捌肆 宦 傳 叶 突 承 璀 傳(新 唐書貳 佰 柒宦者傳 叶 突 承 璀 傳 略

Z.

年王 承雅 古無中貴人爲兵 吐突承 班 宗叛 璀 師 动 仍爲禁軍中尉。 黄 韶 門 馬統帥 以 承 直 東宫 璀 者 爲 河 段平仲抗疏 中等道 憲宗即 憲宗不獲已 位 赴 鎮州行營兵 授内常侍 極論承璀輕謀弊賦 改爲充鎮 馬 知 外門已 招 内侍 討 等使。 東招 省事 撫處置等使。 請斬之以謝天下。 諫 俄授-官 左軍 疏 相 中 屬 尉。 皆 經年 〔元和〕 1-1111 77

中篇 政治革命及黨派分野

E, 復爲 E, 而宰相 降爲軍器使, 神策中 尉。 李絳在翰 惠昭 俄復爲左衛上將軍知内侍省事, 出爲淮 林時數論 太子薨,承璀建議請立澧王寬爲太子,憲宗不納, 承 璀 之過, 故 出之。 八年欲 南節度監軍使 召承璀遺, 乃罷 立遂王宥。 上待承璀之意未 絳 相位 穆宗即 承难還

位

銜承璀

不佑己,

誅之。

13 書意陸 吐突 承璀思寵莫二, 肆 以絳爲中書侍郎 李絳 傳 (新 唐 書壹伍 是歲(元和六年)將用絳 同中書門下平章事。 貳李絳傳多 採 李相 同 列 國 爲 李吉甫便僻 論 宰 事集, 相 前 可参讀)云: 善逢迎上意, E 出 承 璀爲 淮 絳梗直多所規諫 南

監

軍

翌日降

與古 南不協 時議者以吉南通於承璀 故絳尤惡之。

書壹肆捌李吉甫傳(新唐書壹肆陸李柄筠傳附吉甫傳同)云:

n

故

甫以 图 以 分蜀寇 闢 准 反 西内地, 之力, 帝(憲宗)命誅 不同 事皆允從 朔 計之, 且 由是甚見親 四 計未決, 境 無黨援 信。 吉甫密 淮西 國家常宿數十萬兵以爲守禦, 贊其謀, 節 度使吴少陽卒, 兼請 廣徵 江淮之師, 其子元 濟 宜因 請襲父位, 由三峽路入, 時 而 取之, 七

新 唐 書貳佰壹文藝傳 Ŀ 元 萬頃傳附 義方傳(通鑑貳叁捌元和七年正月辛未條同)云:

頗叶上旨,

始爲

經度淮西之謀

歷號商二州刺史 福 建觀 察使 中官吐突承璀聞人也 義方用其親屬爲右職 李吉甫再當

寅恪案:

或 陰欲承璀奥助,即召義方爲京兆尹。(寅恪案:新唐書及通鑑俱採自李相國論事

璀所主持 憲宗與吐突承璀之關係可謂密切矣。 而在外朝贊成用兵之宰相李吉甫其與承璀有連,殊不足異也。 故元和朝用兵之政策必為在内廷神策中尉 至舊唐書壹叁柒吕渭 吐突承

傳附溫傳(新唐書壹陸拾吕渭傳附溫傳同 三云

其所謂中官疑是宦官中之別一 [元和]三年吉甫爲中官所惡, 黨派 將出鎮 與吐突承璀處於反對之地位 揚州, 温欲乘其有間, 傾之。

書壹陸柒李逢吉傳 (新唐書壹柒肆李逢吉傳 者也。

同,

並參舊唐書壹柒貳

新唐書壹陸陸令狐楚傳)

時用兵討淮蔡, 楚爲 度制幹, 憲宗以兵機委裴度。逢吉慮其成功,密沮之,繇是相惡。及度親征, 言不合旨。楚與逢吉相善, 帝皆黜之,罷楚學士,罷逢 吉政事。

唐 書壹柒拾裴度傳(新 書壹陸捌新 唐書壹柒柒錢徽傳等)云: 唐書壹柒叁裴度傳同 並參舊唐書壹柒貳新唐書壹佰壹蕭瑀傳附

一一一一一一

唯度言:賊不可赦。 先是韶羣臣各獻誅吴元濟可否之狀, 朝臣多言罷兵赦罪爲便, 翰林學士錢徽 蕭俛語 尤切。

寅恪案:元和廷議用兵淮蔡之時,憲宗總持於上,吐突承璀之流主張於內,而外朝士大夫持論

東舊 雖有 FE 異 之外 百 廷宰 然其 初 相 未 李 必 遽有 甫 社 其 會 個 階級 人 滴 之背 為 新 景存 圃 階 乎 级 其 之急 間 進 也 派 不意 牛 僧 孺 與 等 巾上 突 所 承 痛 璀 詆 交 結 竟 贊 醸 助 成 用 耳 相 兵 報 出 復 自 Ш

位 行 動。 競 夫 爭 兩 遂因 派 既 勢不 此 表 並 面 形式化 沙, 自 矣。 然各就 及其 其 後 氣 鬥爭之程 類 近 招求 度 隨 H 黨 時 間 之久長 於是 网 涿 種 漸 不 增 百 劇 社 會 当 階 级 上 爭 大夫 取 政 一縱欲 治 地

壹玖 晚 伞 身於局 拾 李未 恐 亦 難倖 外之中 文苑傳 能 始 蚁 免 F 江 屬 也 李 於 亦幾 商 柳 黑 黨之李 仲 傅 不 郢之以 語 町 能 0 商 隱 订 此 如牛 點為 誼 則卒為 見 黨白 研 諒 究 居 兩 P 唐 黨 易之以消 謂 代中 例 俱 外。 晚之際 不收 極 其 被 餘 1: īţij 容(樂天 之人若 大 一名宦 夫 八身世 幸 不 無 之 進 [] 生 111 最 定 要 坎 組 較 品 壈 明 早 炊 之 İ 鍵 表 身」(舊 若升 甚 不 不 朝 可 唐 如 書 忽 出 史

舊唐 書意柒陸 李宗 関 傳 (新 唐 書 壹 柒 肆 李宗 関 傳 並 參考 新 唐 書 一 柒 肆 4 僧 儒 傳 舊唐 書

楊於 肆 捌 陵 新 傳 唐 書壹 舊 唐 陸 書 玖 書 美 陸 垍 傳 玖新 舊唐 唐 書壹 書言 柒玖 伍 E 捌 涯 新 傳 唐 書 舊 青 唐 陸 書壹 玖 韋 肆 貴 憲宗 之傳 紀 舊 F 唐 元 和 書 一一一 年. 陸 肆 夏 新 Л. 月 唐 書 條 陸 通

貳叁柒元和三年四月條等)云·

関

宗

室

鄭

王

一元懿

之

後,

貞

元二十

年

進

士

擢

元和

四

年

寅

恪

四

年

當

作三年

賢 良 方 IE 科 初宗 関 與牛 F 年 登 進 第 又與 僧 獳 同年 登 應制 之歲

吉甫泣訴於上前, 部尚書楊於陵出爲嶺南節度使, 翰林學士王涯甥皇甫湜中選,考覈之際不先上言,裴垍 李吉甫爲宰相當國,宗閔、僧孺對策指切時政之失,言甚鯁直,無所迴避。考策官楊於 之再貶巴州刺史。 、韋貫之、 、李益等又第其策,爲中等,又爲不中第者注解牛李策語,同爲唱誹。又言: 僧孺、 憲宗不獲已,罷王涯、裴垍學士。 宗閔亦久之不調, 隨牒諸侯府, 吏部員外郎章貫之出爲果州刺史, 垍守户部侍郎, 時爲學士, 七年吉甫卒, 方入朝爲監察御 王涯再貶號州 居中覆視, 涯守都官員 無所異同。 外郎 司 馬 吏

舊唐書壹柒壹張仲方傳(新唐書壹貳陸張九齡傳附仲方傳同,並參考白氏長慶集陸壹張仲方墓

胎之肇實始其謀。請俟蔡寇將平, 徒暴野, 戎馬生郊, 太常定吉甫諡爲恭懿,博士尉遲汾請爲敬憲。仲方駁議曰:「兵者凶器,不可從我始。 侍御史倉部員外郎。 張仲方, 出爲金州刺史(寅恪案:此亦座主門生關係密切之例證)。 韶州始興人,伯祖文獻公九齡開元朝名相。仲方貞元中進士擢第,宏辭登科, , 僵尸血流, 胔骼成岳, 酷毒之痛號訴無辜。 勦絶羣生, 。會吕温、羊士諤誣告宰相李吉甫陰事,二人俱貶。仲方坐吕温 天下無事,然後都堂聚議,諡亦未遲。」憲宗方用兵、 吉甫卒, 入爲度支郎 迨今四載 中。 貢舉門 時

方深言其事,怒甚,貶爲遂州司馬

同書壹柒貳蕭俛傳 蕭挽曾祖 大師 徐國公嵩開 (新唐書壹佰壹蕭瑀 元中 宰相 傳 附俛傳同 挽貞 元七年進士)略云: 擢第, 元和六年召充翰林學士,

吉南 而 生。 憲宗怒, 貶仲方, 俛亦罷學士, 左授太僕少 卿。

部

郎

中

知

制

語

内職

如

故

坐與張仲

方善。

仲

方駁李

吉甫諡議,

言用兵征發之弊由

九年

書壹柒玖蕭遘 傳(新唐書壹佰壹蕭俛傳附遘 傳)略 Z.

F 進士第,志操不草,自比李德裕,同年皆戲呼「太尉」。 蘭陵人,開元朝宰相太師徐國公嵩之四代孫(寅恪案:「四」字誤)。 遘以咸通五年登

過酷 及之。 之進士出身新興階級。據大唐新語柒識量 今觀 此所以釀成士大夫黨派競爭 新興階級黨派之構成 李宗関傳, 益為明 顯。至李吉 進上詞科同門之關 數十年不止 用為· 篇(參考舊唐書壹佰陸李林甫傳、 也。 人固 張仲 有可議之處, 係乃一重要之點,前論李絳及楊嗣復事已涉 方乃九齡 而牛 之姪孫 李凯斥太甚, 九齡 新唐 本為 書 頂宣 占甫 武 后 陸張九 亦報 所 拔 摧 復

通鑑貳壹肆開元二十四年冬十月條)云:

牛仙客爲涼州都 不可。」玄宗怒曰: 督 節財省費 軍儲所積萬計。玄宗大悦, 將拜爲尚書 張九龄諫

「卿以仙客寒士嫌之耶?若是, 如卿豈有門籍?」九齡頓首日

荒陬賤類 陛下過聽, 以文學用臣; 仙客起自胥吏, 目不知書, 韓信淮陰 一壯士耳, 羞與

同列, 陛下必用仙客, 臣亦恥之。

張燕公好求山東婚姻,

當時皆惡之,及後與張氏爲親者乃爲甲

門。

又國史補上(參考太平廣記壹捌肆氏族類)云:

及新 唐書壹玖玖儒學傳中 孔若思傳 附 至傳 <u>-</u>

説子 均方有龍, 明 E 示章述 族學, 與章述、 述謂 怒曰:「天下族姓何豫若 可傳, 蕭穎士、 及聞垍語, 柳沖 齊名, 懼,欲更增損。 事, 言共 百家 而妄紛紛邪?」垍弟素善 類例 述曰 · 止 張說等爲近世 丈夫奮筆成 至, 以實 新 族 告。 一家書, 剟去之。 初,

口 知始興 何因 X 張氏實為以文學進用之寒族, 動摇 有死, 不可改 」遂罷。 即孔至之所謂「近世新族 時述及類士、沖皆譔 類例, 」之列。宜乎張説與九齡共通譜 而至書稱工

亦成 為反 密切結合, 對之黨。 由二人之氣類 若蘭 陵 蕭氏 本 元是後梁 也。 因是, 蕭答之裔 九齡 mi 姪 加 孫仲方與 入關 隴 集團 П 東舊 與李唐皇室對 門李吉甫 氣類 於新舊 不相 小 階

之為人, 處於中立地位者相似。 乃取 以自況也。 故蕭俛 由 進七出 身, 成為牛氏之黨, 而 蕭遘 雖用 進 擢 第

慕李文饒

級之爭得

元和朝雖號稱中興, 然外朝七大夫之黨派既起, 内廷閹寺黨派之競爭亦劇,遂至牽涉皇位繼承

而憲宗因以被弑矣。

舊唐書壹柒伍澧王惲傳(新唐書捌貳灣王惲傳同)云:

澧王惲,憲宗第二子也,

本名寬。

吐突承 理思龍特異,

惠昭太子薨,議立儲貳,

承璀獨排

衆議屬澧王,欲以威權自樹。

賴憲宗明斷不惑,

及憲宗晏駕承璀賜死,

王亦薨於其夕。

冒 書壹伍玖崔羣傳(新唐書壹陸伍崔羣傳同)云:

元和七年, 惠昭太子薨, 穆宗時爲遂王,憲宗以澧王居長, 且多内助, 將建儲

遂王嫡長,所宜正位青宫。」竟從其奏。

澧王作讓表。

草上言曰:

「大凡己合當之,

則有陳讓之儀。,己不合當

因何遽有讓表? 今

貢

命羣與

同書壹捌肆宦官傳吐突承璀傳(新唐書貳佰柒宦者傳上吐突承璀傳同)云:

承璀建議請立澧王寬爲太子,憲宗不納,立遂王宥,穆宗即位, 銜承璀不佑

惠昭太子薨,

誅之。 (前文已引, 兹爲論述之便利, 特重録之。

同書同卷王守澄傳(新唐書貳佰捌宦者傳下王守澄傳 唐書壹伍玖新唐書壹肆貳草處厚傳中「不諱內惡 之語 同,) Z 並參考舊唐書壹肆新唐書柒憲宗紀及

舊

憲宗疾大漸, 内官陳弘慶等弑逆。憲宗英武, 威德在人 内官秘之,不敢除討,

發暴崩。時守澄與中尉馬進潭、

梁守謙、

劉承偕、

中篇

政治革命及黨派分野

韋元素等定册立穆宗皇帝。 但云:藥

通鑑貳肆壹元和十五年正月條(參考舊唐書壹貳拾新唐書壹叁柒郭子儀傳附釗傳)云:

(穆宗)聞而憂之, 初左軍中尉吐突承璀謀立澧王惲爲太子,上(憲宗)不許,及上寢疾,承璀謀尚未息,太子 密遣人問計於司農卿郭釗, 到曰:「殿下但孝謹以俟之, 勿恤其他!

新唐書捌宣宗紀云

大中十二年二月廢穆宗忌日,停[穆宗]光陵朝拜及守陵宫人。

通鑑貳肆玖大中十二年二月甲子朔條紀此事, 胡注云:

以陳弘志弑逆之罪歸穆宗也。

裴廷裕東觀奏記上云:

漏網者。 憲宗皇帝晏駕之夕,上(宣宗)雖幼,頗記其事,追恨光陵商臣之酷,即位後, 便欲殞於樓下, 郭太后以上英察孝果, 欲成上過, 且懷慚懼。時居興慶宫, 左右急持之。即聞於上,上大怒,其夕太后暴崩, 與一二侍兒同升勤 政樓, 誅鉏 倚衡而 惡黨無

也。

通鑑考異大中二年條引[宣宗]實録,並附按語云:

[大中二年]五月戊寅以太皇太后寢疾,權不聽政,宰臣率百寮問太后起居。己卯復問起

居, 帝之志也。六月貶禮院檢討官王郎 下遺令。是日太后崩。初上(宣宗)篡位 爲潤 州句容令, 以憲宗遇弒,頗疑太后在黨中, 以皡抗疏請郭后合葬景陵 至是暴得疾

名)配饗憲宗廟室故也

E

先下韶云 以太后寢疾,

權不

聽政!?

若無此

事,

廷裕豈

敢輒誣宣宗?

或者

郭

實

派欲立遂王宥即

後來之

(司馬光)按, 實録所言暴崩 事, 皆出 東觀 奏記,若實有此 事, 則既云「是夕暴崩」, 何得前

寅恪案:元 以 病終, 和 末 而宣宗以平日疑然之心, 年内廷屬寺叶突承璀 派欲以澧 欲點其 禮 王惲繼皇位 故皡争之, 王守澄 疑以傳疑 今參取之。

也。 乃穆宗之生母 M 端 渦意 頗近 競爭至 郭 模稜 后之暴崩 劇 其預知弑逆之謀,似甚 吐突承璀之黨失敗 難以信從。 儻果出於宣宗之志, 蓋裴廷俗比 可能。司馬君實所論雖不失史家審慎忠厚之旨, 憲宗遇弑 ,則崩前一日何不可預作伏筆? 穆宗於商臣,若非確有所據,必不敢為此誣妄之説 穆宗因得王守澄黨之擁戴 或者 mi 即 繼 因 位 矣。 有前日 但參取 至郭后 寝疾

派之競爭二 為官 遂促成次日 端 KK 崩 與此 事 暴崩之事乎? 唐室中興英王憲宗之結 總之, 宫掖事 局 有關 秘, 雖不宜 則 無 미 遽斷 疑也 然皇位 (鍾 軽前 繼承之不固 定 録 李生 條 一定及 亦 紀 閣 流 懿安 寺黨

又日本僧圓 仁入唐求法記肆所載郭太后被藥殺事 則年月名 號俱 有

復次, 相即此 内廷 反對黨之附屬品 2閱寺中吐突承璀之黨即主張用兵之黨既失敗,其反對黨得勝,擁立穆宗, 自然亦不上張用兵,而「銷兵」之議遂成長慶一朝之國策矣。 故外朝宰

唐書壹陸穆宗紀

長慶元年二月乙酉天平軍節度使馬總奏:當道見管軍士三萬三千五百人, 情願居農者放 逃亡者 不捕。 先是平定河 南, 及王承元去鎮 州 辛田 蕭兔 從去年正 不顧 月已

П 一書壹柒貳蕭俛傳(新唐書壹佰壹蕭瑀傳附俛傳略同)云:

乃獻銷兵」之議,

請密部

天下軍鎮,

每年限百人内八人逃死,

故總有是奏。

等

穆宗乘章武(憲宗)恢復之餘, 遺卒皆至。 下軍鎮有兵處每年百人之中限八人逃死,謂之「消兵」。帝既 如其策而行之。 以爲兵以静亂, 朝廷方徵兵諸藩,籍既不充,尋行招募,烏合之徒動爲賊敗, 而藩籍之卒合而爲盗,伏於山林。 時已治矣,不宜黷武,勸穆宗休兵偃武, 即位之始兩河廓定,四鄙無虞,而俛與段文昌屢獻太平之 明年朱克融、王廷凑復亂河朔, 荒縱 又以兵不可頓去,請密韶 不能深料,遂韶 由此 復失河 一呼而 天下,

朔為胡化區域,其兵卒皆善戰之人,既被裁遣,「合而為盜」,遂為朱克融、王廷湊所利用 寅恪案:「銷兵」之數每年僅限百分之八,且歷時甚短,其所以發生如是之大影響者, 蓋當時 ĪŪ

蓋

消兵」之失也。

又舊唐 荆南監軍崔潭峻甚禮接稹, 書壹陸陸元 品 等百餘篇奏御, 種傳(新唐書壹柒肆元稹傳略 穆宗大悦。 ,不以掾吏遇之,常徵其詩什諷誦之。

長慶初潭峻歸朝

新 唐 書壹 訓傳 (參考新唐書貳佰捌宦者傳下 王守澄傳)云:

宦 人陳弘志時監襄陽軍, 訓啓帝(文宗)召還 至青泥驛, 遣使者杖殺之。 復以計白

皆賜 而崔 潭峻前物故 韶剖棺鞭屍, 元和逆黨幾盡

軍容使

賜鴆死。

又逐西川

監軍楊承

和、

淮南韋

元素、

河東王踐言於嶺外,

據新 訓 八月丙申詔書以李德裕與之連結者, 九三三年六月清華學報拙 結句「努力廟謨休用兵」一 為擁立穆宗之元和逆黨中 稹傳「長慶初潭峻歸朝」之語微有 唐書李訓傳明言崔潭峻為元和逆黨,但憲宗於元和十五年正月二十七日被弑, 鄭注遂藉之以為説耳。 著讀 五 詳見新唐書壹柒肆李宗関傳、 其主 實關 連昌宫詞質疑。 未妥, 張 涉當時 蓋踐言曾言送還吐蕃悉怛謀之非計, 「銷兵」自不待言, 故新唐書元稹傳改作「長慶初潭峻方親幸」也。 政局 又宦官王踐言 或 策 世之治 於是知元才子連昌宮詞全篇主旨所在之 舊唐 為元 史讀 書意集肆新唐書壹捌拾李德裕傳 和逆 詩者幸勿等閒放過 黨之一, 與德裕 而文宗大和九年 È 張 則舊 也(參考一 夫 潭 相 層唐書元 峻既 李

等, 茲不能悉論也)。

新唐書捌敬宗紀(參考舊唐書壹柒上敬宗紀)略云:

敬宗諱湛,穆宗長子也,始封鄂王,徙封景王。長慶二年穆宗因擊毬暴得疾,不見羣臣者三 逢吉請立景王爲皇太子(癸巳韶以景王爲皇太子)。四年正月穆宗崩,丙子皇太子即皇帝位。 日,左僕射裴度三上疏請立皇太子, 而翰林學士兩省官相次皆以爲言。穆宗疾少間,宰相李

舊唐書壹柒冬李紳傳(新唐書壹捌壹李紳傳同)略云: 翰林學士杜元穎、李紳勸立深王,而逢吉固請立陛下,李續之、李虞繼獻章疏。」帝雖沖 王守澄每從容謂敬宗曰:「陛下登九五, [李]逢吉之助也。先朝初定儲貳, 唯臣備知。時

度、杜元穎與紳三人所獻疏, 年,亦疑其事。會逢吉言:「李紳在内署時,嘗不利於陛下,請行貶逐。」帝初即位,方倚 是讒言稍息,紳黨得保全。 大臣,不能自執, 乃貶紳端州司馬。會禁中檢尋舊事,得穆宗時封書一篋,發之,得裴 請立敬宗爲太子。帝感悟興嘆,悉命焚逢吉黨所上謗書。由

李德裕黨劉軻牛羊日曆云

穆宗不豫,宰臣議立敬宗爲皇太子,時牛僧孺獨懷異志,欲立諸子。僧孺乃昌言於朝曰: 「梁守謙、王守澄將不利於上」,又使楊虞卿漢公輩言於外曰:「王守澄欲謀廢立」,又於街

誦 衛門墙上 衢廣張之效顰外國政黨宣傳標語, 豈知吾中國人早已發明此方法耶?可笑, 一施榜, 每於穆宗行幸處路傍或苑內草間削白而書之 (寅恪案: 牛黨所爲殊似今日 可歎

冀謀大亂。其光險如此。

及内廷閣寺黨派與外朝士大夫黨派互相關 黨魁王守澄既贊成其事, 寅恪案:敬宗為穆宗長子,故外朝諸臣請立為皇儲,又值穆宗初即位,元和逆黨方盛之時,其 李逢吉 劉軻之流俱藉皇儲問題互訴 而穆宗不久即崩 其政 係, 敵 其皇位繼 於此復得一例證矣。 並牽涉禁中閹寺黨魁 承權所以幸未動搖 則唐代皇位繼承之不固定 也。 然觀外廷士大夫如

唐 [寶曆二年十二月] 辛丑帝夜獵還宮,與中官劉克明、田務成(成, 上敬宗紀(新唐書捌敬宗紀同)云:

克明等同謀害帝、 毬、軍將蘇佐明、 即時殂於室内。 王嘉憲、石定克等二十八人飲酒。帝方酣,入室更衣,殿上燭忽滅

通鑑作澄)、許文端打

新唐書捌文宗紀(舊唐書壹柒上文宗紀同)云:

以絳王悟勾當軍國事。壬寅内樞密使王守澄、 文宗諱昂(初名涵),穆宗第二子也, 王而立之,率神策六軍飛龍兵誅克明, 始封 殺絳王。 江王。 楊承和、 寶曆二年十二月敬宗崩, 神策護軍中尉魏從簡、 劉克明 梁守謙奉江

<u>=</u>0

舊 唐 書壹伍 政章 處厚傳(新唐書壹肆 貳草處厚傳同)云:

寶曆季年急變中起, 大義滅 親 文宗底綏内難 内惡必書, , 韶命將降, 未有所定。 處厚聞 難 奔赴, 昌言曰:「春

以明逆順

正名討罪,

,於義何嫌?

安可依違,

有所避

諱? 遂

通 鑑 | 貳肆叁寶曆二年 十二月條

盡斬 宣遺制 [宦官]劉克明等矯稱 中尉魏從簡、 克明赴井, 絳王見宰相百官於紫宸殿外廡。 出而 上(敬宗)旨 梁守謙定議 斬之, 一,命翰林學士路隋草遺制, 以衛 克明欲易置內侍之執權者, 兵迎江王涵入宫,發左右神策飛龍兵進 以絳王 悟權勾當軍 於是樞密使王守澄 國事。 討 財黨 壬寅

絳王

爲亂兵

所

均是 弑 寅 當時 恪 一討其族 不得比 内 案 , 廷閹寺劉克明黨與王守澄黨競爭下之附屬犧牲品及傀儡子耳, 閹 類, 憲宗為宦官所弑 數於憲宗 人初亦應有所顧 故諱 莫如深。 ,遂以為無足諱言也。至敬宗及絳王悟之被弑害, 前論 閹人以其為英武之主, 慮, 然其 順宗實録 、所以卒從韋處厚之説, 事引舊 唐書 威望在人, 路隋傳, 公開 若發表實情 可以 宣 亦可憐哉 一布者, 為證。 與夫文宗之得繼帝位 則由 及敬 恐外 敬宗 宗又為宦 斯又唐代皇位 間 反對者藉此 乃童 昏之 官所

繼承不固定與閹寺黨爭關係之一例證也。

文宗 朝為牛李黨人參雜並進競爭紛劇之時期,故舊唐書壹柒陸李宗閱傳(新唐書壹柒肆李宗

関傳同)云:

日: 文宗以二李(寅恪案:二李謂宗閔及德裕也, 「去河北賊非難, 去此明黨實難。 宗閔代表牛黨)朋黨,繩之不能去,嘗謂侍臣

級自文宗以後, 殘之酷,唐之皇室亦隨以覆亡, 品 之黨誠甚難, 於河朔藩鎮 夫唐代河朔藩鎮有長久之民族社會文化背景,是以去之不易,而牛李黨之政治社會文化背景尤長久 閹寺既不能去,上大夫之黨又何能去耶? 及至唐之末世,士大夫階級暫時聯合, 乃假借別一社會階級即黃巢餘黨朱全忠之武力,終能除去闡寺之黨。但士大夫階級本身旋罹摧 李黨人在唐代政治史之進退歷程言之, 而欲去內廷閹寺之黨則尤難, 且此 在政治上盛衰分合互相關涉之要點, 兩黨所連結之宫禁閹寺, ,其間是非成敗詳悉之史實雖於此不欲置論, 所以卒受「甘露之禍」也。 其社會文化背景之外更有種族問題 兩黨雖俱有悠久之歷史社 則不得不述其概略也。 況士大夫之黨乃閹寺黨之附 會背景, 而士大夫階級與閹寺階 故文宗欲去士大夫 但其表面 與閹寺全體敵 形式化

對立 則在 憲宗之世。 生死搏鬥之跡象,此讀史者所習知也。然試一求問此兩黨競爭之歷程何以呈如是之情狀 時 期 此後紛亂鬥爭 宣宗 朝為牛黨全盛 ,愈久愈烈。 時期, 宣宗以後士大夫朋黨似己漸次 至文宗朝為兩黨參錯 並進, 競逐 八消泯 最 劇之時。 無復 前 武宗 此 兩 朝

中篇 政治革命及黨派分野

與外廷 甲派 黨 動 級之宰割矣。 逼。 外朝士 則自 退 迄至 士大夫成為生 來史家 則外朝之上大夫亦為兩黨同時 後來 大夫為被動 茲略引舊史, 内 勘有解答。 廷之閹寺「合為一片」(此 一死不兩立之仇敵集團, 閹寺為兩 稍附 鄙意外朝士大夫朋黨之動 論 釋, 派 司 藉以 並 時 進, 並進 唐宣宗語 闡 終於事勢既 明唐代 或某一 或某 時甲黨進而乙黨退 内廷閹寺與外朝士大夫黨派 態即內廷閹寺黨派之反影。 見下文所引)全體對外之時 時 窮, 甲派進而 乞援外力, 乙派退,或某一 遂 或某一時 受別 内廷 H 武 則内 時 聯變遷之歷 乙黨進 裝 一關寺 乙派 社 廷 會階 星 為 進 寺 M

醫店書壹陸玖李訓傳(新唐書壹柒玖李訓傳同)略云:·

程於下,或可少補前人之所未備言者歟?

欲芟落本根 文宗以宦者權寵太過, 反噬(寅恪案 王]守澄, 俾之援訓 以雪讎 事見舊唐 恥。 冀黄門不 繼爲禍胎。元和末弑逆之徒尚在左右 書壹陸 九重深處, 疑也。 捌 新 難與 唐 書壹 訓 將 既 秉 伍 相明言, 前與侍 賣 權 衡 宋 中錫 即 謀 傳), 誅 内豎。 講宋申 自是 雖外示優假,心不堪之。思 巷伯尤 錫謀, 中 官陳 横。 弘 謀之不滅, 慶者 鄭 自 注 得幸 幾成 元 和

殺。王守澄自長慶已來知樞密, 罷其禁旅之權, 尋賜鴆殺。 典禁軍,作威 訓愈承恩顧, 作福。 黄門禁軍迎拜戢斂。 訓既 作 相, 以守澄爲六軍十二衛觀軍

末負弑逆之名

忠義之士無不

扼腕。

時

爲

襄

陽

監

軍

乃召

自

漢南,

至

青

泥

驛

遣

、封杖決

事可參考舊唐書壹柒下文宗紀下大和九年八月九月有關諸條,及同書壹柒肆李德裕傳、壹 痿弱重腱之疾。 柒陸李宗閔傳, 李宗閔、李德裕。心所惡者,目爲二人之黨,朝士相繼斥逐,班列爲之一空(寅恪案:此 (李)訓 [鄭]注之權赫於天下,既得行其志,生平思讎絲毫必報。 , 新唐書壹柒肆李宗閔傳、壹捌拾李德裕傳等)。注自言有金丹之術, 可去 始李愬自云得效,乃移之[王]守澄,亦神其事,繇是中官視注皆憐之。 因楊虞卿之獄挾忌 交

以是售其狂謀,而守澄自貽其患。

口 .書壹捌肆宦官傳王守澄傳(新唐書貳佰捌宦者傳下王守澄傳同)略云: 時仇士良有翊上之功,爲守澄所抑,位未通顯。[李]訓奏用士良分守澄之權,乃以士良爲

左軍中尉。守澄不悦,兩相矛盾。訓因其惡,大和九年帝(文宗)令内養李好古齎鴆賜守 守澄豢養訓、[鄭]注,反罹其禍。人皆快其受佞,而惡訓、注之陰狡。 澄,秘而不發。守澄死,仍贈揚州大都督。其弟守涓爲徐州監軍,召還,至中牟,誅之。

新唐書壹柒肆李宗閔傳(舊唐書壹柒陸李宗閔傳略同)略云:

相, 李訓、 而踐言監軍劍南, [鄭]注劾宗閔異時陰結駙馬都尉沈議、 受[李]德裕財, 復與宗閔家私, 内人宋若憲、 乃貶宗閔潮州司户參軍事, 宦者章 一元素、 王踐言等求宰 蟻逐柳

三〇六

州,元素等悉流嶺南, 人人駭栗。帝乃韶宗閔、德裕姻家門生故吏自今一切不問。 親信並斥。時訓、注欲以權市天下,凡不附己者,皆指以二人黨逐

通鑑 (貳肆伍大和九年六月條(參考新唐書貳佰捌宦者傳下王守澄傳)云: 因之, 神策左軍中尉韋元素、 出承和於西川,元素於淮南,踐言於河東, 樞密使楊承和、王踐言居中用事,與王守澄争權不叶,

皆爲監軍。

鄭注

皆由於閹寺,故能悉其隱秘,遂欲同時一舉將閹寺及士大夫諸黨派俱排斥而盡去之也。當日閹 如王守澄與仇士良、韋元素等之例是也。 寅恪案:李訓、鄭注所以能異於宋申錫, 寺之黨派既 斯為文宗 是同時並進,互相爭鬥,達於劇烈之高點,故士大夫之黨派各承其反影, 一朝政治上最要之關鍵,前人論此,似少涉及者,特為標出之如此 ,幾成掃除閹寺之全功者,實在利用閹寺 又當時牛李黨人各有其鈎結之中官,訓、 中自分黨派 注之進用本 亦復如

新唐書壹柒玖李訓傳(舊唐書壹陸玖李訓傳 同)略云:

奏:「甘露降金吾左仗樹。」[帝]輦如含元殿,韶宰相享臣往視,還,訓奏:「非甘露。」帝 募士,及金吾臺府卒劫以爲用。[大和九年]十一月壬戌(二十一日)帝(文宗)御紫宸殿 行餘爲 が寧節度使, 〔鄭〕注, 使鎮鳳翔, 外爲助援, 羅立言權京兆尹, 韓約金吾將軍,李孝本御史中丞。 擢所厚善, 分總兵柄。 於是王璠爲太原節 陰許璠 度使郭

語

才。

德裕

見其所著窮愁志奇才論。

動無幕 列丹鳳 顧中尉仇士良、 見執兵者,士良等驚走出。闇者將闔扉,爲宦侍叱争,不及閉。訓急, 訓傳呼曰:「兩鎮軍入受韶旨!」聞者趨入,邠寧軍不至。宦人至仗所, 魚弘志等驗之。 訓因欲閉止諸宦人, 使無逸者。時璠、 行餘皆辭赴鎮 連呼金吾 會風

兵曰: 衛乘與者, 人賜錢百千!」於是有隨訓入者。宦人曰:「事急矣!」即扶輦,決眾思

躓 下殿趨。 訓壓之, 訓攀輦曰:「陛下不可去!」士良曰:「李訓反。」帝曰:「訓不反。」士良手搏訓 將引刀鞾中, 救至, 士良免。 立言、 孝本領衆四百東西來 上殿, 與金吾士縱 而

史六七百人,復分兵屯諸宫門,捕訓黨千餘人,斬四方館,流血成渠。 宫中呼萬歲。 會士良遣神策副使劉 泰倫、 陳君奕等率衛士五百挺兵出, 所值輒殺,

宦官死數十人。

訓持輦愈急

至宣政門,

宦人都志榮甚訓,

仆之,

輦入東上

閣即

諸將, 李德裕嘗言。「天下有常勢,北軍是也。 易如靡風, 而反以臺府抱關游徼抗中人,以搏精兵,其死宜哉 」訓因王守澄以進, 此時出入北軍, 若以上 文宗當稱訓 天

日 訓曾不得齒徒隸,尚何才之云?」世以德裕言爲然。 (寅恪案 李德裕

寅恪案:此 權之爭,其成敗關鍵在能否劫持皇帝一人而判定。夫皇帝之身既在北軍宦官掌握之內,若 甘露事變之一幕悲劇也。 當時中央政權寄託於皇帝之一身, 發號施令必用 其名義,

世所詬 壹叁伍 不以南 貞之時, 後所以僅餘以藩鎮武力對抗閹寺北軍之唯一途徑,是即崔淄郎之所取用而奏效,但為當世及後 新唐書壹陸 | 衙臺府抱關游徼敵抗神策禁旅, 病者也。 王叔文嘗謀奪閹寺兵柄, 至謂「以上意説[北軍]諸將, 捌王 叔文傳), 況文宗朝宦官盤踞把持之牢固更有甚於順宗時者乎? 舉用范希朝韓泰, 則當日長安城中,將用何等兵卒與之角逐乎? 易如 靡風」,則天下事談何容易! 卒無所成 (事見韓 愈順宗實 在大和之前即永 録 伍 及舊唐書 此甘露變 而 韓退

君不見太皇(順宗)諒陰未出令, 寅恪案:神策軍實宦官所將耳, 非天子自將也,退之此語無乃欺人之甚耶?)一朝奪印付 小人乘時偷國柄。北軍百萬虎與貔, 天子自將非 他

之永貞行(昌黎集叁)所云:

私黨,

懔懔朝士何能爲?

之史家何可據之, 日外朝士大夫牛李黨人之甘心作閹寺附屬 不過俱文珍私黨之誣詞 而以成敗論 ,非公允之論也。然則李訓實為「天下奇才」,文宗之語殊非過譽, 人也! 品者,固有不同矣。李文饒挾私嫌 其言不足信 較當

通鑑紀貳肆伍大和九年十一月壬戌即二十一日甘露事變,其結論有云:

自是天下事皆決於北司,宰相行文書而已。

誠道其實也。至文宗幾為閹寺所廢,如皮光業見聞録之所言者(見通鑑考異大和九年十一月條

蓋甘 舊唐書壹柒下文宗紀(參舊唐書壹柒伍新唐書捌貳陳王成美傳)云: 證知自開成後所謂「建桓立順, 又新唐書壹捌貳李珏傳云: 十年前外大臣得與禁中事, 三十年以來外大臣固不得知。但是李氏子孫, 内大臣定, 外大 奉所言,安與禁中事?」 臣即北面事之,安有是非之説?」 [大和]六年十月甲子韶:魯王永宜册爲皇太子。 功歸貴臣」(劉夢得語,

之,則更無可疑也。 但自此以後,唐代皇位之繼承完全决於宦官之手,而外朝宰相惟有服從一點, 及唐語林叁方正類,新唐書貳佰柒宦者傳下仇士良傳末),固有 末諦, 已為司馬君實所指出。 若取下列史料證

唐語林柒補遺云:

宣宗崩, 内官定策立懿宗, 入中書商議,命宰臣署狀,宰相將有不同者。夏侯孜曰: [三

始莊恪太子薨,帝(文宗)屬意陳王(成美),已而武宗即位,人皆爲危之。珏曰:「臣下知

孜所謂三十年者,乃約略舉成數言之。又李珏之事與夏侯孜不同,其語之意旨亦異。然可據以 露事變在文宗大和九年,即公元八三五年。宣宗崩於大中十三年,即公元八五九年,夏侯 見前引),而外朝宰相固絶難與聞也。

太子於少陽院,殺太子宫人左右數十人。十月庚子皇太子薨於少陽院,諡莊恪。 [開成]三年九月壬戌上(文宗)以皇太子慢遊敗度,欲廢之。中丞狄兼謨垂涕切諫。是夜移

[開成]四年十月丙寅制:以敬宗第六男成美爲皇太子。

[開成]五年春正月戊寅朔上不康,不受朝賀。己卯韶立親弟潁王瀍爲皇太弟,權勾當軍國

事,皇太子復爲陳王。辛巳上崩於大明宫之太和殿。

同書壹捌上武宗紀(新唐書捌武宗紀同,並參考舊唐書壹柒伍新唐書捌貳陳王成美傳)略云: 邸第。初,楊賢妃有寵於文宗,而莊恪太子母王妃失寵怨望,爲楊妃所譖,王妃死, 武宗諱炎,穆宗第五子,本名瀍。文宗以敬宗子陳王成美爲皇太子。[開成]五年正月二日 文宗暴疾,宰相李珏、知樞密劉弘逸奉密旨:以皇太子監國。兩軍中尉仇士良、魚弘志矯 韶迎潁王於十六宅,立爲皇太弟。四日文宗崩,皇太弟即皇帝位。陳王成美、安王溶殂於 太子

王。至是, 仇士良欲歸功於已, ·楚國公, 左軍中尉魚弘志爲韓國公。 乃發安王舊事,故二王與賢妃皆死。以開府右軍中尉仇士

廢。及開成末年,帝多疾,無嗣,賢妃請以安王溶嗣,帝謀於宰臣李珏,

珏非之, 乃立陳

新唐書捌貳莊恪太子永傳(舊唐書壹柒伍莊恪太子永傳同)略云:

[大和]六年立爲皇太子,母(王德妃)愛弛,楊賢妃方幸,數譖之,帝(文宗)震怒,羣臣連

章論救,[帝]意少釋,然太子終不能自白其讒,是年(開成三年)暴薨。 (寅恪案:日本僧

員 一仁入唐求法記亦有殺皇太子之記述, 可供參考。)

通鑑貳肆陸會昌元年三月條(參新唐書壹佰柒宦者傳上仇士良傳)云: 初知樞密劉弘逸、薛季稜有寵於文宗, 仇士良惡之。上(武宗)之立非二人及宰相意, 故楊 嗣復出爲湖南觀察使, 李珏出爲桂管觀察使。士良屢譖弘逸等於上,勸上誅之,

乙未賜弘

逸、 季稜死。

張固 一幽閒 一鼓吹 7

常,欽義心銜之。 所獲歸之。朱崖(德裕)曰:「此無所直, 朱崖 宴罷,皆以贈之,欽義大喜過望。行至汴州,有詔令監淮南軍。欽義至, 一日邀中堂飲, 在維揚, 監軍楊欽義追入, 必爲樞近, 而朱崖 更無餘賓,而陳設寶器圖書數林皆殊絕, 奈何相拒?」悉却與之。 欽義感悦數倍, (德裕) 致禮皆不越尋 一常祗 後竟作樞 即具前時 奉亦竭

通鑑 史言李德裕亦不免由宦官以入相 貳肆陸開成 ti. 年九月紀李德裕入相事, 即採用張書,胡注 Z

密使,

武皇

一朝之柄用皆欽義所致也。

寅恪案:上引文宗、 武宗兩朝間史料, 亦皆唐代皇位繼承不固定及一時期宫掖閹寺 黨派競爭決

證也。 未敢 李氏 確 又幽閒 定, 子孫充傀儡, 即 使 鼓吹載李德裕入相實 可 信 供犧牲, 亦非贊皇入相之主因。 而士大夫黨派作閹寺黨派之附屬 由 楊欽義, 據通鑑貳肆柒會昌三年五月壬寅以翰林學士 鄙意小説家記衛公事多誣 品品 隨其 勝 詞 敗以為進 究 其 印 退 信 之明 與

承旨崔鉉為中書侍郎同平章事條云:

欽 上(武宗)夜召 義皆 順熟, 不敢 學士 預事 幸 琮, 老宦者尤之曰: 以鉉名授之, 令草制, 「此由劉楊儒怯 宰相樞密皆不之 堕敗 舊風 知。 故 時樞 也。 密 使 行深、

其時宣 魚弘志 是楊欽義以 入相之主 官 劉弘逸 因 派自必 也。 願 慰著聞 排去牛黨之宰相 然則宫掖閹寺競爭之勝敗影響於外朝士大夫之進退, ___ 派與牛黨之宰相李珏等翊戴皇太子成美, 不敢依慣例以干預命相 而以其有連之李黨代之,楊欽義殆屬於仇士良 則文饒之入相似 既遭 失敗 非全由 於此益得證明 則得勝之閹 欽義之力, (派者, m + 可以推 無疑 此德裕 仇 士良、 知。

新唐書捌宣宗紀略云:

宣宗 元贄立光王爲皇太叔。 韓忱 憲宗第 十三子也。 三月 甲子即皇帝位 始封 光王, 門下平章事。 本名怡。 月 乙亥始聽政。 會昌六年武宗 疾大漸 丙子李德裕罷 左神 策 五月乙巳 中尉

|鑑貳肆捌會昌六年三月條云:

通

光王怡可立爲皇太叔 上(武宗)疾篤, 旬日不能言、諸宦者密於禁中定策。 更名忧 一應軍國大事令權勾當。 辛酉下韶, 甲子上崩, 稱皇子沖幼, 丁卯宣宗 須選

胡

也。

注 以武宗之英達, 李德裕之得君, 而不能定後嗣,卒制命於宦豎,北司掌兵,且專宫禁之權

決策 唐 其各 生甚 論 蜑 由 寅恪 唐代皇位 郊 戴 於牛黨, 憲宗朝至文宗朝 別之内 案 林貳政 劇之黨爭, 後 武宗即與 外朝士大夫黨派 外朝李黨全盛之局 一繼承之不固定, 會昌季年 事 助 但宣宗以後不復聞劇烈之黨爭。 類下(参新 李黨有連之一派失敗 其 而能團 (競爭遂亦不得不終歸消 内廷閹 牛李爭鬥 乃内 結 唐書壹陸玖韋貫之傳附澳傳)云: 觀此益可知矣。 手 一致以對外者 因以告終, 廷閹寺黨派之應聲 黨派競爭之史實 雖劇 ,而互有進退。 則可 相位政權自然轉入其敵黨牛黨之手也。 胡氏之語甚諦, 八決言。 歌也。 則與 究其所以然之故, 自來未有言之者, 無從詳知, 外朝 一蟲 茲略舉 於是宣宗遂以皇太叔之名義嗣 武宗朝為始終李黨當國 或附 諸 臣 無 屬 但就 一 例 分別連結 品品 自會昌六年二月宦官馬元贄等於宫中 武宗諸子不得繼位 儻閹寺起族類之自 以為證明。 之必要, 時期, 而上大夫之黨既 其 之事推之, 必是 覺 若依 宣宗朝宰相則 姪之帝位 其 寅 人格前 間 不發 而

有小黄門置茶牀訖,亟屏之。乃問:「朕於敕使如何?」澳曰:「威制前朝無比。」上閉 暇日召翰林學士韋澳入。上曰:「要與卿款曲,少間出外, 但言論詩!」上乃出詩

事。」上曰:「此乃末策,朕行之, 於外廷, 目摇手曰:「總未, 即恐有大和事(寅恪案:大和事指甘露事變), 依前怕他。 在卿如何?計將安出?」澳既不爲之備, 初擢其小者, 至黄, 至緑, 不若就其中揀拔有才者, 至緋, 皆感恩, 若紫衣掛 率意對曰:「 委以計 謀之

身,即合爲一片矣。」澳慚汗而退。

北夢瑣言伍令狐公密狀條云:

得行其志,然而玉石俱焚也 填 授旨於宰相令狐公[編], 唐大和中閣官恣横, 自然無遺類矣。 」後爲宦者所見, 因甘露事王涯等皆罹其禍, 欲盡誅之。 [編]慮其冤,乃密奏膀子曰:「但有罪莫舍,有闕莫 於是南[衙]北[司]益相水火, 竟未昭雪。宣宗即位, 深抑其權, 末年嘗 泊昭宗末崔侍中[胤

資利用也。迨其起族類之自覺 寅恪案:章澳意欲利用閹人,以制閹人,即李訓、鄭注之故技。在文宗大和之世用之雖不能成 間之術不能復施 全功,然其初頗亦收效者,以當時閹寺中王守澄與仇士良之徒尚分黨派,未「合為一片」, 此宣宗以後宫禁閹寺一致對外之新形勢,不獨在内廷無派別,亦使在外朝無 ,團結一致,以抗外敵,如唐語林北夢瑣言所載大中時事, 則

又讀史者或見僖宗時宦官田令孜惡其同類楊復恭、復光兄弟事,因以致疑於宣宗以後閹寺「合

為一片」之説者,如舊唐書壹玖下僖宗紀所言:

[中和]三年六月甲子楊復光卒於河中,其部下忠武八都都頭鹿晏弘

晉暉、

王建、

薄。及聞復光死, 甚悦, 復擯復恭, 各以其衆散去。時復光兄復恭知内樞密, 罷樞密爲飛龍使。 田令孜以復光立破賊功, 惲而惡之,故賊平賞

但檢同書同卷中和二年五月王鐸罷行營都統條云:

時中尉田令孜用事,自負帷幄之功,以鐸用兵無功, 而由楊復光建策召沙陀,成破賊之

效,

、欲權歸北司、

乃黜鐸而悦復光也。

時閹寺南衙北司之界限即階級族類之意識甚為堅強明顯 然則田令孜雖與楊復恭、復光兄弟不相得,對於外朝上大夫則仍能自相團結,一 無從造成上大夫之黨派, 如以前牛李兩黨者也。 不欲連結外朝士大夫自相攻擊 致敵視。

新唐書玖懿宗紀(參考通鑑貳肆玖大中十三年六月條通鑑考異咸通一年二月條, 及容齋隨筆陸

政治革命及黨派分野

懿宗諱准, 王宗實殺王歸長、 大中十三年八月宣宗疾大漸, 而左神策護軍中尉王宗實、副使丌元實矯韶立鄆王爲皇太子。癸巳即皇帝位於柩前。 宣宗長子也,始封鄆王。宣宗愛夔王滋,欲立爲皇太子, 馬公儒 王居方。 以變王屬内樞密使王歸長、馬公儒、 宣徽南院使王居方 而鄭王長, 故久不

通鑑貳伍拾咸通二年二月條云。

其不相悦如此。 是時士大夫深疾宦官 珍亦宣武軍監軍也,而退之與葉京之遭遇乃逈不相似,據是可知貞元及咸通時,士大夫與 面 , 既而及第, 寺關係之異同矣。 在長安與同年出遊, 遇之於塗, 馬上相揖, 因之誇議諠然, (寅恪案: 昌黎外集叁有送汴州監軍俱文珍序並詩, 備極諂諛之詞。夫文 事小有相涉, 則衆共棄之。建州進士葉京嘗預宣武軍宴, 識監軍之

並無實力之樞密使等, 使與執持兵柄之神策中尉對抗, 實計 依 及全體之通則也。且其時閹寺已起族類之自覺,一 長與王宗實二派因實力大相懸殊之故, 新紀所載 大 宣宗牽於所愛, 似官宗末年 -内廷閹寺仍有黨派競爭者, 雖明知彼輩已「合為一片」, 其競爭必無足道, 讀史者幸勿誤會以此個別之例外, 致對外, 與文宗時不同, 是以無須亦不欲連 而其末年仍仿文宗之舊事 然考唐代閹寺中 出無聊, 故終於同 神策軍中尉掌 一無成。 勉強 握 宾柄, 試 Tī, 利用 疑 歸 其

末載懿宗初年士大夫亦倣閹寺「合為一片」,與相對敵。 結外朝士大夫,以興黨爭,蓋非復宣宗以前由 於唐代帝位繼 承之不固定, 茲又得一 例證 白無待言。 [內廷黨派勝敗,而致外朝黨派進退之先例 觀通鑑 後來崔胤以士大夫代表之資格, 咸 通二年所紀 葉京 事 БŢ 知 矣。 盡珠宦 至.

官 蓋非 朝 一夕之所致也

通 鑑 貢 伍 貢 咸 通 上四年 -七月戊 寅條(參考舊唐書壹玖下新唐書玖僖宗 紀 略 Z.

政 上(懿宗)疾大漸 事。 辛已上崩於咸寧殿, 左軍中尉劉行深、 僖宗即位。 右軍中尉韓文約立少子普王儼爲皇太子, 八月劉行深、 韓文約皆封 國公。 權勾當軍國

H 條考異曰

范質五代通録: 亂天下。 今將軍復欲 梁李振謂陝州護軍韓彝範曰:「懿宗初升遐,韓中尉殺長立少 爾耶?」彝範即文約孫也。按:懿宗八子,僖宗第五,餘子新舊書 以利 其

據 此 唐代内廷屬寺決定帝位 長幼, 又不言 所終, 不言所殺者果何 承之經過及李氏子孫作傀儡犧牲之悲劇, Ŧ 也

繼

史乘殊多闕漏,

與前 此 相似 乃一種公式化之行動 其概 況亦 可 推 知 也。

書貳拾

昭宗諱曄,懿宗第七子,封壽王。 上昭宗紀(參考新唐書拾昭宗紀通鑑貳伍柒文德元年三月條 文德元年二月僖宗暴不豫, 及大漸之夕,)略 而未知所立,

中篇 政治革命及黨派分野

草臣以吉王最賢, 又在壽王之上, 將立之, 唯軍容楊復恭請以壽王監國。三月六日立爲皇

太弟,八日即位

同書壹捌肆宦官傳楊復

李茂貞收興元, 進復恭前後與[楊]守亮私書六十紙,内訴致仕之由云:「吾於荆榛中援立 | 茶傳(新唐書貳佰捌宦者傳下楊復恭傳同)略云:

壽王

有如此負

心門生天子,

既得尊位,

乃廢定策國老。」

雖擬譬稍有不倫,然止就宦官專決皇位繼承一事言之,則其語實與當時政治之情狀符合也。 之所以終競勝李黨者, 寅恪案:唐代科舉制度,門生為座主所獎拔, 亦與此點有關。楊復恭「門生夭子」之喻,乃宦官受士大夫積習之傳染 故最感恩, 兩者之間情誼既深, 團結自固。 牛黨

新唐書拾昭宗紀(舊唐書貳拾上昭宗紀同)云:

於少陽院。辛卯季述以皇太子裕爲皇帝 光化三年十一月己丑神策軍中尉劉季述、 王仲先、 、内樞密使王彦範、薛齊偓作亂,皇帝居

薛齊 偓伏誅, 天復元年正月乙酉左神策軍將孫德昭、 降封皇太子裕爲德王。 董彦弼、 周承誨以兵討亂, 皇帝復於位。 劉季述、

·書捌貳德E裕傳(舊唐書壹柒伍德E裕傳同

Ē

德王裕, 昭宗長子也, 大順二年六月二十八日封, 韓建殺諸王, 因請裕爲皇太子。劉季述

)略云:

目已睨於六宅(寅恪

寅恪案:唐代皇帝廢立之權既歸閹寺, 皇帝居宫中亦是廣義之模範監獄罪囚。 最 劉季述等之廢立 後之結局。

哀帝(柷)之立及其遜位一段經過,

帝紀、 舊唐書壹捌肆宦官傳楊復恭傳末(參考新唐書貳佰捌宦者傳下韓全誨張彦弘傳、舊唐書貳拾上 新唐書拾昭宣光烈孝皇帝紀),不足特為論述也。

則屬於朱全忠創業之裝飾物及犧牲品(詳見舊唐書貳拾下泉

新 唐書拾昭宗紀)略云:

是月(光化三年正月),

[朱]全忠迎駕還長安,

韶以崔胤爲宰相兼判六軍

諸

胤奏曰:

高祖太宗時無内官典軍旅, 令宦官主之, 司使務宦官主者, 自是參掌樞密, 望 自天寶已後, 一切罷之, 由是内務百司皆歸宦者。 諸道監軍使並追赴闕廷。 宦官寖盛, 貞元、 元和分羽林衛爲左右神策軍 不翦其本根, 」詔曰:「 其第五 終爲 可

下並宜賜死 其在畿甸同華河中並盡底處置訖 諸道監軍使已下及管內經過並居停內使物

寅恪案:舊傳所載崔胤之奏及答韶,乃中古政治史畫時代之大文字,故節録之,以結此篇焉。 到並仰隨處誅夷訖聞奏,其左右神策軍並令停廢!」

=====

能 李唐一代為吾國與外族接觸繁多,而甚有光榮之時期。近數十年來考古及異國文籍之發見 只二端:一曰外族盛衰之連環性,二曰外患與内政之關係,茲分別言之於下 補正 唐代有關諸外族之史事者頗多, 固非此篇之所能詳, 亦非此篇之所欲論也。 茲所欲論者

多譯

夷 良 甲外族之 關 唐室統治之中國遂受 所謂外族盛衰之連環性者, 興 更疊盛衰之故始得明瞭,時當唐室對外之措施 廢 其他外族之崛起 常為多數外族間之連環性, 關係 其範 圍 其 或強大可致某甲外族之滅亡或衰弱, 〈興亡強習 不可限於某甲 ,即某甲外族不獨與唐室統治之中國接觸,同時亦與其他之外族有 弱之影響, 外族 而非中國與某甲外族間之單 及利用其機緣,或坐承其弊害, 必通覽諸外族相 亦 可略 知其意。 其間相互之因 互之 獨性也。 蓋中 關 係 -國與 然後 果雖不易詳 新 其 故觀察唐代 唐書順 、所接 三百 解 年 壹 諸 間 確分析, 伍 中國 外 中 族之盛 或 與某 九 與 兀

傳總序略云

下篇 唐 外族盛衰之連環性及外患與内政之關係 興 蠻夷 更盛 嘗與 中 國抗衡者有四 突厥、 吐蕃、 回鶻、 雲南是也。 凡突厥、

[鴨以盛衰先後爲次] 東夷、 西域又次之, 迹用兵之輕重也; 終之以 南蠻, 記唐所繇

患與 則 宋子京作唐書四夷傳, 依其所以更互盛衰之跡, 列為次序, 欲藉以闡發其間之連環性。至唐亡由於南詔, 内 政關 係之範圍 其叙述次第一以盛衰先後,二迹用兵之輕重,三記唐所由亡。 俟於篇末論之, 茲先 不涉及也。 茲篇 乃屬於外 論述

又唐代 本末,必特為標出之,以期近真實而供鑑誠,兼見其有以異乎誇誣之宣傳文字也。 之先導者也。國人治史者於發揚讚美先民之功業時, 1於吾民族自具之精神及物力,亦某甲外族本身之腐朽衰 且非史家陳述覆轍 武功可稱為吾民 族空前盛業,然詳究其所以 ,以供鑑誡之意,故本篇於某外族 ,與某甲外族競爭, 卒致勝利之原 往往忽略此 因其本身先已衰弱 弱有以招致中國武 點, 是既 有 力攻 違學術 遂成 取 中 之道 因, 探 水真 國勝利之 實不僅 質之 而 為

及隋末亂離, 中國人歸之者甚衆, 又更强盛,勢陵中夏。迎蕭皇后,置於定襄。 薛舉、

唐會要玖肆北突厥條)云:

與壹玖柒邊防典突厥條上(參新唐書貳壹伍上突厥傳、

西盡吐谷渾、 王世充、 高昌諸國皆臣之 劉 武 周 梁師 都、 控弦百萬, 李軌、 高開 戎狄之盛近代未有也。 道 之徒雖 僭尊號, 俱北 大唐起義太原 面 稱臣。 東自契丹,

引以

舊唐書陸柒李靖傳(參考新唐書貳壹伍上突厥傳、貞觀政要貳任 |賢篇 大唐新語柒容恕篇)云:

上皇(高祖)以百姓之故, 初聞靖破頡利 大悦, 稱臣於突厥, 謂侍臣曰:「朕聞『主憂臣辱, 朕未嘗不痛心疾首, 主辱臣 志滅匈奴, 死一。 坐不安席, 往者國家草創,太 食不甘

洲 以致之也。 利敗亡 已後, 注所載唐初事最為實録 覆滅突厥者 大部民族之主人是突厥,而非華夏也。 隋末中國北部群雄並起,悉奉突厥為大君, 今者暫動偏師, 茲略引史文, 固由 太宗失喜之餘 唐室君臣之發奮自強, 以證明之於下: 而其紀劉文靜往突厥求援之本末,尚於高祖稱臣 無往不捷, 史臣傳録當 單于款塞, 遂得臻此, 但唐太宗僅於十年之後 時語言,始洩露此役之真相。 恥其雪乎? 李淵 實亦突厥本身之腐敗及迴紇之興起 一人豈能例外? 溫大雅大唐創業起 能以屈辱破殘之中國一舉而 然則隋末 節隱諱 唐初之際, 不書。 一端有 逮頡

通典壹玖柒邊防典突厥上條(參考舊唐書壹玖肆上新唐書貳壹伍上突厥傳、唐會要玖肆北 條等)云 突厥

使奏言與頡 貞觀元年陰山以北薛 師又敗績, 利有隙 奔還, 奏請擊之。 延陀、 迴紇、 頡利怒, 拘之十餘日, 突利由是怨憾, 韶秦武通以并州兵馬隨便接應。 拔也古等十餘部皆相率叛之,擊走其欲谷設。 三年薛延陀自稱 内欲背之。 二年突利遣 頡利遺突 可汗於漠

歲動 遣使來貢方物。 國人患之, 頡 諸部 利每委任諸 消牆貳。 頻年大雪, 胡, 疏遠 族 六畜多死, 類, 胡人 八貪冒, 國中 大餒。 性多 翻覆, 頡 利 用 以故法令滋 度不給,

斂諸部, 由是下不堪命, 内外叛之。

舊唐書壹玖伍迥紇傳(新唐書貳壹柒 薛 延陀傳 唐會要玖陸 薛 延陀傳、 上回 通 典壹 鶻 傳同, 玖玖邊防典薛 又參舊唐書壹玖玖下 延陀條等)云: 鐵勒傳、 新唐書壹

利可汗 僕骨 進擊大破之, 初 突厥頡 務,其母烏羅渾主知争訟之事,平反嚴明 有特 一 利等 羅 健 遣子欲谷設 思結 菩薩 俟 可汗 斤 死 阿跌等部, 俘其部衆, 勁 之後, 勇有膽氣, 率萬 有子曰菩薩 北虜唯菩薩 騎 討之。 迴紇酋帥吐迷度與諸部大破薛延陀多彌可汗, 迴約由 善籌策 是大振, 菩薩領 部落以 薛延陀爲盛。太宗册北突厥莫賀咄爲 每對 騎五 爲賢而 因率其衆附於薛 敵臨陣, 部内齊肅, 千與戰, 立之。 必身先士卒,以少制 破 初菩薩 迴紇之盛由菩薩 之於馬鬣山 好延陀, 與薛延陀 號菩 侵 薩 因 逐北 爲活 突厥 遂併其部曲 之興焉。 河汗, 衆 北邊, 頡 至 利發 常以射獵 於 貞觀擒降 天 遣統迴 突厥頡 奄有 仍遣 終 又

部族迴紇薛延陀之興起兩端 突厥 或 東突 厥之敗亡除與 故授中國以可乘之隙。 唐為敵外, 其主 大 否則雖以唐太宗之英武 一為境内之天災及亂 政,一為 亦未必能致如是 其 他 鄰 接

其地

舊唐書壹玖伍迥紇傳(新唐書貳壹柒下回鶻傳同)云:

可汗, 殺虛馭,斬掘羅勿,燒蕩殆盡, 汗覺, 遏粉等兄弟五人一十五部,西奔葛邏禄,一支投吐蕃,一支投安西,又有近可汗牙十三部 開成初, 殺柴草及安允合。 以虛駁特勒爲可汗。 其相有安允合者, 與特勒(寅恪案:勒當作勤, 又有迴紇相掘羅勿者, 有將軍句録末賀恨掘羅勿, 迴鶻散奔諸蕃。有迴鶻相馺職者,擁外甥龐特勒及男鹿并 擁兵在外, 走引點戛斯, 下同)柴草欲篡薩特可汗。薩特可 怨誅柴草、 領十萬騎破迴 安允合, 又殺薩特

後唐獻祖紀年録之語及唐會要玖捌迴紇條俱可參考。

以特勒烏介爲可汗

南來附漢。

(寅恪案:

通鑑貳肆陸開成四年末條柴草作柴革。考異較

唐會要玖捌迴紇條

新唐書貳壹柒 連年機疫 下點戛斯傳略云 羊馬死 者被地 又大雪爲災。

拏門二十年不解。 勒(寅恪案:勒亦當作勤 回鶻授其君長阿熱爲毗伽頓頡斤。 阿熱恃勝肆詈)皆潰。 回鶻不能計, 回鹘 稍衰, 阿熱即自稱 其將句録莫賀導阿熱破殺回鶻可汗,諸特 可汗。 回鶻遣宰相代之, 不勝,

崛 寅恪案 起 侵 雖以李文饒之才智 其 外, 迴紇自唐肅宗以後最為 於是 崩 潰 不 恐不易致此 振 矣。 雄大, 然考之史籍, 中 其主因 -國受 所在, 其害甚鉅, 當 B 中國 無乃由堅昆之興起, 亦非盛 至文宗之世天災黨亂 強之時, 而 遂致迴紇之滅亡 能 成 擾 此 其 攘夷 内 八之偉 點 |敷? 夏 斯

斯又外族盛衰連環性之一例證也

新唐書貳壹陸下吐蕃傳論云:

唐 計 國患最 卒不得要領。 久。 四 夷有 贊普遂 弗 啄 盡盗 者, 晚節二 皆利 河 姓自亡, 湟 兵 八移之, 薄王 畿 而 唐 爲 蹶其牙, 亦 東境 衰馬。 犁其 犯京師, 庭 而 掠近 後已。 唯 馘 叶 華人 謀夫 髗 城 强 雄 爲

中

其概 之連 寅恪案:吐蕃之盛 稍得安謐。 族之 略 環 性 其役屬之党項別部復興起 借 興廢 及唐代 計其 未 點 有 《終始 闡 係 中 發 吾 起於貞觀之世, 至大中 央 解 國 中 釋 政 約二百年 府 古史者 肆 應之 故不 焉。 如 得 是 對 唐代中國所受外族之患 此党 示 策 於 其事 即 此 項部 結 時,其部 合 蹟 論 茲篇 鄰 後裔西夏又為中國 述之 接 族 叶 古 蕃諸 世 不能 瓦解衰弱, 未有 外族 詳 言 若 邊患 以行包圍 而 斯之久且 中國於是收復河湟, 其 盛 興北 衰之樞機即 之 劇 者也。 秘 宋相終始。 計 舊史 與 迨吐 其 西北 然則 他 蕃 外 衰 邊 族 吐 敗 陲

李唐

承襲宇文泰 關中本位政策」

全國

重心本在西北

隅,

而吐蕃盛強延及二百年之久。

故當

新

府書

乂唐資

全國

東

北消

族

阻有

之關係

云

同書貳壹陸 止 蕃傳(參考通鑑貳肆柒會昌一年、 貳肆捌會昌三年、 貳肆玖大中三年 諸 條

大中三年, 是,皆叛去。 逆流三日, 不肯拜, 達磨嗜酒好 彝泰]赞普立幾三十年病不事,委任大臣,故不能抗中國,邊候晏然。死, E 7畋獵, 婢婢引衆趨甘州西境, 鼠食稼, 以妃綝兄尚延力子乞離胡爲贊普, [尚]恐熱自號宰 **贊普支屬尚多** 喜内,且凶愎少思,政益亂。 人饑疫, 相, 死者相枕藉, 何至立綝氏子邪?」用事者共殺之。 以兵二十萬擊 恐熱大略部、 都廓間夜聞鼙鼓聲, 人相驚。 始三歲, 自是國中地震裂,水泉湧, [鄯州節度使尚]婢婢。 廓、瓜、肅、 妃共治其國。 伊、 三年, 西等州, 大相結都 恐熱敗 國人 會昌二年贊普 保渭州 岷山 以弟達 以贊普立 那見乞離胡 單騎而逃 崩, 奉表

定党項 部族 新唐書賞壹陸 中 寅恪案 ·國自身武 逐 漸離邏逊之管制 而終不得不遺白 吐蕃之破敗由 力所能致 E 吐蕃傳 略 抑又可見矣。 而獨 於天災及内亂 [敏中 立 施招撫之策,含混了之。 党項之 和 起, 觀此 可 知也。 張義潮之來歸 吐蕃中 則河湟之恢復實因吐蕃内部之衰亂 央政權統治之力既弱, 皆其 例 也。 宣宗初雖 故其 欲 以 兵力平 境内諸

憺南羌,南羌連衡,河西必危。且莫賀延磧袤二千里,無水草,若北接虜,唐兵 是歲(長壽元年)又詔王孝傑[等]擊吐蕃,大破其衆,更置安西都護府於龜茲, 庭節度使張孝嵩曰:「勃律唐西門,失之,則西方諸國皆墮吐蕃。」始勃律王來朝,父事帝 先帝舊封, 若又棄之, 是自毁成功而破完策也。 煙火相望, 議者請廢四鎮勿有也。 玄宗), 則伊西北庭安西諸蕃悉亡。 右驅, 還國, 踰高昌 吐蕃不敢内侮。 置綏遠軍以捍吐蕃, 歷車師, 崔融獻議曰:「太宗文皇帝踐漢舊跡, 高宗時有司無狀, 鈔常樂 」議者乃格。 〔開元〕十年攻小勃律國,其王没謹忙飴書北 故歲常戰。 絶莫賀 延磧, 棄四 夫四鎮無守, 吐蕃每曰:「我非利若國,我假道攻四鎮 鎮不能有, 以臨敦煌。 拉南山,抵葱嶺, 胡兵必臨西域 而吐蕃遂張, 今孝傑 一舉 而 入焉耆之西, 西域 取 以兵鎮守, 剖裂府鎮 不可度而 四鎮, 震則威

書壹叁伍高仙芝傳(參舊唐書壹佰肆高仙芝傳、 萬出討。八月仙芝以小勃律王及妻自赤佛道還連雲堡,與[監軍邊]令誠俱班師, 小勃律其王爲吐蕃所誘,妻以女,故西北二十餘國皆羈屬吐蕃。 大食諸胡七十二國皆震攝降附。 新唐書貳貳壹下西域傳小勃律 天寶六載韶 傳 仙芝以步騎 略 於是蕪林

同書頂頂頂上南蠻傳南韶傳略云:

吐蕃苦唐韶掎角,亦不敢圖南韶。[章]皋令[部將武]免按兵萬州, 虜保鹿危山 亦所在屯戍。 (貞元時)唐兵屯京西朔方,大峙糧,欲南北並攻取故地, 蠻西潜導南韶與皋部將杜毗羅狙擊。 吐蕃懲野戰數北, 毘羅伏以待。又戰, 乃屯三瀘水, 虜大奔。於時康、 [貞元]十七年春夜絶瀘,破虜屯, 遣論妄熱誘瀕瀘諸蠻復城恐攝, 黑衣大食等兵及吐蕃大酋皆降, 然南方轉饟稽期, 節級鎮守, 悉攝吐蕃險 斬五 雖南 兵不悉集。 百級。 韶境,

一萬首。

武、 原、 出 精鎧多置南屯 時虜兵三萬攻鹽州, 靈武 邠寧 或自西山,或由平夷,或下隴陀和石門,或徑神川、納川,與南詔會。 焚堡 兵破虜二萬, 涇原軍獵其北, 百五十, 今向鹽夏,非全軍,欲掠河曲党項畜産耳。 帝(德宗)以虜多詐, 所斬首萬級, 涇原、 劍南、 鳳翔軍敗 東川、山南兵震其東, 獲鎧械十五 虜原州, 疑繼以大軍, 萬 惟南韶攻其腹 圍昆明、 韶皋深鈔賊鄙, 分虜勢。 鳳翔軍當其西 俄聞虜破麟 維州, N'S 俘獲最多。 不能克, 州 蜀 是時 南部 皋督諸將分道 乃班師。 深入 回鶻、 皋表 太 克 賊

又案賈躭四 夷述云,貞元二年(寅恪案:舊傳作「貞元中」,)與吐蕃爲勁敵 蕃兵大半西禦大食故鮮爲邊患 新傳作「貞元時」,此「二年」兩字 其力不足也。

唐會要壹佰大食條

(参舊

「唐書壹玖捌西戎傳大食傳、

新唐書貳貳壹下

西域

傳大食傳

)略一

云

下篇 外族盛衰之連環性及外患與内政之關係

之計。 此 亞及大食之關 寅恪案: 守 施 國 則唐代 世, 兀 據上引 與 鎮 行之策略亦即 華夏、 pt 唐關中乃王 之所以 又不 蕃 係 新 既 書 能 處於外族交互 吐 番、 南韶傳, 可知貞 開 又韋南康以南詔制吐蕃之得策, 不 畿, 利用此 拓 扼 西 據 大食二大民 北 小勃律 故安西四 諸族相互之關係。易言之, 一之複 遠 征 元十七年之大破 族皆稱盛強 鎮為防護國家重心之要地,而小勃律所以成唐之两門也。 雜環境 葱 以 領 制 口十 實 蕃 Mi 亦 非中 有其 而 中國欲保其腹心之關隴,不能 斷 山番 | 國 均可於此傳窺見一一也。 不得已之故, 始 與 其與 ,乃略收包圍環攻之效者。 即結合鄰接吐蕃 吐 蕃 大食通援之道。 族單 未可專咎時主之黷 純之關 諸外族 係 當時國 茲復別引史籍 故唐 不固 以 為環 「際之大勢如 守 而吐 室 正 君臣 PH 開 審與 攻包 鎮 到 以 市 韋 於 欲 玄

為證明於下:

舊唐 書壹肆 皋以雲南蠻衆數 韶 拾韋 説令向化, 皋 傳 (新 萬與吐蕃和 唐 書電 以離吐蕃之助。 伍 捌章 好, 一皋傳 蕃人入寇必以蠻爲前鋒 司

[貞元]

四

年,

皋遣

判

官崔

佐時

新唐書貳貳貳上南蠻傳南詔傳略云:

安西鎮守揚兵四臨 貞元] 五年, (異年 委回鹘諸 尋]遺[章]皋書日 國所在侵掠, 願 竭誠 使吐蕃勢分力散, H 新 歸款天子, 不能爲强 請加戌 劍南、 此西 南隅不煩天

-

兵可以立功云。

舊唐書壹貳玖韓滉傳(新唐書壹貳陸韓休傳附滉傳同)云::

宗)甚納其言。滉之入朝也(寅恪案:舊唐書壹貳德宗紀上貞元二年十一月兩浙節度使韓滉 以 時 來朝),路由汴州, 元元年七月丙午,兩浙節度使韓滉檢校尚書左僕射江淮轉運使)所貯蓄財賦 渭並修堅城,各置二萬人,足當守禦之要, 計其分鎮之外, 問馬, 以充三年之費,然後營田積栗,且耕且戰, 肆其侵軼。 兩河罷兵, 初頗禀命, ,中土寧乂。滉上言:「吐蕃盗有河湟,爲日已久。大曆已前,中國多難,所 臣聞近歲已來,兵衆寝弱,西迫大食之强,北病迴紇之衆, 戰兵在河隴五六萬而已。 及滉以疾歸第,玄佐意怠,遂辭邊任,盛陳犬戎未衰,不可輕進。 厚結劉玄佐,將薦其可任邊事。玄佐納其賂,因許之。及來覲,上訪 國家第令三數良將長驅十萬衆, 臣請以當道(寅恪案:舊唐書壹貳德宗紀上貞 收復河隴二十餘州,可翹足而待也。」上(德 東有南韶之防, 於涼 爲饋運之資 鄯、 滉貞

元三年二月以疾薨,遂寢其事。

同書同卷張延賞傳(新唐書壹貳柒張嘉貞傳附延賞傳同)云:

[延賞]請減官員, 收其俸禄,資幕職戰士,俾劉玄佐收復河湟,軍用不乏矣。上(德宗)然

厚結劉玄佐,將薦其可委邊任,玄佐亦欲自効,初禀命,及滉

初韓滉入朝,至汴州,

卒, 玄佐以疾辭,上遣中官勞問,卧以受命。延賞知不可用,奏用李抱真,抱真亦辭不

行。

時抱真判官陳曇奏事京師,

延賞俾曇勸抱真,竟拒絶之。蓋以延賞挾怨罷李晟兵柄,

由是

武臣不附。

通鑑貳叁貳貞元三年七月條略云:

[李] 泌曰:「臣能不用中國之兵,使吐蕃自困。」上(德宗)曰:「計將安出?」對曰:「臣未

知上素恨迴紇,故不肯言。

敢言之。」上固

問

不對。泌意欲結迴紇、大食、雲南,

與共圖吐蕃,

令吐蕃所備者多。

同書貳叁叁貞元三年九月條略云

[李泌]對曰:「願陛下北和迴紇,南通雲南, 西結大食、天竺, 如此, 則吐蕃自困。」上

(德宗)曰:「三國當如卿言,至於迴紇, ,則不可。」泌曰:「臣固知此,

當以迴紇爲先, 三國差緩耳。 」上曰:「所以招雲南、 大食、 天竺奈何?」對曰

次招雲南,則是斷吐蕃之右臂也。

大食在西域

爲最

所以不敢早言。爲

迴紇和,

則吐蕃已不敢輕犯塞矣。

地幾半天下,與天竺皆慕中國,代與吐蕃爲仇,臣故知其可招也。」

自葱嶺盡西海,

寅恪案:德宗、章皋、韓滉、李泌等皆欲施用或略已實行包圍環攻吐蕃之政策,若非當日唐室 外族盛衰之連環性及外患與内政之關係

稿

君主 鄴 侯 家 及 傳 將 相 大 李繁著書 深 知 雖 諸 多誇大溢美之語 外族相互之 關 係, (如劉 不能 玄佐之入朝, 致 此 而李長源之論尤為明暢。 實出 韓 滉之 勸 促 通 m 鎾 鄴 侯 所 家 載 傳 當 則 採

係諸 史 料 知 其 所 述 包 環 吐 蕃之策 要為有所 依 據 見通鑑考 不盡 屬 翼貞元二年十一月條), 浮詞 也

功於

李

泌

三

馬

君

實

謂之掠

美

即

是

其

例

也。

然校

以

口口

時

前言 唐 太宗 高宗 朝 全盛之世, 竭中國 之力以 取 高 麗 僅得之後 旋 即 退 出 實 由 叶

唐室為西 而一者間 北之強 一之連 環 敵 所奉 關 係 制, 實影 不得已乃在東北方取 響於中 夏 数百 年 國 消 運之隆替。 極 退守之策略。 今述 吐 然則 蕃 事 nt 竟 蕃 雖 即 與 續 高 論 麗 不

接

熾

隋煬 帝 亦為 承 此 文 帝 連 環 統 之關 富 盛 係 之後 不獨叙 唐太宗藉 述次第之 便利也

於退 之所以 時 敗 地 得 煬帝 理 旋 竟 失之故 人事二 坐是 後 覆 大 無 其 素 宗 貫可 社 與 其 通 而太宗亦 他 之解 外 族 釋。 内 更 遺 安外攘之 很 有 鄙 不 無 意 同 窮。 威 麗 自 其 間 開 來 傾 史家 中 於 除 唐 夏 前 於此 以 全國之力, 以攻高 所 前 謂 及以 外 既 族 鮮 後 卓 盛 Ž 識 衰 史 之連 之議 事 者 環 論 麗之小邦, 性 以 外 而 非 唐 尚 高 本篇 宗 別

東北 範圍 成 不能 敗 利 涉及。 鈍 所以然之故 因僅 就 唐代 治史之君子儻 用 兵高 麗之本 亦有 末 取 於是歟 推論 此 天 素之 關 係 以 明 中 國 在 唐 以 前 經

承宇文氏 關中 本位政策」,其武力重心即府兵偏置於西北

隅,

去東北方之高麗甚遠

中國

東

74

方冀遼之 間其雨季在舊曆六七月間 而舊曆八九月至二三月又為寒凍之時期。 故以關 遼遠距

無

開 取 功 雨 離之武 近 於高 高 动 療泥 短 高 轉以為新羅強大之資 難以 覆 麗 讀者 獲 海冰雪 一敗之禍。 力而欲制 麗 麗之役於 经 則其 若 明 題 中 略 取 確 寒 鄰 高 時 ED 凍皆 服 連結新羅 级引 麗。 國百 唐以前中國 象 昌 與 0 濟、 於軍隊士馬之進 麗攻取遼東之地, 史籍 道 藉 並 里綜 作 略 新 以供 濟又與新 增 羅為 對 此實當日 制服百濟 例。 冊 遼東、 釋證, 推 胡 形 其以干支記日者悉注 注 羅關 勢所 之文 高 攻餱糧之輸 所不及料, 而此 則不 關之地 籍以攻克高 麗進攻之策略為 必在 係密切, 僅此 附載 事於時日先後之記載最為 1凍期已過雨季未臨之短時 役行 陸 運已甚 故百 於不 因成為後來數百年世局 路 麗 軍 行 I濟、 善長 運 軍 速戦 感困 糧之困 數字 出 海 國力分於西北 新羅之盛衰直接影響於中 難, 戦之華夏 速決者, 遼 及月 難得知實 東 苟遇一 建 所 重 大 經 其 民 間獲得全勝而後 妻, 小 轉捩之樞紐者 堅持久守之勁敵 重 族尤 主因 吐 狀 要 盡 一番之勁 故節 城 1 實 庶幾 在此。 田 先得 而於國史上 録 距 敵 讀 通 國與 Ę 百 鑑 終亦不 也 者 若由 安洛陽 濟 H] 所 於 高 41 麗之爭 必致 唐 時 以 海 否 為根 道以 唐 能

太

之遠 前之 間

東北 鑑壹玖柒紀唐 問 題 亦 可具 太宗伐高 E 確 之概念也 麗事略云

外族盛衰之連環性及外患與内政之關係 上(太宗)將征高麗 [貞觀十八年] 秋七月(大盡)辛卯(二十日) 勑將作大監閻立

當怨,何憂不克?布告元元, 五:一曰:以大擊小,二曰:以順討逆,三曰:以治乘亂 師副之。自河北諸州皆受挺節度,聽以便宜從事。又命太僕少卿蕭鋭運河南諸州糧入海。 子(三十日 率李世勣爲遼東道行軍大總管,帥步騎六萬人及蘭河二州降胡趣遼東, 准嶺峽兵四萬、長安洛陽募士三千、戰艦五百艘,自萊州泛海趨平壤。又以太子詹事左衛 濟,上以爲畏懦,召詣洛陽一甲午(二十四日)以刑部尚書張亮爲平壤 冬十月(大盡)甲寅(十四日)車駕行幸洛陽(寅恪案:在今河南洛陽縣。 督兵及契丹、奚、靺鞨,先擊遼東,以觀其勢。以太常卿韋挺爲饋運使,以民部 善守城, 已致仕 河南府洛州去西京八百五十里)。 江三州,造船四百艘,以載軍糧。甲午(二十三日)下韶遣管州都督張儉等帥 其下, 去西京二千五百二十三里,去東京一千六百八十里)。手詔 攻之不可猝下。」上曰:「今日非隋之比, 上以其嘗從)諸軍大集於幽州(寅恪案:在今河北薊縣。 高麗王 一仁愛其民, 隋煬帝伐高麗, 勿爲疑懼! 十二月(小盡)甲寅(十四日)詔諸軍 以思亂之軍擊安和之衆, 十一月(大盡)壬申(初二日)至洛陽。 召詣行在問之。 公但聽之!」張儉等值遼 對曰:「遼 通典壹柒捌州郡典范陽郡幽州今理 故不能成功。 四 曰:以逸待勞, 東 諭 道 遠, 天下, 道行軍大總管, 今略言必勝之 前宜 通典壹柒柒州 兩軍合勢並進。庚 糧運艱阻 市 州 水漲、久不得 及新羅 五 刺史鄭 El : 昔隋煬帝)道有 以悦 郡 東夷 元鑄 帥 II

外族盛衰之連環性及外息與內政之關係

至遼

俊,悲泣何爲?」壬辰(二十四日)車駕發定州。李世勣軍發柳城(寅恪案:在今熱河朝陽縣。 在遼水西, 趣甬道, 張形勢,若出懷遠鎮者(寅恪案:新唐書叁玖地理志管州柳城郡有懷遠守捉城)。而潛師北 通典壹柒捌州郡典柳城郡營州今理柳城縣,去西京五千里,去東京四千一百一十里)。多 朕今東征 京一千二百十里)。丁亥(十九日)上謂侍臣曰:「遼東本中國之地, 丁酉(二十八日)除名,以將作少監李道裕代之,崔仁師亦坐免官。二月(大盡 盧思臺去幽州八百里,此漕渠蓋即曹操伐烏丸所開泉州渠也),淺塞不能進, 日)上自將諸軍發洛陽。是月李世勣軍至幽州。三月(小盡)丁丑(十九日)車駕至定州(寅恪 在今河北定縣。通典壹柒捌州郡典博陵郡定州今理安喜縣,去西京二千一百里,去東 用士大夫餘力以取之。」上將發,太子(高宗)悲泣數日,上曰: 出高麗不意。夏四月(大盡)戊戌朔(初一日)世動自通定濟遼水(胡注云:通定 , 欲爲中國報子弟之讐, 高麗雪君父之恥耳。 九年春正月(小盡),章挺坐不先行視漕渠, 河四百八十里),至玄菟(寅恪案: 隋大業八年伐遼所置 甬道隋起浮橋渡遼 運米六百餘艘至盧思臺 水所築。寅恪案。通典壹柒捌柳城郡 且方隅大定, 隋氏四出師而不能得 一今留汝鎮守, 惟此未平,故及朕之 便)庚戌(十二 械送洛陽。 輔以賢 注

濟、

契丹分道擊高麗。

三國志魏志叁拾東夷傳東沃沮傳云:

[漢武帝]

將兵 餘口 今河北盧龍縣。通典壹柒捌州郡典北平郡平州今理盧龍縣,東北到柳城郡七百里,去西京 縣)。丁巳(二十日)東駕至北平(胡注云:此古北平也,舊志平州隋爲北平郡。寅恪案:在 勣、江夏王道宗攻高麗蓋牟城(胡注云:蓋牟城在遼東城東北。 ılı 傳云:馬訾水一名鴨緑水, 盡)己巳(初二日)拔之。分遣總管丘孝忠等曜兵於鴨緑水(寅恪案:通典壹捌陸邊防典高句麗 兒旋師。」卑奢城即卑沙城也,可以參證),程名振引兵夜至,副總管王大度先登, 壤,高元震懼,遣使執叛臣斛斯政, 四千三百二十里,去東京三千五百二十里)。癸亥(二十六日)李世勣等拔蓋牟城, 以 [大業]十年又帥師渡海, 、沃沮城爲玄菟郡, 後爲夷貊所侵, 遼水所出), 高麗大駭, 、數千至新城 糧十餘萬 進渡遼水, 地理志引賈躭所記 石。 (寅恪案:在今遼寧瀋陽縣西北),城中無敢出者。營州都督張儉將胡兵爲 趨建安城(胡 張亮率舟師自東萊渡海, 入四夷道里也)。丁未(初十日)車駕發幽州。 在平壤城西北四百五十里,遼水東南四百八十里。胡注云: 至卑奢城 城邑皆閉門自守。壬寅(初五日 注云: 徙郡勾麗西北, 今所謂玄菟故府是也。胡注云: **詣遼東城下**,上表請降。 自遼 高麗舉國來戰 東城西行三百里至建安城。 襲卑沙城(寅恪案: 護兒大破之, 斬首千餘級)遼東道副大總管江夏王 [煬]帝許之, 寅恪案。在今遼 隋書陸肆來護兒傳云: 壬子(十五 胡注蓋依據 遣人持節召護 五月(小 日 將趨平 獲二萬 新)李世 一道宗 唐書

十里。江夏王道宗曰:「高麗傾國以拒王師,平壤之守必弱,假臣精卒五千覆其本根,則 高麗有對盧, 年老習事, 謂延壽曰:「爲吾計者, 莫若頓兵不戰, 曠日持久, 案:在今遼寧蓋平縣東北),進兵攻之。丁已(二十一日)北部耨薩延壽、惠真帥高麗、靺鞨兵十 州。己亥(初三日)以蓋牟城爲蓋州。丁未(十一日)車駕發遼東。丙辰(二十日)至安市城(寅恪 在今遼寧遼陽縣東北)。六月(大盡)丁酉朔(初一日)城主孫代音請降,上受其降,以白巖城爲巖 殺萬餘人,得勝兵萬餘人,男女四萬口,以其城爲遼州。乙未(二十八日)進軍白巖城(寅恪案: 士卒之心。李世勣攻遼東城,晝夜不息,旬有二日。上引精兵會之,甲申(十七日)遂克之。 驍騎數十衝之,左右出入,李世勣引兵助之,高麗大敗。丁丑(初十日)車駕渡遼水, 謂之馬訾水,今謂之混同江)。李世勣進至遼東城下(寅恪案:在今遼寧遼陽縣北)。庚午(初三日) 運道,糧食既盡,求戰不得,欲歸無路,乃可勝也。」延壽不從,引軍直進,去安市城 歸則泥潦爲阻 五萬救安市。 E 數十萬衆可不戰而降。」上不應。戊午(二十二日)諸軍並進,高麗兵大潰,斬首二萬餘)渡澤東。 乙亥(初八日)高麗步騎四萬救遼東, 泥淖二百餘里,人馬不可通,將作大監閻立德布上作橋,軍不留行。壬申(初五 上謂侍臣曰:「今爲延壽策有三:引兵直前,連安市城爲壘,攻之不可猝下, 坐困吾軍, 上策也。拔城中之衆,與之宵遁,中策也。來與吾戰, 既合戰,唐兵不利。[江夏王]道宗收散卒,與 下策也。」 撤橋以堅

攻安市, 江夏王道宗督衆築土山 骨,皆躡吾後,不如先破安市,取建安,然後長驅而進,此萬全之策也。上乃止。諸軍急 草臣亦曰:張亮在沙城(胡注云:沙城即卑沙城),召之,信宿可至。併力拔烏骨城, 於上曰:「安市人自爲戰, 安市在北,吾軍糧皆在遼東,若賊斷吾糧道,將若之何?不如先攻安市,安市下, 鐵甲萬領, 級。己未(二十三日)延壽、惠真帥其衆三萬六千八百人[來]降。 不能堅守,移兵臨之,朝至夕克,其餘當道小城望風奔潰,鼓行而前, 一日)渡遼水。 E 草枯泉凍,) 勑班 , 建安兵弱而糧少, 公可先攻建安, 建安下, 則安市在吾腹中。」對曰:「建安在南,)辛未(初五日)上徙營安市城東嶺。 」上曰:「以公爲將,安得不用公策。」世勣遂攻安市,攻久不下。 直取平壤,在此舉矣。上將從之,獨長孫無忌以爲建安城之虜衆猶十萬,若向 師, 佗器械稱是。 遼澤泥潦, 命李世勣、 士馬難久留 高麗舉國大駭, 車馬不通,命長孫無忌將萬人剪草填道,以車爲梁,上自繫薪 未易猝拔, 江夏王道宗將步騎四萬爲殿。 且糧食將盡,九月(大盡。 | 逼其城,晝夜不息,凡六旬,用功五十萬。上以遼左早 烏骨城(寅恪案:在今遼寧蓋平縣東境地)耨薩老耄, 上之克白巖也, 上驛書報 太子, 寅恪案:是年八月小盡)癸未(十 乙酉(二十日 謂李世勣 更名所幸 獲馬五萬匹, 曰:「吾聞安市 Ù.)至遼東。 平壤必不守矣。 高延壽、惠真請 駐 蹕 ili 丙戌(二十 牛五 則取建 城 秋 渡 險而 七月

鳥

頭,

寅恪案"唐代州治在今山西太原省會西南三十里)。 柒玖州郡典太原府并州今理太原、晉陽二縣,去西京一千三百里,去東京八百八十五里。 柒捌上谷郡易州,去西京二千一百九十七里,去東京一千四百六十二里),丙戌(二 指所御褐袍謂太子曰:「俟見汝,乃易此袍耳。」在遼左雖盛暑流汗弗之易,及秋穿敗,左 州盧龍縣臨榆關在縣城東一百八十里據此當即今山海關地),道逢太子。上之發定州也, 馳驛祀徵以少牢,復立所製碑,召其妻子詣行在勞之。丙午(十一日)至營州,丙辰(二十 人,戰馬死者什七八,上以不能成功,深悔之。歎曰:「魏徵若在,不使我有是行也。」命 於馬鞘以助役。冬十月(小盡)丙申朔(初一日)上至蒲溝駐馬,督填道諸軍,渡勃錯水(胡 右請易之,上曰:「軍士衣多弊,吾獨御新衣可乎?」至是太子進新衣,乃易之。十一月 日)車駕至定州。 (大盡)辛未(初七日)車駕至幽州。庚辰(十六日)過易州境(寅恪案:今河北易縣。通典壹 一日)上聞太子奉迎將至,從飛騎三千人馳入臨榆關(寅恪案:通典壹柒捌州郡典北平郡平 [貞觀]二十年二月(大盡)乙未(初二日)上發并州。三月(小盡)已巳(初七日)車駕還京師(寅恪 蒲溝勃錯水皆在遼澤中)。暴風雪,士卒沾濕,多死者。凡征高麗戰士死者幾二千 壬辰(二十八日)車駕發定州。 十二月(小盡)戊申(十四日)至并州

案:即今西安市)。上謂李靖曰:「吾以天下之衆困於小夷,何也?」靖曰:「此道宗所解。 外族盛衰之連環性及外患與内政之關係

江 夏王 道 宗, 具陳在 一駐蹕 時乘虚取平壤之言。 **悵然** 曰 當時 匆匆

其城 之, 泥淖 從海 在速 高 太宗 勣 載 太宗伐 延 北行 道 上在 阻滯 時 戰速决 發洛陽 妨先作豪 長孫無忌等之言可知 遼 能 攻 高 惠真 左 Ŧī. 軍 唐 自 至 滅 也。 秋晚 月中 星 其 太宗之伐 麗 麗 若至 李世 之功 攻 國 品 者 氣 期之久 與百 烏骨之策及太宗越安市 旬 又歷二月之久 《候轉 以收 秋季不能復 將 績 動會集陸軍 多 高 固由 濟之關係 盡之際矣。 是官 變 麗, 人心 也。 始與 敵 書館 糧道 於貞觀十八年秋冬間著手準 X 甚 世 至五月初 即 有 衣褐袍之時 斯亦英雄權 至太宗雖經寒暑不肯易弊褐 大 、戰鬥主力於 又頓兵安市, 勣 飾 内 不 會兵 其 亂 通, 觀於同 失 口 乘, 先取 敗 若不 李世 其軍行 之詞 譎之一端歟? 幽州 建安之議實 M 急速班 一李世勣之人在太宗貞觀時 無論成敗如何, 動軍 由六月二十日 百 ?已嫌 既 濟先已取 於是 進 不足信 師 遲 至遼東 皆 緩 開始 備, 又張亮等雖克卑 則將 得 不可 故亦 城下 出動 事傳為美談 及攻 至九月十八 至半歲 斷不能不 全軍 要為 施 可 窜 行, 覆没。 不辨。 太宗 之後 遼東 其 蓋非 主 祇為快意之談耳 班 亦於此 沙, 日三月之久而 俟至 天 不能克高 城 師 江 之一 即貞 實則太宗 夏 歸 氣 經十 竟無大效者, 來, Ŧ 也。 候稍 時 觀 道宗出 吾不憶也。 有二日 渡 + 麗 與太子相見。 遼澤 九年二 其 明 暖之時 他 知 不能 而 奇之 觀李世 方 史 此 在 殆以 役利 克取 月間 能 不 高宗 但為 能 克

新

語書演

貳拾東夷傳高麗傳(參舊唐書壹玖玖上東夷傳高

麗傳、

唐會

要玖伍

高句麗條

云:

舊唐書壹玖玖上東夷傳新羅傳(參新唐書貳貳拾東夷傳新羅傳、 辱夷 六。郭待封以舟師濟海趨平壤。三年(是歲改元總章)勣率[薛]仁貴拔扶餘城,它城三十皆 民。徙安東都護府於新城。藏以永淳初死,舊城往往入新羅,遺人散奔突厥靺鞨。 佰壹咸亨元年條作劍) 牟岑率衆反,立藏外孫安舜爲王。韶高偘[等]討之,舜殺鉗牟岑, 功者,授都督刺史令,與華官參治,仁貴爲都護,總兵鎮之。總章二年大長鉗 六城户六十九萬, 剖其地爲都督府者九, 州四十二, 縣百。後復置安東都護府, 克。」男建以兵五萬襲扶餘,勣破之薩賀水上,進拔大行城,契苾何力會勣軍於鴨緑 所以不得志者,虜未有璺也。今男生兄弟閱很,爲我鄉導,虜之情僞我盡知之,故曰必 納款。侍御史賈言忠計事還,帝(高宗)問:「軍中云何?」對曰:「必克。先帝(太宗)問罪 爲遼東道行軍大總管,轉燕趙食廥遼東。明年勣次新城,城人縛戍酋出降, 求救,蓋蘇文弟亦請割地降。[乾封元年]九月[龐]同善破高麗兵,男生率師 走新羅。品徙都護府治遼東州。儀鳳二年授藏遼東都督,封朝鮮郡王,還遼東,以安餘 [泉]蓋蘇文死,子男生代爲莫離支,與弟男建、男産相怨。男生據國内城, 城 ,悉師圍平壤。九月勣縱兵譟而入[城],執[高麗王高]藏男建等, 唐會要玖伍新羅條)略云: 收凡五部百七十 動進拔城十有 來會。 遣子獻誠入朝 (針 播酋豪有 以李勣

詔新羅纂集士馬 應接大軍。新羅遣五萬人入高麗南界,攻水口城,降之。

秋遣使上表求救。顯慶五年命左武衛大將軍蘇定方爲熊津道大總管,統水陸十萬, 廣皆北 亨五年納高麗叛衆,略百濟地,守之。帝(高宗)怒,以其弟仁問爲新羅王,自京師歸國 秋爲嵎夷道行軍總管與定方討平百濟,俘其王扶餘義慈獻于闕下。 真德卒,以春秋嗣立爲新羅王。六年百濟與高麗、靺鞨率兵侵其北界,攻陷三十餘城, 地及高句麗南境, 是新羅漸有高麗、 韶劉仁軌[等]發兵窮討,破其衆於七重城。韶李謹行爲安東鎮撫大使,屯買肖城,三戰 [貞觀]二十一年[新羅王金]善德卒,立其妹真德爲王。永徽元年真德大破百濟之衆。三年 法敏遣使入朝謝罪, 東西約九百里,南北約一千八百里」,語較明悉)。 百濟之地, , 仁問乃還(自「龍朔元年」至「仁問乃還」一節爲新傳之文)。自 其界益大, 西至於海 (寅恪案:唐會要云:「既盡有百濟之 龍朔元年法敏襲王。 仍令春

唐會要玖伍百濟條(參考舊唐書壹玖玖上、 新唐書貳貳拾百濟傳)略云:

萬。至是以其地置熊津、馬韓、東明、金漣、德安等五都督府,各統州縣, 麗,百濟懷二,數年之間朝貢遂絶。顯慶五年八月十三日左衛大將軍蘇定方討平之,虜其 渡海至倭國,與新羅爲仇讎。貞觀十六年與高麗通和,以絶新羅入朝之道。太宗親征高 百濟者乃扶餘之别種,當馬韓之故地, 王義慈及太子崇將校五十八人送於京師。其國分爲五部,統郡三十七,城二百,户七十六 ,大海之北,小海之南,東北至新羅,西至越州, 立其酋長爲都

維持 寅恪案: 新 n+ 終不能有 唐書順壹 現 吐谷 Ż, 招還 子扶餘豐於倭, 蕃之入,召宰相等議先擊吐蕃,議不決,亦不克徙。咸亨元年入殘羈緊十八 龜茲撥換城 自是歲 自 狀之政策。 而致大敗之事 直 渾 出 福 遺 豐走, 陸上 信與 計 入邊 人。 則以吐 時 吐 而 代 有 吐 浮 麟德二年與新羅王會熊津, 不 高宗 命左衛郎將王文度爲都統, 惟大同 其 於是安西 破有諸羌羈縻十二州。 蕃傳《參舊唐書壹玖陸 屠 知 藩熾 世 並 道 立爲王。 可知也。 所在 護 獲勝之重要原因在 琛反」至「亦歸京師 盛 吐谷 江以南之地實際雖不能有,而名義尚欲保留, 1四鎮 諸城皆復。 龍朔 自此以後 西北危急 渾 並廢。 還國 元年 師凡十餘萬, 詔 [劉]仁軌發新羅兵往救,二年[劉]仁願 上吐 帝(高宗 總章中, 高 萨 更無餘 乘 麗 仁貴爲邏 刑白 高麗之内 節 蕃傳及舊唐 廢 總兵以鎮之。 爲新傳之文。 力經營東北。)以扶餘隆爲熊津 馬 議徙吐谷渾於涼州, 新 以盟, 羅 至大非川, 安道行軍大總管 蜀 及據 書捌叁新 渤海 仁願 [舊將]福信與浮屠道琛反, 新羅、 觀其 興, 等還, 爲欽陵所拒, 唐書 都 唐室 徒新克高 百濟之形勢。 督 壹壹壹薛仁貴 隆畏衆攜 傍南 對於東 阿史那 俾歸 及至玄宗開元全盛之 麗勝 الز 國 北 道真 I 遣劉 散 遂消 將薛 師 州 帝(高宗 然既 平新 敗 傳 1-亦歸 率于 極 續 郭待封 得 羅故感, 軌 略 採 貴 迎故 京師。 破(其 其 XI Z

下篇

退守 以

或 討

遂滅

副 取

闡

叶

Ŧ

或

中

安

時, 古史者讀之,不能不為之驚心怵目, 即此 虚名亦予 放棄, 斯誠可謂唐代對外之一大事。 感歎不已也。 兹特多錄關係史料全文於下, 治吾

册府元龜玖柒壹外臣部朝貢門云: 開 元二十四年]六月,新羅王金興光遣使賀獻表曰:「伏奉恩物: 浿江以南宜令新羅

降雨 臣生居海裔, 露之思, 發日月之韶 沫化聖朝, 錫臣土境, 雖丹素爲心, 廣臣 邑居, 而功無可 遂使墾闢 效, 以忠正 有期, 一爲事, 農桑得所, 而勞不足 臣奉絲綸之 陛下

日荷榮寵之深,粉骨糜身,無繇上答。」

中國未能增強, 大和三年南詔遂陷 開始衰弱 中 南蠻傳南詔傳, 與其 他外族盛衰之連環性, 文宗以後愈見不振, 及舊唐書壹玖叁杜元穎傳、新唐書玖陸杜如晦傳附元穎傳), 中國自韋皋帥蜀, 觀前引關 邛、戎、 於吐蕃諸條, 嶲三州,入掠成都(見舊唐書壹玖柒新唐書貳 定與南詔合攻吐蕃之策, 其概略匕可 推知。 吐蕃之國勢白貞 南韶 西川 屢 得 大困。 勝 元時 貢 通 而

初安南都 護李琢爲 政 貪暴 群 蠻怨怒 導南韶侵盗邊境, 自是安南始有蠻患。

貳肆玖大中

十二年六月條略

云

同書同卷大中十三年末條略云。

初

章皋在西川開青溪道以通群蠻,使由蜀入貢。又選群蠻子弟, 聚之成都教以書數,

頗擾邊境。會宣宗崩, 所從嫌人寝多, 如是五十年, 杜悰爲 草蠻子弟學於成都者, 中使告哀, 西川節度使,奏請節减其數 豐祐亦卒, 殆以千數, 子酋龍立, 軍府頗 韶從之。 禮遇[使者]甚薄。 厭於廩給。 南部豐祐怒, 又蠻使入貢 上(懿宗)以酋 自是入貢不 利於

胡注云:

龍不遣使來告喪,又名近玄宗諱,

遂不行册禮。

酋龍乃自稱皇帝,

遣兵陷播州。

爲南韶攻蜀攻交趾張本

然則 患而已, 為敵之故 宣宗末世南韶始大為邊患。其強盛之原因 當別於後述之, 此所謂外族盛衰之連環性也。 茲暫不涉及。又凡唐代中國與外族之關 至中國内 則緣吐 政 所受之影響直關 蕃及中 或 既衰, 係今已論其 唐 室之 其鄰接諸國 重要者 覆亡, 俱 不僅邊 其餘 無 力足與 境之

然可以前所言之義例推之也。

中國 於宗教文化者, 和平及戰爭互相接觸之頻煩 無論 何代, 即當堅持閉關政策之時,而實際終難免不與其他民族接觸,李唐一 固非今所論之範圍 尤甚於以前諸朝,故其所受外族影響之深且鉅,自不待言。但關 即直接有關内部政治者, 亦只能舉一二大事 代其與 以為例證 外族

鄴侯家傳論府兵廢止 外族盛衰之連環性及外患與内政之關係 之原因, 其一為長期兵役, 取劉仁軌任洮河鎮守使為例 證 (見玉 海壹叁捌

四七

末遑詳

盡論

述之也

仍免庸 以 故 代府兵為兵農合 不及 兵制 大之影響也。 直 H 據以 心之時 豪户者 一諫類貞 叁 三所引 調 所得勝任。 其 期者 推 為通典 疆 不同 觀三年韶關 定龍朔三年七月制中「八等」之「等」乃指户籍等第 土 此 通鑑 (關於府兵制前期問題, 又延包中 制之前載 陸 實在設置軍 一制一點 然則鄴侯家傳所述誠可謂 即此 食貨 貳 (全 頂 中租稅免二年條(參唐會要捌伍團貌雜録條及魏鄭公諫録 制 典 國西北之邊境 (高祖 已推廣普及於設置軍府地域內全部人民之確證也。 賦稅 貞 恐讀者尚持葉水心兵農分離説而 府 元 地 二年八日 武德]九年三月韶「天下户 下載唐高宗龍朔三年七月制「衛士 域内 月條 兵農之合 詳見拙著隋唐制度淵源略論稿兵制 故 不能 亦採自鄴 一語破的, 不有長期久戍之「長征健兒」, 0 吐蕃 侯家 此吐蕃之強盛所給予唐代 強盛之長久,為與唐代接觸諸外族之所 傳 ,立三等, 也)。 而言, 不之信,請略舉一二例證 蓋唐代府兵之制其特異於西 八等已下每年放還, 未盡 然則 升降, 此 制 章 一為戈本貞觀政 與 而 宜為九等」之文。 其 茲可 非 初期 中 從事 云 不論 國 僅籍六等 内政 農 令出軍 以袪其 惟唐 更 最

點入軍 國家衛士不堪攻戰豈爲其少?若精簡壯健, 右僕射封德彝等並欲中男十八已上簡點入軍, 中男已上 若實大 |雖未十八,身形壯大,亦取!|徵又不從。太宗曰:「中男若實小, 亦可簡取 徴日 一若次男已上盡點入軍 人百其勇, 粉三四出。[魏]徵奏以爲不可。 何必在多?」 租賦雜徭將何取給?且比年 太宗怒, 自不

通鑑壹玖貳武德九年十二月亦載此事, 胡注云:

唐制民年十六爲中男,十八始成 丁,二十一爲丁,充力役。

人之身兼充兵務農之二業也,豈非唐代府兵制兵農合一之明證乎?斯事今不能詳論, 據魏徵「租賦雜徭將何取給」之語推之,則當日人民未充衛士時亦須擔負租賦雜徭之義務, 僅略述大 是一

意,附注於此。

響及戰時之財政經濟者, 迴紇與中國摩尼教之關係, 論者頗衆, 亦非所欲論, 又不屬本書範圍,自可不言。其族類與中國接觸, 茲僅略述迴紇與中國在和平時期財政經濟之關係於下: 而影

新唐書伍拾兵志云:

乾元後迴紇恃功, 歲入馬取繒, 馬皆病弱不可用。

書伍壹食貨志云:

國財力屈竭,歲負馬價。 迴紇有助收西京功,代宗厚遇之,與中國婚姻,歲送馬十萬匹,酬以鎌帛百餘萬匹,而中

舊唐書壹貳柒源休傳略云:

同書壹玖伍迴紇傳(参新唐書貳壹柒 迴紇]可汗使謂休曰:「所欠吾馬直絹一百八十萬匹, 上回鶻傅)略云: 當速歸之!

迴) 統恃功, 自乾元之後屢遣使以馬和市繒帛, 仍歲來市, 以馬一匹易絹四十匹(新傳絹作

苦之。 領馬 縑 一萬匹來求市, 動至數萬馬 是時特韶厚賜遣之, 其使候遣 代宗以馬價出於租賦, 示以廣思, , 繼留於鴻臚寺者非一。 蕃得帛無厭, 且俾知愧也。是月(大曆八年 不欲重困於民, 命有司量入計, + 我得馬 月)迴紇使使赤 無用 許市六千匹。 朝廷 其

有司計之,禮費約五百萬貫,方內有誅討,未任其親。

貞元]八年七月,以迴紇藥羅葛靈檢校右僕射,仍給市馬絹七萬匹。

回鴨請和親

憲宗使

新唐書貳壹柒上回鶻傳(參考李相國論事集)略云:

備虜。 回鶻 〕遺伊難珠再請昏, 禮部 殆欲風高馬肥 尚 書李絳奏言 而肆侵軼。 未報, 北狄貪没 可汗以三千騎至 北狄西戎素相攻討 唯利是視 鸊 鵜泉。 比 故邊 進 馬 於是振 規直, 無虞。 武 再歲 今回 以兵 1 鴨不 不至, 屯黑山 市馬 豈 治天 厭 繒 若與吐 帛之

蕃結約解讎, ,臣謂不然。我三分天下賦, 則將臣閉壁憚戰, 邊人拱手受禍, 以一事邊,今東南大縣賦歲二十萬緡,以一縣賦 臣謂宜聽其昏, 使守藩禮。 或 日

爲昏貨

降主

非損寡得大乎?今惜昏費不與, 假如王師北征, 兵非三萬, 騎五千,不能打且馳也。又如

白氏長慶集肆新樂府 保十全之勝, 歲輒罷, 云 其饋餉供擬豈止一縣賦哉?」帝(憲宗)不聽。

陰山

六七。 號可敦 羸 陰山 道 飛龍 縑絲不足女工苦, 陰山 遠爲可汗頻奏論。元和二年下新敕 但印 骨與皮。 道, 紇邏敦肥水泉好。每至戎人送馬時, 五十匹練易一匹,練去馬來無了日。養無所用去非 疏織 短截充匹數。 藕絲蛛網三丈餘, 内出金帛酬馬直。 道旁千里無纖草。 迴紇訴稱無用處。 仍韶 江淮馬 宜,每歲死傷十 草盡泉枯馬病 價練 咸 從 安 公主 此

寅恪案: 好, 馬漸多。 陰山 虜, 奈爾何 1

短織。合羅將軍呼萬歲,捧受金銀與繒綵。誰知點虜啓貪心,明年馬來多一倍。縑漸

不來侵邊境也。 迴紇之利, 唐與迴紇在和平時之關係中,馬價為國家財政之一大問題,深可注意。李絳所言許昏 憲宗豈是不知?而終不聽者 白香山 一新樂府之陰山道一詩即寫當日之實狀者,據舊唐書肆捌食貨志(通 實以中國財力有所不及, 故寧可吝惜昏費 而僥 侍其

食貨典租稅下同)云:

時, 開 惡不得至濫,任土作貢,防源斯在。而諸州送物,作巧生端, 元八年正月勑:「頃者以庸調無憑,好惡須準,故遣作樣, 至有五丈爲匹者,理甚不然。闊一尺八寸,長四丈,同文共軌,其事久行 亦載此數,若求兩而加尺,甚暮四而朝三,宜令有司簡閱, 以頒諸州 苟欲副於斤兩, 有踰於比年常例, 丈尺過 令其 好不得過 遂則 立樣之 加其丈

下篇

多奏聞

唐代定 制 ,絲織品以四丈為一疋, 而迴紇馬價縑一疋長止三丈餘, 且疏織, 宜召迴紇之怨

訴。 唐室之 應付此 項財政困難問題,計出於無聊, 抑又可知矣。

又迴紇在和平時

期,

與唐代中國政府財政關係既

如上述之例,其與中國人

民經濟關係亦有

可略

册府 元龜玖柒玖外臣部和親門(參考舊唐書壹叁叁李晟傳附基傳)云:

本錢 宣州别駕。 大和五年六月有龍武 不得輒與蕃客交關, 歲月稍深, 下韶戒飭 徵索不得, E 大將軍李慧之子某借迴統錢 :「如聞頃來京城内衣冠子弟及諸軍使並商人百姓等多 委御史臺及京兆府切加捉搦, 致蕃客停滯, 市易不合及時。 一萬一千二百貫不償 仍即作件聞奏, 自今已後, 其今日已前所欠負 爲迴 諸色人宜准 約 有舉 所訴 諸 勑 互市 貶基 蕃客

委府縣速與懲理處分!」

又新 始迴 唐書貳 約 壹柒 至中 國, 常參以九姓胡, 開傳(參考舊唐 書壹貳柒張光晟傳及通 往往留京師, 至千人,居貲殖産甚厚。 過鑑頂頂 (陸建中元年八月甲午條)云: (上篇已引。

也。 據新 其 耶?斯亦唐代中國在和平時期人民所受外族影響之一 唐 假 借 重 迴紇 貢 壹 K 为 两 僑 域 居中 傳 康 國 或 [傳(上 居貲殖産, 篇已引), 殆如 九姓 今日 胡即中 隨太商 例也 亞 昭武 人假借 九姓 歐美列強勢力來華通商致富 族 類 所謂 西 域 買 胡

及新

壹 肆 催 融 傳 附彥曾傳等 ")略 三.

焚掠。 擅斧 之。 射義 州 咸 使崔彦曾慰安之, 入徐州 通中 勛以[其父]舉直守徐州(承訓使降將張玄稔破徐州),勛聞徐已拔 成軍節度使徐 庫 六歲不得代。 南 承訓悉兵 據之。 詔 劫戰械 復盜邊 帝遣 八萬逐 次潭 泗 推糧料判 列校許信、 行 中 武寧兵七百戍桂州(寅恪 北 督 À 康 都 官 道 沙陀將朱 監軍能 招 1雕勛 隱宣慰徐 討使, 趙可立 奪 爲 其兵 長, 邪 率魏 因 州 赤衷急追。 衆怒, 勒 博、 衆 道 勛 隱還, 畏必誅, 上道。 案 鄜延、 殺都 新唐 至宋 將, 懿宗 百 義武、 一求節 篡舟 書陸伍方鎮表武寧軍 州 詣 遣 監 度。 循 中 鳳翔、 勛焚 軍 江 一使丐 T, 張敬思部 帝乃拜 南城 沙陀 益衰 糧鎧 自石 承 爲 叶 送, 北 兵 刺刺 渾 檢 還 節度使治徐 史 而 兵二十 招 詔 校 鄭 西 尚 Ì 不許 本 處 命 道 所在

Ŧ 唐 播 書壹 貳壹肆藩鎮 傳 附 玖下 九 傳、 -僖宗 壹柒壹 澤 潞劉 悟傳 紀 (参考舊 李光顔傳、 唐書壹陸 又同 壹捌捌楊行 書肆叁下 壹 李 光顔 地理志 密傳、 傳, 羈縻州 壹捌 新唐書壹 玖高 迴紇州 陸 仁厚傳、 鷄 田 鄭 餘 州 條 貢 慶傳附 佰捌宦者傳 陸肆方鎮 從 讜傳、 表 興 壹 (鳳雕 令攸 陸柒

破, 級

亳。

承訓兵循涣

賊走

官兵

斷橋,

不及濟,

承訓

乃縱擊之,

斬首

萬 所

沖

萬

右僕

遂

觀

即

餘皆溺 將南趨

死

閱

E

得

勛 而

屍 東

欄大中五年條等)略云:

郛郭而去。

度使李福悉其師援之。時沙陀軍五百騎在襄陽, [乾符四年] 十二月賊(黄巢)陷江陵之郛, [荆南節度使楊]知温求援於襄陽, 軍次荆門, 騎軍擊賊, 敗之, 賊盡焚荆南 山南東道節

用殺賊無非手刃, [中和三年] 四月庚長收復京城, 入陣率以身先, 天下行營兵馬都監楊復光上章告捷曰 忠武黄 頭軍 使龐從等三十二都隨李克用自 雁門節 光泰門 度使

師,

力摧兇逆。

伏自收平京國, 三面皆立大功, 若破敵摧鋒,

雁門實居其首。

H

李克

王鐸京

陀, 罷 行替都統 , 成破賊之効, 欲權歸北司, 一時中尉田令孜用事, 自負帷幄之功, 以鐸用兵無功, 乃黜王鐸, 而悦復光也。(中和三年五月條中篇已引。) 而由楊復光建策 召沙

史料 外, 寅恪案 「闕少, 殆不易得其 唐中央政府戰勝龐勛 未能 他可用之武力也。 於此詳論。 總之, 黄巢, 觀於唐季朝廷之忍恥曲宥沙陀, 至黄 實賴沙陀部落之助, 頭軍疑出自迴紇, 與沙陀同 蓋府兵制度破壞己久之後, 終收破滅 為胡族。 黄巢之效, 兹以 其問 題複雜, 捨胡兵 則外族

又新 唐 書貳貳貳中南蠻傳南詔傳(參通鑑貳伍叁廣明元年條及胡注)云:

與内

政

開

係之密切

可以推

知也。

會西 川節度使陳敬瑄重申和議 時盧携復輔政 與豆盧豫皆厚[主和之高]駢, 乃誦說帝

充滿 賦輸不内京師 (僖宗)曰:「宣宗皇帝收三州七關, 故宰相[白]敏中領西川,庫錢至三百萬緡 一破黔州 者過半 中藏空虚 四盗西 遂圍盧 士死瘴癘, 平江嶺以南,至大中十四年內庫貲積如山 射, 召兵東方, 燎骨傳灰, ,諸道亦然。咸通 戍海門, 人不念家, 亡命爲盗, 可爲痛 以來, 天下騷動,十有五年, 蠻始 叛命, 户部 再入 延資

史家推迹 二年十二月己卯史官李吉甫撰元和國計簿條),時溥復斷絕南北運輸之汴路 自咸通以後,南詔侵邊,影響唐財政及內亂頗與明季之「遼餉」及流寇相類, 亡於黃巢 耕集及 相關係之顯著例證也。 拙著秦婦吟校箋), 龐 而禍基於桂林。 勛之作亂, 夫黃巢既破壞東南諸道財富之區(見上篇所引舊唐書壹肆憲宗紀上元和 由於南 藉東南經 」(新唐書南詔傳論 韶之侵邊, 濟力量及科舉文化以維持之李唐皇室, 而勛之根據所在適為汴路之咽喉 0 嗚呼 !世之讀史者儻亦有感於斯言歟? (詳見崔致遠桂 遂不得不傾覆矣。 此誠外患與 故宋 子京曰:「唐 内亂互 一苑筆

陳寅恪集後記

我們 家最好的箱子裝載 從小 就知道全家最實貴 家人呼之為 的東西是父親 一文稿箱 的文稿。 0 避日 從抗戰 軍空襲時 逃難直至 首先要帶的就是 「文化大革命」, 一文稿箱 父親 0 文 稿 出 都是 版 父親文 用全

集自然是父母

也是

我們

姐妹

最

天心

願

道變換 嘗侮 食 生坎坷 自 矜 病殘 齊 曲 至, 抗日 學 Kp 始終 [烽火中, 世 未 0 曾 如 顛沛 間 今父親全 斷 學 流 離, 術 創 集出 生活窘 作。 版 而父親為學 迫, 學界儻能於研究父親著述 雙目失明, 貫堅持 暮年 獨 骨折卧床, 立之精 時, 神, 更知 更經 自 父親 流痛苦。 由之思 此 然而 種 想 精 神 無論 世

在,則為我們姐妹辛勞的最高報償。

稿 中 棺尚遠。 九六二 竟被洗劫一 送交蔣 終未 」父親聽了很高 年 胡 能 天樞先 空, 喬 見到陳 木同 片紙 生。 集出 志來 不留 蔣先生沒有辜員父親 版。 訪 興 父親生前已將出 以為有望見到文集面 談及文稿 「文革」 結束 父親 後 囑 直言: 版文稿重任託付於弟子蔣天樞先生, 託 我們 世。 付 出 姐妹將歷經曲 蓋棺 豈知 艱 E 有期, 「文化大革命」 一勞動 出 於一九八〇年主持 折於一九七八年五 版 無 日。」 開 始 胡 父母 答: 不料文稿在 月追 出 備受 版 H 推 版 陳寅 的父親文 殘, 有 一文革 期 俗文 蒼涼

由上海古籍出版社刊行,

這只是父親文字的一部分。一

九八八年六月,

蔣天樞先生不幸突然病

在出 我們姐妹繼續收集整理父親的文字。

代為出版文集過程中已親自審定文集編目及有關事宜 夢未定稿據一九八七年六月收回的殘稿作了校補外, 集(高僧傳之部), 現 (詩存), 元白詩箋證稿, 版的 一九八〇年出版的寒柳堂集 陳寅恪集 書信集, 並講義及雜稿(兩晉南北朝史講義、 讀書札記一集(舊新唐書之部)、二集(史記 是在上海古籍出版社所刊印之陳寅恪文集基礎上進行的, 柳如是別傳諸集, 金明館叢 此次出版時作了校對, 稿 初編 其餘編排均不作變動 唐史講義、 故仍按父親原意進行。而此次刊行全集所增 一編 除寒柳堂集中 隋唐制 備課筆記、論文、 漢書、晉書、 度淵 因父親生前 詩存併 源略論 唐人小說等之部 增加了陳寅恪詩 講 X 稿 託付 話、 詩 唐代政治史述 集, 評語 蔣 寒柳 天 福先生 E) (= 補之 堂記 聽課 附

内容

則是期望從不同角度反映父親的學術生涯。

晚年整理就緒 利文長老尼詩偈集中文舊譯並補譯及解釋其 而未成之稿」, 父親的文稿墨跡命運亦如其人, 九八七年六月兩次收回詩文稿,但仍未全部歸還。 有的在運輸途中被盜。 准 如蒙古源流注、 備出版的文稿, 世說新 或存放親友處丢失,現下落不明, 頻遭劫難, 於「文革」中全被查抄, 語注、 面世困難。抗戰時已遺失了多箱撰有眉識的書籍, 詩等等(見一九四二年九月廿三日父親致劉 五代史記注、 即便抗戰勝利後在清華大學授課 一文革 佛教經典之存於梵文者與藏譯及中譯合校、 」過去撥亂反正後, 難覓其蹤。這些皆為父親「廿年來所擬著述 雖於一九七八年五月及 (永濟信)。而父親 研 其中有的被戰 究之講義 田

資料 目 前所收 亦未 集之最全者 曾得見。 而 拟名 總之, 陳寅恪全集」,轉又考 散落在各處的文字, 慮到其 迄今尚有部分未能 實並 不 能 全」,故稱 獲見。 這次刊印 陳寅恪 父親文集 集 因 其 為

枚舉 生的 及參 外學者弟子, 此 於上海古籍 次父親 經十 夫人錢 與 年 難 輯 以 錄 並 出 澄女士, 作付梓, 難曲 我們 版社 審 敬 閱 主 折 列 讀 姐 持 妹 華忱之先生 書 出版 一聯書 陳寅恪集終於面世, 在 札 的友人以及相 此 記 店非 T 謹 等多位先 陳寅恪文集, 向 一等將 常重 切參與 珍藏 生亦於 元視, 識或不相識的各界人士支持 投入很大力量以 J 當此之時, 黄萱先 推動 多年 此 併致謝。 文革 生協 幫助 我們百感交集, 助 劫後幸 蔣先生 保證質 支持出 在 我們 一做了 版陳寅恪集的 常 量 存的父親 收集父母 助。 不少 同 真不知何以 首先感謝 時我們 詩文書 I 書 作。 函 人士 贈 得 送, 到父母 信資 校補 表述其 蔣 表示衷心 天樞先 寒柳 各種支 料 调 親 經過 程 堂 4 朋 感 持 故 中 記 九八〇 幫 夢 未 助 劉 海 不 節 定

述。 版 前稍 陳集為中 的 留 而今陳集 這 二二痕 些文字, 外 學者 跡以自作紀念」, 業已付印, 作為祖國文化遺產 深望, 我們希望以此集告慰逝去的父母, 此 書之所以 他於 遲至今日方能面 獻給後世 賸有文章供 相知。 父黑人 世, 之時, 其間 父親自謂 有許多我們始料未及的 尚望 一文字結習與生俱來, 後世 相知 備 破 顏 困 0 擾 我們一 必欲於未死之 於此 更希望將 無

陳 美延 謹述 一九九九年七月三日父親誕生一百零九週年

陳寅恪集再版説明

斯年、 再版 手寫本唐代政治史略稿 聯書店出 重印的機會我們做了少量校勘修訂工作, 致 初適 版的陳寅恪集十三種十四册, 致聞宥少數函件的 個別詞句作了變動; 時間認定, 自 00 如: 編排順序也相應有所變動。 略增改書信集、詩集中的某些注釋, 一年一月至二〇〇二年五月面世後, 糾正個别誤字、 圖片説明; 但未及增補近年 唐代政治史述論 更正 時 書信 來新 逾 八載。 發 集中致傅 現的 稿 現藉 對 照

在此, 仍一如既往得到大家的支持和幫助。 特向熱心提供資料及指出陳寅恪集中訛誤的讀者朋友, 致以衷心謝忱! 並希望此次再版重印後

些陳寅恪信札、

詩作,

亦屬憾事。

陳流求 二〇〇九年四月

